
This is a reproduction of a library book that was digitized by Google as part of an ongoing effort to preserve the information in books and make it universally accessible.

Google™ books

<https://books.google.com>



A

987,388

8



ԳՐԱԴԱՐԱՆ

ԳՐԻԳՈՐ ԵՄՍՈՎՈՎ

Կարգաթիվ 45

Wagner, Moritz, 1813-1887

Chomaynard, de

Ս. ՎԵԿՆԵՐԻ

54

ՃԵՆԵՊԵՐ ՀՐԳՈՒԹԻՒՆ

Ի Հ Ե Յ Ե Ս Տ Ե Ն

ԲԱՆԿԱՎ. ԹԱՐԳՄԱՆԵՑ

Հ. ՓԻԼԳՊՈՍ ՃԵՄՃՆԵՆ


ՄԻԻԹԱՐԵԱՆ ՈՒԽՏԵՆ



Վ. Ի. Ն. Ն. Ե

ՊԱՇՏՊԱՆ Ս. ԱՍՏՈՒԱԾԱԾՆԻ ՎԱՆՔԸ

Թ. 1851.



Good
even
ing
1915



GRAN
EREN

131
01.10.94

ՅԱՌԱՋԱԲԱՆ

ՎԵՐՋԻՆ դարերու մէջ քանի որ Եւրոպական գիտունք ակաւն հեռաւոր երկիրներ պտըտիլ, իւրաքանչիւր նահանգներու աշխարհագրական, մշակական, բնապատմական ու երկրաբանական հանգամանքը զննել անձամբ ու տեղն ի տեղը, եւ ամէն մէկ ազգին լեզուն, հնութիւններն ու սովորութիւնները սուր աչքով եւ գիտութեանց ներկայ տոտիճանին համեմատ դիտել, բազմաթիւ քննիչ հիւրերու տալընջական եղաւ մեր Հայաստանն ալ, որն որ առ խուզարկու ծամբորդներուն ունեցած գիտաւորութեան շատ կողմանէ առատ նիւթ կը մատակարարէր:

«Ասիայի քիչ երկիրները, կ'ըսէ Պր. Վակներ իր յառաջաբանութեան մէջ, հետազօտիչ, բնազնին, հնախօս եւ տօհմագիր¹ ծամբորդներու առջեւ կրնան պնչափ հարուստ հանք ու բովբէ բանալ, որչափ Եւրոպայի ասանկ մօտիկ եղող եւ դիւրաւ հասնուելու Հայաստանը: Ով որ Ռիդգերին յառաջակողմեան Ասիայի առ մասին վրայ հրատարակած սքանչելի ստորագրութիւնը կարդացեր է, կ'իմանայ թէ մինչեւ հիմակ աշխարհագրութեանց մէջ, առ կողմերուն վրայ ինչ թերի եւ պակասաւոր ծանօթութիւն կայ եղեր: Այնչափ երեւելի գետերու ընթացքին եւ անոնց աղբերականց ճիշդ նկարագիրը, հսկայ ու երկնաբերձ լեռներու ճշգրիտ դիրքը, հրաբխային յատկութիւններն ու քարի տեսակները, բազմաթիւ աղուոր լճերու մեծութիւնն ու բոլորտիքը, նմանապէս ուրիշ շատ տեղուանք մութ մշուշի մը մէջ էին, եւ ըստ մասին դեռ են: Հոս չէ թէ միայն աշխարհագիրն ու բնախոյզը դեռ քիչ մշակեալ դաշտ մը կը գտնէ, այլ նաեւ բնութեան պատկերակերպ ձեւերը սիրող երկրանկարները² բազմազարճ զբաղման եւ առատ զուարճութեան մը կը հանգիպին: Կարին քաղքէն միայն մէկ քանի մղոն դէպ ի հարու երթալով՝ Թորգոմայ գետոյն հովիտը ջովէժ մը կը տեսնեն որ Եւրոպայի մէջ իր վսեմ գեղեցկութեան նմանը

1 Գլ. Ethnographie.

2 Գլ. Paysagiste.

չունի, եւ զորն որ գուցէ միայն Նիսկարայի քարավազը կրնայ գերազանցել: Այսու ամենայնիւ մինչեւ հիմայ տը-
պուած ճանապարհորդութեանց մէջ ասոր վրան եւ ոչ փոքր
յիշատակութիւն մը կայ: Ո՛րչափ դիմագրաւ ճամբորդներ
Ափրիկէի մէջ անգործադրական աշխատութեանց ձեռք կը
զարնեն, որոնցմով իրենց կորուստը կը գտնեն. հոս այս-
չափ մօտաւոր տեղ անվեհեր եւ քաջասիրտ պտըտող մը
համեմատութեամբ խիստ քիչ վտանգով ու աշխատանքով
կրնար երեւելի աշխարհագրական խնդիրներ լուծել յօգուտ
գիտութեանց եւ իր անունը յաւերժ դրոշմել:

"Հայաստան թաքուն կը պահէ ճարտարապետութեան
հին գանձեր, որոնք անցեալ ժամանակաց ամենէն հզօր ու
գեղեցիկ յիշատակարաններուն կարգն են: Դեռ քիչ ատեն
է որ Անի քաղքին հոյակապ աւերակները ճամբորդ հնախօս-
ներուն քննութեամբ մեզի քիչ մը ծանօթ եղան: Սակայն
մինչեւ հիմայ չկայ անանկ ճիշդ ստորագրութիւն մը, որ Հայ
թագաւորաց աս նախնի մեծապայծառ մայրաքաղքին մնա-
ցորդները բոլոր մանր ու հետաքրքրական մասերովը մեզի
ցուցնէ. գեռ հիմակ ալ հնախոյզ մը ասանկ աղէկ պա-
հուած ու փառաւոր աւերակները հիմնովին քննելու որ
ըլլայ, կրնայ երեւելի արդիւնք վառուրդել: Այսպէս նաեւ
աւերաշատ Հայաստանի ուրիշ զանազան կողմերը՝ Տիւ-
պուային ընտիր գրուածքներէն ետքն ալ՝ գիտուն քննողի
մը տաժանմունքը յորդ եւ լի կը վարձատրեն: Տօհմապիր
եւ լեզրաքնին մարդիկ Հայաստանի լեռնաբնակ ազգաց՝
Քիւրտերու, Նեստորականներու եւ Եզդիներու մէջ նմանա-
պէս դիտողութեան եւ ուսման կերպ կերպ նիւթ կը գտնեն,
ինչպէս որ բնախոյզն ալ Հայաստանի լեռանց կազմութիւնը,
կենդանիներն ու տնկերն իր զննութեանց նպատակ կ'ըն-
տրէ," :

Ահաւասիկ ասոնք են առաջին պատճառները, որոնցմով
գիտունք կը շարժին՝ զՀայաստան իրենց մասնաւոր քննու-
թեան եւ մտադրութեան արժւոյնի համարելու. իսկ իրենց
երկրորդ պատճառը, զորն որ նոյնպէս գրքերնուն մէջ առհա-
սարակ կը հրատարակեն, աս է որ թէ՛ Ասիայի եւ թէ՛ Եւ-
րոպայի մէջ այլեւայլ բազմաթիւ Հայազգի գաղթականու-
թիւններէն զատ՝ ընդհանուր ազգը Վրաստանէն մինչեւ

1 Ինչպէս են Արմաւիր, Արտաշատ, հին Անի կամ Կմախք, Վան,
Արծկէ, Բագարան, Աշտիշատ, Թիւն աւան, Գառնի, Դուին
եւ այլն. եւ այլն. եւ այլն:

Եզիպտոս, եւ Պարսկաստանէն մինչեւ փոքր Ասիայի ա-
րեւմտեան եզերքն ու անկից ալ անդին սփեւ, գրեթէ ի-
րարմէ անընդհատ ու երեք միլիոնէն աւելի բազմութեամբ
տարածուած կը տեսնեն, եւ կը սկսին քննել անոնց հան-
ճարն ու յաջողակութիւնը, լեզուն եւ կատարած գործաւ-
նութիւնները, յառաջացման համար ըրած ջանքն ու Մխի-
թարայ վանքերէն օրէ օրելած հարկաւոր ուսումնական գրքե-
րը: Աս երեւոյթներով պայծառ համոզում մը կը ստանան
թէ ասոնք ամենատենչ խաղաղութեամբ, բանաւոր, գովելի
եւ անկեղծ միաբանութեամբ, բարի կրթութեամբ եւ հի-
մնական ու շիտակ ուսմամբ յառաջանալու որ ըլլան, կրնան
օրինաւորապէս շատ ծաղկիլ ու պայծառանալ, եւ իրենք աս
վիճակին մէջ մտնելէն ետքը՝ կրնան նաեւ շատ գիտութեանց
նկատմամբ այլեւայլ փափաքելի պտուղներ տալ նոյն խնդ-
Եւրոպացւոց, եւ միանգամայն ուրիշ այնչափ ասիական ազ-
գերուն ալ, որոնք բոլորովին ագիտութեան խոր խաւարի
մէջ մնացած են, կարող կ'ըլլան խոհեմական ազդեցութեամբ
մը շատ մեծ հոգեւոր, բարոյական եւ մտաւորական օգուտ
մատուցանել, որն որ ընդհանուր մարդկութեան ալ երեւե-
լի բարերարութիւն կ'ըլլայ: Շատ բարեսէր եւ հմուտ ա-
րեւմտեանք հաստատ կը կարծեն թէ մեր ազգը վերոյիշեալ
բարիքները յառաջ բերելու մասնաւոր կոչում մ'ունենայ:

Այս ամենայն մտածմունքը խել մը ատենէ ի վեր աշ-
խարհագէտ Եւրոպացւոց զբաղման նիւթ եղած է, եւ ասոր
համար են այնչափ հետզհետէ տեսնուած գրքերն ու ճամ-
բորդութիւնները, որոնց մէջ թէպէտ մեր ազգին վրայ տեղ
տեղ զանազան թիւր կարծիքներ, անհիմն դադափարներ,
նախապաշարումներ, կամայ եւ ակամայ ծուռ խորհրդածու-
թիւններ ալ կը գտնուին, այսու ամենայնիւ իրենց այնչափ
գիտնական զննութիւնները զո՛ր եւ իցէ ողջամիտը կը համո-
զեն, թէ ուր որ անոնք ստոյգ արդիւնք ունեցած են նէ,
ճանչնայ եւ յարգէ, եւ իրենց կամաւոր կամ անկամ օրաւ-
մունքը ներէ եւ ուղղէ:

Այնպիսի ըսուիլ թէ աս աշխատասիրութեան մէջ ամենէն
առաջինը Գաղղիական ազգն եղաւ, որուն ուշադրութիւնը
մանաւանդ Գաղղիացի Յիսուսեան կրօնաւորներուն Հայոց
ու Հայաստանի վրայ տուած աղէկ եւ նպաստաւոր լրերովը
գրգռեցաւ: Ան ատեններէն մինչեւ հիմայ նոյն ազգէն
շատերը գէպ ի Հայաստան ճամբորդութիւն ըրին, եւ ընդ-
արձակ գրուածքներով ալ հրատարակեցին իրենց զննու-

Թիւնները . առոնցմէ գլխաւորաբար չորս կամ հինգ հասը զանազան նկատմամբ գիտնոց առջեւ մեծ ու գրեթէ դառա-
կան¹ յարգ ունին : Աշխարհաշրջիկ Անգղիացիք առ բանիս
մէջ չէ թէ միայն ուրիշներէն եա շնացին , հապա նաեւ
յաղթական ալ ելան իրենց ուղեւորութեան գրքերուն շա-
տաւթեամբը , որուն՝ առանձնական ճամբորդներէն զատ՝ Լոն-
տոնի աշխարհագրական ընկերութիւնն ալ ձեռնտու եւ
գրդիւ եղաւ . բայց առ Անգղիացի ճամբորդ եւ ուղեգիր
հեղինակներուն մէջ կան նաեւ մէկքանի բողբոջակոծ (էր-
թիւն) քարոզիչներ , որոնց անուղիղ գիտութիւնն ու
հնարքներն արդէն յայտնի են : Գերմանացիք մանաւանդ
վերջի ատենները սկսան ուսմանց առ ամբողջաբար ճիւղին
ալ մասնաւոր մատգրութիւն մ'ընել , եւ առաւելապէս երբ
որ Ռիդգեր մեծանուն եւ առաջին աշխարհագիրն իր բազմա-
հատոր մատենագրութեան մէջ միայն Հայաստանի վրայ գրե-
թէ 100 ութածալ ապտգրութեան թերթ հրատարակեց ,
որն որ քիչ ժամանակի մէջ սպառեցուն՝ նոր յաւելաւածնե-
րով երկրորդ անգամ ապագրեցաւ , որուն վրայ մօտերս
նաեւ 13—14 տախտակով Հայաստանի աալառ մ'ալ աւել-
ցուց : Եւ թէպէտ Խաւաղիք եւ մանաւանդ Ռուզը ալ առ
նիւթին վրայ բաւական գրուածքներ ունին , սակայն մինք
պարզապէս վերի երեք ազգաց մէջ Հայաստանի վրայ գրող
Եւրոպացի ճամբորդներուն աշխատասիրութեանց միայն ե-
րեւելիներն ալ համբելաւ ըլլանք , բաւական ընդարձակ մա-
տենագարան մը կը կազմուի :

Գաղղիացի հեղինակներուն ամենէն աւելի յարգի հա-
մարուածներն ու յիշուածներն են Տ' Անվիլ, Սեն-Մարգէն,
Ժօպէր, Դուանըֆոր, Դաւեանիէ, Շարտէն, Տիւպուա տը
Մօնբէռէօ, Դեքսիէ, Տիւփրէ, Փելլըս Ֆոնդոն, Պրոսէ,
Տը լա Բառա, Օդէր, Շինիլ եւ հեշաալուր նամականի
ըսուած գործքին Արեւելեան յիշատակագիր մասն ու ամե-
նէն վերջին Եւգինէօս Պարէ Զ :

Անգղիացուց առ մասին մէջ ունեցած երեւելի ուղեգիր-
ներն են Մորիթ, Բիննէր, Բէր-Փորդր, Էնսուրթ, Ուիլ-
պրէլմ, Պրանդ, Ֆրէզը, Շիլ, Հէֆլըն, Լորա Փալլինկոն ,

1 Գլ. Classique.

2 Առնց գաղղիներէն ուղղագրութիւնն ալ նոյն կարգաւ հոս կը
դնենք՝ D' Anville, Jaubert, Saint-Martin, Tournafort, Tavernier, Char-
din, Dubois de Montperreux, Texier, Dupré, Félix Fonton, Brosset,
De la Croix, Otter, Lettres édifiantes et curieuses : Mémoires du Le-
vant, Eugène Boré.

Ռիչ, Ուզլի, Սեուզը, Ֆորպս, Սաւթկէշ, Իլի Սմիթ Էնս Յուայդ¹ եւ այլն :

Իսկ Գերմանացւոց մէջ ամենէն երեւելին է Ռիզզեր իրրեւ հաւաքիչ եւ խմբագրիչ. ճամբորդներն են գլխաւորաբար Շուլց (որ գաղղիներէն գրեց եւ վանի Բիւրտերէն սպաննեցաւ), Բառոգ (ուրիշ մէկքանի հոգւով), Պէհակը, Բլափրոթ, Բուի, Մուլքէ, Միւլպախ, Մ. Վակներ² եւ այլն :

Աս վերջին ճամբորդը, այսինքն՝ Պր. Մաւրիախս կամ Մորից Վակներ, որուն քաղաքոյ թարգմանութիւնը հոս կու տանք, 1843ին գլխաւորաբար Ռուսի Հայաստանը պտըտեցաւ ու 1844ին նաեւ Պարսկաստանի ու Յաճկաստանի Հայաստանին մէջ շրջագայութիւն մ'ըրաւ : Ինք վերայիշեալ պատճառներէն զատ՝ իր աս ուղեւորութեան բուն անձնական շարժառիթներ ալ ունէր, զորոնք հետեւեալ խօսքերով կը ծանուցանէ : «Երբոր, կ'ըսէ, 1843ին դէպ ի Ռուսի Հայաստան ճամբայ ելայ, ինծի բուն նպատակ գրի զՄասիս : . . . Իսկզբանէ մինչեւ հիմայ բոլոր աշխարհագիրներու մտադրութիւնը շարժեց Արարատի նշանաւոր գիրքը, որն որ գրեթէ հաւասարապէս հեռու է ճենաստանէն (Չինուամչինէն) ու Իբերիական թերակղզիէն (Սպանիայէն), Սիբերիայի վերին հիւսիսային սառնեղէն լեռներէն ու հարաւային Հնդկաստանի Գանգէսին մօրաբեր ալիքներէն : Շատ տարիներէ ի վեր բազմաոտնչ փափաք մ'ունէի աս խորհրդաւոր լեռան այցելութիւն մ'ընելու : Ասիկայ հին աշխարհքին գրեթէ կենդրոնը կը բարձրանայ, եւ ծնունդ է ան կրակին, որուն ահեղ միացորդները մինչեւ մշտնջենաւոր սառանց գաւառը կը հասնին : Սուրբ գրոց վկայութիւնն ու Հայոց ազգային աւանդութիւնը կը ցուցնեն զԱրարատ իրրեւ ապաւեն ազատութեան մարդկան, զորն որ թէպէտ ջրհեղեղեան ալիքները պատելով կոծեցին, բայց իր երկնահաս գլուխը չկըցան կոխել : Բոլոր արարածոց նահապետները նոյն հսկայ եւ շնչալայանգ կատարէն՝ որ ջրերուն մէջէն իրրեւ կղզի դուրս ելած էր, ետքէն վար իջան, որոնց սերունդը բոլոր երկիրս բնակչօք լեցուց : . . . 1840ին երբոր Արկուսի գեղին կորսուելուն լուրն առի, որն որ Արարատի զառիմայր-

1 Որոնք անգղիերէն այսպէս կը գրուին՝ Morier, Kinneir, Ker-Porter, Ainsworth, Wilbraham, Brant, Fraser, Shiel, Hamilton, Lord Pollington, Rich, Ouseley, Suter, Forbes, Southgate, Eli Smith and Dwight.


2 Գերմաներէն՝ Ritter, Շպւլշ, Parrot, Behaghel, Klepproth, Roß, Wolke, Mißbach, W. Wagner.

ներուն վրայ մի միայն մեծ գեղն էր, աւելի եւս հաստատուեցայ որ արեւելք ընելու ճամբորդութիւնն նախ եւ յառաջ Հայաստան դարձնեմ: . . . Աս երկրին մէջ երկու անգամ պտըտելով՝ աւիթ ունեցայ Արարտան ու շատ լեռներ ու գետ չըննուած զանազան տեղեր, ինչպէս նաեւ այլեւայլ ազգերն ազէկ քննելու: Ասոնց ամենուն ստորագրութենէն զատ՝ նաեւ հոնտեղաց բնապատմական ու երկրաբանական վիճակին վրայ ընդհանուր տեսութիւն մը իրերւ յաւելուած հրատարակեցի: . . .

Ինչպէս ամէն մարդ աս ծանօթութիւններէն կ'իմանայ Պր. Վակնէր գլխաւորաբար Ռուսի Հայաստանը պտըտած է, եւ իր տխրօթ ու զարգարուն ոճովը, որ Գերմանացուց մէջն ալ մեծ յարգ ունի, մասնաւորապէս նոյն կողմերուն երկրաբանական ու հրաբխային, բուսաբանական ու կենդանաբանական հանդամանքն ու գեղեցիկ գիւղերը, ժողովրդեան քաղաքական ու բարոյական վիճակը քաջ ստորագրած է: Այլեւայլ ճամբորդութիւններ ըրած ու գրած ըլլալով՝ աչքն ու գրիչը ոսւր գիտողութիւններու վարժ են. աս պատճառաւ իր գննութիւններն ամէն տեղ հաճութեամբ կը կարգացուին: Եւ թէպէտ սոյնգ է՝ որ աս կողմերը մեր ազգայիններէն մէկը պտըտելու որ ըլլայ, իր ընտանու-թեամբը կրնայ աւելի եւս նոյն տեղերուն բնակչաց որպիսութեան թափանցել, եւ զանազան ներքին, հարկաւոր ու հաճոյական լրեր տալ, բայց ասանկ Եւրոպացի գիտուններուն ասուած զրոյցներն ալ նոյնչափ յարգի ու հարկաւոր եւ մէկ կողմանէ ալ աւելի հարկաւոր են, վասն զի հասարակ լրերն ամէն ճամբորդ կրնայ տալ, եւ երկրորդ՝ աս գիտնական տեղեկութիւնները բոլոր ազգին երթալով մեծապէս հարկաւոր կ'ըլլան, ինչու որ երկրի մը յառաջացման համար անհրաժեշտ պէտք է գիտնալ իր հողին որպիսութիւնը, տնտեսութիւնն ու երկրագործութիւննը, քարերուն տեսակը, իր հանքաբանական ու տնկական հանգամանքը, որոնց ամէնքը մէկտեղ ճարտարապետութեան, վաճառականութեան, մշակութեան եւ ուրիշ շատ արուեստներու հետ անձուկ կապ ունին: Աս մտածմունքներով կ'ուզենք որ առաջիկայ գրքոյկը մէկ փոքրիկ օրինակ մ'ըլլայ մեր ապագայ գիտնական ճամբորդներուն, որ բոլոր ան կողմերուն վրայ իրենց տալու սեպհական տոհմային լրերուն հետ ասանկ մեծակշիռ ուսումնական տեղեկութիւններն ալ մէկտեղ ընդելուզանն:

Մեր թարգմանութեան կերպին գալով՝ ինչպէս յառաջագոյն բառերնէն ալ կը տեսնուի, առիկայ քաղելով առած ենք, այսինքն նախ անանկ մասերը դուրս թող տուած ենք, որոնք ազգերնու մէջ շատ յայտնի են եւ զորոնք հոս կրկնելը ձանձրութիւն կրնար բերել. երկրորդ՝ որոնք որ հեղինակին օտարականութենէ կամ անծանօթութենէ հետեւեալ սխալ ըմբռնումներ էին եւ կամ անոր միայն անձնական տարակուսելի կարծիքը. երրորդ որոնք որ տերութեան կամ ազգի մը դէմ խիստ հոգւով դրուած էին, զորոնք կարելի եղած տեղ չափաւորեցինք, իսկ ուր որ կարելի չէր, իրենց պատուովը հեղինակին քով թողուցինք, եւ չորրորդ ան խորին մասերը՝ որոնք միայն երկրաբանութեան ու բուսաբանութեան մէջ շատ յառաջացեալներուն սեպհական էին: Մեր աս դործքը թարգմանելու ատեն՝ նպատակնիս կարգացողներուն բարի, օգտակար եւ դիւրիմաց լընք տալ ըլլալով՝ լաւագոյն համարեցանք ան առջեւ մասերը թող տալ, որոնք կրնային արգելք ըլլալ աս վախճանին, քան թէ անոնցմով գիրքը կատարեալ ընել ուզելով՝ բոլոր դործքն ալ անօգուտ եւ ձանձրանալի ըլլալու վտանգի մէջ ձգել: Աս համոզմանէ շարժեալ՝ շատ տեղ նաեւ խնդիրը ծանօթութիւններով լուսաւորելու ջանացինք, ու այլեւայլ գաղափարներուն կարեւոր ճշգրտութիւնը պահելու համար գրեթէ երկու հարիւրի չափ նոր բառ հոգալու ստիպուելով՝ ան ալ պատշաճ կերպով կատարելու եւ հարկ եղած տեղ մեկնելու փոխ տարինք: Պր. Վականք գլխաւորաբար չորս տեղ՝ այսինքն Արարատ, Էջմածին, Երիւան եւ Պայազիտի կողմանքը ստորագրած էր, անոր համար մենք ալ նաեւ նոյն տեղերուն պատկերներն աւելցուցինք՝ պատուական Յ. Եւգինէոս Պարէին Հայաստան ըսուած գրքին մէջ գրուածներէն օրինակելով:

Եթէ աս մեր փոքր եւ ամենափոքր ջանքն իր սեւին մէջ ուրիշ մեծամեծներու եւ հետզհետէ նորագոյններու դուռ եւ սկզբնաւորութիւն մը կ'ըլլայ, եւ իր չափին համեմատ գիտուած բարոյական ու մտաւորական օգուտները յառաջ կը բերէ նէ, ան ատեն մենք ալ կ'ուրախանանք՝ մեր նաքարակիտը տուած ըլլալով ան դանձանակին, զորն որ Աստուծոյ տեսչութիւնը պատրաստած է ընդհանուր ազգաց լուսաւորութեան եւ գիտութեան, եւ որուն ուղիղ գործածութիւնն ու վերջին վախճանն է զինքը ճանչնալու եւ իրեն հասնելու ճշմարիտ գիտութիւնը:



Մ. Վ. ԵԿՆԵՐԻ

ՃԱՆԱԳԱՐՀՈՐԴՈՒԹԻՒՆ

Ի Հ Ե Յ Ե Ս Տ Ե Ն

Մ Ե Ս Ն Ե

ՂԱՆԱԳԱՐ ՀՈՐԳՈՒԹԻՒՆ Ի Հ Ա Յ Ա Ս Տ Ա Ն

ԱՌԱՋԻՆ ԳԼՈՒԽ

ԹԻՓԼԻՂ. ՊՐ. ԱՐՈՎԵԱՆ ՈՒ ԻՐ ՄԵԿԵՐԱՆԵՐԸ — ԿԱԳԻ. ԸԵՐԱՆՑ
ԵՐԿՈՒ ՇԳԹԱՆ ՈՒ ԹԱՆՆՈՒՆԵՐԸ: ԻՆՇԱ. ՃԱՆԵՐՆ ՈՒ ՈՐՈՒ ԿԵՆ-
ԴԱՆԻՆԵՐԸ: — ՊԻՊԻՍ, ԵՐԿՐԻՆ ԳԻՐՔՆ ՈՒ ՈՐՎԻՍՈՒԹԻՒՆԸ. Ա-
ՄԱԿԻ ԳԱՐՈՅ ՈՒ ՓԱՏՄԱԾ ՆԱԸ:

ՊԱՐՈՒՆԸ ԱՐԱՍՏԱՆԻ ՄԵՋ աւելի ուշ կը սկսի
քան թէ Եւրոպայի ան քաղաքները, որոնք նոյն
լայնութեան աստիճանին տակն են: Յուրտն ու ան-
ձրեւները զիս մինչեւ Մայիսին երկրորդ շաբա-
թը ԹԻՓԼԻՂ բռնեցին թող չառնին, անոր համար
բաւական ատեն ունեցայ հոս տեղը Հայաստանի
վրայ տեղեկութիւններ առնելու: Ամենէն աւելի
կոպկասեան բանակին հրամանատար Նայգհարդ զո-
րապետը՝ պատրաստականութիւն ցուցուց իմ ճամ-
բորդութեանս հարկաւոր եղած բաները հոգալու. ու
նաեւ Պր. Փրեդերիկոս Գոցցէպուէ երեւելի համա-
նուն բանաստեղծին տղաքներէն մէկը թէ խորհրդով
եւ թէ գործքով ինծի շատ օգնեց: Անոր հետ ու-
նեցած ճանչուորութիւնս ինծի գանձ արժեց. վասն
զի ընդհանուր կուսակալին գիւտնէն Հայաստանի վրայ
անգին ձեռագիրներ հանեց, որոնք շատ հետաքրք-
բութեամբ կարդացի ու շատ բան ալ սորվեցայ:
Բայց ասոնցմէ վար չիմնար նաեւ Պր. Արովեանին հետ
ըրած ճանչուորութիւնս, որն որ ազգաւ Հայ է, ու
կրթութիւնը Լիֆլանտի Գերմանացիներուն մէջ ընդ-
ունած է:

Աս մարդուս պատմութիւնը շատ հետաքրքրա-
կան է: Պր. Արովեան Էջմիածնի վանքին տիրացու-
ներէն մէկն էր, ու քահանայական վիճակի որո-
շուած էր: 1829ին Տորքադեան համալսարանին վար-

Ժապետ Պր. Բարրոդ իր Հայաստան ըրած ճամ-
 բորդութեանը մէջ Էջմիածնի վանքն ալ տեսնելու
 երթալով՝ Աբովեան պատանեակը միայն գտնուեցաւ
 վանքին մէջ, որ ուսերէն կը խօսէր: Բարրոդ՝ կա-
 թուղիկոսին աղաչեց որ աս երիտասարդ սարկա-
 ւազը իրեն ճամբորդութեանն ընկեր ըլլայ: Կա-
 թուղիկոսը Տորթազեան համալսարանին վարժապե-
 տին աղաչանացը զիջաւ: Աս երկու ուղեկիցները եղ-
 բօր պէս իրարու հետ կապուեցան. ամէն դժուա-
 րութեանց ու վտանգներու մէջ իրարմէ չէին բաժ-
 նուեր. ու աս կերպով ստացած բարեկամութիւնը
 մինչեւ Բարրոդին մահը տեւեց: Պր. Աբովեան Բար-
 րոդին գիտութիւնը տեսնելով՝ ինքն ալ գիտու-
 թեան եռանդ մը ստացաւ. ու անոր շատ կ'աղաչէր
 որ զինքը Տորթադ խրկելու միջոց մը գտնէ, որպէս զի
 հոնտեղաց համալսարանին մէջ ուսում ու գիտու-
 թիւն սորվի եւ կրթուի: Ինչ եւ իցէ՝ Բարրոդին ձեռք
 բռնելովք բաղձանքին հասաւ. Ռուսի կառավարու-
 թիւնը օգնութիւն ընելով՝ Պր. Աբովեանը Տորթադի
 համալսարանը մտաւ, ուր վեց տարի ուսում սորվե-
 լէն ետքը իր հայրենիքը դարձաւ ու իր հայրենա-
 կիցները զարգացընելու մեծ եռանդ ունէր: Ուզեց մէկ
 դպրոց մը հաստատել, որուն վախճանն ան պիտ'որ
 ըլլար, որ ռամիկ ժողովրդեան դպրոցներուն վար-
 պետներ հանէ, ու աս միջոցը ապահով կերպ մը կը
 կարծէր իր ազգին յառաջագիմութեանն ու կրթու-
 թեանը: Բայց տեսնելով որ ասիկա յառաջ պիտ'որ
 չերթայ, Պր. Աբովեան Էջմիածնի մէջ քահանայա-
 ցու տղոց վարպետ դրուիլ ուզեց: Աս ալ շատ ընդգի-
 մութիւն կրեց, որովհետեւ վանքին կղերը Պր. Աբ-
 վեանին՝ բողոքական Գերմանացւոց մէջ ընդունած
 կրթութեանն ու գիտութեանը վրայ կասկած ունէին:
 Ասոր համար Պր. Աբովեան ելաւ Թիֆլիզ գնաց, հոն
 դպրոց մը հաստատեց, ու հոնտեղաց յառաջուան

գարոցն ալ անոր հետ միացուց։ Աս դպրոցը շատ անգամ գացի ու Հայ տղոց յառաջադիմութեանը վրայ շատ զարմացայ։ Տասը, տասնուչորս տարւան տղաք աղէկ կը կարդան ու կը գրեն հայերէն, վրացերէն, թաթարերէն, ռուսերէն, գերմաներէն ու գաղղիերէն։ Ստուգիւ շատ զարմացայ. գերմաներէն աղէկ շեշտելով կը խօսէին ու վարպետին իմ առջեւ գրել ասուած բաներէն տեսայ որ գերմաներէն լեզուին կազմութեան աղէկ տեղեակ էին. իմ առջեւ Կեթէին ու Շիլլերին գործքերը կարդացին։ Ամէն անգամ աս դպրոցը գալուս ու աս կայտառ տղաքը տեսնելուս՝ մեծ ուրախութիւն կը գգայի, մանաւանդ իրենց քաղեկամական ու ընտանեկան վարմունքը, քաղաքավարութիւնն ու վարժութիւնը զիս շատ կ'ուրախացընէր։ Իրենց վարպետին վրայ շատ սէր ունին, որովհետեւ թէ կրթութեան ու գիտութեան մէջ յառաջացընելու եւ թէ իրենց հանգստութիւնը հոգալու շատ փոյթ կը տանի։

Այսիսին տաք օրերը հասնելուն պէս՝ Պր. Աբովեանին հետ մէկտեղ Թիֆլիզէն ելայ։ Իր բոլոր աշկերտները ձիերով քաղքէն դուրս մեզի յուղարկաւոր եկած էին։ Աս աշխոյժ երիտասարդներուն տեսքը նորէն ինծի ուրախութիւն բերաւ, որոնք անանկ վարժութեամբ ձիերնին կը դարձընէին կը խաղցընէին, որ մարդ չիկրնար կարծել։ Կուր գետին քով վերջին պարտէզներուն հասանք նէ՛ աս մեր յուղարկաւորներէն հրաժարեցանք. Պր. Աբովեան իր աշկերտներուն գերմաներէն լեզուախօսակցութիւն մ'ընելով՝ յորդորեց որ ուսման փոյթ տանին, որ դառնալու ատեն ինքն ալ ուրախանայ։ Մէկիկ մէկիկ ամենուն ձեռքը թոթուելէն ետքը՝ բարեմաղթութեան ձայները բարձրացան, որոնք մեր ետեւէն երկայն ատեն գեռ կը լսուէին։

Նոյն գիշերը Կոդի պառկեցանք ու երկրորդ՝ օրը սկսանք մեր ճամբան յառաջ տանիլ երկու լերանց շղթայի մէջէն, որուն հիւսիսային մասը Կաւկասեան լերանց շարքին կը վերաբերի. իսկ հարաւային շղթան, առջինին հետ գրեթէ հաւասար հեռաւոր կ'երթայ. իր ամենէն բարձր ու գրեթէ մէկալններէն զատուած լեռն է Լալուար, որուն բովազործութիւնը (մետաղը հասնելը) Յոյնի մը յանձնուած էր: Լերանց կողերը կամ դարվար տեղերը բաւական աղէկ ու աղուոր անտառներով զարդարուած են եւ աստիճանաձեւ կարգաւ մը ծովին երեսէն մինչեւ 7000 ոտնաչափ բարձրութեան կը հասնին: Վրաստանի հարաւային սահմանը քանի որ կը մօտիկնայինք, կարծես թէ բնութիւնը երթալով կը կենդանանար. հոս շատ տեսակ թռչուններ տեսնուեցան, որոնք թիֆլիզի մօտերը չէին տեսնուեր. ասոնց մէջ երեւելի է գոյնզգոյն աղուոր մեղուաքաղ թռչունը¹, որն որ գունդագունդ ասդին անդին կը տեսնուէր, ինչպէս Եւրոպայի մէջ ծիծառները: Անցած դաշտերնիս բիւրազգի տնկերով ու ծաղիկներով գեղին զարդարուած էր, մանաւանդ հրանսնկով (տէյէւն լէյէյէւն), որոնց վրայ տնթիւ ճճիներ կը զեւային: Շատ երկտկենցաղ անասուններ՝ գլխաւորաբար ցամաքային կրայի տեսակներ արեւուն մէջ կը կենային:

Երկրորդ գիշեր պառկեցանք Ինչայի Օթեւանը: Հոս ելայ երեք ժամ հեռու հարաւային կողմերը անտառախիտ տեղուանքը տեսնելու գացի: Անտառներուն ծառերը գլխաւորաբար տերեւաբեր ծառեր են. թեղօշ², ոփի³, ցախի⁴, գլխաւոր ծառերն էին: Աս տեղուանքը նաեւ մանր բոյսեր շատ առատ ու տեսակ տեսակ կը գտնուէին. բայց միջատ ու

¹ Լու. Merops Apiaster. ² Գշ. Chêne. տճ. Մէյ-աւաճ: ³ Լու. Fagus. Գշ. Hêtre. տճ. Գոյշեւ-աւաճ: ⁴ Լու. Fraxinus. Գշ. Frêne. տճ. Տիւղսոս-տիւղ-աւաճ:


ճճի տարւոյն առ եղանակին մէջ խիստ քիչ կար: Արաստանի ու Հայաստանի սահմաններուն վրայ եղած երկիրներուն տեսքը աւելի սիրուն է քան թէ ահեղ. լեռները գեղեցիկ ձեւ ու առանձին աղուրութիւն մը ունին, ու իրենց կտտարը մշտնջենաւոր ձեան սահմանը չիհասնիր, շատերուն գլուխները անտառներով ծածկուած են, որոնց ծառերը շատ հսկայածեւ չեն: Անտառները սրսի կենդանիներով լեցուն են. քիչ կը պատահի որ մարդ անտառի կողմէ երթայ ու գեղեցիկ եղջերու մը շտեմնէ: Ահա առ զննութիւններով երրորդ օրը Պիպիս հասանք:

Պիպիս դաշտի մը վրայ շինուած է, զորն որ չորս կողմէն բարձր լեռներ կը պատեն: Առ տեղէն կը սկսին Հայաստանի երկրին հրաբուխները, բայց առ կողմերու հրաբուխներուն ամենէն բարձր գլուխները բուն Ալբեան լեռանց գօտւոյն բարձրութեանը չեն հասնիր: Լեռներուն բրդածեւ կամ կոնածեւ կերպուրանքէն անոնց հրաբուխի բնութիւնը հեռուէն ալ կ'իմացուի. ժայռերը մթագոյն խայտակոճէ՝ բաղադրուած են, որն որ լեռներուն ստորոտները ամէն կողմ կը տեսնուի: Առ տեղերը կոնածեւ լեռան մը գլուխը Հայոց վանք մը կայ, սրն որ Ս. Սարգիս կը զըցուի: Դաշտին մէջէն կ'անցնի Զոշաս լոռուած վտակ մը, որն որ պայծառ, պաղ ու անոյշ ջուր մը ունի: Ռուռ զօրապետները կարծելով որ առ ջուրը թունաւոր է, զօրաց՝ անիկա խմելը պատժոյ սպառնալիքով արգելած են: Սակայն ես առ զով ու վճիռ ջրէն խմեցի ու բան մը չզգացի. ինչպէս նաեւ զինուորներն ալ ծածուկ կը խմեն ու վնաս մը չեն կրեր եղեր: Պիպիս տեսնելու երեւելի բան մը չունի, հսկայածեւ նոր շէնքէ մը զատ, որն որ տեղեցի գրան քովերը շինուած է, ու մէկէն ճամբորդին աչքը կը զարնէ: Երբ որ առ զանազան գոյներով

¹ ԴՂ. Porphyre, աճ. Սոփէի Դերէր:

նկարուած տան ինչ բլլայը հարցուցի, զարմանքով
 նամակատան (փոփաչ) գրագրէն լսեցի, որ ասիկայ բոլոր
 ան քաղքին ու շրջակայ տեղերուն դասատուն պիտ'որ
 բլլայ եղեր: Ասանկ անապատի նման ու միայնակ
 տեղ մը գաւառական գայրոց. ասիկայ զիս շատ զար-
 մացուց: Բայց իմ զարմանքիս լուծումը շուտով գտայ
 ելայ գպրոցը տեսնելու գացի. ինչ կը նայիս, գրու-
 ները կռնակի վրայ բաց էին, շէնքին ներսի կողմը պա-
 րապ, մէջը մարդ չկար, մեծ մեծ տմայի բնակարան-
 ներ առանց կահուց ու կարասեաց, լուռ ու մունջ
 պատերով՝ որոնց վրայ մամուկները իրենց ոտայնե-
 րը ձգած էին. կոտրտած պատուհաններ. մէկ մեծ
 մողէս մը, որ պատին ճեղքուածքի մը մէջ մտաւ,
 խոնավ օդ, ու վերջապէս բոլոր շէնքին կործանելուն
 նշաններ. ասոնք էին՝ որ իմ աչքիս տուեալն էին:
 Ասոնք տեսնելու ասան զգացածս՝ կարդացողը ինք
 իրմէ կրնայ իմանալ. բակին մէջ մէկ խաղախ պաշ-
 տօնագալի մը պատահելով, կ'աղաչեմ, ըսի, մօր են
 աշկերտներն ու վարպետները, ինչ եղան գրասեղան-
 ներն ու կահ կարասիքը, որ ատեն մը աս շէնքիս
 մէջ եղած պիտ'որ բլլան: — Անոնկ բաներ մոքեղ
 մ'անցընէր, ըսաւ ինծի խաղախը, որ բակին մէջ իր
 ձիուն ճարակ կու տար. աս շէնքին մէջ մարդ մտած
 չունի: Գիտես ինչ է աս շէնքին պատճառը. կայորը
 Արարատեան գաւառը իր իշխանութեան հետ միա-
 ցընելէն ետքը, ան կողմերը տեսնելու ելաւ. մեր պաշ-
 տօնատէրները (գլխաւորաբար, ան ատենուան ընդ-
 հանուր կառավար Ռոզէն սեպուհը) անոր հաւատը-
 նելու համար որ եւրոպական քաղաքականութիւնը
 իր տէրութեան ամէն կողմերը արմատ ձգելու կը սկսի,
 աս շէնքիս ձեռք զարկին, ամէն ջանքով յառաջ տա-
 նելու ջանացին, ու կայսեր եկած ատենը՝ աս գեղե-
 ցիկ ու մեծ գիտաւորութիւնն անոր ցուցուցին: Ամէն
 տեսակ ուսման, ամէն գլխաւոր լեզուներու համար

Թիֆլիզէն վարպետներ պիտ'որ բերել տանք, ըսին. շրջակայ տեղուանք եղած Հայերն ու Թաթարները պարզեւներով ու ստակով պիտ'որ յորդորենք որ իրենց աղաքը հոս խաւրեն, ու ասիկց եւրոպական իմաստութիւնը ամէն կողմ տարածեն: Շատ սքանչելի էր ասանց դիտաւորութիւնը, բայց ի՞նչ օգուտ որ հոն տեղը մնացին. վասն զի կայսրը գաղտնջը տեսնելէն ու իր հաճութիւնը ցուցնելէն ետքը, որմնագիրներուն ու գործողներուն ձեռքը պարապ մնաց, ալ գէպ ի Պիպիս եկող ուսպիւններուն ճամբան գոցուեցաւ, ու ճարտարապետն ելաւ գնաց: — Ասանկ կը խաբեն մեր կայսրը. ըսաւ ինծի ուրիշ խաղախ պաշտօնակալ մը: Երբոր իմացուեցաւ, որ կայսրը Գեղամայ ծովն ալ տեսնելու պիտ'որ ելլէ, ամենայն փութով մեծ հողմանաւ (առագաստաւոր նաւ) մը շինելու սկսան, որուն նման գուցէ Սեւ ծովուն վրայ ալ չգտնուի: Զրկայ Թէ, կ'ըսէին կայսրը բարկանայ, որ ասանկ ներքին ծովակի մը քով բնակած Ժողովուրդը նաւարկութեան բարիքներէն զուրկ կը մնայ: Կայսրը ան կողմերը այց ելած ատենը՝ աս նաւը Գեղամայ ծովակին վրայ շինուելու նաւատորմին սկիզբն է, ըսին. բայց կայսրը Հայաստանէն հեռանալէն ետքը մէկը չեղաւ, որ նաւը կանոնաւոր նաւագնացութեան գործածելու մտածէ, ու հաւանական է որ մինչեւ հիմա ան ջրերուն մէջ փառած ըլլայ:



ԵՐԿՐՈՐԴ ԳԼՈՒԽ

Հայաստանի Թաթարներուն ստորագրութիւնը: Սասաիկ պատիժ մը: Պիպիսէն մինչեւ առաջին իջեւան եղած տեղւոյն ծառերը, գեղեցիկ դիրքը, անասուններն ու թռչունները: Անկից մինչեւ Ախաա գտնուած քարերը: Եեղիտիներու երկու ընտանիք:

Պիպիսէն այնպէս պատահեցաւ որ Պիպիսի մէջ
օր մ'ալ կենալու ստիպուեցայ, որովհետեւ ուղե-
կիցներս ու թարգմանս (Պր. Աբովեան) ճամբայ ել-
լիլէն ետքը՝ Ռուս կառապանը եկաւ ըսաւ որ Ձիերս
յոգնած ու տաժանած են, չեն կրնար յառաջ եր-
թալ: Աս բանիս վրայ շատ ահաճեցայ, ինչու որ
թարգմանէս բաժնուած էի ու հայերէն չէի գիտեր.
Ինչ եւ իցէ՝ գիշեր մ'ալ Պիպիս մնացի, ու Սեւա-
նայ ծովին եւ անոր թալրառիքը բնակող Թաթար ցե-
ղերուն վրայ տեղեկութիւն առի:

Նողայեան Թաթարները՝ որ Խրըմի դաշտերուն
ու լայնանիստ անապատներուն մէջ կը բնակին, յա-
ռաջագոյն յաջողակ աւազակներ ու վայրագ յելու-
զակներ էին. իրենց քաջ ձիավարութիւնն ալ աս
բանիս մեծապէս կ'օգնէր, բայց քանի որ Մոսկովեան
բազուկի տակ մտան նէ, զսպուեցան, ընտանեցան ու
հեզ ժողովուրդ մ'եղան: Ասոր հակառակ Հայաս-
տանի Կաւկասեան կողմերը բնակող Թաթարները՝
թէպէտ Նողայեանց պէս շատուոր ալ չեն, այսու ա-
մենայնիւ դեռ իրենց խառութիւնը պահած են, ու
այնպէս խոնարհ կերպարանք չեն ցուցններ, մա-
նաւանդ որ Կուր գետէն մինչեւ Երասխ ձգուած
լեռնային երկիրներն ու անտառները՝ անոնց ամուր
ապաւէն մ'ըլլալով՝ կը յանդգնին դռնէ ասդին ան-
դին պզտիկ խմբերով դէմ դնել խարտեշահեր աշ-
խարհակալներուն (Ռուսերուն), որոնք հիւսիսէն կու
գան: Աս Կաւկասեան Թաթարները գեղեցիկ եւ ու-
ժեղ մարդիկ են. աչուրներնէն կարծես թէ հուր
ու բոց կը ցոլանայ, եւ քաջութիւնն ու ազատու-

Թեան սէրը վրանին դեռ մարած չէ, բայց տոանկ ցրուած վիճակի մը մէջ ըլլալով՝ գիտեն որ չեն կրնար Ռուսի գէմ ազգովին ոտք ելլել, եւ փամ ելլելու ալ ըլլան, պտուղը շատ դառն՝ այսինքն իրենց զանազան ցեղերուն ջնջումը կ'ըլլայ։ Սակայն իրենց ձեռագործը՝ որ է աւազակութիւնը՝ միշտ յառաջ կը տանին, ու Թանձր անտառներու եւ ցից ժայռերու մէջ պատսպարելով՝ Ռուսաց ձեռքէն կը պրծին։

Ասոնք Մահմետական են, մինչեւ հիմա հազիւ թէ իրենց կէսը Ռուսի երկիրներու մէջ մնաց, որովհետեւ բազմութեամբ Տաճկի երկիրներն անցան։ Ասոր հակառակ քրիստոնեաները այսինքն Հայերը գլխաւորաբար Պարսկաստանէն փախչելով՝ հետզհետէ հոստեղերն եկան ու շատցան։ Ընդհանրապէս առ Հայ ժողովուրդը, նաեւ Արացիք, Ռուսի տէրութեան հաւատարիմ են, ու համբերութեամբ կը հպատակին, թէպէտ ստորին Ռուս պաշտօնատէրներուն ազատութեամբը, կաշառակերութեամբն ու կեղեքելովը՝ շատ նեղութիւն կը կրեն։ Թաթարները դրացի Հայոց առ հաւատարիմ հպատակութիւնը տեսնելով՝ եւ չորս կողմանէ անոնց գեղերէն ու քաղաքներէն պաշարուած ըլլալով՝ ապստամբելու չեն յանգգնիր, ինչու որ Թաթարներու գեղերուն մէջ ինչ դէպք որ պատահի, ինչ խօսք որ անցնի, Հայերը անմիջապէս կ'իմանան, ու տէրութեան կ'իմացնեն, որպէս զի անոնց ամէն ապստամբական շարժման ծիլը դեռ չբուսած՝ խղճուի։ Վասն զի նոյն խիղ Հայերը կը վախնան

¹ Պ. Վահանէր առ տրաւունջը շատ տեղ կը կրկնէ. բայց առ ստույգ է որ կայսրն ու պաշտօնեաները առ բանին զբոյ մեծապէս կը հսկեն, եւ ստորին պաշտօնատէրներու մէջ ասանկ կաշառակեր կամ կեղեքիչ մը գտնեն նէ՝ օտաւիկ խիստ կը պատժեն ու մինչեւ Սեպտեմբր կը քշեն։ Միայն թէ ցաւալին առ է որ այսպիսի ընդարձակ երկրի մէջ առանձնական մարդիկներուն անիրաւութիւնը ամէն տեղ բոլորովին զսպելը խիստ շատ դժուարին ըլլալով՝ երբեմն երբեմն խեղճ բնակիչները կը շարշարուին։

որ տա կէս մը վայրենի ու կատաղի թաթարները քիչ մը զօրանալու որ ըլլան, քրիստոնէից դէմ իրենց ունեցած տառելութեամբը՝ Հայոց մեծ փնտա ու ջարդ կու տան, ինչպէս դժբախտութեամբ շատ անգամ պատահած է:

Ասանկով նոյն Մահմետականներէն շատերուն՝ որոնք ոչ երկիրը բոլորովին թողուլ երթալ եւ ոչ ալ տէրութեան հրամանները կատարել փնտքեն, ուրիշ բան չիմնար, բայց եթէ թափառական կեանք մ'անցընէ: Աւագակութիւն հիմա խիստ քիչ կը պատահի, միայն թէ մինչեւ որ ճամբաները քիչ մը ազահովութիւն ստացան նէ, հարկ եղաւ որ Ռուսները զանազան խտութիւններ բանեցընեն, մանաւանդ առ վայրենի մարդիկներուն դէմ, որոնք մէկ պատժէ մը չեն վախնար ու ամենէն խիստ պատիժներուն ալ երկաթի պէս կը գիմանան կը կենան եւ կարծես թէ բան չեն զգար: Պ. Պուխվալտ պաշտօնակարը՝ որ հոստեղաց ճամբաներն ու կամուրջները շտկելու համար Ռուսի տէրութեան կողմանէ դրուած էր, ամբանիս վրայ իր աչքովը տեսած օրինակը պատմեց: Տասնութը տարւան թաթար մը՝ որ իր եղբայրը սպաննած էր, 35 քառակուսի ջայլոտ (Մոսկովի Գրպանը) ուտելու եւ Սիպերիա քշուելու դատապարտուեցաւ: Ինչպէս յայտնի է՝ 35 քառակուսի ջայլոտի հարուածը վերջին աստիճանի ծեծ է, եւ շատ անգամ մարդ մը հազիւ 30 հատ ասանկ հարուածի կրնայ դիմանալ: Իսկ այս երիտասարդ թաթարը առանց փոքր այլալուծեան՝ ծեծ ուտելու տեղն եկաւ, եւ շուտով ցիցը կապուելու ատենը դեռ Ռուսները կը ծաղրէր. սոսկալի հարուածներուն տակը թէպէտ միւր կտոր կտոր եղաւ, բայց եւ ոչ մի անգամ ցաւի աղաղակ հանեց. 35երորդ հարուածէն ետքը՝ ահագին ձայնով մը Ռուսաց Աստուածին ու կայսեր դէմ ռարսափելի յիշոց մը տուաւ ու դեռ

անասան կը կենար. բայց երբ որ Առուս պաշտօնա-
տէրը տաքցուցած երկաթով ճակատը կոխեց, ան
ատեն աս աննուաճելի հոգին սկսաւ սասանիլ ու
բերանը փրփրալով՝ աննշան խօսքեր ու հեծութեան
ձայներ հանել: Աս օրինակը մարդը կը սոսկացնէ:

Մայիսի 13ին Պիպիսէն ելայ. ասկից մինչեւ ա-
ռաջին իջեւան երթալու ճամբան անտառներու մէջ
գեղեցիկ հովիտ մըն է, որուն մէջէն լեռնային արըն-
թաց վտակ մը կարկաչելով կը վազէ: Լեռները շա-
փաւոր բարձրութիւն ունէին, որոնք հասարակօրէն
հովտին երեսէն 1800 ոտնաչափ բարձր են: Լեռանց
կողերուն վըայ շատ անտառներ կան, որոնց ամենէն
սովորական ծառն է սփի. թեղօշ քիչ էր, որոնց
տերեւներուն գլուխները՝ Մայիսի մէջերը հազիւ թէ
ցցուած էին. իսկ ծովին երեսէն 5400 ոտնա-
չափ բարձր տեղերուն վըայ ծառերը գեռ կանաչ
շունէին: Միջին (ծովին երեսէն 3500—4000 ոտնա-
չափ) բարձրութեան վըայ սփիներու մէջ առատ
թեղօշ, հացի¹, կաղամախի (գալաֆ) ու նաեւ աս-
դին անդին շոճի (չա՞ աղաճը) կար: Ծառերուն
ասանկ ուշ տերեւ բանալէն կը տեսնուի որ Հայ-
աստանի աս մասին բարեխառնութեան աստիճանը
միջին Եւրոպայիին շատ նման է: Ինչպէս ան-
տառներու ծառերը, նոյնպէս պզտիկ բոյսերն ալ ըստ
ամենայնի Գերմանիայիներուն տեսակէն են: Երկրի
մը տեսքը գլխաւորաբար իր բոյսերէն ու լեռներուն
դիրքէն կ'առնուի: Եթէ, կ'ըսէ Պ. Վալնէր, հո-
տեղաց մարդիկներուն զգեստն ու գեղերուն ձեւը
Եւրոպայիէն տարբեր չըլլար, Գերմանացի մը քնաց
մէջ Հայաստանին աս դիւրը բերուելու որ ըլլար,
արթնցած ատենը չէր կրնար իմանալ որ ուրիշ եր-
կիր բերուած է: Աս աստիճանի նման է Սեւանայ
ձովին ու Պիպիսի մէջ եղած երկիրը միջին Եւրո-

¹ չա. Acer. գլ. Erable. ամ. Սինդրոն աղաչ:

պայի զանազան մասերուն, մանաւանդ Պաւիէրային Շգրայդպերկի ու Մուկկենտորֆի գեղեցիկ եւ նկարելու արժանի հովիտներուն:

Հայաստանի աս մասին կենդանիները Արաստանիներուն պէս են: Անտառներու մէջ կայ արջ, գայլ, շնագայլ (լափալ), նաեւ ինչպէս Պր. Պուխվալտ հաստատեց, երբեմն ալ յովազ (եռ-չ) ու բորեան (սըրլիւն): Հոստեղս ես առաջին անգամ տեսայ վարդագոյն տարմահաւ (սըզընճէ), աս թռչունները Հայոց շատ սիրելի են, որովհետեւ երամ երամ կուգան ու մնասկար որդերը թթի ծառերուն վրայէն կը մաքրեն կը ջնջեն: Գիշակեր թռչունները շատ մօտ կու գային ու հրացաններէն չէին վախնար: Տիլիշան ըսուած կիրճին կամ կապանին (դէրպէնդին) քովերը առջի անգամ տեսայ սեւ արագիլ (լէյլէ+): Նաեւ քանի մը տեսակ գեղեցիկ միջատներ ալ գտայ: Հոստեղաց միջատներն ու բոյսերը ստորին Ալբան լեռներու կերպարանքն ունին: Բայց Տիլիշանին վերի կողմը կը սկսի Հայաստանին բուն Ալբան գօտին, եւ միջատներուն կերպարանքն ալ յանկարծ կը փոխուի:

Առաջին իջեւանին ու Ախտայի մէջ եղած լեռներուն կազմուածքը մեծ մտադրութեան արժանի է: Տիլի ըսուած վտակին քով խիտ, պինդ ու պայծառագոյն կրաքար մը կը տեսնուի, որուն կիրը (իւրեմ) կանոնաւոր եղանակաւ մը խաւ խաւ (գաֆ գաֆ) շարուած է. ամէն մէկ խաւը հասարակօրէն կէս ոտնաչափ, տեղ տեղ ալ մինչեւ հինգ վեց ոտնաչափ թանձրութիւն ունի: Աս հրաբխական լեռներուն մէջ երկրաբան մը, ինչպէս նաեւ նկարիչ մը զննութեան արժանի շատ բաներ կը գտնէ: Խալտակուճը հոս շատ առատ է. աս գեղեցիկ քարը երկրէն դէպ ի վեր սիւնաձեւ կը բարձրանայ ու սրածայր կը վերջանայ: Խալտակճեայ սիւններուն կանոնաւոր հնգանկիւնի ձեւն ու շիպ շիտակ բարձրութիւնը կը ցուցնէ որ հրա-

բուխներու բերնէն սաստիկ ուժով եւ շուտով վեր նետուած ու մէկէն ի մէկ սառած մնացած են: Ախտայի մօտ 5000 ոտնաչափ բարձրութեամբ կիրճէ մը անցնելու ատեննիս դարձեալ նոյն քարը գտայ:

Հոտեղերը շատ ողորմելի խրճիթներու մէջ Ռուս գաղթականներ կան: Ասոնք տարւոյն ամէն օրերը կաթ ուտելնուն համար՝ Վաթնակեր կ'ըսուին, եւ Ռուսաց տէրութենէն իբրեւ աղանդաւոր հոս քշուած են: Հազիւ թէ Վաթնակերներուն մէկ խրճիթէն ելած էինք, դիւապաշտ Եզիտներու երկու ընտանիք տեսանք: Էրիկ մարդիկներուն գլուխը սաստիկ մեծ էր, աչուքնին խոշոր ու խոլոր, եւ բոլոր կերպարանքնին այնպէս դարշելի որ նոյն իսկ ժամտատեսիլ Մզուլներու մէջ խիստ քիչ կը գտնուի, իսկ կանայք միայն կաշի ու ոսկր էին. աչուքնին սորած ու փորած, հայեցուածքնին բիրտ ու կատաղի եւ այնպէս կախարդի նման էին որ մարդ երեսնին նայելու չէր համարձակեր: Ասոնց բոլոր ունեցածն էր պզտիկ իշու մը վրան քանի մը պնակ (չափ), կացին (պալիս), բահ (իւրիւ) ու շուան: Էրիկ մարդիկներուն մէկը կիսամեռ մոզի մը կը տանէր, իսկ կանանց մէկը ոչխարիկ մը. իրենց ըսածին նայելով՝ ասոնք Երիւանին մօտերը կը նստին եղեր, բայց տարի մը հունձքը չժաջողելով՝ ստիպուել են հոնկից ելլել երթալ: Իրենց ապագան ուրիշ բան չէր երեւար, բայց եթէ անօթիութենէ մեռնիլ, վասն զի Հայ մը կամ Թաթար մը՝ աս սատանայի որդիներուն եւ ոչ կտոր մը հաց կու տայ: Վանայք յուսահատական գէմքով ու խորունկ ձայնով մը ձեռքերնին երկընցուցին ու կ'ըսէին որ «Տուր, տուր, քրիստոնեայ, անօթի ենք», Մենք հաց չունենալով՝ քանի մը Ռուսի ստակ տուինք, զորն որ առին, ձեռքերնուն մէջ պնդեցին ու առանց շնորհակալ ըլլալու՝ ճամբանին յառաջ տարին:

ԵՐՐՈՐԴ ԳԼՈՒԽ

Սեւանայ ծովին տեղքն ու չափը: Սեւանայ լիճը հրաբխի բերան: Սեւան կղզին. վանքն ու անոր հիմակուան վիճակը:

Եւրոս որ լեւան գլուխը հասանք, Տիլիշանին հաւալային կողմը տեսանք Սեւանայ ծովը¹, որն որ կանաչ լեռներու եւ ձիւնապատ սարերու մէջ գեղեցիկ, հանդարտ ու մոյգ կապոյտ (թոյս մալէ) լիճ մըն է: Աս Ալբան ծովակին կապուտակ ջուրը Տիլիշանի կիրճին բարձրութենէն նայելով՝ ստուգիւ զարմանալի ու նկարագեղ տեսք մ'ունի: Եթէ աս լճին հաւալային կողմերը սաստիկ բարձր ու ձիւնակատար լեռները չլլային, Սեւանայ ծովին բոլորաիքն եղած երկիրները շատ մերկ կ'երեւային, ինչու որ թէպէտ լճին արեւելեան, արեւմտեան ու հիւսիսային կողմերն եղած լեռներն ալ բարձր են, բայց հոս պարտող ճամբորդի մը աչքին այնչափ բարձր չեն երեւար, որովհետեւ նոյն իսկ ճամբորդին քալած երկիրը Սեւ ծովին երեսէն 5—6000 ոտնաչափ բարձր տեղ է: Սեւանայ ծովը անանկ բարձր դիրքի մը մէջ է, որ հաւանականաբար բոլոր առաջակողմեան Ասիայի մէջ իր նմանը չունի. լճին արեւմտեան ու հիւսիսային կողմի լեռները հազիւ թէ անոր երեսէն 3500 ոտնաչափ բարձր են:

Սեւանայ ծովը տեւտուածին պէս՝ քովի Ռուսս սկսաւ ուրախութեամբ պոռալ, Պարոն, Ծով, Ծով: Խազախ մարդը, որն որ բոլոր կենացը մէջ միայն Չէռնոյ-Մոսկ (Սեւ ծովն) ու Ազախու ծովը տեսած է եւ անոնցմէ ուրիշ ծովակ չի գիտեր, աս ծովակը տեսած ատեն՝ կարծեց որ իր հայրենեացը մօտիկացաւ. բայց մենք բուռ ու խորունկ մտադրութեամբ մը Հայաստ

¹ Սեւանայ ծովը՝ որն որ մեր մէջը Գեղամայ ծով, Գեղարքունի ծով ալ կ'ըսուի, իր կապուտակ գոյնին համար Յանքընէն Սեփուլ կը կոչուի. իսկ Պարսիկները կ'առանան Յերի-ի շիրին, որն որ Բաղլը ու միանգամայն Գիլիյիլ ծով կը նշանակէ:

տանի բարձրագույններուն նորանոր տեսարանները
կը զննէինք։ Տիլեշան կիրճին բարձր տեղէն անցնե-
լէն ետքը՝ երբ որ դէպ ի Սեւանայ ծով կ'իջնայինք,
լերան զառիվայրին վրայ ձիւները կատարեալ հալած
էին, եւ բոլոր երկրին երեսը գարնանային բոյսերով
զարդարուած էր։ Զորս կողմն շքեղ ալբան ծա-
ղիկներ կը տեսնէի, որոնց մէջ ամենէն շատ էր ա-
ղուոր երկնազոյն մկնաուիւր¹ նոյնպէս զանազան հա-
զուազիւտ ճճիւներ. ասոնց ամենէն ալ շատ ժողվեցի։

Եւրոպացւոց մէջէն ամենէն յառաջ Շարտէն²
Գաղղիացին աս լճին վրայ ծանօթութիւն տուաւ։
Աս գիտնականը Սեւանայ ծովին շրջապատը կը
դնէ 25 փարսախ³ որն որ ըսել է 12 — 13
ժամ. անոր սաստիկ խորութիւնը կը յիշէ, ու կը
հաստատէ թէ անկից 9 տեսակ ձուկ կը բռնեն, ո-
րոնք երկուսի մէջ շատ յարգի են։ Մենք երբ որ
օթեւան (Ֆէնդիլ) հասանք, որն որ լճին հիւսիսային
եզրէն հազիւ թէ 10 րոպէ հեռու է, նոյն լճին Սեւան
ըսուած կղզոյն վրան եղած մենաստանին վանա-
հօրը օր մը յառաջ մարդ խրկելով իմացուցինք որ
վանքին այցելութիւն մ'ընելու կը բազմանք, եւ կ'ա-
ղաչենք որ վանքին լաստը (սալ) շնորհք ընէ խաւ-
րէ։ Երկրորդ օրը երբ որ լճափը գացինք, ուրախու-
թեամբ տեսանք որ չէ թէ միայն լաստը հոն էր,
հապտանոյն իսկ պատուական վանահայրը երկու ժամի
ի վեր մեղի կը սպասէր։ Ամենքնիս մէկտեղ լաստը
հեծանք, ու Սեւանայ ծովին հանդարտ ջրերուն
վրայէն սկսանք երթալ։ Լճին պայծառ ու կապու-
տակ գոյնը կարծես թէ մեր երեսը կը ծիծաղէր,
եւ ստուգիւ մաքուր երկնքին վճիտ գոյնէն աւելի
գեղեցիկ էր։ Արեւը չափաւոր ապքութիւն ունէր
(փետօրը 14⁰ Ռեոմիւրի)։ Աս ազատ լեռնային օդին
մէջ չորս կողմերնիս եզած գալարագեղ բլուրներն ու

¹ Scilla Sibirica. ² Chardin. ³ Lieue.

ձիւնափայլ կատարները մեզ շատ կը զուարթացրենէին: Հոս մաքերնիս եկաւ խեղճ Պր. Տիւպոս տը Մոնթեռէօ¹, որն որ մեզմէ ութը տարի յառաջ խիստ ձմեռուան ատեն հոս հասնելով՝ չկրցաւ աս փառաւոր տեղքը վայելել ու աս տեղս ալ իր հմտական ու արդիւնաւոր զննութիւններն ընել:

Տարակոյս չկայ որ աս Սեւանայ լճին մէջ շատ ժամանակ յառաջ օոսկալի հրաբխական գործողութիւններ եղած պիտի ըլլան: Լճին չորս կողմը բոլորած են այնպիսի հրաշունչ լեռներ, որոնք հիմա մարած են, բայց կը ցուցնեն որ ատեն մը իրենց բերանն է եղեր աս լճին տեղը, որմէ ահագին բոցեր ելած ու հրային նիւթեր եւ քարեր դուրս ցաւքած պիտի ըլլան: Սակայն հիմա նոյն ծակին մէջ ջուրը եկած լեցուած ըլլալով՝ յառաջուան անգունդը գոցուած է: Անժխտելի նշաններէն կը տեսնուի որ հրաբուխ լեռները խիստ շատ երկայն ատեն հոստեղս գործեր են: Նոյն իսկ Սեւան կղզին ուրիշ բան չէ՝ բայց եթէ ան հրաբուխներուն բերնէն դուրս ելած բլրաձեւ կոյտ մը: Մինչեւ հիմա կղզւոյն վրան հրաբխային նիւթերով ծածկուած է: Կղզին ելլելուս պէս՝ խոշոր լաւայէ² քար մը տեսանք. սառսիկ մեծ կտորներով շեշաքար (փոփաղ խալը) ալ շատ կայ. բայց ընդհանրապէս հրաբուխներուն ապակեման քարերը հոս չկան: Կղզւոյն ժայռերուն երեսը չափաւոր խորութեամբ մը փշրած, փխրած ու հոգ դարձած է,

¹ Dubois de Montperreux. Աս հմուտ երկրաբան ճամբորդը Հայաստանը պարտած, քննած ու հատորաւոր պատկերազարդ գրքեր հանած է, որոնց մէջի հիմնական ծանօթութիւնները գիտնոց առջեւը մեծ համարում ունին:

² Լաւա հրաբուխներէն վաղած փրփուրը կամ հեղուկ մութիւն է, որն որ երկայն ատեն լցած կը մնայ ու իր տաքութիւնը կը պահէ, բայց ետքէն կը կարծրանայ ու պարունակած նիւթերուն համեմատ տեսակ տեսակ քարեր կ'ըլլայ:

եւ շատ տեսակ անկեր կը բուսցընէ: Ժայռերուն
ասանկ քայքայիլն ու փշրիլը՝ որն որ օդին ու ջրին
ազդեցութենէն եղած է, կը ցուցընէ թէ աս քա-
րերը ինչպիսի հին ժամանակուան բաներ են: Զար-
մանալի է Սեւանի վրայ հեփեստեան առփ (այսֆ
Խաչ) ըսուած քարին վերջի առտիճանի խոշոր կտոր-
ները: Աս քարին պղտիկ կտորները մաշած, կլոր-
ցուած եւ անկիւնաւոր են, ու պինդ եւ փայլուննիւ-
թով մը իրարու հետ կապուած են: Յայտնի է որ
աս ամէն երեւոյթները ջրին զօրութեամբը եղած
բաներ են, որմէ կը հետեւի թէ Սեւան կղզին
հազարաւոր տարիներ յառաջ ջրիտակ է եղեր կամ
թէ ըսենք Սեւանայ ծովին ջուրը յառաջ հիմա-
կուընէ շատաւելի բարձր է եղեր: Ալբեան դարնա-
նային ծաղիկները կղզւոյն երեսը բացուելու սկսած
էին, ամենէն առատ տեսակներն էին դեղնագոյն հրա-
նունկ ու դարնանաբեր ծաղիկ: Երբ որ վանահայրը
տեսաւ որ բոյսերը քննելու կը զբաղիմ, ըսաւ թէ
Ասիկա կղզւոյն ծաղիկներուն գեռ չոր սկիզբն է.
վեց շաբաթ ետքը դառնալու գալու որ ըլլաք, բո-
ւոր կղզւոյն կերպարանքը փոխուած ու ամենագեղ
ծաղիկներով զարդարուած կը տեսնէք:

Խոլոր վանքը լաւայէ շինուած է. նաեւ եկե-
ղեցւոյն խորաններն ալ աս սեւ քարէն¹ են: Երկու
եկեղեցիներն ալ իրենց փառաւոր վիճակին մէջը չեն:
Վանքն այնպէս շինուած է որ արեւուն լոյսը խիստ
քիչ կը մտնէ: Վանականները հիմա 15 հոգի են.
ատեն մը ասոր երեքպատիկն էր: Սեւանայ կրօնա-
ւորները շատ երկայն չեն ապրիր ու հիւանդոտ են,
բայց կ'երեւայ որ աս բանս՝ խստամբեր ու ամէն դիւ-
րութենէ ջուրի կեանք անցընելէն է, որովհետեւ

¹ Պր. Վահաներին աս ամէն ոտորագրութիւններէն կ'երե-
ւայ որ աս կղզւոյն Սեւան անունը տնոր հրաբխական
սեւ քարերուն տեսքէն տանուած դրուած ըլլայ:

տեղւոյն օգը անկարելի է որ փաստակար քլայ: Ժա-
մանակ մը աս մենաստանը շատ հարուստ էր, ու
լճին բոլորտիքը 40 գեղի չափ կալուած ունէր: Բայց
վերջէն Պարսիկ կուսակալները (սէփաբէյը) ամէն
բան յափշտակեցին, ձառուր զարդերը, գոհարներն ու
ոսկեղէն անօթները կողոպտեցին առին, ու մերձա-
րնակ Հայապգիները՝ որոնք տարւէ տարի նոյն վանքը
կը հոգային, կեղեքեցին ու չորցուցին: Մենաբանը աս
Պարսիկներուն եւ ուրիշ բարբարոսներուն ձեռքովը
շատ վնասներ կրելով՝ անշուք ու աղքատ վիճակի
մը մէջ է. ուսում ու գիտութիւն մարած են. բայց
գիտութեան երկու գիւրջ գնելու ալ գումական կա-
րողութիւն¹ չկայ:

Ինչպէս մեզի պատմեցին, տարին եօթը ութը
ամիս երկրին երեսը ձիւն կամ սառոյց պակաս չէ.
որ ատենները նաեւ ցրտաշունչ հովեր լեռանց վրայէն
փչելով՝ Սեւանայ ծովէն վայս այնպիսի մրկալէց ա-
լէկոծութիւններ կը հանեն, որ ալիքները կրգւոյն զար-
նուելով՝ իրենց փրփուրը մինչեւ վանքին պատը կը
ցատքեցընեն: Հոստեղաց լեռներուն վրայ ծառ չկայ,
սւստի եւ փայտ ալ չկայ: Այգիին ետ չդարձած՝
վանահայրը մեզ իր աղքատին կերակուրներովը պա-
տուեց: Սեղանի տան խօսք բացուելով՝ աս վանա-
կաններն ալ հաստատեցին որ ստորին Ռուս պաշ-
տօնատեքները ժողովաւորը կը կեղեքեն, թէպէտ
Ռուսաց գէմ ամենեւին նախատանաց խօսք մը չըսին:
Ասիկոց ետքը բոլոր իմ բնկերներս Սեւանայ կղզիէն
բաժնուեցայ:

¹ Բայց հիմով, ինչպէս 1849 Յունիսի ճին էջմաշէնէն Ա-
րարատեան Արշալուսին կը գրեն, Ռուսաց կայսրը Վո-
րոնցով իշխանին միջնորդութեամբը վանքին Պարսիկ-
ներէն յափշտակուած երկու գեղջ չէ թէ միայն դար-
ձուցիր է, հապա նաեւ հրամայեր է որ ան գեղերուն ճի-
տքը ան եկամուտքն ալ վանքին հատուցուի:

ՉՈՐՐՈՐԴ ԳԼՈՒԽ

Սեւանայ ծովին բարձր դիրքը, խորութիւնը, աղէկ ջուրն ու ձկերը: Սեւանայ շրջակայ տեղերուն հանքաբանական որոպիսութիւնը, բոյսերը, կենդանիները, մշակութեան պակասութիւնը, բնակչաց քիշութիւնն ու աղքատութիւնը:

ՅԱՄԱԳ ԵՂԵՂՆՈՒԱ պէտ՝ Պր. Արոյկեանը Երիւան գնաց. ես ալ երկրաբանական մուրճը ձեռքս առած՝ իմ կայարանս դարձայ: Մայիսի աղուոր օրերն ու հեշտ արեւն ինծի մեծապէս օգնեցին: Ամէն օր կամ ձիով կամ հետի, երբեմն մինակ ու երբեմն իմ խազախիս ընկերութեամբը զանազան տնկեր ու ճճիներ ժողվելու կ'երթայի: Բայց ձիւնը դեռ նոր հալած ըլլալուն՝ միջատներն ու բոյսերն այնչափ առատ չէին, միայն թէ խիստ հազուադիւրս ու մտադրութեան արժանի տեսակներ էին: Իմ խազախէս զատ՝ երեք Հայագգի ալ վարձքով բռնեցի, որոնք աղքատ ու բարեսիրտ մարդիկներ էին, եւ քիչ ռուսերէն գիտէին, այնպէս որ հազիւ թէ շատ հարկաւոր բաները կրցայ հասկըցընել, բայց իրենք խելացի ըլլալով՝ ամէն բան դիւրաւ ըմբռնեցին ու ինծի շատ օգուտ ըրին:

Խարձրութիւնները չափելու ծանրաշափս կոտրած ըլլալով՝ սկսայ ջուր եռացընելու գործողութեամբ քննել՝ որ Սեւանայ ծովը Սեւ ծովին երեսէն որչափ բարձրութիւն ունի: Աս վախճանիս համար Վիէննա Պր. Գարեյլէրէն շինուած ջերմաչափ մը գործածեցի, որն որ իր բարձր մէկալ կազմածներովն ու եփարաններովը անանկ վարպետութեամբ կարգաւորուած ու տեղաւորուած է՝ որ Ռուսերուն Բաւոտա ըսուած սայլին ցնցումներէն ալ փառ մը չիկրեր: Լճին հիւսիսային եզերքին վրայ եօթը հեղ փորձելէս ետքը՝ գտայ որ հոս եռացման կէտն է Կեղտիոսի 94⁰, որն որ 1501 գաղղիական Ռդր, կամ 4749 վիճնական ոտնաչափ բարձրութիւն ըսել է:

¹ Տես Կրթական ու զբոսայի տեարակը. Օգերեւոյթք, Երես 11 ուր աս գործողութեան վրայ մանրամասն գրուած է:

Ասով գրեթէ ճիշդ իմացայ որ Սեւանայ լիճը ծովին երեսէն 4749 ոտնաչափ (շուրջ 1980 կանգուն, աչքն) բարձր է: Լճին տաքութիւնը Մայիսի 19ին առառուանց $3\frac{1}{10}$ աստիճան Ռէոմ. էր. իսկ գուրաբ ազատ օդի մէջ 6 աստիճ. Ռէոմ: Հիւսիսային ու արեւմտեան կողմը լճին ջուրը մաքուր, անոյշ ու խորժանհամ է, եւ տաճնէն աղէկ աղբիւրներուն ջրին պէս կը զովացընէ: Ցիւպոս կ'ըսէ որ հարաւային ու արեւելեան գին ասոր հակառակ է. բայց առ ինծի հաւանական չ'երեւար, որովհետեւ մրրիկները շատ անգամ բոլոր լճին ջուրը իրարու հետ կը խառնեն: Նոյն ճամբորդը կը հաստատէ որ առ ծովակին երկայնութիւնը 60 առսական մղոն (մերս. 1 մերս. = 17 բոպէ) է, իսկ լայնութիւնը տաճն տեղ տարբեր է: Սեւանայ ծովին գոյնը լեռներէն նայողին գեղեցիկ լեզակի կապոյտ (չի՛վսի մովսի) կ'երեւայ, իսկ քովէն՝ սեւ կապոյտ, բայց շատ յստակ ու թափանցիկ է: Ասոր խորութիւնը մինչեւ հիմա չկրցաւ իմացուիլ. Պր. Պուխլալտ ըսաւ որ եռ անձամբ կապարէ գունար ձգեցի ու 70 գրկաչափ (փուլմ) երկընցուցի, եւ յատակը չգտայ: Թէպէտ առ լճին դիպքը բարձր է ու ձմեռուան ցրտութիւնը խիտ, ի վերայ այսր տաճնայնի ջուրը միշտ չիսառի, որովհետեւ Դեկտեմբերէն մինչեւ Մարտ փշած աստիճան շուրջ 20—25 աստիճան Ռէոմ. ցուրտ եղած տաճն՝ թող չեն տար որ ջրին երեսը սառցոյ կապէ: Բայց սառելու ալ բլլայ նէ, երկու ամիսէն աւելի նոյն վիճակի մէջ չիմնար:

Լճին մէջ Սեւան կղզիէն զատ՝ որուն շրջանը հազիւ թէ ուստի մէկ մղոն է, կապոյտ ջրին վրայ կը բարձրանան ուրիշ երկու պղտիկ անբնակ ժայռաւոր կղզիներ: Թէպէտ ծովակին ձուկը շատ առատ է, բայց ես ջրին երեսը ձկնորսի նաւակ մը չաւսայ: Հայերն ու Թաթարներն իրենց ուսկանը կը

ձգեն ան տեղերը՝ ուր որ գետակները լճին մէջ կը վազեն, եւ լճին մէջտեղերը չեն փորձեր թէ որչափ ձուկ ունի: Բուն ձկնորսութիւնը հասարակօրէն Մայ-իսի վերջերը կը սկսի: Ամառուան սկիզբը ձկերը լճէն կ'ելլեն ու ջրին ընթացքին դէմ գետակները կ'երթան: Կարգաւորեալ ձկնորսութիւնը տարին չորս անգամ է, տմէն մէկ հեղ մէյ մէկ ամիս. տասնկով ութ ամիս ձկերը մարդիկներուն որոգայթներէն ազատ ու ապահով կը մնան: Կ'ըսուի որ աս լճին մէջ վեց տեսակ ձուկ¹ կայ: Տիւպոս կը հաստատէ թէ Փետրուար ամսոյն տեղացիք լճին սառած երեսին վրայ ծակեր բանալով մէջը ցանց կը նետեն, ինչպէս որ ինք ալ տեսեր է. բայց ես ասանկ զարմանալի ձկնորսութեան մը վրայ հոս շատերուն հարցուցի որ տեղեկութիւն մ'առնեմ, եւ ամենեւին մէկը ասանկ բան չէր գիտեր:

Ինքհանրապէս խօսելով Սեւանայ ծովին եզերքը ցից կամ սեպացեալ չեն: Լճին ու անոր քովի լեռներուն մէջ պզտիկ գաշտեր կամ հովիտներ կան, որոնք Յունիսէն մինչեւ Սեպտեմբեր գեղեցիկ արօտ կը բուսցընեն: Հարաւային ծայրը շատ սքանչելի տեօք ունի, ուր կայ Ահմանկան ըսուած հրաբուխ լեռներուն խումբը, որուն բերանը մինչեւ հիմակ ամբողջ մնացած կը կարծուի, եւ իր լեռներէն չորսին բարձրութիւնը 12,000 ոտնաչափէն վար չ'երեւար: Իսկ լճին հարաւային արեւելեան ծայրը կը բարձրանան Գըզ գալէսի, Քիւնկիւր տաղը, Քէօթիւ տաղ ըսուած լեռները, որոնց կատարը միշտ ձիւնապատ է: Սեւանէն Երիւան երթալու ճամբէն քիչ մը հեռու երեք եղբարց պէս երեք լեռ կան, որոնք զարմանալի եղանակաւ մը հաւասարապէս կոնաձեւ կամ

¹ Ոմանք կը հաստատեն որ ամէն մէկ ամիս զառ զառ ձկի տեսակ կ'ելլէ. ասիկա սողոգ կրնայ ըլլալ, բայց ծուռ է ըսելը որ 12 ամսուան մէջ 12 տեսակ ձուկ կ'ելլէ, վստն զի աս լճին մէջ տարին 12 ամիս ձկնորսութիւն չ'ըլլար:

բրգաձեւ են, եւ իրենց բոլորովորդ հրաբուխներէ գուրս նետուած զանազան քարեր կան, ու նաեւ հրաբուխներու ապակենման քարեր, ինչպէս վանա-կառ, մարգարտաքար եւ հուլակն¹: Աս երեք լեռք բնակիչներէն կը կոչուին Երեք բլուրք (Իւլ Բեֆէ): Սեւանին արեւմտեան կողմի լեռները շատ տեղ բուն իրենց շղթայէն բաժնուած են ու զատ զատ կը կե-նան. առ բանս կը ցուցնէ որ հաստեղաց լեռները հրաբուխներուն մէջէն միանգամ դուրս պոռթկալէն ետքը՝ հրաբուխները չեն մարեր, հապա երկայն ա-տեն անոնց գործողութիւնները յառաջ երթալով՝ սադին անդին նոր հրաբուխներու բերան բացուեր է ու երկրին ծոցէն նոր կոյտեր դուրս են ժայթքեր:

Հոս որ լեռան վրայ որ ելայ նէ, ամէն տեղ տեսայ որ երկրիս երեսի քարերն ու ժայռերը չա-փաւոր խորութեամբ արդէն փշեր ու հող գարձեր են, զուտ ժայռ երկրին երեսը խիստ քիչ տեղ կ'երեւայ: Աս հող գարձած ժայռերուն երեսը փրա-տած բոյսերուն հետ խառնուելով՝ զանազան գունով ու շատ գեղեցիկ ծաղիկներ կը բուսցնէ: Թէպէտ իմ պաշտած ատենս գարնան արեւը հազիւ թէ քանի մը օր էր որ ծաղեր էր, այսու ամենայնիւ.

1 Վանակառը տեսակ մը հրաբխական, բայց շատ յարդի քար է. տսիկայ իր բնական վիճակին մէջ չոր ձիւթ (շիֆ) կը նմանի, սակայն յզկելու որ ըլլառ, սոստիկ կը փայլէ ու սեւ մարմար կամ սեւ վանակն (պէլքը) կը գառնայ: Հին ասորեաներն առ քարէն հայլի կը շինէին: Գաղղիացիք ասոր կ'ըսեն՝ Obsidiane, Pierre obsidien-ne, լատ. Obsidianus lapis, որովհետեւ Որսիդիոս անու-նով Հռոմայեցի մը տսիկայ տաաջին անգամ Եթովպիա գաւառ ու Եւրոպա բերաւ. իսկ Գերմանացիք կ'ըսեն նաեւ Ուպակի ակառ, Ուգաւաւքար (Glasagath, Rabenstein): Մարգարտաքարը (գլ. Perlite, գերմ. Perlstein) փ եւ նոյն վանակաան է, բայց մէջը մարգարտի պէս ճերմակ հատեր կան: Նոյնպէս հուլակն (գլ. Résinite, գերմ. Pechstein) ալ փ եւ նոյն տեսակէն է, բայց իր պլեւայլ մասերը հուլով կամ խժայիին նիւթով մը իրարու հետ կապուած են, որով նոյն քարը զանազան գոյն կ'առնէ:

Ծաղիկներուն զանազան գոյնը սառուգիւ հրաշագեղ
քան մըն էր. լուրջ շուշանը (Տոլէ զամպոյ), մանու-
շակն ու բոգը¹ իրենց կերպ կերպ կապուտակ գոյնը
Պըրցուացընէին, որոնց մէջ խառնուած էր խոլորձներուն²
քաղ կարմիր գոյնը, հրանունկներուն ոսկեգոյն գե-
ղինն ու կարրնգանին³ արծաթափայլ ճերմակը: Սա-
կայն ծաղիկներն ալ, խոտերն ալ դեռ շատ աճած
չէին: Պր. Աբովեանն որ ուրիշ անգամ առ գիշեր
եկած էր, հաստատեց թէ Յուլիոսի մէջ խոտերն ա-
նանկ բարձր կ'ըլլան որ մարդ մինչեւ ծնկուրներէն
վեր ազուոր բոյսերու եւ ծաղիկներու մէջ կը ճեմէ:
Ասոր համար Հայք Յիւլիանի կիրճին ու Սեւանայ
ծովին մէջ եղած հովիտը "Ծաղկաց դրախտ", կ'ա-
նուանեն: Բայց ամսո՞ւն որ Հայաստանին աս ցուրտ
կողմերը նոյն դրախտական վայելութիւնը շատ քիչ
կը տեսէ, ինչու որ Սեպտեմբերի մէջ ցուրտ անձրեւ-
ները կը սկսին: Ինչպէս տեղացիք կը հաստատեն,
հոս գարին շատ աղէկ կ'աճի: Արտերը հասարակ-
րէն Մայիսին կը հերկեն: Խոնավութիւնն ու կարկու-
տը շատ հեղ հունձքին վնաս կու տան: Գեղացիք
իրենց ցանածին քառապատիկն որ առնեն, գոհ
կ'ըլլան: Շատ առջ տարիները նաեւ ութպատիկ
կ'առնեն: Բայց Հայաստանին մէկալ գաւառներուն
քովը՝ աս հունձքը քիչ է. որովհետեւ նոյն իսկ Կար-
նոյ ընդարձակ լեռնադաշտին վրայ ցորենը հասա-
րակօրէն մէկին 16 կը բերէ: Սեւանայ օդը վերջին
աստիճանի առողջ է:

Սեւանայ բոլորտիքն եղած լեռներուն կենդանի-
ները քանի մը մասնաւոր տեսակներ ունին: Տեղա-
ցիք կ'ըսեն թէ աս կողմերը անսակ մը մեծ վիթ
(շաղէլ) կայ, զորն որ թաթար որսորդները երբեմն
կը բռնեն: Նապաստակ շատ յաճախ է: Լճին

¹ Լա. Gentiana, աճ. Կ- շա. ² Գշ. Orchidées. ³ Լու.
Cerastium.

վրայի օգին մէջ անհամար բազմութեամբ որորներն¹ ու գետազաւանները² կը թռչէին: Զրին քովերը կը վխտային կանաչ ճայ (մարլէ) ու բադ: Ցարմահաւներն ու ծիծառները առնեաց վրայ բոյն դրած էին. եւ լեռնային մարգերուն կողմերէն ալ լորսամարգներուն կանչիւնն ու արտայտներուն զուարթ կարկըշիւնը կը հնչէր: Միջատները շատ գեղեցիկ, նոր տեսակ ու բազմաթիւ էին: Եւ ժամանակ չուէնէնալով՝ Սեւանայ հարաւային եզերքը չկրցայ երթալ տեսնել, բայց երկրաբան մը ու բնապատում մը Ահմանկան լեռներուն վրայ քիչ մը առեն կենալու որ ըլլայ, քննելու արժանի շատ բան կը գտնէ:

Հայոց թագաւորներուն ատենը հոսանդս չէն ու բազմամարդ գաւառ մըն էր Սիւնիք կամ Սիսական անուամբ: Սեւանայ ծովին եզերքը ծաղկեալ գեղերով զարդարուած էին. եւ չէ թէ հիմակուան պէս միայն ցորենի ու գարւոյ արտեր կային, հապա աղուոր պարտէզներ ու մրգաբեր ծառեր մերկ գետինը կը զգեստաւորէին, ինչպէս որ գեռ այսօրուան որս Վանայ ծովին բոլորտիքը կ'երեւայ, ուր ժիր ու հնարագէտ ժողովուրդ մը հոնտեղաց խիստ բնութիւնը կէս մը յաղթած է ու ամէն կերպ անուշահամ պտուղներ կը հասցընէ: Սեւանայ ծովին քովերը թէպէտ մրկոտ է, բայց պարտէզներ մշակելու եւ կարգաւորեալ անտառներ տնկելու անկարելութիւն մը չկայ: Բարձր Հայոց մէջ Կարնոյ լեռնագաշտը աւելի բարձր (Սեւ ծովին երեսէն 6100 փութի ռոտնաչափ վեր) գիւք ունի, ի վերայ այս ամենայնի հոն խումբ խումբ գեղեցիկ կազամախի (բալաֆ) տեսայ. եւ Արարատայ պզտիկ մասին վրայ որ Սեւ ծովին երեսէն 7800 ռոտնաչափ բարձրութիւն ունի, հաւամրդի³ ծառերու անտառակ մը

¹ Լ. - Larus. ԴՂ. Mouette. ² ԳՂ. Cormoran. ³ ԳՂ. Bouleau.

Կար: Ստոյգ է որ հիմա Սեւանայ շրջանակը պարտէզ
 կամ անտառ չկայ, բայց այնչափ գեղերու, եկե-
 ղեցիներու եւ վանքերու աւերակները կը ցուցնեն
 որ երբեմն հոս բազմաթիւ ժողովուրդ մը խողա-
 ղութեամբ ու երջանկութեամբ կ'ապրէր: Պարսից
 ու Տաճկաց մէջ եղած ահագին պատերազմներն աս
 կողմերը խոպան անապատ դարձուցին. բայց մնացածն
 ալ Ռուսաստանի եւ Պարսկաստանի վերջին կռիւք
 բոլորովին աւերց ու ապականեց. մէյ մը Պարսիկնե-
 րու կողմնակից Քիւրտերը գեղերը կը զարնէին, մէյ
 մը խաղախներու խումբը. ասանկով Սեւանայ ծովին
 քովերը 60 պզտիկ գեղ մնաց. 45 գեղի բնակիչները
 Ռուսերուն եկած ատեն տեղերնէն ելան գացին ու
 գեղերն անբնակ թողուցին: Հիմակ հոս Հայոց 6
 եկեղեցի կայ. մէկալներն երեսի վրայ մնացեր են:
 Ռուսերուն թիւը հազիւ թէ 20ի կը հասնի, որով-
 հետեւ միայն՝ թղթատարութեան մէկ երկու պաշ-
 տօնատէրներ, քանի մը զինուորական պաշտօնակա-
 ներ (օֆիէտներ) ու խաղախներ կան: Հայոց գեղերն
 ըստ մեծի մասին լին արեւմտեան ու հիւսիսային
 կողմերն են: Ես զատ անգամ ասոնց հիւսիսային
 գեղերուն այցելութիւն ըրի, ուսկից վարձքով մարդ
 կը բռնէի որ հետս բոյս ու ճծի ժողովն: Ասոնց
 տնակը կէս մը հողի մէջ է, որպէս զի, ինչպէս ի-
 րենցմէ մէկն ինծի ըսաւ, ձմեռն աւելի տաք մնայ:
 Ամէն մէկ տնակին մէջ բաւական ընդարձակութեամբ
 երեք չորս խուց կայ: Կանայք հասարակօրէն բամ-
 բակ կը մանեն: Պէն բանի մէջ կը տեսնուի որ սաս-
 փիկ աղքատ են: Աս գեղացիները Ռուսաստանի
 եւ Տաճկաստանի մէջ 1829ին եղած դաշինքէն ետքը
 իրենց երկրէն ելան ու հոս եկան, բայց աս տեղա-
 փոխութեան վրայ հիմա գոհ չեն: Ամէն մէկ տան-
 տէր կամ ընտանեաց գլուխ՝ տարին իրեն համար եր-
 կու արծաթ ուսպլի գլխահարկ կամ մարդահարկ

պիտի վճարէ, եւ 8 մինչեւ 12 արծաթ ուսպլի ալ հողադրամ (երկրի համար տուրք). այսչափ տուրքը ասանկ աղքատ մարդիկներու նայելով՝ ստուգիւ շատ է: Բայց ասկից զատ՝ նաեւ տարւէ տարի հասկից վարսաւիա գացող Թաթար ձիաւորներուն զգեստին եւ ուրիշ ծախքերուն ալ խեղճ բնակիչները պէտք են օգնել: Իսկ ստորին ուսա պաշտօնատէրներուն իրենց կողմանէ բրած անհամար հարստահարութիւններն ալ ասոնցմէ դուրս են: Տեղացիք ըսին որ իրենց կենդանիներն արածելու մէջ ալ շատ նեղութիւն կը կրեն, որովհետեւ նամակարանին (ֆոնայի) ուսա պաշտօնատէրներն ամենէն գեղեցիկ արօտները (չայք-նէրը) իրենց ձիերուն համար կ'առնեն, թէպէտեւ իրաւունք մը չունին: Դարձեալ բնակչաց մէկ երեւելի շահը հիմա պակսած է: Յառաջագոյն Երիւանի եւ Թիֆլիզի մէջ եղած կարաւաններու երթեւեկին պատճառաւ շատ բեռնակիր կենդանիներ վարձքով կը բռնուէին ու ժողովրդեան մեծ շահ կ'ըլլար. բայց հիմակ Ռուսաց կառավարութիւնը դրսէն եկած ապրանքներու շատ բարձր մաքս դնելով՝ վաճառականներու կարաւանները խափանուեցան: Ասկից Տաճկաստանի Հայերն աւելի վատտրեկեցան, որովհետեւ Դաւրէժի ու Տրապիզոնի մէջ երթեւեկող կարաւաններն աւելի եւս յաճախ եղան:





ՀԻՆԳԵՐՈՐԴԻ ԳԼՈՒԽ

Գեղեցիկ տեսարան: Զենկի գետակին ձկերը: Հրաբխային քարեր: Երկանայ առուտուրը, գիւղն ու պատերազմական նշանակութիւնը: Երկանայ բերդը: Հայ գիւցաղնուհի: Երկանայ բնակչաց թիւն ու տնոնց աղքատ վիճակը: Վառաժարութեան կերպ: Բարեխառնութեան աստիճան: Երկրին բերքն ու Հայոց մշակութեան ճարտարութիւնը: Մեծ ու Փոքր Մասիս:

ՄԱՅԻՍԻ գեղեցիկ արեւը ծագած էր ու Հայաստանի պայծառ կապուտակ երկինքէն ձիւնախաղաղ լեռներն ու դաշտերու բնակիչները հաճոյական եղանակաւ մը կը տաքցընէր: Յօդաւէտ խոտերուն վրայ լորամարդը զուարթ կը հնչէր. վարդագոյն տարմահաւները ժայռերուն դալար ծածկութիւն վրայ սիրուն շարժումներով կը խայտային. որորները, գետազաւաններն ու գորշ ճայերը Սեւանայ ծովէն վրայ երթեւեկելով՝ ձկնիկ ու գորտնիկ կը դիտէին, եւ որս մը գտածնուն պէս՝ ուրախութեամբ կը կռչէին. բազէն ու գետարծուին օդին բարձրագոյն դաւառներուն մէջ հանդարտ ու պերճ կերպով մը կը թռչէին. եւ լեռանց ծայրերուն մօտ ժայռաբնակ արտոյտները՝ իրենց առաւօտեան սղջոյնը կ'երգէին: Ասանկ զուարճալի տեսարանին մէջ Սեւանէն Երկան ճամբայ ելանք: Քովի խաղախա ալ առտուանց քիչ մը օդի խմելով շատ զուարթացաւ ու սկսաւ խաղախի երգ մը միմաւ եւ երբեմն երբեմն կը դառնար ինծի կը նայէր որ կը հաճիմ թէ կը տհաճիմ. բայց երբոր թեթեւ ժանիք մ'ըրի, լսեց, ու չիմացաւ որ կառքին սաստիկ ցնցումներէն կը տանջուիմ, որովհետեւ իր սլաւեան մորթը չէ թէ միայն չէր զգար, հապա նաեւ անով աւելի առուգութիւն կը ստանար ու իր ախորժակը կը բացուէր, որով խաղախներու ոտամոքսին մարսողական զօրութեան հրաշալի փորձերը տեսնելու շատ անգամ առիթ ունեցայ: Ինք շատ ճարպիկ էր, բայց սաստիկ ալ դող ուր որ կ'երթայի նէ, կ'ապսպրէի որ աղէկ զգուշա-

նան, ի վերայ այսր ամենայնի ամէն տեղ բան մը կը կորզէր, ու նոյն իսկ իմ քսակս ալ երբեմն երբեմն ծածուկ կը բարեւէր:

Մեր ճամբուն վրայ հասանք ան ջրանցքին՝ որն որ Սեւանայ լճէն ելլելով՝ իր ականակիտ ջրերովը Զենկի գետին հիւր կ'երթայ ու անոր հետ մէկտեղ Երասխ կը մտնէ: Հոս կարթընկէց Հայեր նստած էին ու քովերնին նոր բռնած ձկեր ունէին, որոնցմէ տասուերկու հատ մը գնեցի, որ գինւոյ ոգիի մէջ դնելով՝ Եւրոպա բերեմ, եւ խազախիս յանձնեցի որ անոնք ոգիի տիկը դնէ, ու ես մօտաւոր ժայռերը զննելու գացի: Հրաբխական քարերու խել մը գեղեցիկ կտորներ գտնելէս ետքը դարձայ, ու նայիմ որ խազախս բոլոր մարմնով զգաղման մը մէջ է. մէյ մ'ալ, ափսոս, տեսայ որ ձկերը նախ կտոր կտոր ըբեր ու այնպէս գինւոյ ոգիի մէջ գրեր է: Աս բանիս վրայ ստատիկ կատղեցայ, բայց ինք կը զարմանար որ հոս տաքնալու ինչ բան կայ. «Անոր համար կտրտեցի, կ'ըսէր, որպէս զի ոգին աղէկ մը ձկերուն մէջ թափանցէ ու Երիւան հասած ատենդ աւելի համով ուտես», Ասանկով ան աղուոր ձկերը փճացան, որոնց մէջ, ինչպէս քննելով իմացայ, երկու տեսակ ծածան (սալան պալըղը) կար ու երեք չորս տեսակ անծանօթ ձկեր: Ար յուսայի որ Երիւան ասոնց չորցածը կը գտնեմ, բայց պարապի ելլելով՝ աւելի եւս գժուարեցայ: Եւրոպայի բնախոյզները հոստեղաց ձկերը դեռ աչքէ անցուցած չեն, անոր համար անոնց ճիշդ ստորագրութիւնը եւ բնակիչներուն՝ ձկանց տեղւոյն ու տարածութեանը վրայ տուած ծանօթութիւնները շատ յարգի են:

Հոս Հայաստանի հրաբուխ լեռները քանի կ'երթայ ահեղ կերպարանք մը կը ստանան: Մեծ մասը կոնաձեւ կամ բրգաձեւ են. բայց ամենէն կանոնաւոր կոնաձեւը փոքր Արարատն է: Չորս կողմը սփիւռ

կը տեսնուին հրաբուխներու ապակենման փայլուն քարեր, որոնք նաեւ այնպիսի ճամբորդի մը աչքին կը զարնեն, որն որ չի գիտեր թէ հոս մարած ու սառած հրային գետնի մը վրայ կը քալէ: Քովի խաղախս զարմանալով մը աս փայլուն քարերէն քանի մը կտոր առաւ ու ըսաւ որ հոս ժամանակաւ ապակեղ շատ գործատուններ եղած պիտի ըլլան: Ուր որ նոյն ապակենման քարերը կան նէ, քովերնին ալ չեչաքար (խոմգա խալը) կայ, որն որ առ ապակենման նիւթին հալած ատենը փրփուրի պէս անոր երեսը կեցած ու անոր սառած ատենը՝ վրայէն բաժնուած պիտ'որ ըլլայ: Երբոր Սեւանէն 20 ռուսական մղոն հեռացած էինք, առաջին անգամ Մեծ. Արարատը տեսայ: Աս հռչակաւոր ու հսկայ լեռան ճերմակ ձիւնեղէն կատարը հեռուանց ու խորունկանց քովի սեւ ու անձին լեռներուն մէջէն դէպ ի վեր կը բարձրանայ: Անմիջապէս ճանչցայ որ ասիկայ Նոյեան լեռն է, ու Հայ կառապանը սկսաւ գլուխը շարժելով ըսել որ Մասիսն է: Գիշեր մը Եւար օթեւանը պառկեցայ ու երկրորդ օրը քանի որ ճամբաս յառաջ կը տանէի, Մասիսը կը սկսէր իր բովանդակ ծաւալովն ազատ ու պայծառ երեւալ: Ասիկա անհնարին մեծութեամբ միապաղաղ սեւ քար մըն է: Գուցէ բոլոր երկրիս վրայ ասանկ ամէն կողմանէ զատուած ու ասանկ մեծութեամբ քար մէյ մըն ալ չկայ: Ո՛ր ճամբորդ աս ջրհեղեղեան լեռը տեսած ատենը՝ անոր առջեւը մէկ կրօնական ու պատմական ներքին ու խորին յարգութիւն մը չի զգար: Աս ահեղ ու շքեղ տեսարանը բոլոր կրած ցաւերս ու նեղութիւններս մոռցուց:

Ա երջապէս Երիւան հասայ. հոն ուղեկիցներս ալ գտայ: Զինուորական Ռուս մեծերը զիս վերջին աստիճանի մարդափրութեամբ ընդունեցան: Ճամբորդութեանս պատմութեան մէջ Ռուսաց ստորին պաշ-

առնաաւերներուն անարժան վարմանցն ու հարստու-
հարութեանցը վրայ շատ տեղ ահաճութեամբ խօ-
սեցայ, բայց աս ալ պէտք է խոստովանիմ որ Ռու-
սաց հիւրասիրութիւնը խիստ քիչ տեղ կրնայ գրա-
նուիլ: Երիւան քաղաքը Երասխ դետին քովի դաշ-
տին հիւսիսային արեւելեան կողմը կ'իյնայ ու Բա-
ռուզին չափմանը նայելով՝ Սեւ Ծովին երեսէն
3311 սանաչափ բարձր է: Քաղքին առջեւէն կ'անց-
նի Ջենկի՝ սրբնթաց գետը, որն որ բնակչաց առողջ
ու պարտեղներուն բեղմնաւոր ջուր կը մոտառուակէ:
Շրջակայ բլուրներուն տեսքը միջակ բան մըն է,
բայց հեռուանց չորս կողմը պատող բարձր լեռնե-
րուն դիրքը շատ սքանչելի է: Մերձաւոր տեղերուն
այնչափ գեղեցիկ քարերը շէնքերուն չեն գործածեր,
նոյնպէս անտառ տնկելու փոյթ չըլլալով՝ փայտի
խիստ պակասութիւն կայ: Քաղքին հարստութիւնը
հիմա մնացած չէ, վաճառականութիւնն ինկած է.
քանի որ Ռուսի դրօշները Երասխ հասան ու Կանկրի-
նեան (այսինքն գրուէն եկող ապրանքներուն համար
ոտստիկ շատ մաքս պահանջելու) դժբախտ կարգա-
դրութիւնն եղաւ, Դավրէժէն Տրապիզոն գացող մեծ
կարաւաններուն երթելեկը բոլորովին գազրեցաւ, որն
որ բնակիչներուն ստուգիւ մեծամեծ վնասներ եւ ըստ
հետեւորդի աղքատութիւն պատճառեց: Անոր համար
զարմանք չէ որ բնակիչները Պարսից բռնութիւնները
գիտնալով ալ՝ ասդին անդին դարձեալ անոնց իշխա-
նութիւնը բաղձալի կը համարին: Շուկաներն ու վա-
ճառանոցները շատ ողորմելի են: Ասոնց մէջ Քիւրտի
ազայ մը տեսանք, որն որ իր կոկորդովն ու լեզուովը
այնպիսի զարմանալի երաժշտութիւն մը կ'ընէր որ Եւ-
րոպա բլար նէ, աղէկ ստակ կը կոտրէր:

Պատերազմական նկատմամբ Երիւան Ռուսաց
ձեռքը մեծ նշանակութիւն ունի եւ աղէկ ամուր դիրք

¹ Աս գետը հին տանները հրաշքած կ'ընուէր:

է: Քաղքէն աւելի տեսնելու արժանի բաներ կան բերդին մէջ, որն որ ըստ ինքեան շատ ամուրթիւն մը չունի: Ասիկա քաղքէն քառորդ ժամ մը հեռու է ու բոլորտիքը հազիւ թէ քառորդ մը կը տեւէ: Իր շրջապատը երկու պատուար կայ, ներսինը դրսինէն ամուր է: Երբ որ Նիկողայոս կայսրը 1837ին Հայաստան կը պտըտէր, բերդին տկարութիւնը տեսած աւտեն՝ քովիններուն զրուցեր է որ Երիւանի բերդին ամբարութեանը վրայ ինծի ծուռ դաղափտր մը տուած էին: Ռուսք Երիւանն առնելին յաղթական մեծաբանութեամբ մը կայսեր իմացուցին, որն որ նոյն տեղը յառաջագոյն անձամբ տեսած ըլլար նէ, գուցէ հիմակ Երիւանեան Բաղեւիչին պերճ պատուանուններէն մէկը պակաս կ'ըլլար: Ընդհանրապէս խօսելով՝ Նիկողայոս աս կողմերուն այցելութիւն ըրաւ նէ, շատ բանի մէջ յառաջուան գողափարները փոխեց, ու միտքը դրաւ որ բոլորովին խաղաղական ընթացք մը բռնէ ու նորանոր աշխարհակալութիւններ ընելու բազմաձեւք թողու, որովհետեւ, ինչպէս ինք ըսեր է, «Հարկաւոր է որ Պարսից ձեռքէն արգէն առնուած երկիրները լուադոյն վիճակի մը հասնին, ու տէրութեան հոգաբարձութեամբը հիմակուան խեղճութենէ ազատին: Անոնք նոյն թշուառութեան մէջ թաղուին ու նոր երկիրներ վաստակելու ջանալը՝ իմաստութիւն մը չէո: Թէպէտ եւ Ռուսի Հայաստանին սահմաններուն մօտ զանազան տեղեր նոր ու ամուր բերդեր կը շինուին, բայց ասոնք ապագայ ժամանակաց եւ հիմակունէ չգիտցուելու գէպքերուն զգուշութեանը համար են:

Պարսիկները բերդին ներսի պատերուն վրայ զանազան պատկերներ նկարած են, որոնք շատ անկատարութիւններ ունին, բայց մէկ քանի հատին վրայ աւբաւական վարպետութիւն կ'երեւայ: Ասոնցմէ զառժադրութեան արժանի է կործանած մզկիթ մը, որն որ իր աշտարակովը մէկտեղ շատ զարգարուն է:

Թուսերը բերդին մէջ զինատուն մ'ունին, ուր Պարսիկներէն առնուած 6000 կտոր ջինջ ու փայլուն զէնք դրած են: Նիկողայոս կայսրը առ բերդին մէջ բնակեցաւ ու պատին վրայ իր անունը գրեց, որուն վրայ հիմա շրջանակ (շէրշէփէ) ու տպակի դրած կը պահեն: Բերդին պատուհաններէն մէկը Հայ դիւցազնուհւոյ մը գործած քաջութեամբը շատ երեւելի եղած է ու ամէն պտրտողներուն մասնաւորապէս կը ցուցուի: Ասիկա Երասխի եզերացը վրայ եղած գեղի մը մէջ աղքատ ու համեստ ծնողաց արգէն նշանուած գուռորն էր: Վերջին Պարսիկ բերդապետը Հիւսսէին խան իր խժական սովորութեանը համաձայն՝ զանիկա բռնի մահմետական ընելու համար՝ իր ծնողացը ձեռքէն յափշտակեց, իր բնակարանին մէկ կողմը բանտ դրաւ ու ամէն կերպով աշխատեցաւ որ զանիկա իր հաստատութենէն խախտէ: Սպառնալիք, քաղցր խօսքեր, պատիւ, պարգեւ, երաժշտութիւն, ամէնն ալ իրար յաջորդեցին, բայց ամէնն ալ գերեւ ելան: Արտմեան դիւցազնուհին անդդուելի կը կենար, ամէն հրապուրիչ բաներն ու խոստումները կ'արհամարհէր ու կը բաղձար որ իր ծնողացը տարուի: Երբ որ առ վիճակի մէջ էր, գիշեր մը առանց քնանալու եւ հառաչանքով կեցած ատենը լսեց որ դուրսը իրեններէն մէկը կ'երգէ: Ասով հոգի առաւ, պարսպին պատուհանը բացաւ, վանդակը (խօֆէսը) վերցուց ու անանկ բարձր պատուհանէն վար ու խրամէն (խէնդէփէն) անդին ցտաքեց որ ծնողացը տունը փախչի, բայց հաշմեցաւ (սոխթեցաւ) մնաց: Պարսիկները հասան, զինքը բռնեցին ու Հիւսսէին խանին առջեւը հանեցին, որն որ անոր արիութեան ու հաստատութեանը վրայ զարմանալով՝ շատ պարգեւներ տուաւ ու ծնողացը խաւրեց:

Իրիկունները երբոր օդը քիչ մը կը զովանար, Երիւանի բերդին հրամանատար Նիլ գնդապետը

զմեղ իր գեղեցիկ ու ջրարբի բուրաստանը կը տանէր, որն որ Զենկի գետին աջ կողմն է: Գետին վրայ ձգուած է հաստատուն քարաշէն կամուրջ մը, որն որ դարերէ ի վեր ան որոնթաց ու շատ անգամ աճող Զենկիին կը գիմանայ: Ժողովրդեան աւանդութիւնը ասիկա, ինչպէս նաեւ ուրիշ քանի մը շքեղ ու տեւական գործքերը՝ Հռոմայեցւոցմէ շինուած կը համարի: Մենք իրիկունները հոս կը նստէինք, ու աս՝ մտադրութեան արժանի երկրին ժողովրդեանը, սովորութեանցը, վիճակին ու նոր պատմութեանը վրայ օգտակար խօսակցութիւններով ժամանակնիս կ'անցընէինք: Ասիկա ինծի անմոռաց պիտի ըլլայ:

Նշրիւան քաղքին բնակչացը թիւը 11 մինչեւ 12 հազար կը հասնի, որուն մեծ մասը Հայ է: Ռուսերէն զատ Եւրոպացի բնակիչ չկայ: Իսկ գեղերու մէջ Մահմետականներն աւելի կ'երեւան: Ռուսաց երիւան գաւառին տիրելու ատենը՝ բնակչաց հազիւ թէ երեքին մէկը Հայագգի էր, բայց Ատրպատականէն եւ ուրիշ կողմերէն Հայոց բազմութիւն հոս գալով՝ եւ ասոր հակառակ մահմետական թաթարները միօրինակ Պարսկի գաւառները փախչելով՝ քրիստոնէից թիւը շատցաւ: Թէպէտ հիմա Ռուսի կառավարութիւնը թող չիտար որ ուզողն ելլէ երթայ, բայց սահմաններու պահպանութիւնը կատարեալ չըլլալով՝ եւ միանգամայն ստրկի զօրութեամբ՝ թաթարներէն շատ անձինք երկրէն հեռանալու միջոցը կը գտնեն: Թաթարներուն երթալուն պատճառը կրկին է, նախ՝ որ Ռուսաց գէմ կրօնական ատելութիւն մ'ունին, եւ երկրորդ՝ որ ժանտախտի զգուշութեան համար շատ նեղութիւն կը կրեն: Երբ որ թաթարներու գեղի մը մէջ ժանտախտ կը ծագի կամ շատ անգամ միայն աս պատրուակաւ՝ գեղապետին հրամանաւր գեղը խիստ կը պաշարուի, եւ ժանտախտի ընդունակ եղած նիւթերը կրակ կը ձգուին: Ստոյգ է որ կայսե-

բազմաթիւ հրովարտակ մը պայտած բաներուն տեղ զուտ
ստակով հասուցում կը հրամայէ, բայց աս ստակը
պաշտօնատէրներուն գրպանը կը մնայ:

Այն իսկ Ռուս պաշտօնաւորները խոստովանե-
ցան որ Երիւան նահանգին աղքատութիւնն ու
խեղճութիւնը տարւէ տարի երթալով կ'աւելնայ:
Ճարտարութիւն չկայ. երկրին բերքն ու պաճարնե-
րուն ծնունդը հազիւ թէ տեղացւոց կը բաւէ: Ռուսի
աղքունի գանձն ու հոս հարստացած պաշտօնատէր-
ներն ասանկ աղքատ երկրէ տարւէ տարի կէս մի-
լիոնէն աւելի արծաթ ու ուսկի կ'աւնեն, եւ ասոր
տեղը բռնող կամ լրացնող բան մը չի գար: Երկրէն
գուրո խրկելու ապրանք չկայ որ բնակիչները անով
շահին: Յաւաջագոյն գէթ աս կար որ Պարսկաս-
տանի կողմերէն ապրանքներ աւնելով եւ ուրիշ տե-
ղեր յուզարկելով կրնային շահել. իսկ հիմա Ռու-
սիայի բարձր մօքսի կարգադրութիւնը մինչեւ Ե-
րասխ տարածուեցաւ, որպէս զի դրսէն ապրանք
չմանելով՝ բնակիչները ստիպուին Ռուսաստանի ներ-
քին կողմերէն ու մանաւանդ Մոսկաւէն ապրանք բե-
րել տալ, որով Ռուսաց գործատուներն ալ աղէկ
վաստակ ունենան: Աս բանս ելեւմտից պաշտօնեայ.
կանկրին մտածած էր, բայց իր յոյսը բոլորովին պա-
րտալի ելաւ. վասն զի ասով բնակչաց չափաւոր բա-
րեկեցութիւնը կործանեցաւ, երկրին վրայ երկարա-
տեւ վէճք մը դրուեցաւ եւ Ռուսաստանի ալ օգուտ
մը չեղաւ, որովհետեւ աս աստիճանի աղքատու-
թեան մէջ ինկած ժողովուրդը ինչպէս կրնայ Մոս-
կաւէն զարդի ապրանք բերել տալ: Խեղճ տեղացիք
իրենց շահաւոր առուտուրը կորսնցընելէն ետքը՝
ցաւալի կերպով մը երկայն ատեն կուսակալներուն
ձեռքովը կողոպտուեցան ու կեղեքուեցան: Ամէն մէկ
կուսակալ հոս թողաւորի պէս կ'ուարէր. իրենց զուտ
գրամական շահերէն զատ՝ ծառայից բազմութիւն,

արծաթեղէն սպասներ, եւ ուրիշ ամէն բան տեղն էր, որոնց բոլորին համար ժողովուրդը կը վճարէր։ Բայց ասոնց մէջ ոչ Բեդրուպուրկի կառավարութիւնը, ոչ Տփղիս նստող ընդհանուր կուսակալը եւ սչ ալ բնաւ կայսրը յանցանք մ'ունի։ Ուրիշ ամէն տէրութիւններէն աւելի դժուարին է Ռուսաստանի մէջ հեռաւոր գաւառներուն վիճակին վրայ ճշմարիտ տեղեկութիւն առնել։ Պաշտօնատէրները ձեռքերնին անհամար միջոցներ ունենալով՝ ասիկա կ'արգելեն ու երբեք չեն թողուր որ Տփղիս կամ Բեդրուպուրկ իրենց վրայ լուր մը հասնի։

Կայսրը հաստատութեամբ ու անկեղծութեամբ կ'ուզէր որ Կաւկասեան գաւառներուն ազէկ կառավարութիւն մը տայ։ Եւ աս վախճանաւ նախ Հանատենակալը, ետքէն Չեռնիչեւ իշխանն ու Պ. Փոզէնը խաւրեց, որ երթան երկրին վիճակը ճիշդ քննեն։ Պ. Հանին գիտաւորութիւնը շատ պանշելի էր. վասն զի աս ազատամիտ ու սրտտես մարդը գիտեց որ ժողովուրդը զինուորական խիոտ կառավարութեան տակ սաստիկ նեղութիւն կը կրէ. ասիկա մեղմացընել ուզելով՝ քաղաքական կառավարութիւն մը ու քաղաքական պաշտօնատէրներ գրաւ, բայց նոյն ատենն ալ դժբախտութեամբ ժողովուրդը քիչ թոշակ ունեցող ստորին պաշտօնաւորներուն կաշառակերութեանը, արծաթսիրութեանն ու հաճոյիցը մատնուեցաւ։ Ասկից զատ՝ շատ անգամ կը պատահէ որ Ռուսաստանի մէջ վատանուն, յանցաւոր կամ անճարակ մարդիկ պաշտօններէն իյնալով՝ իրենք զիրենք ծածկելու համար կ'առաջարկեն որ Կաւկասեան գաւառներուն մէջ իրենց պաշտօն մը տրուի։ Ռուսաստանի կառավարութիւնը արդէն հոնտեղուանքը խրկելու շատ մարդ չգտնելով՝ ասանկ ինք զինքը առաջարկող մարդ մը պատահի նէ, անմիջապէս կ'ընդունի ու Կաւկասեան գաւառները կը խաւրէ։

Առանկ մարդիկներէն ինչ բարի բան կրնայ յուսա-
ցուիլ: Կաշառակերութիւնը Ռուս պաշտօնատէրնե-
րուն մէջ այնպէս արմատացած է որ անիկա խելու
համար յանցաւորը միայն պաշտօնէն վար առնելով
գոհ ըլլալու չէ, հապա ուրիշ դէպքերու մէջ եղա-
ծին պէս հոս ալ անաշառ ու խիստ պատժելու է,
այսինքն՝ կաշառակեր պաշտօնաւորին մեղքով վառ-
տրկած ինչքը յարքունիս գրաւել, ղինքը բանտար-
կել, Սիպերիտ քշել եւայլն: Հան ատենակալին կար-
գադրութիւնը շատ պատուական կ'ըլլար, եթէ Ե-
րիւան նահանգին դպրոցներուն փոյթ տանելով՝ ա-
նոնց մէջ նոյն իսկ տեղացիներուն ազաքը կրթուէին
ու անոնցմէ պաշտօնատէրներ գրուէին: Բայց ասիկա
հոգացող չկար. դասատուները երեսի վրայ մնա-
ցած էին. անանկ խելացի աղոց մէջ ագիտութիւնը
տիրած էր: Վերջապէս Նայտհարդ զօրապետն ու
Վորոնցով իշխանը կառավարած տեղերնուն վրայ
հայրական խնամք մ'առնենալով՝ սկսան աս բանիս
փոյթ տանիլ որ դասատուները կարգի դնեն, եւ
ինչպէս ճամբայ ելլելու տոենո լսեցի, Պր. Աբովեանն
ալ Երիւանի դպրոցին կարգավար դրին: Աս հոգա-
բարձութիւնները շարունակուելու որ ըլլան, կը յու-
սացուի որ ատենէ մը ետքը երկրին վիճակը քիչ մը
աղէկնալու կը սկսի ու ժողովուրդը իր խեղճութե-
նէն քիչ մը հոգի կ'առնէ:


Վրանի որ Երիւան էի, ամէն առտու կանուխ եր-
կրին բոլորտիքը զննելու կ'երթայի, բայց կէս օրուան
մօտ տուն կը դառնայի, որովհետեւ հոստեղաց տապը
տանելի բան չէ: Զգուշութիւն չընողը այնպիսի
տենդի (սլիմայի) մը կը հանդիպի որ բժշկուելէն
ետքն ալ մարդուս վրայ շատ տկարութիւն ու մար-
սողութեան դժուարութիւն կը մնայ: Սեւանայ ծո-
վին քով Մայիսի կէսէն վերջը օրհասարեկին տա-
քութիւնը Ռէոմիւրի ջերմաչափին վրայ 12—14 տա-

տիճան էր. իսկ Երիւան՝ որ անկից օրուան մը ճամբայ հեռու է, Մայիսի 24ին շուքի մէջ Ռէսմիւրի 24 աստիճան էր, եւ արեւի մէջ 40°: Յունիսի սկիզբները տաքութիւնն այնպէս սառնակացաւ որ կէսօրէն յառաջ ժամը 11էն մինչեւ իրիկուան 4 դուրս ելլելու մէկը չէր համարձակեր: Շատ Ռուս պաշտօնականներ հաստատեցին որ երբեմն բերդին ներսի դին շուքի մէջ տաքութիւնը 38° Ռ. եղած է: Պր. Կոխ՝ Երիւանի ամառուան տաքութեանն ամենէն բարձր աստիճանը կը գնէ 35° Ռ: Տրտութիւնն ալ նոյնպէս է: Կիւ գնդապետը այնպէս կը յիշէր որ Յունուարի մէջ Ռէսմիւրի 24 աստիճան ջրտութիւն եղած ըլլայ. իսկ Տիւպուս 26 աստիճանի ջրտութիւն ալ կը յիշատակէ: Ամառուան տօթագին ժամանակը հոս ամէն պաշտօնատէրներն ու զինուորական մեծերը Երիւանէն կէս օր հեռու գեղ մը կ'երթան, ու հոն դաւար բոյսերու եւ կարկաշահոս վտակներու քով կը զբօսնուն:

Երիւանին շրջակայ մօտաւոր տեղերը շատ չոր ու անջրդի են, բայց հաստեղաց մարդիկներուն փոխթը բնութեան օգնած է: Անէաղիններէն զատ՝ գուցէ բոլոր աշխարհքիս վրայ անանկ ժողովուրդ մը չկայ որ երկիրը պտղաբեր ընելու համար ջուրն այնպէս ազէկ գործածէ, ինչպէս Հայերն ու Պարսիկները կ'ընեն: Այնպիսի տեղուանքը, ուր որ երկիրը խիստ փոքր բանն ալ ինք իրմէ չիբուսցըներ, առ ազգերը զարմանալի աշխատասիրութեամբ բերրի մշակութեան մը հասցուցած են. ինծի կ'երեւայ որ առ ճիւղին մէջ Եւրոպայի բոլոր ազգերը նոյն երկու ազգէն օրինակ կրնան առնել: Արտերուն չափաւոր առատ հունձքը միայն արուեստական ոռոգման պատուին է: Ուր որ գետակ մը կամ վտակ մը լեռնէն գէպ ի Երասխ կը վազէ, երկիրը ջրելու համար հազարաւոր փոսերու մէջ կ'առնուի: Հասարակօրէն առ գետակները՝ որ

առատ կը բխեն, եւ իրենց ճամբուն վրայ հալած
 ձիւներուն ու պատահած աղբիւրներուն ջրերովը շատ
 կը մեծնան, Երասխ գետը մտած տեղերնին պզտիկ
 ու սակաւաջուր են, որովհետեւ մինչեւ որ հոն հաս-
 նին նէ, ամէն դի արուեստական ջրանցներէն քա-
 լելով՝ ծարաւուտ երկիրը կը ջրեն: Իսկ քանի մը
 գետակներէն (ինչպէս է Ապարանի յորդաբախ վտա-
 կը) եւ ոչ կաթիլ մը Երասխ կը մտնէ. իր բոլոր
 ջուրը պարտէզներու եւ արտերու կ'առնուի: Ամէն
 մէկ վտակը, ամէն մէկ աղբիւրը, ամէն մէկ լիճը
 ոքանչեւի եղանակաւ մը Հոյր գործածել գիտէ: Ե-
 րիւանայ գեղեցիկ պարտէզները ասանկ ջանքով յա-
 ռաջ եկած են: Հաստեղաց պտուղներուն մէջ երեւե-
 լի է խաղող, խնձոր ու թուփ: Քանի մը տեղ աղբ-
 տունջ լսեցի որ Ռուսերը ջրանցներուն այնչափ խնամ-
 չեն տանիր, ուր որ Պարսիկները թէպէտ բռնու-
 թիւններ ալ կ'ընէին, բայց ջրանցներուն պահպա-
 նութեան համար անշէջ եռանդ մ'ունէին:

Ինչպէս յառաջագոյն յիշատակեցի, հեռուանց
 Երիւանի չորս կողմը պատող լեռները անոր ահեղ
 տեսք մը կու տան: Քաղքին հարաւային արեւմտեան
 դին 50—60 ռուսական մղոնի հեռաւորութեամբ կայ
 Մասիս լեռ. իսկ հիւսիսային արեւմտեան կողմը գրեթէ
 նոյնչափ հեռու է Արագած լեռ: Արեւելեան դին
 Ահմանկան հրաբուխ լեռներուն ճերմակ կոստարն ու
 ցից կողերը կ'երեւան: Մեծն Մասիս երեք բնդարձակ
 տէրութիւններուն (Ռուսաստանի, Պարսկաստանի ու
 Տաճկաստանի) սահմանն է. շատ անգամ կը պա-
 տահի որ ասոր քովերը պտրտող թափառական Քիւր-
 տերը ամեոյ մի մէջ երեք տէրութեան հպատակ
 կ'ըլլան: Բառադին չափածին նայելով՝ Մեծն Մասիս
 Սեւ ծովին երեսէն 16,254 ոտնաչափ եւ Երասխի
 դաշտէն 13,530 ոտնաչափ բարձր է: Կարգացողը
 կրնայ երեւակայել թէ աս լայնատարած դաշտին վրայ



տաանկ մեծ ու ամէն կողմանէ զտառւած միապաշար
քար մը ի՛նչ սխրալի տեսք պիտ'որ ունենայ: Ասիկա
ժամանակ մը Հայաստանի մեծ վառարաններէն գուրս
ելած յազլթ լեռներուն ամենէն աւելի հսկան է: Եր-
կրիս վրայ ուրիշ լեռ մը տաանկ շքեղ պատկեր մը
չունի: Մեծ Մասիսին լայնութիւնն ու զանգուածը
աւելի զարմանալի է քան թէ բարձրութիւնը: Եթէ
Փոքր Մասիսին պէս կանոնաւոր բրգաձեւ մ'ըլ-
լար ու այնչափ տարածուած չըլլար նէ, աւելի բարձր
կ'երեւար եւ երկրին աւելի զարդ կու տար: Մասիս
հիւսիսային, արեւելեան ու հարաւային կողմանէ բո-
լորովին կղզեացեալ է, ու Ետնայի եւ Ախսուզի պէս
անմիջապէս դաշտէն վեր կը բարձրանայ. միայն արեւ-
մեան կողմանէ Արարատեան լեռանց շղթային հետ
փապակցութիւն մ'ունի: 1843ին Մայիսին վերջերը
Մասիսի կէսին վրայ ձիւնը հալած էր: Քալելէն, ծա-
րաւէն ու տաքութենէ տաժանած տառնս տա լեռ-
ներուն մանաւանդ Մասիսի տեսքովը ի՛նչչափ կը
մխիթարուէի ու կը զօրանայի: Գրեթէ իրիկուն չէ-
զաւ որ տա տեսարանով չզմայլէի, ու միօրինակ կը
բազմայի որ ժամ մը յառաջ երթամ տեսնեմ:

ՎԵՑԵՐՈՐԴ ԳԼՈՒԽ

Երիւանէն Էջմիածին: Երասխայ գաշա: Էջմիածնայ շէնքերը:
Հայոց ճարտարապետութիւնը: Էջմիածնայ յառաջուան փա-
ռաւորութիւնը, հիմակուան նշանաւոր բաներն ու գրատունը:
Էջմիածնայ ձեւքով Ռուսին գիտած շահը: Աթուղիկոսի ըն-
տրութիւն: Էջմիածնայ կրածները: Պարսիկ կուսակալի այ-
ցելութիւն: Հայկական ազգին նշանակութիւնն ու Հայոց
կրօնական միութիւնը:

ԼՈՐԻՒԵՆԻ ու Էջմիածնի մէջ եղած հեռաւո-
րութիւնը 19 առսական մղոն է: Ճամբան Ե-
րասխ գետին դաշտին վրայէն կ'երթայ, որուն մէջ
Հայոց ու Թաթարաց շատ գեղեր կան. երկիրը ինք
իրեն մնալու ըլլար նէ, գուցէ պտուղ չէր բերեր,
բայց հիմակ արուեստական ոռոգմամբ աղէկ մշա-

կուած ըլլալով՝ բաւական բերրի է: Ինչպէս Պարսկաստանի չոր գաշտերուն վրայ, նոյնպէս հոս ալ խտանդէն բոյսերը քիչ են: Գաշտին տեսքը տխուր ու մենակերպ¹ կ'ըլլար, եթէ հեռուանց ան բարձր ու երկնաբերձ հրաբուխ լեռները չըլլային, որոնց ծայրը երբեմն կրակով կարմրցած ու լուսաւորուած էր, իսկ հիմակ տհաւոյն ու մշտնջենաւոր սառչցնելով ծածկուած է: Երասխայ գաշտը պատող առ հսկայ լեռներուն մէջ Մասիս ամենէն ահեղն ու շքեղն է: Ճամբորդութեանս բուն վախճանը առ սուրբ լեռն ըլլալով՝ զանիկա տեսնելուս վրայ շատ կ'ուրախանայի, ու Գարապաղեան նժուգիս վրայ յառաջ կ'երթայի: Նոյն օրը պայծառ ու գեղեցիկ օր մըն էր, բայց աւելի սաստիկ ամառուան քան թէ գարնան կը նմանէր: Նախընթաց օրը ջերմաշափի վրայ Ձկ աստիճանի տաքութիւն կար շքոյ մէջ, ու 40° արեւի մէջ: Սակայն մեր ճամբորդութեան տանն օգն այնչափ օթթազին չէր, վասն զի Արագած լեռան ճղճղկէն ու ձիւնապատ կտտարէն անոյշ հով մը կը փչէր եւ արեւուն տապը քիչ մը կը բարեխառնէր, որով մեր՝ ասանկ աղէկ ձիւրուն վրայ բրած ճամբորդութիւնն ալ մեզի մեծ հաճութիւն ու բերկրութիւն կու տար:

Ելջմիածին Երասխայ գաշտին արեւելեան կողմն է, եւ չափաւոր հեռաւոր տեղէ մը կը տեսնուի: Ես ձիս վազընելով՝ ընկերներէս յառաջ գացի, ու երկու մեծ վանքի առջեւէն անցնելէն ետքը՝ պարբապապատ կաթուղիկոսարանը հասայ, որն որ Վաղարշապատ գեղին քովն է: Կաթուղիկոսարանին եկեղեցին Տփղիսի Հայոց եկեղեցիներուն շատ կը նմանի: Եկեղեցւոյն վրայի գմբէթը կամ կաթողիկէն գնտաձեւ կամար չէ, հապա բրգաձեւ ու սրածայր: Վաղարշապատը՝ որն որ ժամանակ մը բալոր Հայաս-

¹ Monotone.

տանի հռչակաւոր մայրաքաղաքն էր, հիմակ անշուք
գեղ մը եղած է: Աթուղիկոսարանին չորս կողմն
եղած գաշտը շատ ծառ չունի: Զուրն արուեստա-
կան ճամբաներով Ապարան գետակէն կը բերուի.
եթէ ժիր մարդիկներու ձեռքով առ ջուրը հոս չբե-
րուէր, ամառուան արեւը բոլոր գետինը կ'այրէր ու
կը տոչորէր: Էջմիածին երեք գլխաւոր շէնք կայ, Ա.
Աթուղիկոսարան, Բ. Հիւրանոց՝ որ Ղազարապատ
կ'անուանուի եւ սխտաւորաց բնակութեան կը գոր-
ծածուի, ու Գ. Վաճառանոց՝ որն որ Բէրվան Սէ-
րայ կը կոչուի. ասիկա գրեթէ Էջմիածնի համարա-
նոցն է, որովհետեւ կերակրեղէններն ու զգես-
տեղէնները հոսկից կը հագացուին կամ կը գնուին.
եկեղեցւոյն մամարանն ալ հոս է: Եկեղեցին քա-
ռակուսի ու խաչաձեւ է, մէջտեղը չորս սիւն կայ,
որոնց վրայ հաստատուած է կաթուղիկէն: Ժամը
երեք գնդ ունի, գլխաւորը Լուսաւորչի դուռ կը-
ռուի: Հիւրանոցն ճակատը հինէն շատ տարբեր եւ
զանազան ճարտարապետական ձեւերու միաւորութիւն
մըն է, որովհետեւ այլեւայլ ժամանակ շատ նորո-
գութիւններ եղած են, բայց միշտ Հայոց սեպհա-
կան ճաշակը կը տիրէ, թէպէտեւ Տիւպուս քաջ հե-
գէտը հոս յունական ճարտարապետութեան հետքը
կը տեսնէ, եւ ասկից ցուցնել կ'ուզէ որ առ շէնքը
ստուգիւ շատ հին ու Տրդատայ ժամանակէն է, որն
որ իբրեւ շինուածասէր թագաւոր յունական ճար-
տարապետութիւնը Հայաստան բերել կ'ուզէր: Առ
մտքով Գառնի գեղը յոնիական ոճով գեղեցիկ պա-
լատը շինեց, որ գետնաշարժէ կործանած, բայց ամ-
բողջ մնացած է. ասիկա կը կոչուի Գահ Տրդատայ
(Թաթի Տրդատ) ու գեռ չէ քննուած: Էջմիածնէն
ուրիշ եկեղեցիներու մէջ չի տեսնուիր որ հին Հայ
ճարտարապետները Յունաց նմանել ուզած ըլլան:
Թէպէտ Էջմիածնայ մէջ շատ նորոգութիւններ

ու յաւելուածներ եղած են, բայց բուն հին շէնքը միշտ կը մնայ քրիստոնէական կանուխ հումթեան յարգի յիշատակարան մը: Եկեղեցւոյն վրայ ամէն տեղ գրերով ծածկուած է, նոյն իսկ զանգակներուն վրայ լեցուն գիր է: Տիւպոս եւ Պոռէ՝ երկու նոր գիտնական ճամբորդները եկեղեցւոյն երեսէն խել մը յունարէն արձանագիրներ օրինակեցին, որոնք քրիստոնէութեան առաջին դարերուն կը վերաբերին:

Պաւեռնիէ, Շարտէն, Դուռնըժոր Գաղղիացի ճամբորդներն՝ որ 1660ին մօտ աս հռչակաւոր տեղը պտըտեցան՝ Էջմիածինը հիմնկաւքնէ շատ աւելի գեղեցիկ ու ծաղկեալ կը ստորագրեն: Նոյն ատենը վաճառականաց կարաւաններն աս կողմերէն անցնելով՝ երկրին հաքստութիւն կը բերէին, եւ ընչաւետ Հայ վաճառականներն առատ ընծաներ կուտային: Դաւեռնիէ զարմացաւ մնաց ան մեծագին գանձերուն վրայ, որոնց Պարսիկներն ու մէկալ այլապգիները դեռ ձեռք չէին դպցուցեր: Եկեղեցին վերջին աստիճանի զարգարուած էր: Կաթողիկոսը Պր. Դաւեռնիէին ու իր ուղեկիցներուն պատուոյն՝ ցլամարտութիւն մ'ընել տուաւ, որուն մէջ ութ գոմէշ պատերազմելու գրգռուեցան եւ երկուքն անմիջապէս ինկան մեռան: Իսկ Դուռնըժոր եկեղեցւոյ զարդերուն, երկրին մշակութեանն ու պտղաբերութեան վրայ մեծ զարմանքով կը գրէ. մնարանին բուրաստանը (ծաղկի պարտեզը) շահգրարմներով (Բարաֆիլներով) ու անթառամ ծաղկով (Բարաֆիլ չիլէյով) լեցուն էր, կ'ըսէ, ու հաստեղս Դրախտ կը կանչէ. բայց հիմա քանի մը տեսակ հասարակ կանանչեղէններէ զատ՝ ուրիշ բան չիտեսնուիր: Պտղոյ ծառերն են գլխաւորաբար թթենի ու ծիրանենի: Նոյնպէս եկեղեցւոյն հին զարդերը չկան: Կաթողիկոսին խռցն ալ հիմա պարզ է. հոս Աստուածածնայ մետաքսով բանուած պատկերը կայ, որն որ

Ռափայէլի օրինակին նմանցուած է, եւ այնպէս բարակ ու գեղեցիկ է որ քիչ մը հեռուէն նկարուածի պէս կ'երեւայ. ասիկա Հնդկաստանի Հայ բարեպաշտուհի մը բաներ ու խրկեր է: Դարձեալ՝ փզոսկրէ շէնուած պատկեր մը կայ, որն որ Աբրահամու զոհը կը ցուցնէ: Պատերուն վըայ մարտիրոսաց եւ Ս. Գրիգորի տանջանքները նկարուած են: Աթուղիկոսական գոհը շատ ճարտար քանդակագործութեամբ շինուած է, զորն որ Հնդկաստանէն հարուստ Հայ մը ընծայ է խաւրեր: Զարմանալի բան մըն է որ աւելի՛ հեռաւոր տեղերն են սբ Էջմիածինը կը հոգան, քան թէ մօտաւորները, զոր օրինակ Տփղիս՝ ուր որ թէպէտ շատ հարուստ Հայեր կան, բոցց տուրքերը տարւէ տարի կը պակսին: Աթուղիկոսաբանին մէջ Ռուսիտէրութեան կողմանէ մասնաւոր հազարաւոր մը կը նստի, որն որ ամէն բանի վըայ կը հսկէ, ու հոն շեղած ատեն՝ իր անգը փոխանորդ կը թողու:

Եկեղեցւոյ մէջ Քրիստոսի գեղեցիկ մէկ պատկերը կայ, զորն որ Քեռքորդէր անուանի ճամբորդը պարգեւած է, ու կ'ըսուի որ նաեւ ինք նկարած ըլլայ: Եկեղեցւոյ պատին կից՝ Անգղիայի Պարսկաստան եւ զող Պր. Յովհաննէս Մակտանալտ գեսպանին ճերմակ մարմարիոնէ գերեզմանը կայ. ասիկա Դեհերանէն Անգղիա դառնալու ատեն՝ Դավրէժ հիւանդացաւ ու մեռնելէն յառաջ բազմանք մը ցուցուց որ մարմինն Էջմիածին տարուի ու հոն թաղուի: Իր այրի ամուսինը նոյն գեղեցիկ գերեզմանաբարն Անգղիայէն խաւրած է եղեր: Աթուղիկոսին թագն ու գաւազանը աւագ խորանին վըան էր, վասն զի հասկաթուղիկոսը մեռնելէն ետքը մինչեւ որ նոր ընտրուի նէ, ասոնք խորանին վըայ կը մնան: Աս առաջակողման Ասիայի մեծահոգակ եկեղեցին դարերով տնանկ պատերազմի խռովութեանց մէջ մնաց, որոնք Երասխին ջրերը կարմիր արիւն ներկեցին:

Այնպիսի գրառումներ ասանց վրայ, ինչպէս նաեւ Հայաստանի պատմական կենդրոնն եղող Արարատայ երկրին վրայ շատ անգին աղբիւրներ կրնայ պահած ըլլալ, զորոնք մեկ հայապէտ մը աղէկ քննելու ըլլայ նէ, կը յուսացուի որ իր աշխատութեան առատ վարձք գտնէ: Աս գրքերը յառաջագոյն փոշիներու եւ մութ ծակերու մէջ մնացած էին, գուցէ ասոր համար որ յափշտակող Պարսիկներու եւ Բիւրաերու ձեռքէն ազատին: Երբեք նահանգը Ռուսաց հպատակ ըլլալէն ետքը, ալ յափշտակութեան վախ չըլլալով՝ գրքերուն առանձին սենեակ մը որոշուեցաւ: Իսկզբան հոս ամէն գրաւորական գանձերու հարուստ հաւաքում մը յուսացին, որովհետեւ Հռոմայեցիք, Բիւզանդացիք հոստեղաց հետ ուղղակի առուտուր ունեցան. նոյնպէս Արաբացիք, Վիրք եւ Մզուլք իրենց գրագիտութեան ամենէն պայծառ ժամանակը հոս գանուեցան, որոնց մէջ Արարատեան մենաստանը կրցաւ ինք զինքը պահել: Դարձեալ սեպտեմբեր գրքերը կարդալու բալլէքը, Ասիական ազգերու լեզուներն ու պատմութիւնները հոս կը փրկուէին: Աշխարհագրաց թագաւոր Ռիդգեր կ'ըսէ որ "Արեւելեան ազգաց վրդովներուն ատենը" աս քրիստոնէական ուսմանց ապաստանարանին մէջ գիտութիւնները շարունակ մշակուելով՝ բոլոր տիեզերական պատմութեան տարեգրութիւնները ուրիշ ամէն տեղերէ աւելի դիւրութեամբ հոս կրնային ժողովուիլ,": Թառաջուան ճամբորդները հոստեղաց գրքերուն թիւը 30,000 դրին. Պր. Եւգինէոս Պոռէ՝ 5—6000: Գրատան ցանկը 1840ին ռուսերէն լեզուաւ առնուեցաւ. ասոր մէջ կայ 635 դիրք, 462 հատը հայերէն, մեկաւորները օտար լեզուաւ: Ռուսերուն առած ցանկը 11 դաս բաժնուած է. Ա. Ս. Գիրք եւ մեկնութիւնք՝ 83 հատ: Բ. Աստուածաբանական գրուածք՝ 20: Գ. Բանաստեղծական՝ 8: Դ. Արարողութեանց գրքեր՝ 33:

Ե. Պատմութիւն ու աշխարհագրութիւն՝ 86: Զ. Հայերէն լեզուի դասական (classique) հեղինակներ՝ 34: Է. Քարոզք եւ ճառք՝ 53: Ը. Եկեղեցւոյ Հարք՝ 105: Թ. Վանական գրքեր՝ 4: Ժ. Հաւատոյ մասանց վրայ՝ 14: ԺԱ. Այլթագիրք՝ 22: Ամենէն աւելի անծանօթ գրքերը հինգերորդ դասին մէջն են, ինչպէս Աւղաններուն սկզբանը պատմութիւն՝ Թ. գորէն, Պաղեստինի պատմութիւն. Մաթուսաղա եպիսկոպոսին Հայաստանի աշխարհագրութիւնը՝ Եօթներորդ դարէն եւայլն: Հոստեղաց գրատնէն չէ թէ միայն Հայոց, հապա նաեւ անոնց հետ կապակցութիւն ունեցող մերձաւոր աղգերուն վրայ շատ անգեկութիւններ կրնան ելլել: Ինծի կ'երեւայ որ Ռուսաց առած ցանկին մէջ գրատան շատ գրքերը չկան, ուստի եւ բոլորին գումարը 2000 կը սեպեմ. աւելի ալ կրնայ ըլլալ, բայց ստուգիւ ասկից պակաս չէ:

Մեր հասնելէն քիչ մը յառաջ նոր կաթուղիկոսին ընտրութիւնն եղած լմնցած էր: Այսպէս կողմանէ տէրութեան խորհրդական Պ. Շելտուքին խաւրուած էր որ կաթուղիկոսը ընտրող ժողովքին դահերէց նստի: Ռուսառտան Պարսից ձեռքէն Հայաստանի քանի մը գաւառներն առած ասեմ բարակ գիտաւորութիւն մ'ունէր: Ոմանք գուցէ զարմացան որ Բասգեւիչ նոյն ժամանակը շատ զիջողութիւն ցուցնելով Պարսկաստանի Ատրպատական, Ախլան ու Մազանդարան բերրի նահանգներն ալ չպահանջեց, բայց Ռուսաստանի բուն դիտումն էր Էջմիածին առնել, որպէս զի ինչպէս հոնտեղաց երկրին վրայ մարմնաւորապէս կը տիրէ նէ, նոյնպէս կաթուղիկոսին հազեւոր զէնքին վրայ ալ վարպետութեամբ ուզած կարգադրութիւններն ընելով՝ ամէն տեղերուն եւ մանաւանդ Ասիայի Հայոց մէջ կամաց կամաց իր ազդեցութիւնը հաստատէ եւ անոնց վրայ բարոյապէս տիրէ: Հայերն ի սկզբան Մոսկովին վրայ քիչ մը ան-

վաստահաթիւն ունեցան կասկածելով որ զիրենք ուսական դաւանանք ընդունելու կը ստիպէ, բայց Ռուսաստան՝ որ իր եկեղեցիէն աարբեր եղած կրօններուն հետ այնչափ խնայելով չիվարուիր, Հայոց նկատմամբ մեծ խոհեմութիւն ու թողլտուութիւն բանեցուց եւ ամէն կերպով անոնց սիրաբը վաստակելու ջանաց, միտքը դնելով որ ինք Էջմիածնի ձեռքով շատ բան կրնայ շահիլ: Աս վախճանաւ Ռուսաստան նայեցաւ որ կաթողիկոսի ընտրութեան ատեն բոլոր Ցաճկաստանի եւ Պարսկաստանի Հայերն ալ երեսփոխան խաւրեն ու անոր իշխանութիւնը ճանչնան, թէպէտ ինք իր կաթողիկոսին այսինքն Կոստանդնուպոլսի Յոյն պատրիարքին չիհնազանդիր, ան պատճառաւ որ ուրիշ տէրութեան հպատակ է:

Ընտրութեան ժողովը 3 օր տեւեց, եւ ամենուն միաբան հաւանութեամբը Ներսէս արքեպիսկոպոսն ընտրուեցաւ, որն որ 16 տարի Գիշնով քաղքին արքեպիսկոպոսն եղած էր: Ինք գրեթէ Եփրեմ կաթողիկոսէն ետքը կ'ընտրուէր, բայց դէպք մը պատահելով՝ Ռուսի կառավարութիւնը զինքը հոնկից հեռացուց: Բասգելիչ Պարսից հետ պատերազմած ժամանակները կարճ զինադուլ մը գրաւ. ու կը սպասէր որ Ռուսաստանի ներքին կողմերէն իրեն օգնական զօրք գայ, որովհետեւ ունեցած զնդերովը Դավթեփին վրայ երթալու չէր յանգձներ: Պարսիկ զօրաց մէկ մասը եւ գլխաւորաբար Թաթարներու եւ Գիւրտերու խուժան մը ուրիշ կողմանէ գալով՝ կը ջանային որ վանք մտնելու միջոց մը գտնեն: Աս վայրենիներէն պաշարուելով եւ վերջի աստիճանի նեղութեան մէջ ըլլալով՝ Ներսէս արքեպիսկոպոսը Ռուս զօրաց զնդապետի մը ծածուկ մարդ խաւրեց, վանքին վիճակը հասկըցուց եւ օգնութիւն խնդրեց: Աս զնդապետը՝ որ քանի մը հազար զօրքով Էջմիածնէ օր մը հեռու կը կենար՝ Հայ էր, եւ Ներսէս արքեպիս-

կոպոսին վրայ որդիական յարգութիւն ունէր, անոր համար ալ ասանկ տառապանքի մէջ տնոր յորդորանքին գէմ չկրցաւ գնել, եւ աճապարելով օգնութեան եկաւ, թէպէտ Բասգելիչ սաստիկ խիտ հրաման տուած էր որ տեղէն չշարժի: Անոր գալու ատեն Էջմիածին պաշարող Պարսից նորէն օգնական գնդեր հասան, այնպէս որ Հայ գնդապետին հետ եկող Ռուս զօրքին հնգապատիկն էին Պարսիկները: Երբոր երկու կողմերը գիմացէ գիմաց եկան զարնուեցան, Ռուսերը յաղթուեցան, որուն յանցանքը Ներսէս արքեպիսկոպոսին վրայ գրուեցաւ, իբր թէ իր ազդեցութեամբը Հայ գնդապետին անհնազանդութիւն ընել տուած ըլլայ, ասոր համար կայսրը հրաման խառնեց որ Էջմիածնէն ելլէ ու Պոլսագլխաւորի Գիշնով քաղաքն երթայ իբրեւ հոնտեղաց արքեպիսկոպոս: Հոս 16 տարի կեցաւ: Բայց ընտրութեան ատեն ժողովականք կայսեր տհաճութեան միտ չընելով՝ աղէկ տեսածնին ընտրեցին: Կայսրը զիջաւ, ընտրութիւնը հաստատեց, իրեն բարեկամութիւն առցուցուց եւ Ս. Աննայի նշան տալով՝ Էջմիածին խաւրեց:

Ինչպէս Էջմիածին շատ դարերէ ի վեր զանազան նեղութիւններ կրած էր, բայց կ'երեւայ որ աւմանէն աւելի վշտալից ժամանակը անցեալ դարուն վերջերն եղան, երբ որ Ռուսերը Վրաստան մտնելէն ետքը՝ սկսան կամաց կամաց Երասխայ գաշտերուն մօտիկնալ: Պարսիկները տեսնելով որ քրիստոնեայ զօրաւոր տէրութիւն մը երթալով ան կողմերը կը տարածուի, սաստիկ կը տաքնային ու կը կատղէին, եւ այնպէս կը սեպէին որ Պարսկաստանի հպատակ Հայերը մատնութիւն ու ապստամբութիւն կ'ընեն: Աս կասկածը գլխաւորաբար Էջմիածնայ քահանայից վրայ էր, եւ նոյն պատճառաւ անոնց աւելի տառապանք կը հասցընէին: Ռուսաց եւ Պարսից մէջ եղած գծտութեան ատեն քանի մը անգամ բանն

այնչափի հասաւ որ կաթուղիկոսը մէկքանի քահա-
նաներով Ռուսաց երկիրը փախչելու ստիպուեցաւ։
Ապա Եփրատ թէպէտ միշտ շողոքորթելով կը ջա-
նար որ Էջմիածնայ եկեղեցականները Պարսկաստանի
հետ սիրով կապէ ու անով Հայոց սիրտը շահի, այ-
սու ամենայնիւ Պարսիկ նախարարները մոլեռանդ¹
ու յափշտակասէր ըլլալով՝ Էջմիածնայ գէմ կա-
տաղութեամբ աղղայ² կը կրճատէին։ Աւերջապէս
սկսան գուշակել որ Երիւանը շուտ կամ ուշ պիտի
կոտորնցընեն, անոր համար կը մտածէին որ վանքին
գանձերը Ռուսաց թող տալու տեղ՝ իրենք ափճգեն,
եւ իրենց տէրութիւնը չվերջացած՝ ժողովուրդն ու
եկեղեցականներն ըստ կարի կապտեն ու կողոպտեն։

Երիւանի վերջին Պարսիկ կուսակալը թէպէտ չա-
փազանց արծաթասէր էր, սակայն շատ չափաւորու-
թեամբ ալ վարուելու կը ջանար։ Ասիկա տարին մէյ
մը կաթուղիկոսարանին այցելութեան կ'ելէր։ Էջ-
միածնայ եկեղեցականաց համար առ ժամանակը զար-
հուրանաց ու արամութեան ժամանակ էր, բայց
ստիպուած էին Գէշ խաղին լուրջ երես ընել, եւ
նոյն այցելութիւնը իրենց մեծ պատիւ եղածի պէս
ցուցընել։ Երբ որ կուսակալը խումբ խումբ բազմու-
թեամբ Երիւանէն ճամբայ կ'ելէր որ Էջմիածին եր-
թայ, բերդէն ուրախութեան թնդանօթներ կը նե-
տուկին ու ձիաւորներն արշաւելով կու գային որ
աւետիս տան, թէպէտ բերած լուրերնին գոյժ էր։
Անմիջապէս բոլոր կղերականք իրենց հանդիսական
զգեստները հագած՝ կուսակալը գիմաւորելու կ'եր-
թային, ճամբաներուն վրայ ամենէն աղուոր օթոց-
ները կը փռուէին որ Պարսիկ կուսակալը վրայէն
քալէ, ու զանգակները մէկանց հնչելով՝ զանիկա
կը բարեւէին։ Կաթուղիկոսը վար կ'իջնար ու մենաս-

¹ Fanatique. ² Աւրայ բառը Աղբի տնուէն ելած եւ
բեւալով՝ առ սղզագորութիւնն աւելի յարմար կը կարծենք։

տանին գրան մէջ հիւրը կ'ընդունէր, եւ բոլոր բազմութեամբ ամենէն լաւ սենեակները կը տանէր, ուր պատրաստ կ'ըլլար համադամ խորտիկներով զարդարուած սեղան մը: Հասարակօրէն Պարսիկ կուսակալը իր հացկատակներուն (Գալթա-Կալթա-Կալթա) գնդին հետ օրերով վանքը կը կենար, առատութեամբ կ'ուտէր կը խմէր, իրեն ու իրեններուն թանկագին ընծաներ կ'առնէր, եւ ան ատեն կ'ելլէր կ'երթար, երբ որ մահաւան ու սնդուկները կը պարպուէին: Պարսիկ տղուկներուն մէկդի քաշուելէն ետքը՝ վանքից կը ջանային որ կրած վնասներնուն տեղը լեցունեն, որուն յօժարակամ գործակից կ'ըլլային ուխտաւորներն ու աղքատ գեղացիները: Բայց մտադրութեան արժանի բանն աս է որ այնպիսի հարըստահարութեանց ատեն՝ վանքին աւելի նպաստ ընող կար, քան թէ հիմակ որ խաղաղութեան մէջ են: Էջմիածնայ տարեկան մուտքը գրեթէ 16,000 արծաթ ռուպլի է, որն որ գլխաւորաբար Տիգրիս ու Երիւան ունեցած խանութներուն վարձքէն կու գայ: Թէպէտ սխտաւորաց բազմութիւնը տարւէ տարիկը քիչնայ, սակայն գեռ երեւելի է: Մասին էն Էջմիածին գառնալու տաննս մէկ խումբ ուխտաւոր տեսայ, որոնցմէ ոմանք խաղախի զգեստ հագած էին ոմանք ալ Չերքէզի: Ամէն ուխտաւորները ճամբուն այլեւայլ նեղութիւններէն զատ՝ յաճախ աւազակ քիւրաւերու կը հանդիպին, եւ աս բարբարոսաց ձեռքովը կը կողոպտուին ու շատ անգամ նաեւ կեանքերնին ալ կը կորսնցընեն:

Վանի որ Եւրոպացւոց ազդեցութիւնն արեւելեան կաղմբը կը զօրանայ, Ասիայի քրիստոնէից աւելի միա գնելու ենք, որոնց մէջ Հայազգիներն ամենէն բազմութիւ ու ամենէն նշանաւոր կը գտնենք: Ասոր համար անոնց վրայ եղած փոքր ու հասակոտոր ծանօթութիւններն ալ Եւրոպացւոց շատ սիրելի կ'ըլլան:

Հայկական ազգայնութիւնը պահողները միայն եկեղեցականներն էին: Հայերը թէպէտ իրենց հայրենական երկիրը կը տիրեն ու կը պատուեն, բայց շատ անգամ հոնկից ելելու ստիպուելով՝ միայն անիկա չէր կրնար իրենց ազգայնութիւնը պահել, նոյնպէս իրենց լեզուն ուրիշ երկիրներու մէջ օտար լեզուներու հետ խառնուելով եւ երբեմն բոլորովին մոռցուելով՝ մինակ բաւական չէր ըլլար Հայոց ազգայնութիւնը պահել: Ուստի միայն վանական եկեղեցականներն էին որ ազգայնութիւնը բռնեցին ու կենդանի պահեցին եւ հայերէն գրուածներ հրատարակելով՝ Հայոց հին ու նոր մայրենի լեզուն գարձեալ ծաղկեցուցին:

Հայոց կրօնական միութիւնը մինչեւ հիմա չէ թէ միայն չլաջողեցաւ, հապա նաեւ շատ տեղեր իրարու հետ եւ ոչ քիչ մը հաշտուեցան: Ասիայի ներքին գիւղերը, ուր որ գիտութեան բարերար ճառագայթները դեռ չեն թափանցեր, երկու կողման մէջ անհաշտ թշնամութիւն մը կը տեսնուի: Երկու կողմն ալ հաւասարապէս Հայազգի է, երկուքն ալ մի եւ նոյն արիւնը, մի եւ նոյն պատմութիւնը, մի եւ նոյն լեզուն ունին. ի վերայ այդ տմենայնի մէկ կողմը կաթողիկէ եկեղեցւոյն հետ միաբանեալ ու մէկալ կողմը դեռ չմիաբանեալ ըլլալուն համար միայն՝ Ասիայի քանի մը ներքին տեղուանքը իրար կ'ատեն, ու իրարու հետ առուասուր եւ բան գործ ունենալ չեն ուզեր, թեպէտեւ ուրիշ ամենայն ազգաց հետ յաջողութեամբ ու խաղաղութեամբ կ'ապրին ու կը գործեն: Ասիկա սասանիկ ողբալի բան է: Պր. Վահնէր Հայաստանի մէկքանի կողմերը կիրքէ ու տգիտութենէ յառաջ եկած ասանկ դժբախտ տեսարաններու հանդիպելով՝ աս գլխուն մէջ շատ տխուր ու քանի մը ցաւալի ստորագրութիւններ կ'ընէ: Մենք ասոնք հաստեղս չենք ուզեր թարգմանել

գիտնալով՝ որ աս խեղճութիւնները գիտութեան տարածման հետ օրէ օր նուազած են ու կը նուազին, եւ հաստատ յուսալով որ ազգին հոգեւոր ու մարմնաւոր բարիքն աղէկ մտածող մարդիկներուն գովելի ջանքը օր մը պատշաճ եղանակաւ կը կատարուի ու կը պսակուի:

ԵՕԹՆԵՐՈՐԴ ԳԼՈՒԽ

Գիտութիւն ու ազգային գաղափար: Բողոքականներուն Հայոց համար բրած ջանքը: Ռուս պաշտօնաւարաց կեանքը: Կեզեքելու հնարք: Հայաստանի ձիերուն ազնուութիւնը: Երաւիայ հովանին բերքը: Գիշեր մը Թաթարներու մէջ: Երաւի գեանն ստորագրութիւնը:

ՊԱՐՈՍ Վաղնէր Կաւկասի ու Պոնտոսի կողմերը բնակող Հայոց կրօնական վիճակը գիտելով՝ ամենեւին գիտութեան նշմարանք մը չգտնելուն վրայ շատ կը ցաւի, եւ միայն՝ գերապատիւ Յովհաննէս Սէլվիեան վարդապետը յիշելու ատեն՝ զանիկա գիտուն եւ բարեկիրթ կ'անուանէ ու մեծ հաճութիւն կը ցուցնէ: Դարձեալ՝ շատ կը տհաճի որ ան կողմերուն Հայազգիները Հայրենիք, Ազգային պատիւ, Ազգային լեզու, Ազգասիրութիւն բառերուն վրայ աղէկ ու պայծառ գաղափար չունին, ու աս բաներուն նկատմամբ պատշաճ փոխը չեն ցուցնէր, ուր որ բոլոր Եւրոպայի ազգերը շարժող, իրենց ազգայնութիւնը կենդանի պահող եւ ամէն յառաջագիմութեան յորդորողը միայն տա վսեմ գաղափարներն են: Բայց, ինչպէս քիչ մը յառաջ ականարկեցինք, նոյն բաներն ազգերնուս մէջ օրէ օր շտկուելու վրայ են:

Ասանկ ժամանակ մը, կ'ըսէ Պր. Վաղնէր, բողոքականներն (Երոդեսոսներն) ալ մտադրութիւններն Հայոց վրայ դարձնելով շատ քարոզիչներ խաւրացին: Ամերիկացի ու Անգղիացի բողոքականները¹ զա-

¹ Պր. Եւգինէոս Պուէ (Arménie, երես 52) աս բողոքական քարոզիչներուն բռնած ճամբուն վրայ հիմունեալ ծանօթութիւնները կու ապ: Ամերիկայի Միւսիսսիպի

նազան կողմեր՝ ինչպէս Կոստանդնուպոլիս, Զմիւռ-
նիս, Պրուսսա, Կարին (Էրզրում) ու Տրապիզոն
հաստատուն կայարաններ դնելով ու դասաւանդներ
բանտլով՝ ջանացին որ անտարբեր կարծուած ուսում-
ներով եւ ուրիշ միջոցներով Հայ պատանիներուն
իրենց հոգին հաղորդեն, բայց խիստ քիչ հետեւող
գտան։ Ասկից 12 տարի յառաջ նաեւ Կաւկասի
Շուշա քաղաքը Հելլենտիայի Գերմանացի բողոքա-
կաններն աս վախճանաւ դպրոց մը բացած էին, ուր
երեք քարողիչ այսինքն Տիգրիք, Սարեմմէ ու Հոէն-
աքքէր շարունակ մարդ վաստըկելու կ'աշխատէին
աւետարանական¹ մաքուր վարդապետութիւն սոր-
վեցընելու պատրուակաւ։ Ասոնց մէջէն Տիգրիք թէ

ըսուած բողոքական նորադանդները քանի մը տարիէ
ի վեր Հայոց վրայ մեծ հոգ կը ցուցընեն ու քարողիչ-
ներ կը խաւրեն։ 1820ին Պր. Ֆիսկ ու Բարսէնս քա-
րողիչները փոքր Ասիայի մէջ շրջան մ'ըրին։ 1827ին Պր.
Կապնալի մինչեւ Կապադովկիա գնաց. ետքէն Պր. Սմիթ,
Յուպդ եւ Տիգրիք Հայաստանի պոյեղութիւն ըրին.
բայց չկրցան մարդ որսալ, որովհետեւ աս առաքեալները
կանանցմով ու ամէն կերպ հանգստութեամբ եւ կահե-
րով ճամբորդութիւն ընելուն համար՝ նախ տեղացի-
ներէն ոչ երբեք քարողիչ, հապա Եւրոպացի հարուստ
ճամբորդի մը ընտանիք կը կարծուին, եւ երկրորդ խոր-
հուրդներն արհամարհելէն ու առաջին կարգի կրօնական
վարդապետութիւններն ու հաւատոյ մասուհիք ուրա-
նալէն՝ անմիջապէս կը ճանչցուին որ անոնք ինչ տեսակ
քրիստոնեայ են։ Ասոնք քաղաք մը համեմունքն պէս՝
վաճառատեղին կ'երթան ու աւետարանի արեւելեան լե-
զուններով թարգմանութիւնները ծախու կը հանեն,
բայց գնող չգտնելով՝ հոն քանի մը օրինակ կը թողուն
ու կ'ելլեն կ'երթան, կարծելով որ Հայերը, Յանիքները
կամ Քիւրտերը ասանկ թարգմանութիւնները կար-
դալով պիտ'որ գառնան. սակայն երկրորդ օրը նոյն
սուրբ գրքին թղթերը պատռտած ու ճամբաներու վրայ
ցիր ու ցան եղած կը գտնեն։

¹ Բողոքականք՝ կալվինական ու լութերական տղանդները
միայն արտաքուստ քիչ մը միացընելով ու իրարու հե-
կարկտելով՝ բոլորին մէկտեղ Աւստրալիան անու-
սուին, այնպէս որ հիմակ Աւստրալիան, Արգոնտա-
նիան կամ ըստ ուսուցիչ Բրոյ ըսելով՝ շատ հեղ Բողոքական,
Բողոքական ազանդաւորաց ժողով համայնի կ'իմանան։

աշխարհաբար թէ՛ գրաբար աղէկ հայերէն սորված էր, ու աւետարանը նոյն տեղաց աշխարհաբար լեզուին թարգմանեց ու Էջմիածնի դատաստանին տակ ձգեց, բայց չկրցաւ ապել տալ: Աս երեք քարոզիչներուն խօսքերէն սկսան մէկերկու անփորձ մարդիկ շարժիլ ու Հայաստանեայց եկեղեցւոյն բողոքականութեան կերպարանք ապու ջանք ցուցնել, բայց բանը կանուխ իմացուեցաւ ու Կաւկասի ընդհանուր կուսակալ Ռոզէն սեպուհը հրամայեց որ աս բողոքակրօն քարոզիչները անյապաղ նոյն երկրէն ելլեն երթան:

Ասիկց ետքը Պր. Վալինէր Ռուս պաշտօնատէրներուն Հայաստանի մէջ անցուցած կեանքը ստորագրելու կը սկսի: Էջմիածնի Ռուս կուսակալը Պր. Իւանով մետաքսեայ զգեստներ հագած, իր բազմոցին վրայ հանգչած ու սրտադիւր՝ սեւջուր խմած առեն Պր. Վալինէրին ըսաւ. «Հոս մարդ շատ դրանչելի կ'ապրի, այսու ամենայնիւ մեր (Ռուսաց) մէջ անմիտ ու ապուշ մարդիկ Կաւկասեան նահանգները աւազակներու բոյն կը կարծեն, եւ ան կողմերը գաղղ կուսակալին վրայ կը ցաւին, իբր թէ լեռնէն անդին երթալով՝ քաւարան կամ դժոխք կ'երթայ: Ինծի կ'երեւայ որ մարդ հոս տեղս շատ պատուական կեանք կ'անցընէ, եւ ո՛վ որ կը տրտնջէ, էշ է, եւ կամ ապիրատ ու սուտղոյց: Ար տեսնէք որ իմ անակս ամէն դիւրութիւնն ունի, սեղանս աղէկ զարդարուած է, ախոռին մէջ Յէ հեծնելու ձի ունիմ, որոնց ամէնն ալ գեղեցիկ, պերճ ու արքունական ասպատանի մը արժանի կենդանիներ են. ասիկց զատ 20,000 հոգի զիս կը պատուեն ու կը սիրեն»:

Պր. Իւանովին ամէն մէկ խօսքը մէյ մէկ ճշմարտութիւն էր, եւ իր աս անկեղծութիւնն ինծի շատ աւելի հաճոյական եղաւ, քան թէ իր պաշտօնակիցներուն կեղծաւորական տրտունջները, թէպէտեւ

անոնք ալ նոյնպէս փափկութեամբ կ'ապրին ու աւելի առատ մուտք ունին, եւ օտարականաց հաւտացընել կ'ուզեն որ կաւկասեան գաւառներու մէջ կեանք անցընելը իրենց ծանր զոհ մըն է: Ստուգիւ Պր. Իււանովին տանը մէջ բարեկեցիկ ապրուստի մը հարկաւոր եղածներէն բան մը պակաս չէր. մաքուր կոհարասի, ազնիւ ու համագամ կերակուրներ, Գաղղիայէն գինի, Հաւանայէն գլանիկ (սիկար), Արաբիայէ, Պարսկաստանէ ու Թուրքաստանէ նժոյգ ձիեր, եւ ի վերայ այս ամենայնի իր թոշակը 600 թղթեայ ռուպլի կամ 3000 շուրուշ էր: Իր պզտիկ տղան Վրացոց իշխանիկներուն պէս հագուած էր: Երբ որ Պր. Իւանով իր գաւառակին տուրքը ժողվելու համար դուրս կ'ելէր, 20 ձիաւոր քովէն կ'երթային, որոնց ումէն ալ իր տան ծառաներն էին: Ինչպիսի կեանք. զբօսանք, դիւրակեցութիւն, հարստութիւն, պարսկական պերճութիւն ու ճոխապետական (despotique) իշխանութիւն. եւ աս ամէն բաները 600 թղթեայ ռուպլիով կ'ըլլային (°): Հայաստանի մէջ Ուրալեան լեռներ չկան. եւ եթէ գետնի տակ Պարսիցմէ թաւ ղուած գանձեր ալ կան նէ, այնպէս պահուած են որ Ռուս կուսակալ մը Արգոսի աշուրներով ալ չիկրնար գտնել: Ուրեմն այսչափ ծախքերը ուսկից կ'ըլլան. մէկ քանի օր ետքը գաղտնիքն իմացայ, որովհետեւ ուրիշ պաշտօնատէրի մը տունը տեսայ որ Հայ ու Թաթար գեղացիները գունդագունդ կու գային, մէկը ձի կը բերէր, մէկը ոչխար, մէկալը քօշ, հաւկթով լեցուն կողովներ (օֆֆֆներ), կաթ, ճարպ, նաեւ ստակ եւ այլն: Պաշտօնատէրին կնիկը աս ամէն ընծաները կ'ընդունէր արհամարհոտ կերպարանաքով մը, եւ միայն բերնէն աս խօսքերը հանեց. «Գոհ եղէք որ առանկ աժան պրծաք. եթէ գիտցուի որ մէջերնիդ ժանտախտ կայ...»: Ասիկա ընծայաբերներուն վրայ շանթի պէս ապաւորութիւն ըրաւ:

Աս դէպքին ես անհետեւ եի ու նոյն սպառնալից խօսքին իմաստը քիչ մը ետքը անգեկացայ։ Բեդրոպուրկէն սաստիկ հրաման է եկեր որ ամէն ջանքն ըլլայ Վաւկասէն ժանտախտը ջնջելու. ուստի երբ որ ոռւս գործակալ մը կ'իմանայ որ գեղի մը մէջ ժանտախտի նշան կամ կասկած կայ, եւ երբեմն ալ միայն լաւ բաղաւաղով՝ գեղը ժանտախտէ մալակոնած կը հրատարակէ եւ խօսկոյն պզտի գունդ մը խազախ կը խաւրէ ու նոյն գեղին բոլորտիքը մէկ երկու ամիս պաշարուած կը մնայ։ Խեղճ բնակիչքնոյն ժամանակուան մէջ չեն կրնար դուրս ելլել ու իրենց երկրագործութեանը զբաղիլ, հասուն հունձքին մէկ մասը կը փափի կը փճանայ ու գեղին ամէն ուտեստը կը հաանի։ Բաց ասկից՝ կը պարտաւորին իրենց ամէն զգեստները, անկողիններն ու վերմակները եւ ուրիշ ամէն ժանտրնկալ (ժանտախտի բնորոշակ) կահերը կրակի մէջ ձգել եւ հազիւ թէ տասնին մէկ հատուցում կ'առնուն։ Ասանկով ստորին ոռւս գեղապետները սոսկալի մեծ զօրութիւն մ'ունին աս ուպառնալիքով որ Գեղը ժանտախտէ վարակած կը հրատարակեմ։ Գեղի մէջ ըստ պատահման կամ տենդով կամ ուրիշ մէկ հիւանդութեամբ մահ մը տեսնուի նէ, գեղապետը դէպքն իր շահին գործածելով՝ կը սկսի ժանտախտի հրատարակութիւն սպառնալ. նոյն ատեն թշուառ գեղացիք տեսնելով որ տներնին քանդուելու վիճակի մէջ են, անմիջապէս գեղապետին տունը պարգեւներ կը վազցընեն որ անոր սիրտը շահին։ Պր. Իւանով մէկալներէն ասով կը զանազանուէր որ աւելի մարդասիրութեամբ կը վարուէր ու աւելի առատաձեռն էր, անոր համար ժողովրդեան ալ սիրելի կրնար ըլլալ։

Աս մարդուս ձիերուն ալ այցելութիւն մ'ըրի, որոնց ամէնն ալ արաբացի ձիէ մը զատ՝ Ռուսի Հայաստանին Գարապաղ գաւառէն էին։ Բոլոր Հայ-

աստանի մէջ Գարապատ գաւառին¹ արօտը (չայըջ չէ՛մնը) շատ լաւ ըլլալով՝ տեղւոյն ձիերն ալ շատ աղուոր եւ ուժեղ կ'ըլլան։ Բայց Էջմիածնայ մօտերն ալ յառաջ եկած ձիերուն ցեղը գերազանց է։ Ես հոստեղաց Հայերէն չորս ձի վարձեցի որ կառքին լծելով՝ Երասխէն անդին անցնիմ, սակայն առանկ ձիերն Եւրոպա որ ըլլային, բռնաձիգ գրաստի պէս գործածուելու տեղ՝ դժտի կամ իշխանի մը ասպաստանը կը զարգարէին։ Տեղւոյն ձիերուն գինը շատ ատան է. 50 արծաթի ռուպլիով աղուոր ձի մը կրնայ դնուիլ։ Թուրքաստանի ու Արաբիայի ձիերը սուղ են իրենց մէկ քանի յատկութիւններուն եւ քիչ գտնուելուն համար։ Պր. Իւանով ըսաւ որ իր արարացի ձիուն 200 մաճառի ոսկի տուող եղեր է. բայց ես այսչափ ծախքի յօժար չեմ. իմ Հայու ձիուս վրայ շատ գոհ էի, որն որ թէպէտ այնպէս թռչնոյ նման չէր սլանար, բայց շուտ, թեթեւ ու հաճոյական ընթացք մ'ունէր։ Իմ վեհ հիւրընկալիս շնորհակալ եղայ ու սիրուն գեղին ալ վերջին բարեւս տուի. եւ երբ որ ծառերուն վրայ տարմահաւները, ճնճղուկները, մեզուպաղները կամ երաշտահաւներն ու ծիծառները ճնճուելով ու կանչելով արշալոյսը կ'ողջունէին, ես իմ Խաղախներովս դէպ Արարատ ճամբայ ելայ։

Արասխայ մեծ դաշտին ան ամէն կողմերը, ուր տեղացիք երկիրը ջրելու համար կրնան առուակներով գետերէն ջուր առնել, շատ արգաւանդ ու պտղաբեր են։ Ամէն տեսակ ցորեն, բամբակ եւ մանաւանդ բրինձ գերազանց եղանակաւ մը յառաջ կու գան աս հրաբխական գետնին վրայ՝ որ արուեստով կ'ո-

¹ Ամէն հին (Երոզոտոս, Սարաբոն եւայլն) ու նոր պատմագիրներն ու ճամբորդները Հայաստանի ձիերը շատ կը գովեն, եւ Հայոց ձիաբուծութեան արուեստն ու մէկքանի տեղերուն արօտը ուրիշ շատ ազգերուն ունեցածէն խիստ վեր կը գտնեն։

ռագուի: Բայց ուր որ հողը խոնաւութիւն չունի, եւ ջրէջ փորելը կարելի չէ, երկիրն անշէն անապատի պէս մնացեր է: Մասիսի լեւան քարը շատ ծակափք ունենալով՝ հալած ձիւներուն վար վազած ջուրը կը ծծէ ու թող չիտար որ ուխմը ձեւանայ, ապա թէ ոչ լեւան անապատ ձիւնը քովի արտերուն անգին բարիք կ'ընէր, որոնք հիմակ արեւակէջ եւ լեռկ ու մերկ տեսարան մը մարդուս աչքին առջեւ կը բերեն:

Մենք իրիկուան դէմ Երասխ գետին եզերքը հառանք. բայց ջուրը խիստ շառցած ըլլալով՝ մութ ատեն վըայէն անցնիլը խոհեմութիւն չսպեցինք եւ նոյն գիշեր Թաթարներու գեղի մը մէջ պառկեցանք: Թաթարները մեզ շատ սիրով ընդունեցան ու մեծ հիւրասիրութիւն ցուցուցին. ասիկա նշան մըն է որ Թաթար Մահմետականները քրիստոնէից հետ աւելի հաշտուեր են: Բարրոգին ատենը բոլորովին տարբեր էր, ինք հազիւ թէ հարկաւոր եղած ուտելիքը կըրցաւ գտնել. իսկ մեր հիւրընկալ Թաթարն ինչ որ ունէր՝ մեր առջեւը դրաւ, եւ պարգեւ մ'ալ չառաւ: Մինչեւ կէս գիշեր իր մէկքանի Թաթար դրացիներով մեզի հետ նստաւ, որոնք շարունակ Պր. Արովեանին կ'աղաչէին որ պատմութիւններ պատմէ, բայց զարմանալին ան էր որ բուն նուրբ ու զաւեշտ պատմութիւններէն համ մը չէին առներ, եւ հառարակ պատմութիւններով աւելի կը զուարճանային: Ասոնք շատ զարմացան, երբոր լսեցին որ ես ոչ Մոսկով, ոչ ալ Անգղիացի եմ, վասն զի չէին գիտեր որ աշխարհքիս մէջ Գերմանացի ալ կայ, նաեւ ոչ Սալ-Բառ Պաշաքարդին անունն իրենց ականջը հասած էր, թէպէտ արեւելքին մէկալ կողմերը թնդացուցած էր: Հոս ազգապանծ Գաղղիացի մ'ըլլար նէ, շատ կը տաքնար տեսնելով որ ան մեծ ազգին ու իր դիւցազնական քաջին շահատակութիւնները Երասխայ հովիտներուն վրայ դեռ չեն գիտեր:

Յունիսի գեղեցիկ օրուան մը պայծառութիւնը մեզ կանուխ արթնցուց: Քիչ մը ձիավարելէն ետքը Երասխայ գետափը հասանք, որն որ հոս այնչափ լայնութիւն ունի, որչափ Կուր Տփղիսի մօտ, եւ նոյնպէս վայրենի ու սրնթաց է: Ասոր փոսը գալարուն կայծքարներով լեցուն է, եզերքը շատ տեղեր բարձր ու ցից: Իր վազած տեղը շատ խորուկ ըլլալով ջուրը դաշտերու վրայ բերելը կարելի չէ, որն որ մեծ վնաս կը պատճառէ: Իր եզերքը Եփրատինին պէս տափարակ ու առուակ բանալու յարմար ըլլային նէ, բոլոր երկիրն ասանկ ժրջանն ու յաջողակ ժողովրդեան մը ձեռքով դրախտի նման կ'ըլլար: Արագած եւ ուրիշ հիւսիսային լեռներէն գէպ ի Երասխ վազող վտակներն ու աղբիւրներն ամառուան ատեն Երասխայ խիստ քիչ ջուր կը վճարեն, որովհետեւ մինչեւ որ Երասխ հասնին նէ, պարտէզներու եւ ագարակներու կ'առնուին: Գրեթէ իր բոլոր փրկփրագէզ ջուրը Յունիսի մէջ Օսմանեան Հայաստանի լեռներուն հալած ձիւներէն կը վազէ: Մեզ դիմաց անցընելու համար պարսկական ապրանքներով լեցուն նաւակ մը կու գար, որուն Երասխայ արշաւաստը կոհակները պատուելով մօտիկնալու ատենը՝ ես մտօք վերացայ, ինչպէս որ հռչակաւոր գետ մը առաջին անգամ տեսնելուն՝ բնականապէս կը պատահի, եւ ան հին ատենները յիշեցի, երբոր Հռոմայեցւոց արծուէնշան դրօշները մինչեւ աս «կամրջնիկէց Երասխին»,¹ ափունքը հասան: Բայց հիմա նոյն դրօշին տեղ՝ Ռուս կողմնապետի մը վառը (պայրաւը) կը ծփար. Հռոմայեցի զրահապատ դիւցազներու տեղ՝ քանի մը լայներես ու տափաքիթ Սլուներ կային, եւ փոխանակ լատիններէն հնչական լեզուին՝ մոսկովական բաղաձայններու լեզուն երկայնատարած բառերով:

¹ Հռոմայեցւոց բանաստեղծները Երասխ գետին սրնթացութիւնը նշանակելու համար կ'ըսեն Araxes pontem

ՈՒԹԵՐՈՐԴ ԳԼՈՒԽ

Արսէն Սուլթան-Գեղամեան Հայ իշխան: Պարսիկ խանի վարդենոց ու ամարանոց: Կեղեքելու գէմ ամբաստանութիւն: Սեւաջուր գետ: Ռուսաց աստիճանի բարձրութեան նշանները: Ալի Բեկին զուարճալի պատմութիւնն ու քիւրտերը: Ժանտախտի վիճակ: Մարտանենգութիւն: Բազէով որսորդութիւնն ու բազէի կրթութիւն: Դիւակերպ որսորդ: Դուռնըֆոր: Արարատայ բուսաբանական եւ կենդանաբանական վիճակը: Սեւաջուր գետակին ակունքը: Հրաբխային լեռ ու նիւթ: Որսական թռչուններ:

Իջրիւանի կողմնապետը Պ. Գուլպին բոլոր իր ստորին պաշտօնատէրներուն յառաջուրնէ իմացուցած էր որ մեր հանգիստ ճամբորդութեանը համար ամէն բան հոգան պատրաստեն. ան պառճառաւ երասխէն անդին անցնելուս պէս՝ տեղւոյն Ռուս պաշտօնատէրն ինծի հասկըցուց որ մինչեւ Մասիս ապահով երթալու համար ամենայն ինչ կարգի գրուած է: Քիչ մը հեռու Պարսիկ իշխանի մը ամարանոցին առջեւ մաքուր հագուած ձիաւորաց խումբ մը կար, որ մեզի ուղեկից պիտի ըլլար: Ասոր գլուխը կեցած էր իշխանացի Հայ մը Արսէն Սուլթան-Գեղամեան՝ անունով, իր քովն ալ քիւրտերու մեծ մը Ալի Բեկ անուն. աս քաջազէն ձիաւորներն էին Հայ, Թաթար քիւրտ: Պարսիկ իշխանը պարսեզին դրան առջին

indignans, իբր թէ Երասխ զայրանալով թող չէր տար որ վրան կամուրջ ձգուի: Պր. Վակներ ասիկայ ակնարկելու համար՝ գերմաներէն բառով Brückenzürnender Araxes կ'ըսէ, այսինքն է Վամբռնաստ կամ Վամբըլընկէց Երասխ:

¹ Պր. Վակներ աս Գեղամեան անունը կը գրէ Gehamoff, որուն բուն հայերէնը մենք Գեղամեան կը կարծենք, որովհետեւ Պր. Վակներ միշտ մեր է գրին տեղ ուղղութեամբ ց կը գնէ. փոխանակ մեր ղ գրին՝ շատ անգամ հ կը գնէ. իսկ off ռուսերէն հայրանունական մասնիկ է, որուն հայերէնն է Խան. սակայն հիմա ահա՝ ճութեամբ կը տեսնենք որ Ռուսաստանի Հայոցմէ շատերը կամ երեւելիներն իրենց անուանց հայերէն Խան վերջաւորութիւնը ռուսերէն off կամ eff մասնիկներուն կը փոխեն, որն որ ազգայնութեան նշանները կամաց կամաց բնաջինջ կ'ընէ, եւ շատ դժբախտ հետեւանք կրնայ ունենալ, ինչպէս ուրիշ տեղեր պատահած է:

Ծառայից բազմութեամբ ու գոյնզգոյն զգեստներ հագած՝ մեզ բարեւելով ընդունեցաւ, վարդերով զարդարուած գաւազան մ'ընծայեց, եւ բաց ասկից՝ թաթարերէն լեզուաւ երկայն ծաղկալից ճառ մը խօսեցաւ, զորն որ Պր. Աբովեան ինծի թարգմանեց. ես ալ իրեն յանձնեցի որ իմ կողմանէս նոյն քաղաքավար Պարսիկ իշխանին կարելի եղածին չափ ծաղկաւէտ խօսքերով շնորհակալ ըլլայ։ Ետքէն վար իջանք ու վարդենոցը մտանք, ուր զարդարուն որահի մը մէջ մեզի քանի մը զովարար անուշեղէններ հրամցուցին։ Իսկ Պր. Աբովեան երկայն բարակ խօսակցութեամբ նոյն Պարսիկ իշխանին հասկըցընելու կ'աշխատէր որ իմ ճամբորդութեանս վախճանն ինչ է, բայց ասիկա շատ դժուարին բան էր, որովհետեւ զբօսանաց ու վայելից մէջ ընկղմած Պարսիկը չէր կրնար ըմբռնել որ ինչպէս մարդ Եւրոպայի հանգիստ կեանքը թող տալով՝ քիչ մը հող կամ երկիր քննելու համար այնչափ երկայն ճամբորդութիւն ու աշխատանք կրնայ յանձն առնել։ Մեր վարդուշաքար (կէ-լտէշէթեր) ու օշարակ (շէրտէն) վայելելու ատենը՝ բոլոր ծառաները աշտարակածեւ գլխարկներով բարեւ բռնած կարգաւ կը կենային, ինչու որ Պարսից մէջ հիւրի մը գիմացը շարուած ծառաներուն բազմութենէն կ'իմացուի տանտիրոջ աստիճանն ու հարստութիւնը։ Ասոնց ամենէն աւելի հաճոյ եղաւ ինծի մէկ ազնիւ բազէ մը, որն որ արծաթի գաւազանի վըայ կեցած՝ սուր ու դիտող աչուրներով մը մեզի կը նայէր։ Ասիկայ իր որսորդութեամբը իշխանին զուարճութիւններէն մէկն էր։ Իմ Պարսիկ ասպնջականիս շաքարեղէններէն ու անոյշ խօսքերէն չափէն աւելի կշտանալով՝ աս վարդաբոյր ամարանոցը թողուցի ու նորէն ճամբայ ելայ։

Ո՛րոս պաշտօնատէրներուն խիստ հրամանաւն ամէն աեղ մեզի համար պատրաստութիւններ տես-

նուած էին, որոնց համար Հայ տանտէրները ստակ ալ չընդունեցան. բայց տեսնելով որ ես այսչափ ձիաւորաց բազմութեամբ ճամբայ կ'ընեմ, ինծի պէս սղորմելի բնախոյզը՝ մեծ ու խօսքն անցնող մարդու մը տեղ գրին եւ Ռուս պաշտօնատէրներու վրայ ինծի ամբաստանութիւններ բրին, երբոր տեսան որ ես ալ իրենց հետ սիրով կը վարուիմ: Իրենց գլխաւոր ամբաստանութիւնն առ էր որ տեղւոյն Ռուս կողմնապետն ու իր կնիկը միօրինակ զանաճք կը կեղեքեն ու կողոպտեն: Երկուսին վերակացուն նոյն օրերը փոխուած էր, եւ Վաւկասի ընդհանուր կուսակալն ալ առ կողմերուն այցելութեան պիտի ելլէր, ուստի Ռուս կողմնապետը կը վախնար որ պաշտօնէն վար կ'առնուի ու բռնաւորութենէն կ'իյնայ. անոր համար ձեռքէն եկածին չափ յափշտակութիւն կ'ընէր:

Իրիկուան դէմ թաթարներու Արալիս գեղը հասնք, ուր խաղախները Ռուսի արաբատեան սահմանադուլը կը պահեն: Արսէն Սուլթան-Գեղամեան Հայ իշխանը մեզ անանկ աղէկ հոգաց որ բան մ'ալ չպոկսեցաւ: Հոս Սեւջուր (Գաբա սոս) ըրուած գետին քով հանգիստ վրաններու տակ բանակեցանք, եւ մօտաւոր գեղերէն մեզի առատութեամբ կաթ, հաց, բրինձ ու հաւեղէն բերին. մեր ձիերուն ալ շատ լաւ դարի: Աս պզտի գետին մերձակայ տեղերն անբնակ ու մենակերպ են: Սեւջուրը Մասիս լեռան տակ դաշտի վրայ շամբի (խամբշլի) մը մէջ կը բխէ, ու իրաւամբ Սեւջուր կ'անուանուի, որովհետեւ իր ակունքէն քիչ մը հեռու ջուրը սեւ գոյն մը կ'առնու, կը մօրոտի եւ գէշ համ մը կը ստանայ: Իր ընթացքն այնպէս կամաց կ'երեւայ որ մարդ շարժում մը չի տեսներ, բայց շատ խորուկ է: Քիչ տեղ քալելէն ետքը՝ կ'երթայ Երասխին հետ կը միանայ, այնպէս որ աւելի ջրանցքի մը քան թէ գետի կը նմանի: Ասոր եղերքը ճախճախուտ եւ վատառողջ են,

ուստի եւ հոստեղաց սահմանապահ խազախներու մէջ ալ շարունակ տենդ (սլիմ) կ'իյնայ :

Եւ շրջակայ տեղուանքը քանի մը անգամ պարտեցայ , բոյսերը զննեցի , եւ մէկ քանի տեսակ գոյզնագիւտ երկակենցաղ անասնիկներ ու ճճիներ գտայ : Հպւք ու թաթարք իմ աս զբաղմանս վրայ զարմացած էին , եւ գլխաւորաբար անոր համար որ ստորին աշխատանքներն ալ ես անձամբ կ'ընէի , ու մուրճս , անկացոյց պատկերներն ու միջատներու ցանցը ծառային ձեռքը տալու տեղ՝ ես կը կրէի . ասով իրենց սաստիկ յարգութիւնն ու վրաս ունեցած մեծ համարումնին խախտեցաւ , եւ անդադար Պր . Աբովեանին կը հարցընէին որ ինչո՞ւ այնչափ պատիւ կ'ըլլայ անանկ օտարականի մը , որուն զգեստն ու զբաղումն ամենեւին բարձր աստիճան մը չեն ցուցըներ , որն որ ոչ ոսկեղէն ուսադիր (épaulette), ոչ ալ պատուոյ նշան մ'ունի եւ իր խազախ ծառային հետ իբրեւ իրեն հաւասար մարդու պէս ընտանեբար կը խօսի : Աս ամէն բաները , մանաւանդ վերջի պարագան՝ Ռուսաց սովորութեանը բոլորովին հակառակ էր , որոնք վերջին ճիգը կը թափեն՝ զգեստով ու արտաքին ճոխական վարմունքով իրենց հպատակներուն աչքին յօհեղ ու պատկառելի կերպարանք մը ցուցընել , եւ ժողովուրդն ալ ասանկ վարժած է , այնպէս որ մարդու մը աստիճանին բարձրութիւնն այսպիսի նշաններէն կը չափէ :

Ուղեկիցներուս մէջ ամենէն աւելի աչքի զարնող մարդս էր Ալի Բէկ Գիւրտը : Հասակը ծառաբերձ , ուսերն ու լանջքը սաստիկ լայն , փորը դուրս ինկած , եւ իր ոտկրներուն ու մարմնոյն տիտանեան զանգուածին վրայ արտաքոյ կարգի մեծ գլուխ մը : Արարաւի Գիւրտ ցեղերուն մէջ ասոր նման կերպարանք մը չտեսայ : Գիւրտերու մէջ՝ Ճեզայիրի կողմերը բնակող Գապիլներուն պէս՝ իրարմէ վերջին աստիճանի

տարբեր մարմնոյ ձեւեր ու դիմաց գծ ազդութիւններ կան, անանկ որ իրենց բնիկ կերպարանքն որոշեւ շատ դժուար է. ամէն բան կը ցուցնէ որ թէ ա- սոնք թէ անոնք խառնուրդ՝ մըն են: Ալի Բէկին յաղթանդամ տեղքին աւելի շքեղութիւն մը կու տար իր շառագոյն (կառ կարմիր) հագուստը: Իր հըս- կայական խելապատակը շրջապատած էր լայնածիւր փաթթոց մը: Ինք յառաջագոյն ֆիւրտերու մէջ շատ մեծարոյ է եղեր, բայց հիմա Սուլթան-Գեղամեանին իբր օգնականն էր: Աս Հայ իշխանն անոր՝ բարեկամի եւ ոչ թէ հպատակի պէս կը նայէր. եւ “Գեռ խօսքը ֆիւրտերուն անցնելուն ու իր այլանդակ կերպարան- քին համար հետո կը պտըտցնեմ”, կ’ըսէր: Իրեն հի- մակուան ինկած վիճակին պատճառն առ կը կարծուէր որ ինք Տփղիս երթալով՝ Կուկասի Ռուս ընդհանուր կուսակալ Պր. Գոլովինին հպատակութիւն է ցու- ցըցեր, ասով մեկալ ֆիւրտերուն աչքէն ելեր է: Պր. Գոլովին զինքը շատ սիրով ընդունելով՝ նաեւ խրախճանի մը հրաւիրեր է, ուր ամէն կոշնականներն անոր անշիր ախորժակին վրայ ապշեր մնացեր են: Ինչպէս տկանատես մարդ մը ինծի պատմեց, կատա- րեալ արջու անյադութեամբ կերեր է. իր ծարաւը Սահարա անապատէն անցնող Ցաճիկ ուղտի (հէճին փէվէսի) ծարաւին կը հաւասարէր: Երբ որ իր առ- ջեւը Շամբանեան գինի գրին, ըսաւ տկանատես վկան, ինք պզտիկ դաւաթն արհամարհելով՝ բուն

¹ Եւրոպացիք ֆիւրտերուն սկիզբը դանելու համար շատ աշխատած են ու կ’աշխատին: Մեր ազգային պատմու- թիւնը քննելով՝ կը կարծենք որ ասոնք հին Մարցի, Գարեջի ու Հայոցի խառնուած ազգ մըն են, բայց՝ ինչպէս խորենացւոյն պատմութեան զանազան տեղե- րէն (Գիւրք Ա. Գլ. Լ. եւ Գիւրք Բ. Գլ. ԾԳ.) կը տեսնուի, թէ Հայաստանին հիմա ֆիւրտիսթան ըսուած կողմն ֆիւրտերուն, եւ թէ Արարատայ ֆիւրտերուն շատուոր մասը կամ բուն խմորը Մար է: Աս կարծեաց կը նպաստէ նաեւ ան որ Հայաստանի այլեւայլ կող- մերը մինչեւ ցայսօր ֆիւրտերը Մար կը կոչուին:

չիշն առաւ ու մէկ անգամուն ամբողջ խմեց լմբնցուց : Պր. Գոլովին ասոր ոսկի ժամացոյց մը պարգեւ տուած էր, ինք ասիկայ Երիւան ծախեց ու կնրուխումի դարձածեց : Ես աս բանս չգիտնալու զարնելով՝ իրեն ըսի որ պարգեւ առած ժամացոյցդ մէյ մը տեսնեմ. աս որ լեց, սկսաւ ուսերը վեր վեր նետել ու ըսաւ. «Անիկա շատոնց գնաց. մարդս պիտ'որ ապրի եւ ուտէ», : Ասանկ կեանքի մը վարժելէն ետքը՝ ալ Քիւրտերուն անհանգիստ Թափառականութենէն համ չէր առներ : Ինք աղէկ զուարթաբարոյ ու զուարճախօս մարդ մըն էր, եւ կատակ կը վերցընէր : Երբ որ ուսներէն խօսելու կը սկսէր, մարդ չէր կրնար ծիծաղը բռնել :

Ան Քիւրտ ցեղերն որոնցմէ Ալի Բեկն էր, Մասիսի չորս կողմը Թափառական կ'ապրին, եւ երբեմն Պարսից, երբեմն Ցաճկաց, երբեմն ալ Ռուսաց կողմերը կը կենան, ինչպէս որ արօտն ու աւաղակու թիւնը կ'որոշէ : Չմեռը Ռուսաց կողմը կ'անցնին, ինչու որ փայտ եւ ուրիշ պիտոյք գտնելը գիւրին է, ամառը սիրով Ցաճկի երկիր կ'երթան, որովհետեւ հոն իրենց պաճարներուն համար առատ գալար խոտ կը գտնեն : Շատ անգամ ասոնք յափշտակութիւն մ'ընելէն ետքը բնակութիւննին շուտով կը փոխեն, որպէս զի ձեռք չիյնան : Ռուսերը շատ ջանացին որ աս Արարատայ Քիւրտերը հաստատուն բնակութեան մը վարժեցընեն, բայց ամէն աշխատանքը պարապի գնաց :

Այնչուր գետին քով նսեւ Ռուս բժիշկ մը կար, որն որ ժանտախտին ընթացքը գիտելու համար հոս խաւրուած էր : Մինչեւ մեր գալստեան օրը միայն Թաթարներու երեք գեղ մարդամահ ինկած էր, զորոնք խաղախները սաստիկ խիստ պաշարած կը պահէին. իսկ Ռուս բժիշկը ոչ հիւանդներուն, ոչ ալ գեղերուն կը մօտիկնար, հապա երկու ժամ հե-

առ տեղ մը կը նստէր, եւ միայն խաղախ պաշտօնակարին ձեռքով՝ հիւանդաց թուղն վրայ ծանօթութիւն կ'առնէր։ Աս հիւանդութեան ստուգիւ ժանտախա ըլլալը կատարեալ չցուցուեցաւ։ Տեղացիք կ'ապահովեցնէին որ ճախճախուտ տեղերէ պատճառած սովորական տենդն է։ Ռուսերը միշտ կ'ըսեն որ ժանտախաը Տաճկի Հայաստանին Պայազիտ¹ քաղքէն Ռուսի Հայաստան կու գայ, ուր որ Պայազիտի մէջ շատ տարիներէ ի վեր ժանտախա տեսնուած չէ, ինչպէս որ տեղւոյն փաշան ս. Պր. Պաւլոս տորֆ բժիշկը հաստատեցին։ Նոյնպէս Պարսից սահմանակից Մակու քաղաքը խիստ երկայն ատենէ ի վեր ժանտախա պատահած չէ։ Ուստի այնչափ հաւանական չ'երեւար որ Տաճկաստանէն ու Պարսկաստանէն եկող ապրանքներուն ձեռքովը Ռուսի Հայաստանին մէջ ժանտախա տարածի, վասն զի ապրանքները ժանտախաով ըլլային նէ, նաեւ ան երկիրներուն մէջ ժանտախա պիտ'որ ծագէր, ուսկից որ կու գան. եւ սչ ալ կրնայ ըսուիլ որ նոյն ապրանքները Ռուսի Հայաստան մտնելէն ետքը՝ վրանին ժանտախաի նիւթ գոյանալու կը սկսի. ուրեմն տեղի հաւանական է ըսելը որ Ռուսի Հայաստանին մէջ ատեն ատեն պատահած մարդամահը բուն ժանտախա չէ. գէթ մինչեւ հիմակ աս բանս բժշկական զննութեամբ ստորոգ ցուցուած չէ։ Արեւի է որ նոյն երեք գեղերուն թաթարները Ռուս տեղապետին ընչասիրութիւնն յագեցուցած չըլլան, ան ալ վրէժն առնելու համար՝ զանոնք այնպէս խիստ պաշարել տուած ըլլայ։ Ստորին Ռուս պաշտօնատէրներուն բռնած ճամբուն նայելով՝ անկարելի չէ որ նաեւ ամէն օր Երիւան խրկուած հիւանդներուն ու մեռելներուն

¹ Պայազիտ Ռուսաց սահմանէն քիչ մը հեռու է եւ Մասիսու հարաւային կողմը կ'ընայ. ասիկայ Ռուսի սահմանակից երկիրներուն հետ աղէկ առնուտուր կ'ընէ։

ցանկը բոլորովին սուտ ըլլայ, որպէս զի՝ ինչպէս Հայ ու Թաթար բնակիչներն անկեղծութեամբ ըսին, աս ժանտախտի լուբերով Երիւանի գաւառապետն ու Կաւկասի ընդհանուր կուսակալը խաբուին, վախնան, աս կողմերուն անձամբ այցելութիւն ընելու չհամարձակին եւ կարող չըլլան եղած հարստահարութիւնները քննել, իրենց աչքովը տեսնել ու յանցաւոր պաշտօնատէրները պատժել:

Հոստեղաց սահմանապահ խազախները զուարթ ընկերակցութիւն մը չունենալով՝ շատ տխուր կ'ապրին, բայց ասոր վնասը կը հանեն՝ մաքսէ ապրանք փախցընողներուն հետ շահաւէտ առուտուր մ'ընելով: Պարսկաստանի մաքսանենդները՝ որ անգղիական ապրանքները հակերով (տէկերով) Դավըէժէն Երասխ գետին վրայ կը դնեն եւ Ռուսի Հայաստան կ'անցընեն, սովորաբար խազախներու եւ մաքսաւորներու հետ բանը նախ կը յարմարցընեն, եւ վաճառներն անխափան իրենց Կաւկասեան վաճառակիցներուն ձեռքը կը հասցընեն: Աս սահմաններուն վրայ փախցուած ապրանք բռնելը քիչ տեսնուած է. իսկ մաքսանենդ մը բռնել ու դատաստանի մատնելը լսուած բան չէ: Խազախը միշտ կարեկից կ'ըլլայ ու կը գթայ, երբոր փայլուն ռուպլիին ձայնը լսէ: Եթէ մաքսանենդ մը յառաջագոյն խազախն ու անոր պաշտօնակալը գոհ չըրած՝ ձեռք կ'իյնայ, անվնաս պրծելու համար՝ քանի մը արծաթ ռուպլի հերիք է: Ուստի թէպէտ հոս խազախներուն կեանքը տխուր կ'երեւայ, բայց անոնցմէ ամէն մէկը հոսկից իր հայրենիքը դառնալու ատեն՝ իր կաշէ քսակը փայլուն դրամով լեցուցած կ'ըլլայ:

Արսէն Գեղամեան իշխանն ու Ալի Բէկ իմ երկրաբանական ու տնկաբանական զննութիւններու վրայ այնչափ հոգ մը չէին ցուցըներ, իրենք աղուոր բազէով մը որսորդութիւն կ'ընէին ու անով կը զը-

ւարճանային : Օր մը ես ալ աս տեսարանին ներկայ
գտնուեցայ, թէպէտ նոյն անգամուն բազէն այնչափ
քաջութիւններ չբաւ, ինչու որ աս թռչուններն
ալ օր ու ժամ ունին, երբեմն անխոնջ կ'ըլլան ու
որսին վրայ մսլեզին կը խոյանան, երբեմն ալ թոյլ
ծոյլ ու անյօժար կը կենան, եւ նոյն իսկ պարտաւ
Լորամարգի (պլալեմբլ) մը տեսքը իրենց արիւնհուշա
բարբը չիզարթուցաներ. երբեմն ալ ազատութիւն-
նին մաքերնին գալով՝ կը թռչին ու կը փախչին,
բայց շատ հեղ նորէն կը բռնուին, ինչպէս Գեղա-
մեան իշխանին բազէին ալ դիպեցաւ. իշխանը բա-
զէն կաքաւի (փփփփ) մը վրայ արձակեց. խեղճ կա-
քաւը տեսնելով որ թռչելու մէջ իր սոսկալի թշնամ-
ւոյն հետ գլուխ պիտի չկրնայ ելլել, յանկարծակի
ինք զինքը վար թողուց որ թփերու մէջ պահուբաի.
բայց բազէական աշուրներէն չկրցաւ փախչիլ. քիչ
մը ետքը անոր սուր մագիլներուն (փնչկներուն) ու
կտուցին առկ արիւնջուայ եղած մեռած էր : Տէրը
երկրորդ անգամ ուրիշ թռչուններու տարմին (փ-
մի) վրայ խաւրեց, բայց անիկա նախ դէպ ի փոքր
Մասիս փախաւ, ետքէն վար իջաւ կեցաւ, եւ մօտ կայ-
նող ձիաւորները ձիերնին բոլոր սւժով վազցուցին ու
հառան եւ նորէն բռնեցին զբազէն :

Ինչպէտ արեւելքի աս մասին մէջ բազէով որ-
սորդութիւնը յառաջական չափ շատ ծախքով չ'ըլ-
լար, այսու ամենայնիւ դեռ մեծին ու պզտիկին
գլխաւոր զօռանքներէն մէկն է : Պր. Գոլենազի՝ որն
որ իմ աս կողմերը պտրտած ժամանակս Ռուսի Հայ-
աստանը պտրտեցաւ ու աս որսորդութիւնը տեսնե-
լու շատ անգամ առիթ ունեցաւ, անոր վրայ աղէկ
ծանօթութիւններ կու տայ, ղորոնք հոս գնելը հար-
կաւոր կը տեսնեմ : Աշնան ու գարնան երբոր բազէ-
ները ճամբորդ թռչուններուն ետեւէն կ'իյնան, Պաւ-
կասի բնակիչները վարմ (ալ) կը ձգեն, մէջը կը

կապեն լորտմարդ կամ սալամբ¹ եւ կամ ուրիշ անանկ թռչուն մը, որուն վրայ բազէները յօժարութեամբ կը յարձակին. իրենք չուանը բռնած կը պահուին, ու բազէն վարմին մէջ գալուն մանեւուն պէս՝ չուանը կը քաշեն ու բազէն վարմի մէջ կը մնայ: Ասիկից ետքը կըրթելու կը սկսին. նախ կը քննեն կը նային որ բազէն սեւաչեայ (հարս կէշ) չըլլայ, վասն զի՝ ինչպէս տեղացիք կ'ըսեն, սեւաչուի բազէներն այնպէս սրատես չեն, ուստի եւ միայն խարտէշաչուիները (եւ կէշերը) աս որսորդութեան յարմար կը դատին: Աս ընտրութիւնն որ կ'ըլլայ, բազէին աչուրներուն կոպերը (խոփաները) մածուցիկ նիւթով մը իրարու կը կպցնեն, եւ կամ աւելի յաճախ՝ մէկ երկու անգամ ասեղ անցընելով՝ իրարու հետ կը կարեն, եւ երեք օր անանկ կը թողուն ու կ'ըսեն որ աս կերպով բազէն կ'ընտանենայ կամ իր վայրենութիւնը կը մոռնայ. աս կից զատ՝ սղանգ² ըսուած խոտին եփաջրովը կը լուան, որպէս զի վրայի տիգերն ու ոջիւնները սատկին: Բայց բազէն պիտանի ընելու համար գլխաւոր պայմաններուն մէկն ալ աս է որ իրեն քիչ ուտելիք տալու է: Դարձեալ ոտուրներուն շղթայ՝ այսինքն երկրթէ օղակներ կ'անցընեն, եւ կաշիով մը զանոնք իրարու կը կապեն, վրան ալ գլան մը կը հաստատեն: Ասոնք ըլլալէն ետքը բազէավարժը կենդա-

¹ Սալամբ բուն հայերէն բառ է, եւ «սալ» (քար) բառէն ելած կ'երեւայ, ինչպէս որ Փարպեցւոյն աս թռչնոյն տուած մակդիրներն ալ ըստ մասին կը ցուցնեն, «Առապարասէր, վիմասոյզ, սորամուտ երամս կաքաւացն եւ սալամբացն»: Իսկ ըստ նշանակութեան տեսակ մը կաքաւ (սիւլի) է, ասոր տաճկերէն Զէլ կ'ըսեն պրս. Թիհուլ. որոնց հետ նոյն կը համարուի լա. Tetrao Francolinus, եւ արաբ. Տիւրու (Թիւրու) ըսուած թռչունը. մենք հայերէն Սալամբ բառը վերջինին տեղ դրած ենք: Մագիստրոսն ու Երզնկացին աս բուն պարսկերէն Թիհուլ եւ բուն արաբերէն Տիւրու բառերը իբրեւ արեւելեանց հասարակ բառ ենթադրելով՝ հայերէնի պէս կը բանեցընեն ու կ'ըսեն Դահուլ եւ Դահուլ:

² Լա. Aristolochia. պրս. Զիւլուկի:

նւայն աշուրները կը բանայ, եւ գլանին վրայ երկայն առասան (սիմի) կապելով՝ բազէն ծառի մը վրայ կը թռցընէ, ու ղայ-ի- ղայ-ի- պոռաւով՝ զանիկայ իր քոյն ունեցած հաւին վրայ կը կանչէ կ'իջեցընէ։ Վերջէն ձեռքը մսի կտոր մը կ'առնէ, ու զանիկա շարժելով՝ բազէն կը հրաւիրէ, որն որ բազէակալին ձեռքին վրայ գալու նստելու վարժելուն պէս՝ անիկայ կը սկսի առանց մսի փորձել ու վարժեցընել։

Երբոր կատարեալ կը կրթուի, կը սկսին որսորդութեան գործածել. բայց որսէն յառաջ պէտք է որ բազէն անօթի մնայ։ Բազէակիրը մաշկեղէն հաստ ձեռնոց մը կը հագնի ու բազէն ձեռքին վրայ կ'առնէ։ Բազէով որսորդութիւն բնողները հասարակօրէն ձիով՝ թփուտ ու մացառուտ տեղեր կ'երթան, հետերնին ալ խումբ մը թաւամազ քերծէ (որսի շուն, Ռալը) կ'առնեն. ամէն մէկ շան վրան թաղիք (տիկ) կապուած է որ փշերու մէջէն անցնելու ատեն չլնասի։ Որսորդները շարունակ քերծէները կը գրգռեն որ թռչուններու տեղը գտնեն, եւ անօթի բազէն միօրինակ չորս գին կը նայի։ Թռչուն մը երեւան ելլելուն պէս՝ որսորդը կ'արձակէ բազէն, որն որ կամ անմիջապէս թռչունը կը բռնէ, եւ կամ անգուշ անդադար անոր ետեւէն կ'իյնայ, մինչեւ որ խեղճ թռչունը թփի մը մէջ կ'երթայ կը պահուբտի, բազէն ալ կ'իջնայ նոյն թփին վրայ կը նստի։ Շները կը ցաղքեն ու թռչունը նորէն դուրս կը հանեն, բազէն կը յարձակի կը բռնէ նէ, զինքը վարձաւարելու համար՝ որսին ըղեղն ու աշուրներն անոր կու տան։ Բայց բազէին բռնած թռչունները թանգարաններու ամենեւին չեն յարմարիր, վասն զի երբեք թռչունն ամբողջ ու անարատ չիմնար։ Թռչունը բռնուելէն ետքը միշտ բազէին ու որսական շներուն մէջ ստատիկ կռիւ մը կը բացուի. երբեմն բազէն շատ կը կատղի, ան ատեն բազէակիրը մսի կտոր մը շարժե-

լով՝ կը սկսի ղոյ-ի- պոռալ ու զանիկա կանչել. բազէն թէ քաջակիրթ է, նաեւ (ռուսի) մղսն մը հեռու տեղէն կը դառնայ ու բազէակալին ձեռքին վրայ կու գայ կը կենայ: Շատ անգամ բազէին յառաջուան ազատութիւնը միտքը կու գայ ու կը փախչի, բայց սովորաբար գէշ վախճան մը կ'ունենայ, վասն զի կրճ ոտուրներուն կաշիները տեղ մը փաթթուելով կը մնայ ու սովատանջ կը մեռնի, եւ կամ մերձաւոր գեղորէից հաւերուն մէջ մտնելով՝ կը սկսի զանոնք գիշատել, ուստի եւ հրացանով կը սպաննուի: Թաթարները կորսուած բազէն շատ հեղ օրերով կը փնտռեն, վասն զի երբեմն բազէն ամենալաւ ձիէ մ'ալ յարգի է իրենց. թէպէտեւ շատ կը յարգեն շոյտ ու տոկուն ձին ալ, որովհետեւ «Մեղի հաց կը բերէ», կ'ըսեն, այսինքն աւազակութիւն ընելէն ետքը փախչելու ատեն իրենց աղէկ կը ծառայէ: Իսկ բազէն անոր համար յարգի է, վասն զի իրենց փխաֆն պարտառ ու ազնիւ թուշուներ, ինչպէս փասեան, կաքաւ ու սալամը կը բերէ: Քաջավարժ բազէ մը 25 մինչեւ 50 արծաթ ուուպլի կ'արժէ:

Պր. Գոլենադի շատ ծիծաղելի եղանակ մ'ալ կը յիշէ, որով Հայաստանի Թաթարները սովորաբար կաքաւ կը բռնեն: Երբ որ, կ'ըսէ, Գերմանացի գաղթականի մը տունն էի, կին մը այլալաւ ու շուարած վազեց եկաւ ըսելով որ անապատի մէջ մարմնացած սատանայ մը տեսայ: Աս որ լսեցի, աճապարելով դուրս ելայ որ ես ալ անձամբ նոյնը դիտեմ, եւ հեռուանց տեսայ հրէշային կենդանի մը, որն որ երկու կանգուն ականջներ, եզան եղջիւր եւ երկայն պոչ մ'ունէր, ու երկու ոտքի վրայ՝ դէպ ի լարուած ցանց մը մեղմաքայլ կու գար, եւ առջեւը երամ մը կաքաւ առած՝ մէյ մը մէկ ականջով, մէյ մ'ալ մէկալով զանոնք դէպ ի ցանց կը քշէր: Ասոր մեկնութիւնն աս է: Թաթար հովիւներն իրենց վերարկուին երկայն

Թեւեբումն մէջ դուազաններ կը գնեն, զանաք ա-
կանջի պէս վեր կը տնկեն, զորոնք ձեռքով՝ ուղած-
ներնուն պէս կրնան շարժել. նաեւ իրենց վրայ եզան
մորթ մը կ'առնուն: Աս ընելէն ետքը վարմը (աղբ)
կը լարեն, ու մէջը ձագարածեւ (խռնի՛ ձեւով) տո-
պրակ մը կը դնեն. իրենք կը հեռանան կ'երթան
Թփուտներու (չաւը չըր՛բը) մէջ, եւ կաքաւները
տեղերնէն հանելով՝ կը քշեն ու ցանցին կը բերեն:
Ասիկա կ'ընեն, վասն զի փորձիւ գիտեն թէ կաքաւ-
ներն եզան տեսակ եղջիւրաւոր կենդանիներէն չվախ-
նալով՝ չեն թռչիր ու փախչիր, հապա շարունակ ե-
տեւնին կը նային, ու քանի որ եղջիւրաւոր կենդա-
նին կը մօտիկնայ, իրենք ալ նոյն շտկութեամբ յա-
ռաջ կ'երթան, եւ այսպէս կոյր զկուրպն կու գան
Թակարդի մէջ կը մտնեն, եւ կը կարծեն որ հոն
իբրեւ ապահով տեղ մը պահուած են:

Աս կողմերն եկող յառաջուան ճամբորդներուն
գրուածոցը մէջ ամենեւին մէկունը այնչափ յօժա-
րութեամբ չեմ կարդար, ինչպէս ծերունի բուսա-
քաղ Դուռնըֆորին: Թէպէտ զանիկայ շատ անճիշդ
ու վերի վերոյ գրող մը կը սեպեմ, այսու ամենայնիւ
իր պատմելու կերպն այնպէս սիրուն ու ախորժ է,
ինչպէս հին ժամանակները Գաղղիացի ազնուականի
մը խօսակցութիւնը: Բաց ասկից՝ իր չափազանց ու
անստոյգ մասերուն քով՝ նաեւ շատ շիտակ գիտո-
ղութիւններ ու սքանչելի ծանօթութիւններ ունի:
Մասնաւորապէս զուարճալի է Արարատ կենալուն
պատմութիւնը, որ լեռան վրայ՝ ինչպէս կարծեմ՝
իրմէ յառաջ ուրիշ Եւրոպացի մը ոտք կոխած չէր:
Թէեւ ինք Արարատայ վրայի ձիւներուն սկիզբը հա-
զիւ թէ հասած է, ի վերայ այսր ամենայնի կրած
նեղութիւնները զարհուրելի կերպով մը կը նկարա-
գրէ, եւ կ'ըսէ որ «Տնկաբանութեան մարտիրոս»,
ըսուելու արժանի եղայ: Ինք բոլոր բոլոր երկու նոր աե-

տակ բոյս գտեր է, այս ինքն Արեւելեան գէոն¹ եւ Արեւելեան շողավարգ², բայց բարի ծերը դեռ քանի մը տեսակ բոյսեր աս ջրհեղեղեան լեռան վրայ ինծի թողուցած էր, թէպէտ իմ հոս կենալուս գլխաւոր նպատակը՝ Արարատայ 1840ին հրաշնչութենէն ծածկուած տեղերուն վրայ երկրաբանական զննութիւն ընել ըլլալով՝ հոստեղաց բոյսերը քննելու երկայն ժամանակ չունեցայ։ Իմ գտած նոր տեսակներս էին Ոսկեծիլ³, Խստոր կոճատերեւ⁴, եւ ուրիշ նոր տեսակ բոյս մը, զորն որ Կռիզէնպախ տնկաբանը Արարատեան քարագեղ⁵ անուանեց։ Արարատայ կողերն ու ստորոտն աւազով ծածկուած են, որուն մէջ յաճախ կը բուսնի զարմանագեղ Հիրիկ կամ Լուրջ շուշան⁶ որն որ հայկեան լեռնագաւառաց ամենաշուք զարդատունկն է, եւ գուցէ հիրիկին մինչեւ հիմա ծանուցեալ տեսակներուն ամենէն գեղեցիկը։ Արեւելայ որ Գուռնըֆոր աս չքնաղ ծաղկէն ամենեւին ժողված չէ։ Ինք կ'ըսէ որ Արարատայ կողմերը նաեւ վազր ու յովազ գազաններն ըլլան, բայց աս կողմերն անանկ կենդանիներու յարմար չէ, եւ ոչ ալ անոնց հետքը տեսնուած է։ Հոս գլխաւորաբար կան ջրային թռչուններ։ Մասիս լեռը հիմակ ամայի է եւ ան ամէն կենդանիներէն ղրկեալ, որոնք երբեմն Նոյեան տապանէն ելլելով՝ ասկից վար իջան։

Ուսումաց հարիւրապետ մը բարեկամութեամբ զիս Սեւջուր գետակին մօրուտ ակունքը տարաւ։ Սեւջուրը խորուկ տեղէ մը մեղմով կը բխէ, եւ ամենեւին եռացում մը չիցուցըներ. ասով կը խախտի

¹ Լատ. *Geum orientale*, Բժշկական օգտակար տունկ մըն է։ ² Լատ. *Lychnis orientalis*, Շատ սիրուն ծաղիկ մըն է, ու պարտէզներու զարդերէն մէկը կը համարուի։

³ Լատ. *Alchimilla*, Յաւաջուան ոսկեփոխները կամ սառիկ մետաղներն ոսկի ընելու ջանացողները կը կործէին սր աս խոտին վրայ նոյն զօրութիւնը կայ։ ⁴ Լատ. *Allium veratrifolium*.

⁵ Լատ. *Petrocallis araratica*.

⁶ Լատ. *Iris*, տալի. հովի զամպոյ։

Բառադին ենթադրութիւնը, որ կ'ըսէ թէ Սեւջուր գետակը ան հալած ձիւներուն ջրերէն կը գոյանայ, որոնք Մասիսու պատառուածներէն վար կը վազեն։ Աս աղբերականց շրջակայ տեղուանքը երկրաբանական հայեցուածով մտադրութեան արժանի շատ բաներ ունին։ Հոս ամենէն ահագին հրաբխային նիւթերու հեղեղները կը տեսնուին, որոնք ատեն մը Մասիսու հիւսիսային կողմէն գէպ ի գաշտ վազեցին։ Արարատայ աս կողման լաւն ծակոտկէն ու աղտոտ է, եւ իր մութ գոռովը շատ կը զանազանի ան լաւայէն, որն որ լերան հարաւային, ու հարաւային արեւելեան դին գէպ ի Պայաղիտ ժամանակաւ վազած է։

Հոստեղաց սեւ լաւն Ետնա հրաբուխ լերան նոր լաւայէն կը նմանի։ Չորս կողմը կանաչութենէ բոլորովին մերկ է, վասն զի ժամանակ մը հոս հրեղէն հեղեղներ վազելով՝ ամենայն ինչ պրած տողորած ու ապառաժ կտրած է։ Բայց լաւայի բլուրներուն մեծութիւնն ու ընդարձակութիւնը աս լերկ լեռնագաշտին ահեղ ու մեծվայելուչ կերպարանք մը կուտան։ Հին ու նոր աշխարհքին բոլոր հրաշունչ լեռներուն մէջ խիստ քիչերը կան, որոնք իրենց վառարանէն աս աստիճանի ամբաւ քարի զանգուածներ գուրս նետած ըլլան, ինչպէս աս Հայ հսկայ լեռը։ Ամէն մէկ երկրաբան Սեւջուր գետակին բոլորովին միանգամ միայն նայելով՝ անմիջապէս կը տեսնէ, որ ինչպիսի հրային զօրութեամբ գուրս ելած է Արարատն ու ինչչափ երկայն ատեն իր հրաբխական գործողութիւնը շարունակած է։

Վաջ որսորդ մը հոս ջրային թռչուններէն հալուստ աւար մը կը գտնէ։ Ասոնց տեսակները թէպէտ շատ չեն, բայց բազմութիւնն ահագին է։ Ես քիչ ատենուան մէջ աղբերականց քովերը խել մը բարձրաքեաց (երկայնոտուի, երկայնասրուն) ջրային

Թռչուններ զարկի, որոնք հոռւ այնչափ խրչան (խը-
չըւ) չեն ու մարդու շատ մօտ կու գան: Գորշ ճայ
(ճայիկ), Թուխ քաջահաւ, շատակեր ու մեծակառուց
հաւալուս¹, արծաթագոյն ճայ, ծաղկաղից ճայ², հա-
սարակ կռուակ, փոր կամ կարապ (խօ, փոշո), շա-
տակակ բադ եւ ուրիշ ջրային թռչուններ խիստ յա-
ճախ են: Նոսեւ աքար³ ըսուած զարմանաւոր թռ-
չունը իր երկայն սրունքներովը շատ մօտ կու գար,
զորն որ ես հիւսիսային Ափրիկէի մէջ կապարընկէցի
(փուրջան օմբիկ) մը չկրցայ բերել: Հրացանին շա-
չիւնը զառանգ քիչ մը վախցուց ու փախցուց, բայց
քանի մը ըսպէն՝ նորէն եկան ու մեր գլխուն վրայ
խեղճ ձայներով կռչելու եւ կարկաչելու սկսան:

Պր. Վակնէրին առ գլխոյս մէջ գրածները մեր
Փարպեցւոյն Արարատ գաւառին վրայ տուած տառ-
բագրութեանը հետ այնպէս զարմանալի եղանակաւ
մը կը միաբանին որ կամ Փարպեցին՝ «Հայ Վակնէր»,

¹ Կ'երեւայ որ Փարպեցւոյն նոյն կողմերը գրած Սփ բա-
ւը առ Թռչունը նշանակէ, եւ առճկերէն անապատի մեծ
Սփփո փաշո կամ Պօլարիւսի ըսուած Թռչնոյն հետ
նոյն ըլլայ:

² Լա. *Ardea stellaria*, գլ. butor. Հայաստանի մէջ
յազրիի հաւ ըսուածը գուցէ առ Թռչունն է:

³ Եւրոպացի բնապատուաններն առ Թռչունը յունարէն բա-
ռով կ'անուանեն *Himantopus melanopterus*, որն
որ կը նշանակէ Փոկոտան արջնաթեւ (Պաշտոտեւի եւ
սեւաթեւ Թռչուն մը): Մեզի շատ հաւանական երեւ-
ցաւ առոր անզ ֓արպեցւոյն Ատր բառը գնել, որով
հետեւ ինչպէս Եւրոպացիք գլխաւորաբար առ Թռչնոյն
պլանդակ ու երկայն բարակ կաշեայ սառւըներուն միտ
գնելով՝ նոյն յատկութիւնը բացատրող անուն մը գրած
են, նմանապէս կ'երեւայ որ Թռչնոյն առ արտաքոյ
կարգի ձեւը Հայոց աչքին ալ ամենէն աւելի զարնելով՝
Ատր անուն գրած ըլլան, որն որ ուրիշ բան չէ, բայց
եթէ հայերէն Ա (սփ, սրանտ բառէն) եւ ար մասնը-
կէն անանցեալ բառ մը, այնպէս ինչպէս որ անանցեալ
են Մու-ար, Փապ-ար, Արդ-ար, Զարդ-ար եւ, Պա-
տահ-ար եւ ուրիշ բազմաթիւ բնիկ հայերէն խիստ հին
բառեր:

կամ՝ Պր. Վահանէրը՝ «Գերմանական փարպեցի», պէտք է անուանել: Կարծենք թէ ընթերցողներուն հաճելի բան կ'ըլլայ հոս փարպեցւոյն հատուածն ալ գնելը, որպէս զի ուզողը գիւրաւ կարող ըլլայ տա երկու՝ Հայ ու Գերմանիացի մատենագիրներն իրարու հետ բազդատել ու անձամբ տեսնել թէ ինչպէս տա հեղինակներն առանց իրար տեսնելու՝ Արարատայ բերրի ու որսաշատ դաւառին վրայ տա աստիճանի միտքան գրեր են, եւ թէ Հայաստանի տա տեղերն ինչպիսի կրնան ծաղկիլ, եթէ տղէկ հոգացուին:

«Ո՛ր խորհելով զայս տմենայն Արշակ թագաւորն ի միտո իւր՝ Լքեալ մերժեալ թողչը զարք եւ զընիկ ժառանգութիւն նախնեաց իւրոց, զգաւառն Արարատաւ, զհայտկապն եւ զհաշտկաւորն եւ զտականաւորն, զամենաբոյն, զամենալին, զամենագիւտն ի շահս եւ ի դարմանս մարդկային պիտոյիցս, կենաց, վայելչութեան եւ սթափութեան, զգաշատ մեծամեծս եւ որսալիցս, զլէրինս շուքանակի գեղեցկանիւտս եւ պարարտարօտս, զհոծեալս երէնվքն կճգակարածնիւք եւ սրտայնովքն եւ պլովք եւս բազմօք ընդ նսսին, յորոց ի վերուստ ի կատարածէն ջրաց հոսմունք՝ անկարօտ ուսգման արբուցանելով զգաշատ՝ մատակարարէ անբաւ բազմութեամբ յոստանն կանամբք, արամբք եւ ընտանեօք զանուշահոտ, զմեղրտահմ քաղցրութիւն բանջարացն, եւ զգանազանուսն իւղարուխ սերմանցն:

Իսկ ի լանջակողմանն կտմ ի ստրահարթ տեղիս գիպեցուցեալ զհայեցած նորդատեսիլ մարդոց՝ հանգերմս ինչ, եւ ոչ ծագկարդոս գոյնս կարծեցուցանեն սփռեալքս պարարտարոյսք եւ պարարտարօք պարարտահամբ, որոց թանձրախիտ աճմունք խոտոցն՝ զանթիւ արօտականս ընտանի իշանց եւ զանհամբոյր բոլս վայրենի երէոցն յագեցուցեալ՝ թանձրութաղանթս, առդգագաւտկս, սանքացեալս գիրու-

Թեամբ զընաւ մարմինն ցուցանեն: Իոկ սասակաբու-
րումն անուշահոտ ծաղկանցն՝ զարանցն քաջաց որ-
սասէր նետողացն եւ զհօտարած բացօթեգացն ըն-
ձեռելով առողջութիւն, զօրացուցանեն զզգայու-
թիւն խելացն եւ նորոգեն: Անդ գտանին եւ ազգի
ազգի արմատք բուսոց ի պէտս օգտակարութեան
դեղոց ըստ ճարտարագէտ ճանաչողութեան ստու-
գահմուտ բժշկացն յօրինուածոց, երազահաս ախ-
տահալած սպեղանիք, եւ կամ արբամբ՝ յերկարե-
լոցն ի ցաւս պատահացուցանեն առողջութիւն:

Իսկ դաշտացն ամենալրութիւն զկամս աշխա-
տասիրացն կորզելով յինքեանց իբրեւ բանիւ, եւ
առլցեալ որ զինչ է եւ բարով՝ եւս առաւել փու-
թանակի առ ինքեանս հրաւիրեն միանգամայն, որք
ոչ միայն երեւելութեամբ ցուցանեն վերաբերեալ
զշահաւորութիւն օգտից մարդկան, այլ առաւել
յորդորախոյզ աշխատողացն զառնդերկրաւ ծած-
կեալ օգուտ ուսուցանեն՝ դանձել անձանց զշահս
այսր աշխարհիս ի մեծութիւն թագաւորաց եւ ի
հաստատութիւն հարկահանաց, զոսկի եւ զպղինձ եւ
զերկաթ եւ զպատուական քարինս, ընկալեալ ա-
րուեստող ձեռաց՝ զարդարեն զթագաւորս մեծա-
տեսիլ զարդեօքն յօրինուածովքն, զոր ի խոյրսն եւ
ի թագսն եւ ի հանդերձսն ոսկեհոռոս պաճուճեալս
ընդելուզանեն:

Այլ եւ մածմամբ ջրոց՝ համածին¹ անուշու-
թիւնս մատուցանեն զխորտկացն որոշութիւնս: Նա
եւ զարմատս եղեգնասեր բուսոցն ոչ ընդունայն
անուցանէ յինքեան ամենաբաղձ դաշտն Արարատոյ,
այլ եւ ի նմանէ ծնեալ որդունս ի զարդ կարմրա-
տեսիլ դունոց ընծայէ օգտասիրացն շահս եւ շքե-

¹ Հռոմէի բառը հոսչէ Թէ Հոմ (կից, Էկտեզ) մտնըկէն
կ'ելլէ, հապա Հոմ (ճաշի, Լիշէի) բառէն բարդուած
է, եւ Հոմ Գուռը կը նշանակէ:

դուժիւնս. եւս եւ գետոցն գնացք բազմակերպ ձկամբք մեծամեծօք եւ փոքուովք, զանազանեալ համովք եւ այլեւայլ տեսովք սւրախացեալ լցուցանէ զնորհք ընչից եւ յագուրդ սրովայնից ժրացելոցն եւ անվեհեր ջանացողացն:

Մնուցանէ յինքեան երկիրն ջրովք արուեստիւք եւ զառանելութիւն հաւուցն յուրախութիւն եւ ի սթափումն որսատենչ ազատացն. զկրկնաձայն, քաղցրաձայն, առապարասէր, վիմառոյղ, սորամուտ երամս կարաւացն եւ սալամբացն, եւ կամ զեղեգնաբնակ թփամուտ, մացառաղօղ, պարտրտամորմին, զանսւշահամ աղգ աքարացն վայրենեաց. այլ եւ զբուսուղակ մամաւանդիր... մեծանձանք եւ յաղթամարմինք հաւքն փորն եւ թանձրն եւ սազն եւ կամ այլ բազում եւ անհամար ցամաքայնոցն եւ ջրայնոցն ջոկք թռչնոցն:

Իսկ թափարդացն շրջափակութեամբք, երազազիւքն եւ դահողովքն ելեալ ի յորս գունդք նախարարացն որդւովքն տալատացն, սւր ոմանք զհետցուցն եւ այծեմանցն արշաւելով՝ զխիզախական եւ զաղեղնային եւեթ բարբառեսցին, եւ այլք զհետբուլից եղջերուացն եւ եղանց ձիարձակ եղեալ՝ զգործկորովածիգ արանցն ցուցանեն, եւ կէպ սուսերօք իբրեւ զմենամարտիկս՝ զսառականգամ երամս վարազացն գլորեցուցեալ սպանախեն: Եւ շապք ի մանրմանկանց նախարարաց որդւոցն՝ դասախարակօք եւ ծառայիւք զայլեւայլ սերս ի թռչնոցն սրացեալ բազայիւք դարձեալ բերիցեն ի յառաջն ընթերացն սւրախութեան, եւ այսպէս առջեալք իւրաքանչիւր որսով՝ գնան սւրախութեամբ: Որոց դէտ ակն կալեալ ըստ հանապազօրեայ սովորութեան ջրայոյղ ջրածուկի ձկնորսացն մանկունք ընթացեալք ի յառաջ նախարարագունդ որերոյն՝ ձկունս ի յորսոյ եւ բազմազան վայրենի հաւուց ձագս, եւ ձուս ի կղզեաց գետոյն

բերեալ՝ մատուցանեն ընծայս իշխանացն, յորոց ընկալեալ մասն ինչ նախարարացն ըստ կամի պարգեւեն եւ նոցա յիւրեանց բերացն ըստ առաւելապէս բաւականի՝ ընծայաւարաց, եւ հասեալք լի ամենայն բարութեամբ յիւրաքանչիւր յապարանս՝ շնորհեն եւ անպարապիցն մնացելոցն ի տան զամբիծան, առաւելապէս եւ առ օտարսն. եւ տեսանել է յամենեցունցն ընթրիս սրպէս շեղջակոյտո ինչ ի վերայ միմեանց զէրէոցն բազմութիւնս,...

ԻՆՆԵՐՈՐԴ ԳԼՈՒԽ

Արարատայ վերջին բռնկելուն վրայ ռուսներէն աղբիւրներուն ձեռքով տարածուած լուրերուն անհնչութիւնը: Ականատիօ Հայազգիներուն պատմութիւնը: Ակոռի գեղին յաւաքումն ծաղկեալ վիճակն ու բնակչաց թիւը: Մասիոս ահագին հրաշքութեան ստորագրութիւնն ու տուած փառին հաշիւը: Երկրաշարժին տարածութեան սահմանն ու աղբիւրներու վրայ ըրած ազդեցութիւնը:

ԵՐԲ ՈՐ ՄԱՍԻՈՍ ռաբբիներ ընապատմական պոստաներո ըրի լմնցուցի, միաքս գրի որ բնակութիւնս Արարատայ բարձր մէկ տեղը, այս ինքն Սուրբ Յակոբայ կիրճին (նեղ անցքին) վրայ հաստատեմ, որն որ դաշտէն 2500 ոտնաչափ բարձր է: Հոն վրանն (չափըս) կանգնել տուի ան քարակոյտներուն ու պնդացեալ մոխրի զանգուտծներուն մէջ, որոնք 1840ին Արիւռի գեղն ու Ս. Յակոբայ կիրճը ծածկեցին ու քանդեցին: Սուլթան-Գեղամեան իշխանն ու Ալի Բէկ Բիւրաթը հետեւին խել մը Խաղախ ու Թաթար ձիաւոր առած՝ մէկտեղ եկան, բաց իրիկունը տեղերնին դարձան եւ Թաթարներն ու Խաղախները միայն քովս մնացին: Անցած դիւրս այնպէս յարմար էր որ վերէն մինչեւ դաշտ ու հրաբխային մոխրի մէջ թաղուած բոլոր տեղումնքը մէկ հայեցուածով կրնայի տեսնել: Հոս օրերով ամէն կողմ պտըտեցայ:

Իսկոյ՝ ցաւալի բանն աս է որ երբ որ ժամանա-

կին իմացուեր է թէ Արկուռի՝ Նեապոլի մէջ եղած
 Հերկուլան ու Պամպիէի քաղաքներուն պէս թաղուեր
 կորսուեր է, Պետրբուրգի գիտութեանց ճեմարանին
 ձեռքը միջոց մը չէ արուեր որ իսկոյն իր անգամ-
 ներէն մէկը Արարատ խաւրէ ու հոն առ դժբախտ
 գէպքը անդն ի տեղը քննել տայ: Ան ատեն ասի-
 կա շատ գիւրիւն էր, բայց հիմա խիստ գոռար. ու
 բովհետեւ ան ամէն քարի կադուսանքներն ու սա-
 աած ահագին մոխրակոյտը, որոնք Մասիսու մէկ զին
 ու հին բերանը լեցուցած էին, ամէն դարնտն վերէն
 վար վազող հեղեղներուն (սիւխուռ) զօրութեամբը
 շատ կերպարանափոխ եղած են. ասկից զատ՝ նոյն
 աղետալի արկածէն պրծող մարդիկներուն շատն ալ
 մինչեւ հիմա վախճանած է: Իսկ ան Քիւրտ հովիւ-
 ներն որ նոյն ատենները Հայոց քովը կը ծառայէին,
 հիմա Ցաճկաստանի սահմանն անցեր են: Կը յու-
 սայի որ առ բանիս մանր պարագաները Եջմիածին
 կրնամ իմանալ, սակայն փուռ: Տփղիս բնգհա-
 նուր կուսակալին գիւանին մէջ եղած ասոր վերա-
 բերեալ ամէն յիշատակարաններն ինծի ցոյց առին:
 Ասոնց մէջ ամենէն երեւելին Վոսկոբոյնիկով հազա-
 րապետին ռուզերէն գրածն էր. միայն թէ տոկոյց
 ինծի շատ ծուռ երեւցաւ: Ինչու որ ամենէն աւելի
 ծանրակշիռ պարագաները չէին յիշուած, եւ բոլոր
 պատմագրութիւնն այնպէս անորոշ, այնպէս մութ
 էր որ ասոր ձեռքովը՝ պատահած աղէպքին մաս-
 նաւոր գէպքերուն ու պատճառած փոփոխութիւն-
 ներուն վրայ պայծառ գողափար մ'ունենալն անկա-
 րելի էր: Ինծի բուն զարմանալին առ երեւցաւ որ
 Վոսկոբոյնիկով հազարապետը եւ ոչ մէյ մը մատ-
 ծեր է թէ Արկուռի բնակիչներուն մէջէն կենդա-
 նի մնացողի մը բան հարցունէ, ուր որ միայն ասոնք
 էին որ ան զարհուրելի պատահարին տկանատես ե-
 ղան: Ուստի իր պատմութիւնը միայն հեռուանց

լսողներուն վկայութեանը նայելով դրսեւած է եւ սոսից պարագաներէ զուրկ: Երիւանի մէջ առ ալ կը հաստատէին որ նոյն հաղարապետը ճամբու ստակը խաղի մը մէջ կորսնցընելով՝ Մասիսու կողմերը չէ գացեր: հապա Երիւանի բնակչացը հարցընելով՝ էր մէկհատիկ պատմութիւնը շարադրեր է:

Պր. Վսկիորայիկով առ բոլորովին սխալ կարծիքն ունի որ Արկուռի գեղն ու Ս. Յակոբայ վանքը ծածկող զանգուածը՝ գետնաշարժով մը լերան բարձր տեղէն փրթած ու գլտորելով նոյն տեղումնք զարկած ու ճղմած եւ վերջէն գաշտի վրայ տարածուած ըլլայ: առ կարծիքը բոլոր կաւկասի կողմերը ծառաւած է: Բայց ամէն տկանատեսներն առսր գէմ կ'ելլեն, ինչպէս նաեւ ճիշդ ու նախապաշարմանէ ազատ քննութիւն մը նոյն կարծիքը կը հերքէ: Առ քաւրերն ու զանգուածները չէ թէ լերան ծայրէն ինկան, հապա Ս. Յակոբայ կիրճին մէջ եղած Մասիսու հին հրաբխային բերնէ մը շոգիներուն եւ օգերուն սոսկալի ուժովը վեր նետուեցան: Առ կիրճին մէկ ծայրէն մինչեւ Ս. Յակոբայ վանքին քովերը ժայռը պատուելով՝ ահագին ճեղքուած մը բացուեցաւ, որն որ քարի եւ հողի հեղեղ մը ժայթքեց, եւ մինչեւ հիմա լերան մէկ կողմ ու շատ լայնատարած տեղ մը ծածկած է: Ուտտի ասիկա հրաբխական ժայթքում, հրաշնչութիւն մըն էր գետնաշարժով մէկտեղ, եւ ոչ թէ սասանութեան մը պատճառաւ լերան փլչիլը: Կատարեալ միաբանութեամբ այսպէս կը վկայեն Հայ, Թաթար ու Քիւրտ տկանատեսները, որոնք նոյն ատեն Ս. Յակոբայ կիրճէն վեր տեղ մը կեցած՝ ոչխարին կ'արածէին, որով եւ նոյն արկածէն ալ ազատեցան: Ես առ տկանատես մարդիկներուն ըսածը քովէ քով բերելով ամբողջ ստորագրութիւն մը կու տամ: Բայց առսր ամենէն բնագործակ եւ ստուգիւ ամենէն աւելի հաւատարիմ

պատմութիւնը հաղորդեց ինծի Սաղաթիէլ Խոջայեան¹ Հայագէին, որն որ պատուական ծերունի ու հանգաբա եւ յսակ մասց տէր մարդ մըն էր. ասիկայ ան Արկուռեցի Ստեփան աղային եղբայրն է, զորն որ Բառոզ ու Տիւպոս յաճախ կը յիշեն եւ որն որ հիմակ աւերակներու տակ թաղուած մնացած է: Ցուած ստորագրութիւնս անմիջապէս պատմողէն բերնէն լսելով Արարատայ քովը նստած գրած եմ: Դժբախտութեան պատահած օրը Սաղաթիէլ Խոջայեան Արարատի վրայ արօտի տեղ մը գացած էր, եւ հրաշնչութեան ու հոգային զանգուածին գուրս ելած ատենը հազիւ թէ նոյն տեղէն Ձ առսական մղոն (35 բուպէ) հեռու էր: Ասոր բոլոր պատմածներն ուրիշ երկու Արկուռեցի Հայ ալ՝ Նասիր Մկրչիկեան ու Յովհան Յովհաննէսեան² հաստատեցին, որոնք Արարատի վրայ միշտ իմ հետս էին: Ասոնց պատմածը թարգմանելու ատեն Պր. Աբովեանին պէս կրթեալ ու լեզուագէտ մարդէ մը օգնութիւն գրտնելուս համար ինք զինքս երջանիկ կը սեպէի:

Արկուռի գեղը Մասիսու մէկ ձորին մէջն էր՝ Երասխ գետին փոսէն գրեթէ 2800 ոտնաչափ բարձր: Ասիկա Հայաստանին ամենէն գեղեցիկ ու մեծ գեղերէն մէկն էր: Տիւպոս ասոր բնակչաց թիւը կը գնէ 1000 հոգի, իսկ աներուն թիւը 200: Բայց աս շատ քիչ է: Արկուռի գրեթէ 1600 Հայ բնակիչ ունէր. բաց ասկից՝ շատ Քիւրտեր հոս իբրեւ վարձուոր Հայոց քովը կը բանէին: Արագած (Ալաշիւ) լեռան տակ եղած Պաղարձուգ գեղէն ետքը՝ Երիւանին պինդ մարդաշատ ու բարեկեցիկ շէնն էր Արկուռի: Իր գէրքը թէպէտ այսչափ բարձր է, բայց բոլորովը կը բռննէին ցորեն ու գարի. հունձքը վրայէ վրայ հաշուելով՝ ցանուածին քառապատիկն էր: Արկուռիին

¹ Sahatel Chotschaieff.

² Nassib Megertschikoff. Chowan Awanesot.

պարտեզներուն մէջ, որոնց խիստ քիչ մասը աւերէն աղատեցաւ, բարեխառն Եւրոպային գրեթէ ամէն պաղատու ծառերը կ'աճէին: Առուղյար (Եմնոն) շատ աղէկ էր յաջողէր. իսկ Արարատայ գարվար տեղերուն ու սաորոտին վրայ սլխարներն Ապրիլէն մինչեւ Օգոստոս բաւական ճարակ էր գտնէին: Հոս առատ աղբիւր մը էր բխէր, որն որ բնակչաց աղէկ խմելու ջուր էր մատակարարէր, ու պարտեզները կ'ոռոգանէր: Ձիւներուն հալած տտենը վաակ մը էր ձեւանար, որ ձոր ի վայր Սեւջուր գետը էր վաղէր:

Իսկ աւանդութեան Հայոց՝ Նոյ ջրհեղեղէն ետքը տապանէն ելլելուն պէս Արկուռի գեղը շինեց: Առաջին սրթատունկը (տաճակ) ինք անկեց¹: ասով աշխարհքիս ամենէն հին գեղն Արկուռին է: Մէկ ուսական մզոն Արկուռիէն վեր կար Ս. Յակոբայ վանքը, ուր Բառոդ Արարատի վրայ եղած տտենը բնակեցաւ: Իր այգեստանները շատ անուանի էին: Մրգաստանները մինչեւ հիմակ ալ Ս. Յակոբէն վեր էր հասնին. թանձր խոտեր գետինը էր ծածկէին: Զրին զօրութեամբը հոս Մասիսու հրաբխային քարերն աւելի փխրած ու հող դարձած էին քան թէ ուրիշ կողմերը: Զորին վերի ծայրը խորունկ անդուց մը մէջ մեծ ձիւնահորներ ու սառնարաններ կային: Ստաիկ տօթագին ամառներն ալ աս ձիւնակցանները բոլորովին չէին հալեր, ուստի հաւանական կ'երեւայ որ ասոնք շատ խորութիւն կամ թանձրութիւն ունեցած ըլլան: Արարատայ Մուսլ բոռած ձորակը կրնայ ըլլալ որ ի սկզբան լեռան բռնկելու եւ պատռելու ատենը ձեւացած ըլլայ: Դարերէ ի

¹ Աս մտքով էր ստուգաբանութիւն Արկուռի բառը՝ Արկուռի բռ թէ Նոյ հոն անկեց ուս (տաճակի ճիւղ), բայց աս ալ սողոգ որ աս Արկուռի ուղղագրութիւնը նոր է, ու բովհեանէ հինքը Արկուռի էր գրեն: Մեր աղագային պատմագրաց մէջ աս գեղն ամենէն յառաջ յիշած է Ղազար արպեմքին. «Բանակեցան ի գեղն Մասեաց, որում անուն է Արկուռի», Երեմ 215:

վեր ասոր հրաշին զօրութիւնը թմրած կեցած էր ու միայն դետնաշարժներով կ'իմացուէր։ Անոր համար Ռայնէկս ճամբորդին պատմութիւնը թէ 1785ին Յու-նուարի 3ին ու Փետրուարի 22ին Արարատ ծուխ ու բոց ժայթքած ըլլայ, սուտ է։ Ցեղւոյն ամենէն ծեր բնակիչներն ալ, որոնց մէջ 100 տարին անցնող մարդիկ կան, ասանկ հրաշնչութիւն մը չեն յիշեր։ Սաղաթիէլ Խոջայեան ըսաւ որ 'Ես 68 տարեկ է վեր Մասիսու քով կը նստիմ, եւ իր սարէն ծուխ երբեք չեմ տեսեր, նաեւ մեր հայրերն ու պապերն ալ ամենեւին հրաշնչութիւն մը չէին պատմեր,,։ Աս գետնի տակ եղած վառարանն որ իր հրաշէկ շանթերովը ժամանակ մը հին ցամաքին ամենէն զօրաւոր հրաբուխ լեռը դուրս հանած է, այնչափ դարերու հանգարտութենէն ետքը՝ նորանշան ու սարսափելի բորբոքմամբ մը դարձեալ իր դժը ցուցուց։

{ Եւ մի 1840 Յունիսի 20ին (Յուլիսի 2ին) արեւուն մարը մտնելէն կէս ժամ յառաջ, երբ որ երկինքը բոլորովին պարզ ու վճիռ էր, Հայաստանի բնակիչները որոտաձայն բռնբխնով մը զարհուրեցան, որն որ Մեծ Մասիսու մօտերն ամենէն ուժգին ու սոսկալի կը հնչէր։ Մէկ կողմանէ հողը գրեթէ երկու մանրերկրորդ (սանչէ) կոհակածեւ (տալլայի ձեւով) շարժելով՝ սկսաւ Արարատէն գէպ ի արեւելք ու արեւելեան հարաւ հոռել եւ գլխաւորաբար Շարուրայ ու Նախջեւանի կողմերն ահագին աւեր ու կարծա-նում պատճառեց. մէկալ կողմանէ Արկուռիէն վեց ուստական մղոն վեր՝ Մուսլ ձորին ճոթը մեծ ճեղքուած մը բացուեցաւ, ուսկից խիտ օդ ու շոգի կ'ելլէր, որոնց սաստիկ ուժովը դուրս նետուած քարերն ու հողերը լերան վրայէն գէպ ի գաշտ կ'արձրկուէին։ Հրաբխին բերնէն ելած շոգեղէն ամպերը շուտով մը Մասիսու կատարէն ալ աւելի վեր բարձրացան, որոնց մեծ մասը ստուգիւ ջրային գոլորշի էր,

որովհետեւ նոյն գիշերը գրեթէ միայն լերան չորս գին տարափ (սաղանափ) եկաւ, ուր ամառուան ժամանակ անձրեւելը խիստ ցանցառ բան է:

Շողին գուրս պռութկալու ատեն գոյնզգոյն կ'երեւար, կարմրագոյնն ու կապուտագոյնը պինդ սաստիկն էր: Ականատեսները չկրցան որոշ ըսել թէ աս ճայթման ատեն բոց չկար, վասնզի ինչպէս ըսինք, ելած միւսերը կարմրկեկ գոյն մ'ունէին: Սակայն ստոյգ է որ ամենեւին չտեսնուեցան անանկ լուսաւոր հրային (չէ թէ իրօք բոցեղէն) սիւներ, որոնք հասարակօրէն հրաբուխներուն բռնկած ժամանակն անոնց բերնին վրայ ու վազած լաւային հետ մէկտեղ կ'երեւան: Գիշեր ըլլար նէ՝ դուցէ կը տեսնուէին, ինչու որ նաեւ վեսուժ ու Ետնա լերանց գուրս տուած նիւթերուն հրաշէկ կարմրութիւնը միայն մութ ատեն տեսանելի է: Գոլորշոյն կարմիր ու կապոյտ գոյնը շուտով մը մութ սեւ դարձաւ, եւ անմիջապէս օդն ալ վերջին աստիճանի անախորժ ծծրմբային հոտով մը լեցուեցաւ: Լեռը շարունակ կը թնդար, ու գետինն անդադար որոտումներով կը սասանէր. երկրի տակ եղած մռնչական ու գզրգական ձայներուն հետ մէկտեղ յայտնի ու որոշ կը լսուէր օդի մէջ ցատքած քարերուն շառաչիւնը, որոնք ռումբի պէս կը սուլէին: Աս նետուած ժայռերուն մէջ անհաւատալի մեծութեամբ կտորներ կան որոնցմէ ես անտարակոյս 100 կենդինարէն աւելի կշռող քարեր տեսայ: Նոյնպէս լերան ներսի դիէն ելած որոտական թնդիւնը կրցեր են յստակ զանազանել ան ճայթմանէն, զորն որ օդի մէջ թռած քարերն իրարու զարնուելով կը պատճառէին: Աս խոշոր քարերն ուր որ կ'իյնային, հասարակօրէն հոն կը մնային. լերան ստորտը խիստ քիչ ծռութիւն ունենալով քարեղէն զանգուածները չէին կրնար այնչափ գլտորիլ: Աս ժայթքումը կատարեալ ժամ մը տեւեց: Երբոր գո-

լորշիները փարտեցան, ու քարէ եւ հողէ անձրեւը գազրեցաւ, եւ ոչ փոքր նշմարանք մը կ'երեւար ան մեծ ու հարուստ Ակոռի գեղէն. աներեւոյթ եղած էր հռչակաւոր վանքն ալ, նոյնպէս ծածկուած էին ան ամէն գաշտերն ու պտղատու ծառերն՝ որոնք հոռոյնչափ տարի անվրդով ու խաղաղ կ'աճէին, եւ տառնց հետ մէկտեղ բոլոր այն բարեշէն ժողովուրդն որ աս պարտեղները տնկած ու մշակած էր, դուրս նետուած քարեղէն ու մոխրական կոյտերուն տակ թաղուեցաւ: Արկուռի գեղին բնակիչներէն 1500 հոգւոյ չափ Հայապգիք անհետ եղան, իսկ վարձուոր Բիւրտերէն 400, Ս. Յակոբայ վանքէն 8 անձինք: Տեղացիներէն միայն 11½ մարդ կենդանի մնաց, որոնք կէս մը գիւղական գործքի համար շրջակայ տեղուանք գացեր, կէս մ'ալ ճամբորդութեան մէջ էին: Արաւատի կողմերն եղած ատենն նոյն դժբախտ ժողովուրդեան աս պզտիկ մնացորդը Երասխայ գաշտերուն վրայ ցրուած ու դառնադառն թշուառութեան մէջ կ'ապրէր. եւ Նոյեան լեւը դարձեալ այնպէս տխուր ու ամայի կ'երեւար՝ ինչպէս ջրհեղեղին հոն ամէն կենդանի ջնջած ատենը:

Արարատայ աս հրաշնչութեան հետ մէկտեղ կործանիչ երկրաշարժ մըն ալ կար, որն որ ընդարձակ գաշտին վրայ մեծամեծ ազդեցութիւններ բրաւ: Երասխ ու Սեւջուր գետերուն եզերքին մօտ շատ ճեղքաւածներ բացուեցան, որոնցմէ ուժով դուրս ելած օգերը՝ գետոյն ջուրն ու աւազն ու հողի կաորուանքը քանի մը կանգուն վեր նետեցին: Ուրիշ պտտառուածներէն ալ դուրս ջուր պղպջակեց: Երասխ գետին յատակը շատ տեղեր պզտիկ բերաններ բացուեցան, որոնց գոլորշոյն զօրութեամբը ջուրը կարկաջելով վեր կ'ելլէր, այնպէս որ գետին վրայ վերէն ի վար կարգ մը զարմանալի ջրբուխ կամ շատրուան կը ձեւանար, իսկ ուրիշ շատ տեղեր ջուրը գետին

եղերքէն վեր ելաւ ու զանազան կողմերը կտխեց : Ճեղքուածներն առհասարակ 8 ոտնաչափէն աւելի բացուած չէին . առոնց մեծ մասը գետնաշարժէն ետքը գոցուեցաւ, բայց շատերն ալ շարաթներով բաց մնացին, եւ մինչեւ Օգոստոս դեռ կը տեսնուէին, մանաւանդ Երասխայ յատակը, ուր շատ տեղեր ջուրը միշտ խոխովալով վեր կը ցայտէր, քանի մը տեղ ալ յորձանաւոր պտոյտ մ'ընելէն ետքը կը վազէր կ'երթար : Ասիկա շատ նմանութիւն ունէր ժահաշնչութիւն (mouffette) ըսուած երեւութիւն հետ, որ վետուվ լերան բռնկելէն ետքը հասարակօրէն չորս դին կը տեսնուի . բայց ասով կը տարբերի որ Արարատայ մերձակայ տեղուանքը շարժը դադրելուն պէս՝ օդին արտաշնչութիւնն ալ դադրեցաւ, ուր վետուվին քովերը օրերով, երբեմն ալ ամիսներով կը տեւէ : Մասիսու արեւելեան ու հարաւային կողմը պատահած աւերները հիւսիսային դին եղածէն անհամեմատ աւելի ահագին էին : Երկւան քաղաքն որ մօտաւոր է, մինակ մէկ քանի տներ քիչ մը փնաս քաշեցին, իսկ Նախիջեւան, պարսկական Հայաստանին Մակու քաղաքն ու Տաճկաստանին Պայազխտ քաղաքը բազմաթիւ տներ հիմնայատակ եղան : Պաշտօնական (բէսփ) հաշիւներուն նայելով՝ Նախիջեւանի, Շարուրայ եւ Աստապատի (Էրֆէ-դաֆէ) կողմերը փլած տներուն թիւն է 6000 : Խիստ շատ մարդիկ կը կորսուէին, եթէ գետնաշարժը քանի մը ժամ ուշ պատահէր, վասն զի բնակիչները հոնտեղաց ամառուան սովորութեանը համեմատ՝ իրիկուան զով օդը վայելելու համար իրենց տներէն ելած գացած էին ու բարեբախտութեամբ դեռ տուն չէին դարձեր : Փլած տներուն տակը մնացող մարդիկներուն թիւը համեմատութեամբ քիչ է :

Որչափ որ մարդուս միտքը կը յիշէ, յաւաջակողմեան Ասիան եւ մանաւանդ Հայաստանը քան-

դող երկրաշարժներուն մէջ 1840ինը ամենէն սոսկալի ու ամենէն տարածեալ գեանաշարժներէն մէկն ըլլալով՝ սասանութեան սահման կամ անոր տարածութեան շրջանակն ալ ըստ այսմ կրնար որոշուիլ։ Հումբոլդ մեծանուն բնախոյզն Ասիայի մէջ սասանութեան երեք սահման կը դնէ, որոնք երեք գլխաւոր հրաբխային վառարան ունին կամ հրաբուխներու երեք խումբ են, եւ որոնց հրաշնութիւններն ու երկրաշարժներն աւելի իրարու քան թէ ուրիշ տեղ պատահած նոյնօրինակ երեւոյթներու կը նմանին։ Հումբոլդ Ասիայի արեւմտեան կողմը սասանութեան շրջանակ կը դնէ ան հրաբխային սահմանը՝ որն որ կը պարունակէ Ատրպատական գաւառը, Հայաստան, Կասպից ծովին եղերացը վրայի Ապուշէրան թերակղզին ու Կաւկասը։ Արարատ աս հրաբխային սահմանին գրեթէ կենդրոնն է. եւ կ'երեւայ թէ աս ընդ-երկրեայ շարժման գլխաւոր կայանն ըլլայ։ Տփղիս ինծի ցուցուած պաշտօնական գրութիւններուն մէջ դժբախտութեամբ միայն ան տեղերը յիշուած էին, ուր գեանաշարժը փնաս մ'ըրած էր. իսկ ան գեհերն ուր որ սասանութիւնն իր քանդիչ աղդեցութիւնը չէր ցուցուցեր՝ համրուած չէին։ Բայց բնակչաց վկայելովն իմացայ որ հիւսիսային կողմերը գրեթէ բոլոր Արաստանի մէջ ու Կաւկաս լեւանց մինչեւ հարաւային ոտքը սասանութիւն ու երեր տեսնուեր է, իսկ Կաւկասի հիւսիսային կողմը չէ հասեր։ Բայց Պարսկաստանի ու Քիւրտիսթանի (այս ինքն Պարսկական ու հարաւային Հայաստանի գաւառներուն) մէջ գեանաշարժը շատ յառաջ գացեր է։

Աս երկրաշարժին՝ աղբիւրներու վրայ ըրած աղդեցութիւնը ուշադրութեան արժանի բան է։ Արարատի վրայ եղած "Սուրբ Յակոբայ անուանի աղբիւրը" նոյն ատենէն իր ընթացքը փոխեց, ու հիմա լեռնէն դուրս նետուած քարերուն ու հողերուն մէջ

ուրիշ անդէ մը կը բխէ: Ակոռիի քովի աղբիւրն՝ որ յառաջագոյն յստակ ու ակտիւ ջուր մըն էր, հրաշնչութենէն ետքը պղտոր է ու անպիտան եւ ծծումբային համ մ'ունի: Նախիջեւանի բոլորտիքը գրեթէ երեսուն աղբիւրներու ջուրը խել մը առեն կտրեցաւ, մէկքանի վճիտ աղբիւրներ ալ սկսան պղտոր ու կաթնագոյն ջուր մը բխել, որոնց նախընթաց համն ալ փխտուած էր: Քանի մը աղբիւրներու ջուրն ալ շատ յորդառատ վազելու ոկսաւ, զոր օրինակ Սարգարակի գեղին մօտ իշանակ ու Սեւջուր աղբիւրները: Այլ բնւոյ թէ ան յառաջուան երկրաշարժներուն մեծ մասն որ Հայաստանի այնչափ աւեր պատճառեցին, աղբիւրներու վրայ նոյն տեսակ ազդեցութիւններ ունեցած ըլլան: Աս եղանակաւ էր որ 1827ին երկրաշարժէ մը ետքը Կումրիին հիւսիսային կողմը Գրշէտի մօտ աղուոր հանքային ջերմուկ (գոֆլըմ) մը բացուեցաւ, որն որ ածխային թթու (acide carbonique), լուծիչ աղ ու երկաթ ունի, բայց ասանկ գեղեցիկ աղբիւրը գործածող չկայ:



ՏԱՍՆԵՐՈՐԴ ԳԼՈՒԽ

Արարապայ երկրորդ սարսափելի արկածն ու տղմուտ ջրոց հեղեղը: Դուրս նետուած հողերուն ու քարերուն բնութիւնը: Սուրբ Յակոբայ վանքին տեղը: Զբերուն ու գետոյն կաւին վրայ զննութիւն: Աւերակաց Թանձրութիւնն ու տարածութիւնը: Արարապի փլած չըլլալուն նորանոր ցոյցեր: Հրաբուխ լեւանց վրայ ծանօթութիւններ: Արարապայ ներքին ամբաւ ջրերը, արտաքին փայլուն երեսը, վերին ծայրն ու բնապատմական վիճակը: Արագած ու Արարատ լեւան բազմառութիւնն ու Արագածին անհամեմատ գեղեցկութիւնը:

ԱՐԱՐԱՍԻ նորանշան հրաշնչութենէն չորս օր ետքը յաջորդեց երկրորդ աղէտք մ'ալ, որն որ լեւան ստորոտին վրայ աւերն ու քանդումն աւելի եւոյժաւ տարաւ: Երբ որ հրաբխի ան բերանն, սրմէ Թանձր գոլորշիներն ու ահագին զանգուածով քարերն ու հողերը գուրս նետուած էին, գոցուեցաւ, մի եւ նոյն տեղը ձեւացաւ խորունկ աւազան մը, ուր անձրեւը, հալած ձիւներուն ջուրն ու վերէն վազող մէկալ վտակները լեցուելով՝ պզտիկ լիճ մ'եղաւ: Ասոր քովերը գիշուած մեծամեծ քարերն ու կաւային հողը զօրաւոր Թումբ մը կ'ըլային, եւ լիճը հրաբխի բերնի մը պէս չորս դիպց կը պատէին, բայց ժողվուած ջրաշեղջին ծանրութեամբն ու ճընշելովը խախտեցան ու բացուեցան: Նոյն ատեն ան աղմակից ջուրը հեղեղներով ու սոսկալի ուժով դար վար վազեց, դաշտը կոխեց եւ Սեւջուր գետակին մէջ մտնելով՝ շատ անդ անոր ճամբան գոցեց, այնպէս որ Սեւջուրին ընթացքը փոխուեցաւ: Նոյն մօրուտ հեղեղն Ակոսի գեղին՝ հրաշնչութեան վնասներէն ազատած պարտէզներուն մէկ մասը բոլորովին ապականեց, ծառերը, խոշոր ժայռերու կտորներն ու փլատակներու տակ մնացած մարդիկներուն մարմիններն առաւ տարաւ, կէս մը դաշտի վրայ գլտորցուց տարածեց, կէս մ'ալ Սեւջուրին յատակը քշեց նետեց: Աս տղմուտ հեղեղը Յունիսի Չֆին (Յուլիսի ճին) սկսելով՝ երեք հեղ կրկնուեցաւ, եւ ամէն

մէկ անգամաւն նաեւ գեանի տակէն գոռում գո-
չում ալ կը լսուի եղեր:

Այսպէս պատմեցին մօտաւոր բնակիչները, բայց
առջի վտանգէն ազատողներուն մէջ աս գէպքին ալ
ի մերձուստ ականատես եղող մարդ մը չկար: Շատ
հաւանական է որ աս վերջի աւերումներն ալ Մա-
սիսու հին բերնին հրաբխային ճիգերէն յառաջ ե-
կած ըլլան: Աս անդընդային խառնարանը¹ դեռ բո-
լորովին գոցուած չէր, եւ նորէն նորէն ժայռ ու
գայռ դուրս կը ժայլթքէր, ուստի դիզուած ամբար-
տակին մէկ մասին փլչիլն ալ ուրիշ բան չ'երեւար,
բայց եթէ ներքին հրաբխային գործողութենէ պատ-
ճառած ու անոր ընկերացած երեւոյթ մը: Շատ կը
ցաւիմ որ աս երկրորդ տղէպքին ճիշդ ստորագրու-
թիւնը մէկէ մը չկրցայ լոել: Աստահելու մարդ մը
չգտայ որ ինծի որոշ ցաւքնէ թէ առ առեղծական²
տղմուտ հեղեղներն ուսկից վազեցին: Ակոռի գեղին
բնակիչներէն կենդանի մնացող քանի մը անձինք՝
որոնք առաջին բռնկելուն մօտ ու ականատես էին,
անոր կրկնուելէն վախնալով՝ հեռաւոր հովիտները
քաշուեր են. իսկ ան թափառական Բիւրտերն որ
աս հարուստ գեղին կործանումը լսելուն պէս՝ մե-
ծագին բաները փլատակներու մէջէն հանելու հա-
մար աճապարած եկած էին, իրենց կողոպուտ ժող-
վելու ատենը վար գլտորած զանգուածներէն զար-
նուեր մեռեր են: Երկայն ժամանակ հոռ տեղս ան-
գնալի մնաց, որովհետեւ ան լուծեալ կաւոտ հողը
լերան ձորին վերի ծայրէն մինչուկ դաշտ լայնատա-
րած ճահիճ մը շիներ է, այնպէս կակուղ ու խորունկ

¹ Ի հասց ի վեր բնախոյզները հրաբուխ լերանց բերանները
խառնարան (cratère, cratère) կ'անուանեն, իբր թէ ա-
սոնք Հեփեստոս ստորերկրեայ գորբին չաստուածոյն
բաժակներն եղած ըլլան:

² Énigmatique, հանելիկ պէս ծածուկ ու գծաւարաւ
մկնուելու:

որ նոյն իսկ թռչունները չէին յանդգներ վրան դա-
լու կենալու, բայց վերջէն կամաց կամաց շորցեր է,
ու հիմա բարակ եւ բաց թուխ հողի մը դարձած է
Շատ հաւանական է որ աս նիւթը շոգիներուն զօ-
րութեամբը փշրած արաստոյ քարէ¹ գոյացած բլ-
լայ, ինչու որ աս ալ Ամերիկայի Կիդոյ (Quito) գաւ-
առին հրաբուխներէն գուրս նետուած նիւթին (mo-
ya) պէս՝ գլխաւորաբար խճային ու կաւային հողէ
բաղադրուած է, որոնք արաստոյ քարին բուն էական
մասունքն են:

Արարատի վրայ եղած ատենս ժամանակիս մեծ
մասը շահեցի աս տեղերուն դիտողութեանը, որոնք
նետուած քարերէն ու տիղմերու հեղեղէն այնչափ
աւեր ու ապականութիւն կրեցին: Գուրս ցտաքած
քարերուն մեծ մասը արաստոյ քարին այլեւայլ տե-
սակներն են, որոնց մէջ նաեւ ակնվանի (cristal, պէ-
լօր Ռալը) եւ ուրիշ ապակեանման նիւթեր ալ կան:
Ասոնք շոգիներուն ուժովը լերան վրայէն 8—10
ռուսական միլոն հեռու նետուած են: Արարատի
բերնէն երբեմն ահագին յորդութեամբ լաւա՝ պէս
վազած պղպշտկաւոր ու փրփրանման սեւկակ քարը
նոր փլատակներուն մէջ ամենեւին չկայ: Հիմակուան
արաստոյ քարերուն մէջ աւելի ծծրմբախիժ² կը
գտնուի, որն որ շքեղ ու փայլուն գունով՝ աւերա-

¹ Արաստոյ կամ տրաքիտ քարին վրայ 860 Ռնական պատ-
մութիւն, Վիէննա 1842—1844, Բ. Հատոր, Երես 187:

² Գղ. Pyrite sulfureuse. Գրմ. Schwefelkies, որն որ
ծծրմբէ (տի-տի-տի) եւ կոյծքարէ կամ խճէ (լափլ Ռա-
լը) բաղադրուած է. գոյնն ու տեսքը ոսկիի կամ ա-
րուրի (փրփրի) կը նմանի, ու անկիւնաւոր խճի պէս
հաստ հաստ կ'ըլլայ, որոնք շատ անգամ իրարու քով գա-
լով կը միանան եւ մեծամեծ բազմահատ ու ոսկեփայլ
զանգուածներ կը կազմեն, զորն որ չճանչցողները շատ
հեղ խաբուելով՝ սսկեղէն կամ ոսկեխառն հանք կը
կարծեն: Ասիկայ ամէն տեսակ լեռներու մէջ ու ամէն
ձեւով կը գտնուի եւ գլխաւորաբար մէջէն ծծումբ հա-
նելու կը գործածուի:

կը շատ տեղ կը զարգարէ. նոյնպէս քարերուն վրայ կապած գոյնզգոյն կեղեւներ կը տեսնուին, որոնք Արարտի յառաջագոյն դուրս տուած ժայռերուն վրայ չկան:

Իմ Հայ ուղեցոյցներու Ս. Յակոբայ վանքին տեղն ինծի ցուցուցին: Ասոր արեւելեան կողմը վերէն վար վազող աղմակից հեղեղը փլատակներու մէջէն իրեն նամբայ մը բացած էր, որն որ գրեթէ 20 ոտնաչափ խորութիւն եւ երեսուն ոտնաչափէն աւելի լայնութիւն ունի: Հիմակ հոսկից կը վազէ պզտիկ վտակ մը աղտոտ ու դեղին ջրով, որն որ հալած ձիւներէն կը գոյանայ: Աս վտակն ալ՝ որ Մասիսին դուրս նետած ժայռերուն մէջէն կ'անցնի եւ երեք տարիէ ի վեր շատ մը հոգ ու քար տուած տարած է, ստատիկ ծծրմբային համ մ'ունի, այնպէս որ ջուրը գրեթէ խմելու բան չէ: Բայց լեռան վերի գիւրը, ինչպէս ես ալ խմելով փորձեցի, ամենեւին ծծրմբի համ չկար: Նմանապէս մէկալ ջրշեղջներն ալ՝ որ Արարատին ժայթքած զանգուածներուն մէջ ժողվեր ու լճացեր են, անոնց մէջ եղած ծծրմբուտ մասունքն ընդունելով՝ ժանտ ու ծծրմբահոտ ճաշակ մ'ունին: Աս լճակներուն յատակը դեղին ու գեղնակարմիր թանձր ծծրմբի մրուր (Ռոյթոս) կայ: Վանքին տեղը հիմա պզտիկ հարթ ու գիւր տափարակ մըն է. սոր հակառակ վանքին պարտեզին ու գերեզմանոցին վրայ փլատակները բարձր բլուր մը ձեւացուցած են: Գուցէ վանքը՝ վրան նետուած զանգուածներուն զօրութեամբը ճգմուելէն ու փլելէն ետեւ՝ աղմակից հեղեղը վազած աանն՝ բոլորը մէկտեղ առած քշած ըլլայ: Վանքին մէջ եղող խեղճ անձինք՝ որ առ Նոյեան լեռան մարդաբնակ մասերուն ամենէն բարձր տեղը բարեպաշտութեամբ կ'ապրէին, աս աւերակաց վիհերուն մէջ սոսկալի գերեզմաննին գտան: Նտեւ մասնաւորապէս հարցուցի Արարատեւ վանահայրը,

զորն որ այնպէս գեղեցիկ ու սրտաշարժ կը ստորագրէ Բառուդ: Ասիկա աշխատասէր ու զուարթ ծերունի մըն էր, եւ գերեզմանը յառաջուընէ փորել ու որմնել տուած էր. թէպէտ Պարսիկներէն շատ տառապանք կը կրէր, բայց միշտ նշյի լերան պահապան կը կենար: Ինք Արարատայ հրաշնչութենէն յառաջ մեռած էր, բայց աւերակներու տակ իր գերեզմանն աներեւոյթ եղած է: Ակոռի գեղին ալ եւ ոչ ամենափոքր նշմարանքը կը մնար, եթէ յափշտակասէր. Բիւրտերը դժբախտութիւնը լսելուն պէս՝ բան գողնալու համար մէկքանի տեղեր շուտ մը եկած ճամբայ բացած չըլլային: Զանազան տեղուանք՝ ուր քարերն ու հողերը շատ ծանր չըլլալով՝ շէնքերը բոլորովին փլցուցած չեն նէ, ծակեր ու խռոչներ կը տեսնուին, որոնցմէ դուրս ելած են ասդին անդին տներուն յարկի գերանները: Մենք ցուրտ գիշերները բացօթեայ եղած ատեննիս՝ աս գերանները կը վառէինք: Իրիկուն մը տեսայ որ ինծի հետ մէկտեղ եկող Հայերուն մէկը վերջին աստիճանի աստուր գէմքով գերան մը կրակը կը դնէր. «Ասիկա իմ տանս մէկ գերանն է», ըսաւ դժբախտ մարդն ու աչուընէն արցունքով լեցուեցան: Իր անէն 23 հոգի կորսնցուցեր է, կին, զաւակ ու թոռունք. ինք ունեւոր ու երջանիկ է եղեր, բայց հիմակ իր ծերութեանն տեսն մինակուկ մնացած էր ու ամենադառն աղքատութեան մէջ կը տառապէր:

Սարգ. քանի որ Մուսլ ձորէն վեր կ'ելլէ, աւերակաց տեղքն ալ այնչափ աւելի տխրական ու քրտամենել կ'ըլլայ: Հոս քարեղէն լեռներ գիզուած են, անոր համար ալ վեր ելլելը դժուար ու տաժանելի է: Գրեթէ մինչեւ Ս. Յակոբայ աղբիւրը կրցայ ձիով ելլել, բայց անկէ անդին ստիպուեցայ ձին թողուլ ու ոտքով քալել: Ան տեղերն ուր որ շողիները գետինը պատռելով Արարատի վրայ բերան բացած են,

գիշուած քարերուն ձեւը վարիններէն տարբեր է. հոս վերի կողմերուն քարերը յաճախ բոլորակ ձեւով կեցած են եւ իրենց մէջտեղը ջրով լեցուած խորունկ տեղեր կան: Աս լճակներուն քով մօտիկցողը մեծ վտանգի մէջ կ'իյնայ, որովհետեւ գետնին կաւը սաստիկ կակրղցած է, եւ ինչ որ վրան կու գայ նէ, անմիջապէս կ'ընկղմի կը թաղուի. Աս կաւին վրայ մեծամեծ քարերնետեցի, եւ խակոյն ամէնքն ալ աներեւոյթ եղան: Հաւանական է որ ասոնք յառաջագոյն աւելի մեծ ու միանգամայն աւելի խորունկ եղած ըլլան, ինչու որ ամէն տեղ կը տեսնուի թէ վազած ջրերուն զօրութեամբը մինչեւ հիմա շատ փոխուած են: Արարատայ Մուլլ ձորը ծածկող զանգուածին թանձրութիւնն իմանալը միայն ան ատեն կարելի էր, երբ որ մարդ աս կողմերը յառաջուան վիճակին մէջ տեսած ըլլար: Տեղացւոց ստորագրութենէն հետեւցընելու որ ըլլամ, զանազան տեղերուն նայելով 20էն մինչեւ 200 ոտնաչափ թանձրութիւն կրնամ սեպել: Թէ դուրս նետուած եւ թէ հեղեղներով վար բերուած ու տարածուած քարեղէն ու կաւային զանգուածները 25 մղոնէն աւելի երկիր կը ծածկեն:

Պր. Վոսկոբոյնիկովին կարծեացը համեմատ՝ Արարատայ վերի ծայրէն մեծամեծ ժայռերու կտուրուանք փլած ըլլային նէ, հիմա լեւան ձեւը փոխուած եւ իր ահագին ապառաժներուն մէկ երեւելի մասը կորսուած պէտք էր ըլլալ, ինչու որ անոր վրայէն այսչափ ամբաւ նիւթ վար եկած կ'ըլլար: Աս գծախտութիւնը պատահելէն ետքը Պետրբուրգի լրագիրներուն մէկէն առնուած լուր մը կարգացի, որուն մէջ կ'ըսուէր թէ սոսկալի գետնաշարժով մը Մասիսու ձեւը փոխուեցաւ. իր երեք կատարները քովէ քով եկան միացան ու հարթ տափարակ եղան: Աս լուրն ալ սուտ գտայ: Պր. Աբովեան ըսաւ որ լեւան ձեւը ճիշդ այնպէս է, ինչպէս որ 1829ին

Բառուղին հետ միջին կատարին վրայ ելած ատենն էր : Ամէն Հայերն ու Թաթարներն որոնց հարցուցի, միաբերան հաստատեցին թէ Արարատայ ձեւը նոյն արկածէն ետեւ ըստ ամենայնի այնպէս մնաց, ինտոր որ յառաջագոյն էր : Սաղաթիւլ Խոջայեան ծերունին կարծելով որ ես իր ու իրեն հայրենակիցներուն ըսածին վրայ կը տարակուսիմ, ջերմութեամբ մը ասանկ խօսեցաւ. «Տղայութենէս ի վեր Մտսիոր միշտ աչքիս տակն է, անոր վրայ եղած մանր փոփոխութիւնն ալ աչքէս չէր փախչեր», Գարձեալ եթէ աս զանգուածը ստուգիւ Արարատայ վերի ծայրէն փրութած ու ձորին մէջ ինկած ըլլար, այնչափ (գրեթէ 10,000 ոտնաչափ) բարձրութենէն վար իյնալուն զօրութեամբը նոյն տեղը պէտք էր որ կենար մնար ու մեծ լեռ մը ձեւացընէր : Բայց եթէ ըսուելու ըլլայ որ գետինը ծուռ ըլլալուն համար՝ ինկած տեղը չկեցաւ ու դարձար մինչեւ Ակուի գլտորեցաւ, ան ատեն գեղին բնակիչները ժայռին փրթելուն սրտու մը լսելէն ետքը՝ կրնային դիւրութեամբ փախչելու ժամանակ գտնել, որովհետեւ վար գլտորած խոշոր կտորուանքը իրենց հասնելու համար՝ հինգ ուսական մղոնէ աւելի երկայն ճամբայ պիտի ընէր, եւ ան ալ քիչ ծռութիւն ունեցող տեղոյ մը վրայ : Մտածելու բան մըն ալ աս է որ ինչպէս 30 ոտնաչափ բարձրութեամբ ու 40 ոտնաչափ երկակտրով (տրամագծով) խոշոր ու բոլորովին խորտուբորտ ժայռերը կրնան գրեթէ 15 ուսական մղան գլտորելով երթալ անանկ գետնոյ մը վրայ, որ շատ տեղեր ամենեւին ծռութիւն չունի : Աս քարերը լեռան մէջէն հեռու նետուելուն ու վար իյնալուն ուժովը, նաեւ իրենց սեպհական ծանրութեամբը հողին մէջ խորունկ մտած են :

Օջարմանալի բան մըն է որ աս աւերակներուն տեսարանին մէջ քանի մը տեղուանք բոլորո-

վին անմիտա մնացեր են, ինչպէս Ակոռիէն վեր պարտեղի մը պզտիկ մասը: Հոս դեռ 14 հատ պտղատու ծառեր կային, սրոնց տակ իմ տաղաւարս կանգնած էի: Խոտն ու առուղտը գետինը ծածկած էին, եւ նոյն իսկ պարտեղին տկար ցանկորմը տեղը կեցած էր: Պարտեղին աս մասը խորունկ ալ ըլլալով՝ անկարելի էր որ վերէն վար վազող հեղեղներուն հոսանքէն ազատէր: Ասիկայ ուրիշ կերպով չիկրնար մեկնուիլ, բայց եթէ ասով որ դուրս ցատքած քարերն ասոր բոլորտիքը թումբ մը ձեւացընելով թող տուած պիտի չըլլան որ հեղեղները պարտեղը մտնեն: Հիմակ Արարատի վրայ ասանկ կանաչազարդ տեղերը Ափրիկէի լայնատարած անապատներուն մէջ եղած Ովա-ներուն¹ պէս նորանշան տեսք մ'ունին:

Մեծն Մասիսու 1840ին երեւոյթները շատ տարբեր են անոնցմէ, որոնք դեռ չմարած հրալեռներուն բռնկելու ատենը կը տեսնուին: Հոս ոչ կրակի սիւներ երեւցան, ոչ ալ յատուկ լաւ վազեց, այլ դուրս նետուած նիւթերն էին միայն քարային ու հողային զանգուած, ու տեղ մը հրային ու տաք հոսանք չկար: Ան մեծ բնախոյզը (Հումբոլդ), որ Ամերիկայի հրաբուխներուն վրայ սքանչելի ծանօթութիւններ տրւաւ, շատ ճահաւոր դիտողութիւն մը կ'ընէ. հրաբխային զօրութիւնները, կ'ըսէ, երկայն ատեն հանգ-չելէն ետեւ իրենց նոր ճամբայ բանալու որ ըլլան, անանկ մասնաւոր գործքեր յառաջ կը բերեն որ նախ-

¹ Ովա (Oasis, oase) խաղերէն բառ կը համարուի ու կը մեկնուի Հանգրտան, Շինալայ, Բուսալայ: Հին ատեններն ասիկայ իբրեւ յատուկ անուն գործածուելով կը նշանակէր Եգիպտոսի արեւմտեան դին եղած անապատին մէջի մէկ պզտիկ գեղն ուր հասարակօրէն պատրաստները կը իրկուէին. իսկ հիմակ առջինին նմանութեամբ ան ամէն տեղերուն կ'ըսուի, որոնք ահագին անապատներուն ու ամայի աւերներուն մէջ ջուր, գալարիք, մշակեալ երկիր եւ քիչ շատ բնակիչ ունին, կորուսաններու հանգրուան կ'ըլլան ու իբրեւ թէ աւազեղէն ծովու մէջ կանաչաւետ կղզեակներ են:

ընթաց կամ ապագայ ժամանակներու ժայթքումներուն հետ ամենեւին չեն կրնար բաղդատուիլ: Գործերէ ի վեր Հայոց լեռնագաւառներուն հզօր հրաբուխներն իրենց կենդանութիւնը նշանով մը չէին ցուցնէր, բայց չէր կրնար ալ ըսուիլ որ բոլորովին մարած են: Ուրիշ շատ հրաբուխներու վրայ ալ տեսած ենք որ խիստ երկար ժամանակ հանգիստ կ'ընեն, դարերով անգործ կը մնան, ու յանկարծակի իրենց հին ուժգնութեամբը կ'արթննան եւ իրենց աւերները նորէն կը սկսին: Այսպէս Վեսուվ մինչեւ Քրիստոսի թուականին 79երորդ տարին պատահած մեծ հրաշնչութեան ատենը բոլորովին մարած կ'երեւար, ու մինչեւ իր կատարը ծառերով զարդարուած էր: Ստրաբոն նոյն լեռան արտաքին նշաններէն միայն հետեւցուց որ անիկա յառաջուան ատեններն ալ կրակ արձակած ըլլայ, բայց պատմական գէպքով մը չկրցաւ ցուցնել: Իսկ Վիկտոր Աւրեղիոս նաեւ որոշակի կ'ըսէ որ Վեսուվ 79ին բռնկելու սկսաւ: Նոյնպէս կը համարուէր Ետնա հրաբուխն ալ մինչեւ Քրիստոսի 40երորդ տարին: Ամերիկայի մեծամեծ հրաբուխները հասարակօրէն 100 տարւան մէջ միանգամ կը բռնկին: «Հրաբուխներուն կենդանութիւնը, կ'ըսէ Հովմբովդ, իրենց՝ երկրին ներսի կողմերուն հետ ունեցած կապակցութեան կերպէն ու տեւողութենէն կախում ունի: Շատ հրաբուխ լեռներուն վերաջնչութիւնը ժամանակ ժամանակ կը հանգչի, ու ան ատեն կը դադրի իրենց գործողութիւնը, երբոր մթնոլորտին՝ երկրիս ներսի կողման հետ ունեցած հազորդակցութեան միջնորդ եղող խողովակը կը գոցուի»:

Այսպէս նաեւ կրնայ ըլլալ որ Հայաստանի երկայն ատեն հանգչող հրաբուխները նորէն արթննան, ու Արարատի նորատեսիլ գէպքը յետագայ մեծագոյն հրաշնչութեանց գուշակ ըլլայ: Հոս այնչափ յաճախ պատահած աշխարհաւեր գետնաշարժ-

ները, որոնք բուն ներքին պատճառին նայելով՝ հրաբխային զօրութեանց հետ ըստ ամենայնի նոյն երեւոյթներն են, կը ցուցնեն թէ ան հին վառարանը՝ որմէ խիստ յառաջ ժամանակաւ Հայաստանի հոկոյական հրաբուխները դուրս ելած են, գեւ ընդերկրեայ տեղուանք կենդանի է. թէպէտեւ վառարանին հիմակաւան ուժգնութիւնը չիկրնար ամենեւին համեմատուիլ ան յառաջուան ժամանակներուն զօրութեանը հետ, որ տառն Արարատ, Երկնաբերձ Արագածն ու Գեղամայ ծովակին քովի հրալեռներն իրենց բորբոքեալ ծոցէն ամբաւ լաւայի հեղեղներ հոռեցին: Երկրին տակի կրակը շատ հազարաւոր տարիներէ ի վեր երթալով սաստիկ խորունկ տեղ իջաւ, ուստի դուրս բորակալու համար բրած ճիգերը թէպէտ գետինը սասանելով քաղաքներ կը քանդեն, բայց ինք շատ անգամ վրայի հողին թանձրութիւնը չկրնար պատռել ու ելլել: Դարերէ ետքը 1840ին տառաջին անգամ տեռնուեցաւ որ սաորերկրեայ օգերն ու շողիները հողը պատռեցին ու բանութեամբ իրենց ճամբայ բանալով գուրո ելան:

Աս դէպքին ընկերացած երեւոյթները քիչ շատ կրնանք մեկնել նոյն իսկ Արարատայ ներքին որպիսութենէն: Շատ նշանաւոր բան է որ այսպիսի բարձր, մեծ ու տմբաւ ձիւներով ծածկուած լեռնէն պոչափ քիչ աղբիւր ու միայն քանի մը ձիւնաջրի վտակ կը բխէ: Բոլոր մեծ Մասիսու վրայ միայն երկու աղբիւր կայ, իսկ փոքր Մասիսու վրայ եւ ոչ մէկ հաւ, ուր Արագած լեռնէն՝ որ ամենեւին անանկ սաստիկ ձիւնադէղ շունի, քառասունէն աւելի յորդաւատ աղբիւր կը վազէ: Չիւներուն հալելու սկսած տառն Մասիսու վրայէն վազած քիչ վտակները վերջէն սաստիճանի սակաւաջուր են, ուր Ահմանկան հրաբուխ լեռնէն, որ մեծութեան կողմանէ ամենեւին չիկրնար Արարատայ գիմացն ելլել, այնչափ վտակներ ու աղ-

բիւրներ կ'իջնան, որ Սեւանայ մեծ լիճը կարող կ'ըլլան լեցընել, մանաւանդ թէ լճին գոլորշի դարձած ջրէն շատ աւելի կը բերեն: Բառուդ՝ ինչպէս ուրիշ անգամ ալ ըսինք, կարծեց թէ Մասիսու սասորտին մօտ եղող Սեւջուր գետակն ան ջրերէն գոյանայ, որոնք ձիւներուն հալելու ատեն գետնի աակէն ճամբէ մը անցնելով՝ Սեւջուր գետակին ակունքը դան: Քանի մը պարագաներ աս ենթադրութեան դէմ կ'ելեն. նախ՝ Սեւջուր գետակին աղբերակունքն ա՛մառը (ձիւներուն բուն հալած ժամանակը) քիչ ջուր կը բխէ. ասոր հակառակ ձմեռը շատ աւելի առատ ջուր կու տայ, որ ատեն բոլոր Արարատ թանձր ու պինդ սառցոյցներէ բովանդակ պատած ըլլալով՝ ամենեւին ձիւնաջուր չ'ունենար: Գարձեալ՝ Սեւջուր գետակին ջուրը Մասիսու այնչափ բարձրութենէն իջնալու որ ըլլար, բոլորովին տարբեր ուժով ու ցոյց տելով մը պէտք էր գետնէն դուրս բխել, որն որ Սեւջուրին աղբերականց վրայ երբեք չ'իտեանսէիր, ուր եւ ոչ փոքր պղպջակ կամ եռացք մը կայ:

Ուստի անտարակցյս կ'երեւայ թէ Արարատ լեռան մէջ ահագին ջրամբարներ կան, ուր ձեան ու անձրեւի ջրին մեծ մասը պզտիկ ճեղքուածներէն վազելով կ'երթան կը ժողվին: Արնայ ըլլալ որ ընդերկրեայ լիճ մը Արարատայ ներսի պարագ միջոցները լեցընէ, որոնք՝ ան յաղթամարմին հրաբխին ուռելով երկրէն դուրս ելելու ատենը՝ ներսի դիէն՝ դատարկ մնալով ձեւացած ըլլան: Աս գնելու որ ըլլանք, 1840ին աղէտալի դէպքերը, մանաւանդ Արարատէն բորակացած անչափ ջրերը պարզ կերպով մը կրնան մեկնուիլ: Արարատայ հրաբխային վառարանը շատ խորունկ՝ ուստի եւ ջրերու ժողովներէն աւելի վար պիտի ըլլայ, արդ երրորդ անոր վրայի ահագին ջրերը ճամբայ մը բանալով՝ ներքին հրային վառարանին վրայ թափելու կը սկսին նէ, անմիջա-

պէս անհնարին շողի կը գոյանայ, որն որ իր ուժ-
գինն ու անընդդիմակաց տարածութեամբը գետինը
շարժելով ու սասանեցընելով՝ բռնի դուրս ելլելու
ճամբայ մը պատուելու բանալու ճիգ կ'ընէ։ Բայց ու-
րովհետեւ ան առաջին հին ճամբան կամ լեռան կա-
տարին բերանը շատոնցունէ սաստիկ թանձրու-
թեամբ, քարերով ու մշտնջենաւոր ձիւներով գո-
ցուած էր, շողին լեռան կողերուն զարկեր է, ու
հոն այնչափ ընդդիմութիւն մը չգտնելով՝ ծակեր
դուրս է ելեր։ Հիմակուան վառարանին խորութիւնն
ու այնչափ մեծ ջրաշեղջները, որոնց մէջէն հրա-
բխային զօրութիւնն իրեն ճամբայ գնաւ անցաւ,
ստորերկրեայ կրակին ոյժը չափաւորեցին՝ շողինե-
րուն սաստկութիւնը չափարացընելով. ուստի եւ ոչ
հրային սիւներ, եւ ոչ ալ հալած նիւթ երեւան ե-
լաւ, հապա միայն անբաւ ու անչափ գոլորշի, որն որ
ապառաժները պատուելով՝ դուրս ժայթքեց, ու
պատճառած աւերածին կողմանէ յառաջուան հրա-
շնչութիւններուն գուցէ մէկէն ալ ետ չմնաց։

Եւ Արարատի հիւսիսային կողմանէ դար վեր ելայ
մինչեւ ձեան զանգուածներուն սկիզբը, ուր ձիւնը
սաստիկ հալելու սկսած էր։ Հոս ծովին երեսէն 7000
ոտնաչափ բարձր տեղւոյ վրայ բովանդակ աւերածը
կը տեսնէի, որն որ հողմահարի (ետէպէ) մը ձեւով
դէպ ի վար տարածուած էր։ Իմ վերեւ ամենա-
պարզ երկնքի տակ ջրհեղեղեան լեռան ճերմակ ու
հսկայական գլուխը կը շողար։ Հոս մարդուն աչքը
Մասիսու բարձրութեան վրայ զարմանալի կերպով
մը կը խաբուի։ Արարատայ միջին կատարը հասնելու
համար իզմէ վեր գեռ ամբողջ 9000 ոտնաչափ կար,
այսու ամենայնիւ ինծի անանկ կ'երեւար որ շուտ մը
պիտ'որ հասնիմ։ Թէպէտ ամէն լեռանց ձիւնապատ
կողը կամ գլուխը բնականէն շատ աւելի ցած կ'ե-
րեւայ, բայց Հայաստանին ասանկ չոր ու վճիտ օգին

մէջ ասիկայ ասելի եւս շատ է, քան թէ մէկալ հիւսիսային լերանց վրայ: Հոս ան սառտիկ ու սքանչելի պայծառութիւնը հեռաւոր առարկաներն սւ լերանց ճերմակ կատարները շատ կը մօտիկցընէ, բաց ասկից՝ ձիւներուն երեսը չկան անանկ առարկաներ, որոնք տեղւոյն բուն հեռաւորութիւնը շիտակ հաշուելու նեցուկ ըլլան: Աչքը բոլորովին ասոր հակառակ կը խաբուի, երբոր մարդ պղաոր օդի մէջ անձիւն ու անդալար եւ մութ լաւայով ծածկուած լերան մը վրայ ելլէ, որն որ իրականէն շատ ասելի հեռու կ'երեւայ: Մեծն Մասիսու հիւսիսային կողմն անանկ ոեպ ու ցից է որ մագլելով ելլելն ալ շատ դժուար է: Իսկ արեւմտեան ու հիւսիսային արեւմտեան կողմանէ լերան գլուխն ելլելու համար ուրիշ դժուարութիւն չկայ, բայց եթէ ահագին բարձրութիւնը: Հին ճամբորդները պատմեցին որ Մասիսու վրայ ելլելն անկարելի է, ոսկայն ասիկա օտոյդ չէ եւ միայն հարեւանցի քննութեան մը հետեւանքն է: Թէպէտ Մայիսի վերջերը դեռ անհուն ձիւն կար, ի վերայ այսր ամենայնի կը յանդգնէի վեր ելլել, եթէ չափելու գեղեցիկ գործիքներս կորսնցուցած չըլլայի, որոնց պակասութեամբ լերան կատարն ելլելս գիտնական օգուտ մը չէր ունենար: Բայց համոզեալ եմ որ ժիր ու պնդակազմ լեռնագնաց մը երկու դիշեր ցուրտ լերան վրայ մնալը յանձն առնելէն ետքը՝ նոյն իսկ հիմակ կրնայ կաաարը հասնիլ: Բաւողին պատմածներն ինծի բոլորովին ճիշդ կ'երեւան: Մարդ ստուգիլ դժկամակութիւն կը զգայ, երբոր տեսնէ որ ամանք նախանձէ շարժելով՝ առ ճշմարտաւոր ու արդիւնաշատ բնախուզին՝ առաջին անգամ Արարատայ գլուխն ելլելու պարծանքը տարակուսական ընելու կը ջանան:

Մասիսու կողերուն վրայ մտադրութեան արժանի երեւոյթ մըն է՝ ժայռերուն շիւղշիտակ ողորկ ու փայլուն երեսը, որն որ չէ թէ միայն 7000 ոտնաչափ բարձր տե-

ղեր, հապանաեւ ցածագոյն կողմերն ալ կը տեսնուին, Արեւուն ճառագայթներն առ սղորկ մակերեւութին վրայ զարնելու որ ըլլան, այնպէս կը փայլին որ հեռուանց շատ անգամ կը կարծէի թէ սառուցով ծածկուած ըլլան: Աս ողորկութիւնը, ինչպէս որ կը համարուի, սառնալեռներէ* պատճառած է նէ, պէտք է որ յառաջագոյն Հայաստանի մէջ բոլորովին տարբեր բարեխառնութիւն եղած ըլլայ, որ տեսն նաեւ ցածկեկ տեղուանք ալ սառնալեռներ կը գտնուին եղեր: Հիմակ ամենէն ցած սառնալեռները կը սկսին 9 կամ 10 հազար տոնաչափ բարձր տեղեր: Նոյն փայլուն ողորկութենէն զատ՝ ապառաժներուն վրայ ամէն տեղ կը տեսնուին ուղղագիծ քերուածքներ, որոնք՝ ինչպէս Ագասիզ կ'ըսէ, սառցոյցներուն հետ մէկտեղ վար ինկող կարծր քարերէն պատճառած պիտ'որ ըլլան:

Աննդանեաց կողմանէ Արարատ լեռն աղքատ է, բայց մասնաւոր բաներ ալ ունի: Աթլանտու կենդանիներէն ես միայն հասարակ նապաստակ տեսայ. սակայն կ'ըսեն որ գայլ ու բորեան (շքլիւն) եւ Երասխի մօտ տեղուանք նաեւ յովազ կայ եղեր: Իսկ

* Սառնալեռ (գլ. glacier, գերմ. Gletscher) կ'ըսուին լեռանց ձորերուն ու կերճերու մէջ գիշուած սառցոյցներու կոչուելը, որոնք նոյն իսկ տաք աստիճաններն ալ չեն հալիր: Ասոնք զլսաւորաբար ան ժամանակը կը գոյանան, երբոր լեռան վերի գիւն վար շատ ձիւն կը գլտորի եւ կամ սաստիկ ձիւն գալով՝ լեռան շատ ցած տեղերն ալ գտնուող ձորերը կը լեցնէ, ու ցորեկուան արեւուն աաքումթեամբը քիչ մը հալելու սկսելէն ետեւ՝ դիշերուան ցրտութեամբ կը սառի կը մնայ, եւ շատ անգամ ալ վերի ծայրին վրայ նսրէն ձիւն նստելով ու սառնանայով՝ Սառնալեռն ալ դէպ ի վեր շատ կը մեծնայ: Ասոնք շատ հեղ քիչ մը հալելով կամ վերի ծոնքութեան ճնշելովը սաստիկ ճայթմամբ կը փլչին, ու լեռանց խորանուբորտ տեղերն ալ մէկտեղ վար կը բերնն: Շատ անգամ երկու կամ բազմաթիւ սառնալեռներու մէջ սառնապատ տափարակ տեղեր կ'ըլլան, որոնք կ'ըսուին Սառնադաշտ, Սառնահովիտ: Ասոնց ամենը մեծ գետերու ջուրը կը մատակարարեն:

Թռչնոց մէջէն Արարատայ բոլորտիքը շատ եւ գոյգնադիւտ տեսակներ կային։ Որսը կիրճին մինչեւ կէսը շատ առատ է. բայց անկից վեր փետրազարդ բնակիչները կը գաղթին կը լմննան, քիչ անգամ կը պատահի որ Թռչուն մը լեռան մինչեւ կէսն ելլէ։ Մարախները սպաննելուն համար անուանի եղած Թռչունն է վարդագոյն տարմահաւը (*Sturnus roseus*, ալճա սըրքըճը), որն որ Թթերը հասուննալուն պէս՝ երեւան կ'ելլէ։ Ժողոված միջատներու վրայ շատ գոհ էի։ Լեռան կողերուն աւազուտ հողին վրայ (որն որ յայտնապէս հրաբխային մոխրէ յառաջ եկած է) աւազին ծովեզներու եւ գետեզներու մէջ եղած միջատները կը դանուին. հոս բազմութեամբ արջատարը (*mélasome*, սեւ մարմին ունեցող) միջատներէն բռնեցի։ Իսկ Թիթեռներուն մեծ մասը միջին ու հարաւային Եւրոպայիներուն նման են։ Տնկերէն ալ քանի մը գեղեցիկ բաներ ժողվեցի։ Ակուի գեղին հաւասար բարձրութիւն ունեցող տեղերուն վրայ կերպ կերպ լուրջ շուշան (մովի զմպով) բուսած էր, որոնց մէջ՝ ինչպէս կարծեմ, դեռ մինչեւ հիմա չստորագրուած՝ հազուագիւտ մեծութիւն ու շքեղութիւն ունեցող տեսակ մը կար, զորն որ Հայաստանին ուրիշ կողմերը չգտայ։ Փոքր Մասիսին վրայ ծառերուն սահմանը՝ Բաւոդին շափածին նայելով՝ ծովին երեսէն վեր մինչեւ 7800 ոտնաչափ բարձրութեան կը հասնի։ Նաեւ մեծ Արարատին հիւսիսային արեւմտեան կողմը նոյնչափ բարձրութեան վրայ խումբ խումբ Թխտենի (*bouleau*, զուռաղանջ) տեսայ։ Ընդհանրապէս խօսելով՝ Հայաստանի բարձրագաւառին մէջ Թէ՛ լեռնադաշտներուն եւ Թէ՛ լեռանց կողերուն վրայ վայրենի ծառ քիչ կը գտնուի։ Բայց կ'երեւայ որ անտառներու պակասութիւնն ոչ երբեք հողին որպիսութենէն կամ Հայաստանի բարեխառնութենէն յառաջ եկած ըլլայ։ Քանի մը տեղուանք՝ որ հիմա

Ծառէ բոլորովին զուրկ ու լերի են, հին բնակիչներէն լսեցի որ յառաջագոյն անտառ կայ եղեր: Հրամբողք իրաւամբ կը հերքէ անոնց կարծիքը, որոնք կ'ըսեն թէ ծառ չունենալը հարաւային օգտաբաժիններուն (կլիմաներուն) բնաւորութիւնն է. «Առիկա ըսողները հարաւային կողմանց բնակիչներուն շատ յառաջ արթննալը կը մոռնան եւ չեն յիշեր թէ մարդկային աղզը քանի որ քաղաքական կրթութիւն կը ստանայ նէ, անտառները կը ջնջէ, եւ մարդիկներուն այլափոխիչ հոգին հետզհետէ երկրին այն զարդը կը յափշտակէ, որն որ հիւսիսային կողմերը կը զուարճացընէ զմեզ, եւ ամէն պատմութիւններէն աւելի կը ցուցընէ թէ մեր բարոյական կրթութիւնը գեռ նոր ու երիտասարդ է,»:

Մեծ ու փոքր Մասիսն որ Հայաստանի հին Արարատեան գաւառին կենդրոնն է, զորն որ Ռիդդէր աշխարհագիրն ալ «Հայկական լեռնագաւառին պատմական միջավայրը», կ'անուանէ, գրեթէ զատ ու ինքնագլուխ լերանց խումբ մը կը կազմէ, որն որ միայն Կարնոյ (Էրլբրուօ) հիւսիսային արեւմտեան կողմանէ ելլող հրաբուխներու շղթային հետ կապակցութիւն մ'ունի: Իսկ Սեւանայ ծովակին քովի ապառաժուտ լեռներէն ու Արագածէն բոլորովին բաժնուած է: Արագած Մասիսէն ետքը Հայաստանին պինդ մեծ լեռն է. տսիկա Մասիսի գիմացն ու Երասխ գետին հիւսիսային եզերացը վրայ գէպ ի վեր կը բարձրանայ: Իր բարձրութեան չափն է ըստ Բառոգի 12,766 ոտնաչափ: Աս երկու հին հրաշունչ լեռները զարմանալի ու իրարմէ տարբեր հանգամանքներ ունին: Արագած աւելի հովիտներ ու սարահարթ տեղեր ունի, եւ իր ժայռերն այնչափ մերկ ու անծածկոյթ մնացած չեն, որչափ Արարատինը: Արագածին քարն աւելի սեւկակ ու աւելի անդա-ցեալ է եւ շատկեկ ալ կաւային հող ունի քան թէ

իր դրացին: Մայիսի մէջ ձիւներուն հալելուն հետ սկսած յորդահոտ աղբիւրներն ու վտակները լերան կողերը, բարձր գաշտերն ու դարաստափները (terrasse, լերան կողերուն վրայ սկիւնի պէս ընդարձակ ու տափարակ տեղերը) գեղեցիկ կը ծաղկեցընեն ու գոյնզգոյն կը զարդարեն: Ասանկով Արագածի վրայ քարերն աւելի փշրած ու հող դարձած են քան թէ Մասիսի վրայ: Տնկերուն արմատները շարունակ թթուութիւններ դուրս տալով ու միանգամայն օդին եւ ջրին գործակցութեամբ քարերը միշտ կը լուծեն ու կը փխրեն: Եւ Արագածի լայնատարած լեռնագաւառին վրայ ալ քանի մը օր կեցայ: Հոս եթէ ձմեռն այսչափ երկայն չտեւէր ու տա աստիճանի փայտի պակսութիւն չըլլար նէ, Հայաստանի հարաւային կողմերէն (Քիւրտիսթանէն) ասգին անցնող Հայերուն ունեցած գեղեցիկ ու քաղցրախառն օդը նախանձելու բան էր: Աս լեռնագաւառին վրայ եղած ամառէն աւելի մեղմ ու սիրուն բան մը մարդ չի կրնար մտածել: Դրացի երկիրներու (Արաստանի ու Պարսկաստանի) գաշտերուն ու հովիտներուն մէջ ամառուան խեղդիչ տաքութիւնը բնակիչները չարաչարած ատեն՝ հոս մարդ կը զգայ որ զով ու անուշօդ լեռնակողքի մը վրայ կեցած է, ինչպէս որ Ռիդգէր Հայաստանի լեռնագաւառը յարմարութեամբ կ'անուանէ: Արագածի վրայ եղած վանքերուն ու գեղերուն բազմութիւնը մարդը կ'ապշեցընէ. անանկ շատուոր ժողովուրդը, բնութեան գեղեցկութիւնը, առ հին հրալերան վրայ բնակողներուն զուարթ կեանքը, այնչափ տներուն, ցորենի արտերուն եւ խաշանց տեւքը, զանգակներուն ձայնը, կատարեալ ընդգիմապատկեր (contraste) մըն է ան ամայի ու անապատական լութեան, որն որ Ակոռի գեղին աւերմանէ ետքը Մասիսու վրայ կը տիրէ: Հիմակ Արարատի պինդ մօտ բնակութիւնն ալ անկից 20 ռուսական

մզոն հեռու է: Արարատի կողմերը կեցած բոլոր ժամանակն թափառական քիւրտերուն եւ ոչ մէկ փոքր նշմարանքը տեսայ: Երբոր (ուղեկիցներս վարը մնալով) ես միայն Մասիսու Մապլ ձորին վերի գին առանձին կը կենայի, առ զարհուրելի ամայութեան զգացմունքը զիս կը նուաճէր: Ոչ թռչնոյ ճիշ, եւ ոչ ուրիշ կենդանւոյ կռիշ հոս կենդանութիւն մը կը յիշեցընէր: Արարատ առ վիճակի մէջ հիմակուան ճամբորդի մը աչքին շատ աւելի սոսկալի կ'երեւայ քան թէ նոյի տապանին բնակիչներուն եւ մէկալ կենդանիներուն, որոնք ջրհեղեղէն ետքը դուրս ելլելով՝ Արարատէն վար կ'իջնային մեռեալ աշխարհքը կենդանացընելու համար:



Մ. Վ. Ե. ԿՆԻՐԻ

ՃԱՆԱԳԱՐՀՈՐԴՈՒԹԻՒՆ

Ի ՀԵՅԵՍՏԵՆ

ՄԵՍՆԻՐ

ՆԱԽԱԳԻՐ ՀՈՐԴՈՒԹԻՒՆ Ի ՀԱՅԵՍՏԱՆ

ՄԵՏԱՍԱՆԵՐՈՐԴ ԳԼՈՒԽ

Արագած լեռան գեղեցիկ դիրքը, դաբառափնեքը, ջուրը, բոլորն ու միջանները: Նոյն լեռան մէկ կատարին վրայ երկրաբանական դիտողութիւն: Աւերջին առաւելանի սիրուն ու ահեքի դիրք:

ՅՈՒԼԻՍԻ 1ին Երասխայ մեծ լեռնահովիտը թող տուի, ուր ալ չէր կրնար մարդ կենալ արեգական տապէն: Ժանտախտէն ու մօրական տենդէն, փառք Աստուծոյ, ազատած էի, բայց տօթագին արեւուն շողը սառտիկ ցուեր պատճառած էր երեսիս վրայ: Արեւակէզ մորթը պատառ պատառ ըլլալով երեսս ի վար կախուած էր, եւ ուռած պոկունքս՝ որչափ որ շատ հնդկանշի¹ եզով օծէի, խափշիկի մը շըրթանց կը նմանէին: Ամենայն ուժով կը փափաքէի բարձր լեռանց զով օդին, ասոր համար լեցուն օր մը ձիով ճամբորդութիւն ընելով՝ Էջմիածնէն Արագած (Աւախ) լեռան առաջին դարատափին² վրայ ելայ, որն որ Երասխէն գրեթէ 2000 ոտնաչափ բարձր է: Արագած լեռանց խումբը Հայաստանին դրեթէ անծանօթ կողմերէն մէկն է մինչեւ հիմայ, զորն

¹ Հնդկանուշ. Cacao.

² Դաբառափ բառը հայերէն յիշատակագիրներու մէջ կը գտնուի եւ Լիբանց խորհուրդէն կամ դարձեւ Գեղեթառ լեռնային գագաթի գիւղ, չէրալ դառն կը նշանակէ, ինչպէս որ բարդութիւնն ալ յայտնի կը ցուցնէ. առիկայ շատ ընտիր բառ է, եւ նախնեաց կանոնին համեմատ (Տես Տուարածատափ, Թառեացտափ եւայլն). ու շատ յարմար կու գայ Գաղղիացեաց Terrasse կամ Իտալացեաց Terrazza բառերուն, որոնք այլեւայլ նշանակութիւններէն զատ՝ վերը զբուցածնիս ալ կը նշանակեն:

որ Եւրոպացի ճամբորդի մը գրիչը դեռ ստորագրած չէ: Բաւոդ ու Գոթն աս լերանց միայն ստորոտէն՝ Ապարանի հովտին մէջէն անցողակի ճամբայ բռած են, ոչ անոնց զառիվերներուն վրայ ելլելով, ոչ ալ ներքին կողմերուն կանաչ լեռնահովիտներն ու դարատափները մանելով: Քարթագոն՝ որ քիչ մը ժամանակ Արագածի վրայ կեցած էր, իրեն հոն բնակելուն նկատմամբ բան մը չհրատարակեց: Հոս բոլորովին չքննուած երկիր մը կոխելուս եւ գրեթէ անվտանգ պտըտել կրնալու հաճոյական յոյսը՝ պրած շրթանցս տանջանքը զգալ չէր թողուր, եւ առաջին օրուան սաստիկ ճամբորդութեան մեծ աշխատանքն ու ցաւերն ըստ մասին կը մոռցնէր: Ախրալի ու շքեղ հրաբուխներուն տեսքն ու հազուադէպ տնկերու եւ ճճիներու առատ հաւաքումն ալ զիս շատ զուարթացուցին ու սմբած հոգիս նորէն կենդանացուցին: Նաեւ ուղեկիցներս ալ սաստիկ կը բազմային որ դաշտերու տապաղին օդէն փախչին, եւ անսովոր արտօրանօք մը կը ձիավարէին, ու քանի որ զիս կը տեսնէին թէ աղուոր ծաղիկ մը փրցընելու կամ գոյնագիւտ ճճի մը ասեղի անցընելու համար ձիէն յաճախ վար կ'իջնամ, յայտնապէս տեղահովութիւն կը ցուցնէին: Բոյսերուն ազուրութիւնն ու հետաքրքրական ճճիները ցաւելով թողուցի, որովհետեւ շուտով յառաջ երթալու բաղձանքիս արգելք կ'ըլլային: Բաց ասկից՝ նոյն օրը Թաթար երիվարի մը վրայ նստած էի, որն որ հաւաքիչ բնախուզի մը ամենեւին յարմար չէր, ինչու որ ճամբու վրայ տունկ փրցընելու ժամանակս չէր ուզեր կենալ, եւ ինծի մեծ տաժանմունք կու տար աս կրակոտ կենդանին՝ երբոր առանց խաղախիս օգնութեանը նորէն հեծնել կ'ուզէի: Թէպէտ հոստեղաց ձիերուն ցեղը շատ գերազանց, ընթացքնին թեթեւ, եւ շարժուածքնին սիրուն ու հաճոյական է, այսու ամենայնիւ շատ հեղ

կը նզովէի զանոնք իրենց հրային արեան համար, եւ Բերբերիայի հեզ ու համբերող ձիերուն, նաեւ գրեթէ Խազախներու դանդաղ գրաստներուն ալ կը բաղձայի, որոնք թէպէտ հետ ու անտատա խառնուածք ունին, բայց ոովորաբար հնազանդելու կրթութեամբ են, զորոնք մարդ աւելի գիւրաւ կրնայ կեցընել, քան թէ առ լեռնառաւանին ոէգ ու խրոխա եւ քաջազգի ձիանքը, որոնց միշտ ճշմարիտ ուրախութիւն մը կը բերէ՝ սար ու ձոր վտղելն ու արշաւելը:

Առաջին մեծ գեղն, ուր որ նոյն օրը հասանք, Աշտարակ կ'ըսուի, եւ Հայոց հիմակուան մեծապատիւ ու ծերունի Ներսէս կաթողիկոսին ծննդեան գեղն է. ինք, ինչպէս նաեւ իր նախորդներուն մէկքանին աղքատ գեղացիներու զաւակ էին: Աշտարակ՝ աղուոր, երեւելի եւ քրիստոնէաբնակ գեղ մըն է, որուն բալարիքը շատ պարտէզներ կան: Առ գեղին դիմքը հարաւային Արագածոտին վրայ այնչափ բարձր չլլալով՝ շատ բարեխառն օգաբաժին (կլիմայ), բերրի երկիր եւ առատ ջուր ունի, եւ ամէն կերպ ցորենեղէն, պտուղ ու խաղող կը բուսցընէ: Պր. Աբովեանին մէկ հին հայազգի բարեկամը՝ Ստեփան Աղա՝ զմեզ հոս հիւրընկալեց եւ ամէն տեսակ կաթնեղէն ու հաւկըթեղէն ազնիւ կերակուրներով զմեզ պատուեց: Գեղին բնակիչները չափաւոր բարեկեցիկ են եւ իրենց վիճակին վրայ գոհ: Աւելի բարձր գեղերուն մէջ երկրին պաղարերութիւնը կը սկսի պակսիլ, եւ ժողովրդեան բնակութիւնն ու կեանքը կը ցուցընէ թէ երթալով աւելի եւս աղքատ են ու հացապակաս:

Արագած Հայաստանին մէկալ լեռներէն գրեթէ բոլորովին զտառած եւ ինքնագլուխ լեռանց խաւք մըն է, չորս գլխաւոր կոնաձեւ կատար ունի, եւ իրեն կերպարանքը՝ ունեցած հովիտներուն ու դարատափներուն շատութեամբը Մասիսէն շատ կը տարբերի: Մարդ իրրեւ թէ աստիճան աստիճան անոր դա-

րատափները կ'ելէ, մինչուկ որ ամենէն մեծը հաս-
նի, որն որ շքեղ լեռնադաշտ մըն է, եւ Փարիզի
6400 ոտնաչափի մօտ ծովին երեսէն վեր կը բար-
ձրանայ, որով նաեւ Կարնոյ լեռնադաշտէն ալ բար-
ձրագոյն է: Արագածին չորս կատարներուն վրայ ալ
ասանկ լեռնադաշտներ կան թէ արեւմտեան եւ թէ
հարաւային կողմանէ: Հոս ամէն դի հրաբխային ապա-
ռածները շատ աւելի փխրած ու հոլ դարձած են
քան թէ Արարատի վրայ, եւ գետինն ալ աւելի
բուսակէտ ու արգաւանդ է: Աս երեւութին պատ-
ճառը ոչ Արագածի ժայռերուն տեսակէն եւ ոչ ալ
անոնց աւելի հնութենէն է, այլ աղբիւրներու առա-
տութենէն ու դարատափներու եւ լեռնահովիտներու
շատութենէն, որոնց վրայ հալած ձիւներուն, ան-
ձրեւին եւ աղբիւրներուն ջուրը կը ժողվի, եւ լուծիչ
օդին հետ միանալով գետնին վրայ աւելի կ'ազդէ: Յիւ-
պուա, որ Արագածի վրայ ելած չէ, սխալանօք կը
պատմէ թէ ասոր վրայ ալ Արարատի պէս ջրի պակ-
սութիւն կայ: Բայց անոր հակառակ Արագած՝ աղ-
բիւրներու կողմանէ այնչափ հարուստ է, որչափ որ
Մասիսու երկու լեռներն աղքատ են, թէպէտեւ աս
աղբիւրներուն մեծ մասը Յօբէկոսն աղբիւր են, ու
բոնք միայն հալած ձիւներէն կը սնանին, բայց այն-
պէս որ ջուրը լեռան ծակստ քարերուն մէջէն վար
կ'իջնայ, կը զտի ու կը ժողվի, եւ դարատափներու
վրայ կը սկսի ցայտելով դուրս բխել:

Արագածի կողերը ծածկող սեւ ու ջրաբբի հողին
վրայ աս ամառուան ատեն սքանչելի գեղեցկութեամբ
ծաղիկներ կը բուսնին: Ասոնց մէջ դեղին գոյնը, ինչ-
պէս հրանուշկն է, խիստ շատ էր, տեղ տեղ կար
նաեւ լեռնային պերճ ու շառագոյն կակաչներ
(լայի), բոգ¹, զանգակիկ² եւ լուրջ շուշան³ կերպ

¹ Gentiana. աճկ. Ճէնթիանա, Կիւշտր:

² Լա. Campanula.

³ Լա. Iris. աճկ. Մալէ զամպ:

կերպ կապոյտ երանգներով: Արագածի վրայ առ ալպեան բոյսերը Մայիսի վերջերը կը սկսին ծաղկիլ, եւ Սեպտեմբերի ետքերը ձիւնով ծածկուած կ'ըլլան: Սեւանայ ծովին բոլորտիքը գտած ճճիներուս մեծ մասը հոս դարձեալ տեսայ: Արագածի վրայ ժողված միջատներուս մէջ ամենէն երեւելին էր Գեղուծիկ¹ ըսուածը, որն որ միայն Հայաստան կը գտնուի, կապոյտ փայլուն գոյն եւ արտաքոյ կարգի ձեւ մ'ունի, շատ բարձր տեղուանք եւ հասարակօրէն մշտնջենաւոր ձեան քովերը կ'ապրի, ու կ'երեւայ թէ 4000 ոտնաչափէն վար չ'իջնար:

Հայոց Պազարճուկ գեղն օր մը կեցայ, որպէս զի ասկից Արագած լեռան հարաւային արեւմտեան կատարն ելլեմ, որն որ մեծ դարատափին վրայ իբրեւ ժայռ մը ցցուած է: Ֆէտորով՝ որն որ աս կատարին բարձրութիւնը Երասխի դաշտին վրայէն եռանկիւնաչափօրէն չափեց՝ 12,766 ոտնաչափ կը դնէ: Քարթուն՝ որ Ռուսի ծառայութեան մէջ բովուց պաշտօնատէր էր, Ախուրեան գետին (Արփա լայնի) կողմը դարձած կատարին վրայ ամբողջ մնացած խառնարան (հրաբխի բերան) մը գտաւ, որն որ 35—40 ոտնաչափ երկակտուր (տրամագիծ) ունէր: Ան ահագին սեւ մարմնի լաւան, որ Արագածին ստորոտը կը գտնուի, աս խառնարանէն վազած կ'երեւայ: Հոս պինդ նշանաւոր երկրաբանական դէպքերէն մէկը դիտեց Քարթուն, այսինքն հրաբխային արաստոյ ապառաժին մէջ ամբաւ հատաքար² տեսաւ, որն որ առջինէն յառաջ գոյացած ըլլալով կ'երեւայ թէ արաստոյ ապառաժը հրաբխային զօրութեամբ վեր նետուելու ատեն՝ հատաքարն ալ պատուած, փրցուցած ու մէկտեղ վեր բերած է: Ան ժայռերու ճեղքուածին մէջ, ուր մագլցի ելայ, շատ ձիւն կար, իսկ ժայռին կատարն աւելի քիչ: Հայ բնակչաց պատմածին նայե-

¹ Callisthenes. ² Գլ. Granit. աղկ. Էտալիա Ռալ:

լով՝ Արագածին հարաւային կատարներն Օգոստոսի վերջերը ձիւնէ բոլորովին ազատ կ'ըլլան, բայց ճեղքուածներու մէջէն ձիւն երբեք չհլաւարի:

Արագածի մեծ դարատափէն Ապարանի խորածորին վրայ եղած տեսքը վերջին աստիճանի նկարագեղ է: Աս սոսկալի ու վայրենի դիրքը Յովհաննավանքէն ամենէն գեղեցիկ կը տեսնուի: Սեւ խայտակուծը (սօժափի Ռեւիւր), որ հոս վրայէ վրայ շարուած է, ահագին բարձրութեամբ վերէն ի վար խորածորը կ'իջնայ գրեթէ պառի պէս շիտակ. աս սարսափելի խոր անդունդը վանքին բնակիչներուն առջին տակ կարծես թէ դժուրքի մը բաց բերան է: Ասոր հակառակ՝ անմիջապէս մօտ տեղուանքը կը տեսնես սաստիկ սիրուն երկիր մը զանազան բոյսերու անպատմելի հարստութեամբ: Ասանկով հոս մարդ երկու իրարու բոլորովին հակառակ պատկեր կը գտնէ. մէկը օրհնութեան ու շինութեան երկիր՝ դալար արօտով, ծաղկերնրով, ոչխարներով, գեղերով, մատուռներով, հեշտալուր զանգակներով, ուր ամենայն ինչ այնչափ քաղցր ու զուարթ է, որչափ որ Ալպեան երկրի մը վրայ կարելի է. իսկ քանի մը քայլ անդին զարհուրանաց երկիր մը, բնութիւնը սարսափելի վայրենութիւն մը վրան առեր, խորին անդունդ մը մերկ ու պատառեալ ժայռերով, որոնցմէ դուրս լեռնային գետերը սաստկութեամբ ու խոխոջանօք կը բխեն: Ասանկ թէ սիրուն եւ թէ ահեղ ու վայրենի պատկերէն բաժնուիլն ինծի դժուար եղաւ: Մարդիկներս մինչեւ առաջին օթեւան խաւրեցի, իսկ ես իմ ձիս վանքին պարտիզին ցանկը կապեցի, եւ ժամէ մը աւելի աս նկարչական դիրքը կեցայ զննեցի, որն որ ստուգիւ արժանի էր որ վարպետի մը ձեռք նկարէր իմ հայրենակիցներու համար, որոնք չեն կրնար անձամբ դէպ ի Հայաստան ճամբորդութիւն ընել:

ԵՐԿՈՏԱՍԱՆԵՐՈՐԴ ԳԼՈՒԽ

Պաշարձուկ գեղին Հայ բնակչոցը վրայ տեղեկութիւն :
Տեղւոյն բերքն ու հարկը : Հայ թիկնապահ մը :

ՊԱՋԱՐՃՈՒԿ գեղին Հայազգի բնակիչները 1829ին Պայազիտի կուսակալութենէն Ռուսի սահման անցած էին . բայց իրենց աս բնակափոխութեան մէջ շահով չեղան : Ստոյգ է որ իրենք Տաճկաստանին նոյն կողմերը շատ կուսակալներուն կեղեքելէն եւ Բիւրառուն յափշտակելէն խիստ նեղութիւն կը կրէին , այսու ամենայնիւ անանկ գետնի մը վրայ էին , ուր աղայութենէ անած , մեծցած ու վարժած էին , ուր օգն աւելի բարեխառն էր , եւ երկիրը մշակութեան աշխատանքն աւելի առատ կը վարձատրէր քան թէ Արագածին բարձր ու լեռնային գաւառը : Իրաւ հիմակ հոս ամէն բան սքանչելի ու գեղեցիկ կ'երեւար , արեւը հեշտ կը տաքցընէր , ամէն կողմ կանաչազարդ էր , այնպէս որ մարդ կ'ուզէր միշտ առանկ Ալպեան արեգիկը դարատափի մը վրայ կեանք անցընել , ասանկ համեմատ հոս օդի մէջ , առանկ գետնի մը վրայ , զորն որ ամենաբոյր բոյսերն ու գոյնագոյն ծաղիկները կը զարդարեն : Բայց ասիկայ շատ քիչ կը տեսէ , ինչպէս բարի գեղացիներն ալ՝ երբոր լսեցին որ աս տեղւոյն գեղեցկութեանը վրայ զմայլեր մնացեր եմ , ըսին :

“ Եւ , պարոն , ո՛ւր է որ հոս միշտ հիմակուան պէս ըլլար . եթէ կը հաճիք՝ մէյ մը ձմեռը մեզի հրամայեցէք , ան ատեն կը տեսնէք որ ձիւներու կոյտին մէջ գրեթէ թաղուած ենք , կրակ վառելու փայտ չունինք , հապա ստիպուած ենք չոր աթար (լէղէ +) վառել , որն որ կրնայ եփել քիչ մը բան , բայց չիկրնար խուց մը տաքցընել : Եօթն ամիս ձիւնը կը պատէ զմեզ ձողաչափ բարձրութեամբ , եւ հաղիւթէ Մայիսին մէջերը կը հալի կ'երթայ , սակայն ան-

կից ալ մինչեւ Սեպտեմբեր շատ հեղ ժամանակը հերիք չ'ըլլար գարին հասուն ընելու։ Քիչ անգամ կը պատահի որ հունձքը ցանուածին կրկնապատկէն աւելի տայ։ շատ անգամ բոլորովին կը կորսուի կը փչանայ, ան առեն մենք ալ կը ստիպուինք՝ մեր ամենէն ընտիր գուարը (ոչխար, եզ, եւ այլն) մորթել եւ միտը ձմեռուան համար աղել, եթէ չենք ուզեր անօթիութենէ մեանիլ։ Ամառուան կարճութիւնն ալ թող չիտար մեզի որ շաաուոր գուար սնուցանենք, ինչու որ այնչափ երկայն ձմեռուան համար բաւական չոր խոտ չենք կրնար գանել ու պահել։ Բայց ասիկայ Ռուս հարկահանը (տուրք ժողովողը) չիհասկընար, եւ մեր վրայ այնչափ բեռ կը դնէ, որչափ Երասխի քով գաշտաբնակ գեղացւոց վրայ, որոնք ցորենեղէն, բամբակ ու պտուղ առատութեամբ կը քաղեն, ուր որ մենք ամենէն բերրի տարիներն ալ՝ անխոնջ աշխատելէն եւ սակաւապէտ կեանք անցընելէն ետքը՝ ան բարձր տուրքերը վճարելու կարողութիւն չունինք։ Թէպէտ կամօք եւ ուղելով Ռուսաստանի մեծ կայսեր հպատակ ենք, որովհետեւ ինք քրիստոնեայ իշխան է, մեր կրօնը, մեր եկեղեցիները կը յարգէ, մեր եկեղեցականները կը պաշտպանէ, եւ աղէկ ու հայրաբար կը հոգայ, եւ թէպէտ Քիւրաբէն այնչափ կը վախնանք, ի վերայ այսր ամենայնի աւելի յօժարութեամբ կ'ուղենք մեր առաջին բնակութեան տեղուանքն ըլլալ, ուր անօթիութիւն չէինք զգար, ուր երկիրն այսպէս ապերախտ չէր, ուր օգը նուազ խստութիւն ունէր, եւ մենք հարկահանները կրնայինք դո՛հ ընել, ու ծեծ ուտելէն վախ չունէինք, ինչպէս հոս Ռուսաց մէջ ունինք, եւ ընդհանրապէս անանկ գառն թշուառութեան մէջ չէինք, ինչպէս հոս,։

Ահաւասիկ թէ Պազարճուկի բնակչաց եւ թէ Արագածի վրայ ապրող մէկալ Հայ գեղացւոց ըրած

որտուհիներուն էական իմաստն ասիկայ է: Աս դառն քանքատները կէս մը իրենք իրենցմէ ըրին, կէս մ'ալ ես իրենց վիճակին վրայ տեղեկութիւն խնդրելով՝ կրցայ իմանալ, բայց ան ալ երկայն տտեն հարցընելէս ետքը, ինչու որ անոնք ասանկ օտարական հիւր մը մէջերնին տեսնելով՝ ի սկզբան կարծեցին, որ Ռուս պաշտօնատէր մըն եմ, սակայն իրենց հետ յաճախ ընտանեբար կենակցելովս՝ առաջին վտին ու բնական անվստահութիւնը կորսնցուցին ու բացուեցան: Աս բարի մարդիկներն իրենց լեռնական առանձնութեան մէջ Երասխայ Թաթարներուն պէս չէին գիտեր որ աշխարհքիս վրայ Նեմօյէ ազգ ու երկիր կայ: Ինչպէս կ'երեւայ, Տրապիզոնէն անդին Նեմօյէ Կոնի եւ ոչ անունը կը լսուի: Խաչակրաց ատեն Գերմանացուց կայսրներուն Փղբը Ասիայի մէջ գործածները, Եւգինէոս զօրապետին յաղթութիւնները գրեթէ անհետ ու անյիշատակ եղած են: Սակայն զիս աւելի ան զարմացուց որ Արագածի Հայերն եւ ոչ Անգլիկներու անունը գիտէին, որոնց համբաւը հիմայ բոլոր արեւելք բռնած է: Աս գեղացիները միայն Ռուսը, Տաճիկն ու Պարսիկը կը կարծէին որ ինքնագլուխ տէրութիւններ են: Զանազի որ ասոնց սխալը շիտկեմ, որն որ ինծի շատ գոհուար եղաւ: Պր. Աբովեանին բերնով Եւրոպայի տէրութեանց վրայ երկայն բարակ ստորագրութիւն մ'ըրի, եւ շատ ճգնեցայ որ իրենց գաղափար մը տամ Գերմանիայի գեղեցկութեան, երկրագործութեան ծաղկեալ վիճակին, քաղաքներուն փառաւորութեան ու ասոնց նման բաներուն վրայ: Բայց այսչափ խօսքերէս ետքը՝ դժկամակութեամբ նոյնը լռեցի, զորն որ Երասխայ քովի Պարսիկ խանն ալ ըսած էր. «Այ դու, եթէ քու տեղդ այդչափ գեղեցիկ է, եթէ հոն անանկ երջանկութեամբ կ'ապրի մարդ, քու հայրենիքդ ինչո՞ւ չես մնար, ինչո՞ւ մեզի կու գաս, ի՞նչ

բան զքեզ կը հրաւիրէ աս մեր անապատը, աս տղա-
քատութեան ու կարօտութեան երկիրը, :

Պազարճուկի բնակչաց Եւրոպայի վրայ գաղա-
փար չունենալուն համար աւելի եւս զարմացայ,
երբոր Հայազգի երիտասարդ մը տեսայ, որն որ ժա-
մանակաւ Պասկեւիչ իշխանին արեւելեան թիկնա-
պահներուն մէջն է գտնուեր, եւ իր փառաւոր բայց
հինցած նշանազգեստը դեռ կը հագնէր: Ասիկայ
նոյն խմբին մէջ երկու տարի ծառայեր է, Վարչաւի
մէջ եւրոպական կեանք տեսեր է, եւ իր հայրենա-
կիցներուն ալ շատ բան կը պատմէ եղեր, սակայն՝
ինչպէս ծեր մը զրուցեց, լսողներն ամենեւին չեն
հաւատար ու վրան կը ծիծաղին եղեր: Ասոր պատ-
ճառն ան էր որ աս երիտասարդը զինուորական ծա-
ռայութենէ դարձած ատեն՝ մէկքանի եւրոպական
մոլութիւններ ու թուլութիւններ ալ հետն է բե-
րեր, որով բոլոր համարումը կորսնցուցեր է, եւ ինչ
որ կ'ըսէ նէ, սուտ ու մեծաբանութիւն կը սեպեն
եղեր. ուր որ եթէ աղէկ ու ըստ պատշաճի վար-
մունք ունենար, բոլոր գեղին մէջ ինք կ'ըլլար հրա-
մայօղ: Ես ասոր հարցուցի թէ Վարչաւ չէ նէ Արա-
գած աւելի կը սիրէ, ինք անկեղծութեամբ պատաս-
խան տուաւ թէ «Մարդ հայրենեաց մէջ աւելի յօ-
ժարութեամբ կը կենայ քան թէ օտար երկրի մէջ.
ստորագ է որ ապրուստս ու հագուստս այնպէս աղէկ
ու փառաւոր չեն, բայց հոգ ալ չունիմ հրացանս
փայլեցընելու եւ թիկնոցս մաքրելու. կանչող թմբու-
կին ձայնը չեմ լսեր, եւ ծեծէ ալ վախ չունիմ,
երբոր իմ անակս ուշ կու գամ», :

ԵՐԵՔՏԱՍԱՆԵՐՈՐԴ ԳԼՈՒԽ

Պարսկաստանէն ու Ցաճկաստանէն Ռուսաստան դաղթող Հայերուն պատմութիւնը: Արագած լեռան վրայ բնակած ընդհանուր Հայոց թիւն ու վիճակը: Արագածի տնհամեմատ գեղեցիկ դիրքը:

ԱՐԱԳԱԾ լեռան այլեւայլ դարատափներուն վրայ 2½ հայաբնակ գեղ կայ, որոնց մէջ գրեթէ 1700 ընտանիք կը բնակին, սակայն տասնցմէ զատ՝ կը տեսնուին նաեւ շատ ւքեալ գեղերու եւ փլած եկեղեցիներու աւերակներ: Աս Հայազգիներուն գրեթէ բոլորն ալ Ցաճկաստանէն եկած են, որոնք Ռուսաստանի կառավարութեան յայտնի հրաւիրանքէն ու յորգորանքէն շարժելով՝ ետ դարձող Ռուս բանակներուն հետ ճամբայ ելան, որովհետեւ Ռուսն տս վախճանի համար հաշտութեան դաշանց մէջ դնել տուած էր որ Ցաճկաստանի ան կողման քրիստոնեայ հպատակներն ազատութիւն ունենան՝ ուզած ատեննին աւրիշ տէրութեանց երկիրները դաղթականութիւն ընելու: Հիմայ բոլոր Արագած լեռանց դարատափներուն եւ ձորերուն մէջ բնակող դաղթականաց թիւը 5—6000 ընտանիք կը հասնի: Ասոնք հոս մանաւանդ իսկզբան շատ նեղութիւն կրեցին, ինչու որ երկայն ճամբորդութեան մէջ իրենց դուռարին մեծ մասը ջրնջուած էր. Արագածի վրայ ոչ պատրաստ բնակութիւն կար՝ որ ան սաստիկ ձմեռուան մէջ զիրենք պատուարէր, ոչ ալ ուտելիք կար՝ որ իրենց սնունդ ըլլար. ասիկայ անանկ կարօտութիւն մըն էր որ ամենէն դառն ու խեղճ օտորտգրութիւնն ալ իրականէն շատ վար կը մնայ: Նայման դրագէտը Հայազգի Լազարէվ զօրավարին առաջնորդութեամբ Պարսկաստանէն Ռուսաստան գացող Հայոց պատմութեան մէջ անոնց կրած նեղութիւններն ու դժբախտութիւններն յիշած է, եւ չափազանց բան մ'ըսած չէ հաստատելով, որ Երեւան եւ Նախիջեւան եկող

Հայազգիներուն կէտը խեղճութենէ ու անօթիութե-
նէ մեռաւ: Նայման ինծի հետ մէկտեղ Արագած
գալու ըլլար, իր հետաքրքրական պատմութիւնը կա-
տարեւազործելու առատ նիւթ կը գտնէր՝ առ գաղ-
թականներուն պատմածները լսելով, որոնք ինչպէս
ըսինք, ըստ մեծի մասին Տաճկաստանէն եկած են,
իսկ Պարսկաստանէն եկողները Նախիջեւանի ու Ե-
րիւանի կողմերը բնակութիւննին հաստատեցին:

Ռուսաստան՝ գրեթէ միայն Լազարէվ գնդապե-
տին (Վերալայն) ջանքովը Պարսկաստանէն եկած այն-
չափ բազմութիւ մարդիկը ստացաւ. որոնք իր աւե-
րեալ ու ամայի սահմանակողմերը՝ ճարտար, ջանա-
սէր, խաղաղասէր, օգտակար, հաւատարիմ քրիստո-
նեայ հպատակներով շէնցուցին: Լազարէվ՝ որ նախ
Պասկեւիչ զօրապետին հրամանատարութեանը ներ-
քեւ իբրեւ զինուորական, եւ ետքէն Ռուսաց եւ Պար-
սից տէրութեան մէջ իբրեւ քաջ խօսնակից երեւելի
եղաւ, իրեն Պարսկաստան բնակող ազգակից եղբայր-
ներուն (Հայոց) Ռուսի գրօշին պաշտպանութեան ներ-
քեւ մտնելը անոնց համար ամենէն երջանիկ բախտ ու
վիճակ կը սեպէր: 1828ին Մարտի մէջերը հաշտու-
թեան դաշինքն երկու արքունիքն ալ վաւերագրելէն¹
ետքը՝ Ռուսաց զօրքն Ատրպատականի մայրաքաղա-
քը թողուցին ելան: Աս նահանգէն, որ Պարսկաս-
տանի ամենէն գեղեցիկ ու բերրի երկիրներէն մէկն
է, սկսաւ Հայոց գեղերուն գաղթականութիւնը, եւ
կ'երթար դէպ ի Ռուսաց Գարապաղ սահմանագաւա-
ռը, որուն մէջտեղը կար Շուշայի ամուր բերդը:
Պարսից պաշտօնատէրները զարհուրեցան, երբոր ի-
րենց կարծեացը դէմ ամբողջ գեղերուն ու քաղաք-
ներուն պարպուիլն ու անմարդի ըլլալը տեսան: Հայք
Լազարէվն իրենց ազատիչը կը կանչէին ու լիաբերան

¹ Ratifier. Թագաւորական կողմանէ հաստատել. պաշտօ-
նական կերպով ստորագրել եւ ընդունիլ:

կը գովէին, եւ աս գաղթականութիւնը տիեզերական պատմութեան մէջ միակ դէպք եւ որտից ու հոգւոց միաւարութիւն կ'անուանէին: Աբաս Միրզա արքայորդին, որուն առջեւ իր կեղեքիչ ու արիւն-ռուշտ պաշտօնատէրները միշտ այնպէս կը պատմէին, որ հպատակները Պարսից իշխանութեան տակ երջանիկ են, ինք իրմէ ելաւ: Ձեռքի տակէն զանազան հնարքներ եղան՝ աս գաղթականներն իրենց ճամբէն արգելելու համար, որոնց վրայ ընդարձակ կը խօսի էլի Սմիթ իր Խոշորի-Նիւնի¹ Հայաստան¹ ըստած գրքին մէջ: Իսկ Պարսիկները Ռուսաց վրայ աս պակսութիւնը կը դնէին որ մէկուն մէկալին կաշառ կերցուցած եւ շատերը խաբած ըլլան:

Լմենէն գէշն ան էր որ Պարսից կառավարութիւնը՝ գացող Հայերուն անշարժ ինչքը գնեն իր հպատակներուն արգելեց, որով հոլատէրներուն շատերը ստիպուեցան մնալ, ոմանք ալ իրենց ամէն ստացուածն ու բարեկեցիկ վիճակը թող տուին ելան՝ բոլոր վստահութիւններն իրենց նոր տիրոջը վրայ գնելով, բայց գաղթականներուն շատութիւնը՝ շուտով մը սով պատճառեց: Սալմաստէն, Որմիէն, Մարաղայէն եւ նոյն իսկ Խազվիէն գաղթականներ եկան, որոնք Մարաղայի քովերը Քիւրտիստանի կողմերէն եկածներուն խմբին հետ միացան, բայց աս վերջիններէն շատերը լերանց կիրճերուն մէջ Քիւրտերը սպաննեցին, որոնք գիշակեր անասուններուն պէս անգէն խաշանց ետեւէն ինկած էին: Ռուս պաշտօնատէրները, որոնց յանձնուած էր աս գաղթականաց առաջնորդել, խիստ քիչ ըլլալով՝ զանոնք պաշտպանել չէին կրնար: Երեսի գետին վրայէն անդին անցնելէն ետքը սովը չէ թէ միայն չմեղմացաւ, այլ սաստկացաւ ալ. կայսրմէ եւ Լազարէվին առանձնական քսակէն վեհանձնութեամբ տրուած

¹ Researches in Armenia.

դրամոց գումարը գէթ վերջին աստիճանի զգալի կարօտութիւնները հոգալու ալ ամենեւին բաւական չէր։ Գաղթականաց 5000 ընտանիք ունեցող առաջին բաժինը 1828ին Ապրիլի 28ին Երասխէն անդին անցնելու ատեն՝ արդէն սկսան չքաւորութիւն զգալ նաւու, ձիու, բնակարանի եւ հացի կողմանէ։ Հայերը թողուցին Ումիայ ծովակին բերրի ու աղէկ մշակութ բոլորտիքն ու խոյ գաւառը, եւ անանկ երկիր մը գացին, որն որ դեռ նոր պիտի մշակուէր, ուր զիրենք ընդունելու համար բան մը հոգացուած չէր։ 8000 ընտանեացմէ աւելի մարդիկ $3\frac{1}{2}$ ամսուան մէջ Երասխէն անդին անցան, ասոնց նպաստելու համար միայն 14,000 Գո-Քո-Կո-Քոսկի տրուեցաւ։ Էլի Սմիթիբրեւ Դավլըժի Հայ Եպիսկոպոսին բերնէն լսած՝ կը հաստատէ որ բոլոր Ատրպատական գաւառէն 9000 ընտանիք ելան գացին, 2500ի չափ տնուոր մնացին եւ 50—60 ընտանիք ալ նորէն ետ դարձան։ Ասանկով Երասխի հիւսիսային կողմը կարգադրելի նոր Հայաստանը գրեթէ 40,000 քրիստոնեայ հպատակներով լեցուեցաւ, որոնք Ռուսի սահմանին վրայ օգտակար ու ամուր պատուար մը կը կազմէին, եթէ իրենց թիւը մահուամբ երեւելապէս չպակսէր։

Տարի մը ետքը Տաճկի Հայաստանէն, այսինքն՝ Պայազլիտի, Թօփրազ գալէի, Կարսի, Կարնոյ ու Վանայ կողմերէն եկող գաղթականներն ալ՝ որոնց թիւը Ֆոնթան կը դնէ 14,000 ընտանիք կամ 90,000 հոգի, մի եւ նոյն թշուառութեան մէջ ինկան։ Նաեւ ասոնցմէ շատերը զոհ եղան երկայն ճամբորդութեան մը տաժանումներուն, քիւրտերու սպանութեանց, չքաւորութեանց, սովի եւ անթիւութեան, մանաւանդ Ռուսաց երկիրը մտնելէն ետքը, ուր երկայն ժամանակ անպատասպարան մնալով՝ կէս մը Արագած լեռանց վրայ, կէս մ'ալ Ախուրեան գետին բոլորտիքը կը թափառէին։ Աս մարդիկները թէպէտեւ պզտի-

կուց քիչով գոհ ըլլալու, գէշ խրճիթներու մէջ բնակելու, հարստահարութեանց, կարօտութեանց եւ ամէն կերպ չարչարանաց վարժած են, ի վերայ այսր ամենայնի սիրտ ճմլելու խօսքերով ինծի ստորագրեցին թէ առջի տարիներն ինչ նեղութիւններ կրեր են եւ թէ ինչ վշտաց ու դառնութեանց մէջ կ'իյնան եղեր տեսնելով իրենց զաւկըներուն, եղբայրներուն եւ բարեկամներուն վերջին աստիճանի խեղճութեամբ մարիլ ու մեռնիլը: Դժբախտութեամբ Ռուսաց ստորին պաշտօնատէրներն ալ՝ իրենց կառավարութեան բաղձանաց եւ կամացը դէմ՝ ասանկ արտասուելի թշուառութիւնը մեղմելու համար բան մը չըրին: Դանաւանդ թէ անոնցմէ շատերն ան աստիճանի անամօթացան որ քիչ մը շարժական ինչք ունեցող քանի մը գաղթականաց ձեռքէն՝ նոյն փոքր մնացորդն ալ կողոպտեցին առին: Աս բարի, անմեղ ու գործասէր Հայազգի գեղացիները 14 տարի Արագածի վրայ բնակելէն ետքը դեռ չկրցան քիչ մը հոգի առնել, եւ շատ անգամ հնձոց անյաջողութեան հանդիպելով՝ ծանր տուրքերու տակ կը հեծեն եւ ողբալի վիճակի մը մէջ են: Ստուգիւ արժանի են ասոնք որ Տփղիսի ընդհանուր կուսակալն անոնց գտնուած վիճակին վրայ մինչեւ հիմակ եղածէն աւելի հոգ ու խնամ տանի:

Հայաստան իմ տեսած Ալպեան երկիրներու մէջ Արագածի մեծ դարատափը պինտ գեղեցիկն է: Ռուսի Վաւկասին վրայ չկայ ուրիշ տեղ մը, որ ծաղկըներուն պէսպիսութեամբն ու շատութեամբը, աղբիւրներուն առատութեամբն ու ամառնային օդին քաղցրութեամբը հաւասար ըլլայ Արագածի: Հայաստանին երջանիկ ատենները մեծամեծ մարդիկ, եկեղեցականներն ու ժողովուրդն աս սիրուն տեսքին եւ զով ու զօրացուցիչ օդին յարգն աւելի աղէկ կը ճանչնային: Շատ ամայի վանքերն ու շատ գեղերու

աւերակները կը ցուցնեն թէ ժամանակաւ հոս ինչ խիտ բազմութիւն կար: Պարսիկ կուսակալներն ալ հոս սիրուն գիւղական բնակութիւն մ'ունէին, ուր ամառուան սաստիկ տոնները կը փախչէին, երբոր Երասխայ գաշտերուն վրայ Յուլիսի տապն ամէն տընկերը կը չորցնէր եւ Երիւանի բոլորտիքն ալ տենդ կը յաճախէր: Աս լերանց օդաբաժինը վերջին աստիճանի առողջ է, եւ ձմեռուան խստութեան վրայ այնպէս տժգոհացող գեղացիներն ալ իրենց բնակութեան աս պարծանքը յիշատակելու չմոռցան: Հոս ոչ տենդ կայ, ոչ ժանտախտ հասած է երբեք աս բարձրութեան եւ ոչ ալ ուրիշ տարափոխիկ հիւանդութիւններ: Թէպէտ ամէնքն ալ անանկ խիստ պահք կը պահեն ու այնչափ ողորմելութեան մէջ են, այսու ամենայնիւ զօրաւոր ու ջղոտ տեսք ունին: Ինծի գծուար եղաւ աս առողջ, զով ու ամառուան մէջ ասանկ զուարթ ու ծաղկեալ լեռնագաւառը թողուլ եւ նորէն իջնալ Վրաստանի հովիտներուն մէջ տապալդին օդ շնչելու:

2 ՈՐԵՔՏԱՍԱՆԵՐՈՐԴ ԳԼՈՒԽ

Արագած լեռներէն մինչեւ Կումրի երկրաբանական զննութիւն: Նոր Կումրի կամ Աղէքսանդրուպոլիս քաղքին ստորագրութիւնն ու բնակչաց թիւը: Կումրիի բերդին տմրութիւնն ու մեծութիւնը: Գլխաւոր տեղեաց իրարմէ ունեցած մշտնական հեռաւորութիւնը: Դարձի Վրաստան: Կումրիի մօտ երկրին բոլորքը. փայտի պակասութիւն: Համամը գեղ:

ԱՐԱԳԱԾՈՒ գարատափին հիւսիսային կողմէն վար իջայ դէպ ի Կումրիի լեռնագաւառը, բայց աս ահագին լեռնաստանին այլեւայլ գեղեցիկ տեսքերը դիտելու համար շատ տեղ կը կենայի: Ստոյգ Արագած հրաբխային լերանց զատ խումբ մըն է, սակայն հիւսիսային արեւմտեան կողմանէ տկար կապակցութիւն մ'ունի ան լերանց գօտւոյն հետ, որն որ Ախալքիխէ (Ախլսիա) քաղքէն սկսեալ՝ զանազան շիտկութեամբ

մածախ կ'ըլլար Աղէքսանդրուպոլսին անանկ հոյակապ բերդը շինել, ինչու որ սեւակուճ կամ երկաթակուճ¹ արաստոյ եւ ուրիշ խիստ ապառաժ քարերը կոփելն ու գործելը շատ դժուար է: Արարատի ու Սեւանայ ծովին քովերն աս փշրաքարին եւ ոչ փոքր նշմարանքը տեսայ:

Պտոյտներս լմնցընելէն ետքը՝ ինծի բաւական հանգստեան տեղ եղաւ նոր կումրի կամ Աղէքսանդրուպոլս, ինչպէս որ Ռուսերն ուզեցին անուանել: Ասիկայ միայն պատերազմի նկատմամբ երեւելի եւ ամուր դիրք է, բայց վաճառականութեան եւ արուեստից կողմանէ նշանաւորութիւն մը չունի, եւ Ռուսաց նոր քաղաքներուն կը նմանի, այսինքն կատարեալ կանոնաւորութիւն, ուղղագիծ եւ ընդարձակ փողոցներ, զօրանոցներու նման շէնքեր, մեծամեծ հրապարակներ, եւ ամենայն ինչ օգբանուկ, բաց ու միակերպ: Բնակչաց թիւն է գրեթէ 6000 հոգի, որոնց մեծ մասը կը կացուցանեն Տաճկաստանէն դաղթող Հայազգիները, որոնք հոս ձեռագործէ ու խաւովթպանութենէ կ'ապրին:

Աւակասի ասդիի ու անդիի կողման նահանգներուն մէջ Ռուսաց շինած բերդերուն ամենէն երեւելին ու հրաշակերտը կումրիինն է: Սեւ ու կասպից ծովերուն եզերաց վրայի բերդերն ամրութեան եւ ընդարձակութեան կողմանէ ամենեւին չեն կրնար ասոր հետ համեմատուիլ: Ասիկայ փշրաքարէ բլրի մը վրայ շինուած է, քաղքին վրայ կը տիրէ. իսկ իր բոլորտիքն եղած ժայռերը թէ կէս մը պատի տեղ կը բռնեն, եւ թէ անոր բնական ամրութիւնը կ'աւելցընեն: Հոս մարդ կը տեսնէ ընդարձակ եւ հաստաբետ զօրանոցներ, ընդերկրեայ խցեր, մթերանոցներ, նկուղներ, հիւանդանոցներ, որոնց ամէն մէկը կրնայ մտածուիլ իբրեւ զատ զատ ամրոց: Վերջա-

¹ Գ. Ղ. Basalte.

պէս Սեբաստուպոլիս (Սեաստոփոլ) քաղքէն զատ՝
ինչ որ Ռուսաց պատերազմական շէնք տեսայ նէ,
Կումրիի բերդէն շատ վար կը մնայ: Պոնտոսի քով
Ռուսաց ամրոցներուն վրայ տեսնուած անհոգու-
թիւնը ու վերիվերոյ գործելը չիտեսնուիր Ախուրեան
սահմանաբերդի ճարտարապետին վրայ: Հոս շէնքը
հանգստեամբ գործուեցաւ եւ կամաց կամաց յառաջ
գնաց. 1846ին լմնեցած պիտի ըլլար, ու թնդանօթ-
ներով եւ ամէն պատերազմական մթերով լեցուած:

Աս Ախուրեան բերդը 60,000 հոգւոյ բանակ կըր-
նայ ընդունիլ, եւ յանկարծական պատերազմի կամ
յարձակման ատեն բոլոր քաղքին ու գեղերուն բնակ-
չացը համար ալ բերդին մէջ տեղ կայ: Բերդին բնա-
կան ու արուեստական սաստիկ ամրութեանը նայե-
լով՝ քանի մը հազար բերդապահներ ալ բազմա-
գունդ թշնամեաց դէմ երկայն ատեն կրնան պաշտ-
պանել: Ռուսի Հայաստանին մէջ ասոր հետ մէկ-
տեղ ուրիշ երկու երեւելի դիրք ալ կայ, որ պատե-
րազմի ատեն իբրեւ դուրս ելլելու դուռ կրնան մտա-
ծուիլ, այսինքն Սարդարապատի կիրճը Խոշափանքի
վրայէն, եւ Արարատին այն կիրճն որ Պայազիտի
հիւսիսային կողմն է:

Ղամբորդներուն գիտութեանն ու դիւրութեանը
համար հոստեղաց ու Տաճկի Հայաստանին քանի մը
երեւելի տեղերուն իրարմէ ունեցած հեռաւորու-
թիւնն ալ դնելն ազէկ է: Կումրիէն մինչեւ Կարս
է 65 ռուսական մղոն (վերսթ, որն որ հասարակ
քալելով գրեթէ 17—20 րոպէի ճամբայ է). Կար-
սէն մինչեւ Քէթէնլի 25 ռուս. մղոն: Ասկից երկու
ճամբայ կայ՝ Երասխայ քովի Կերպիկեւ ըսուած տե-
ղը հասնելու, որոնց մէկը կ'երթայ Տէլի-Մուսա-
Փէրունին վրայէն եւ 80 ռուս. մղոն է, մէկալը 2ի-
րիքի վրայէն 100 ռուս. մղոն: Աս երկու ճամբան
ալ Կերպիկեւ կ'երթան կը միանան. հոսկից մինչեւ

Հասանգատէ 15 ռուս. մղոն. ասկից ալ ինչուան
կարին (Էրշէրոմ) 40 ռուս. մղոն. աս մղոններուն
ամէնը մէկտեղ այսինքն՝ կումրիէն մինչեւ կարին
կ'ընէ 225—245:

Կումրիի եւ Տփղիսի մէջ Ռուսերը դեռ շեռակ
կառուղի (կառք անցնելու համար լայն ճամբայ) չե-
նած չեն: Ով որ կ'ուզէ օթեւանով (Ռէշէլով) ճամ-
բորդութիւն ընել, կը պարտաւորի ճամբէն շատ շե-
ղիլ ու Տիլիշան կրճին վրայէն երթալ, ուր Երեւա-
նի արահետը կը հասնի: Բայց ես կէս մը՝ պտըտած
երկիրներս մէյ մ'ալ տեսնելու յօժարութիւն չու-
նենալով, կէս մ'ալ Ռուսաց սայլակառքին (Ռէշէլօքն)
ահագին ցնցումներէն սոսկալով՝ Ճէլալ-Օղլույին ու
Լալուար լերան վրայէն Վրաստան դարձայ: Աս վախ-
ճանաւ կումրի հինգ ձի բռնեցի եւ առտուանց կա-
նուխ ճամբայ ելայ Ռուսաց աս ռահմանաքաղ-
քէն, որն որ թէպէտ առողջ օգ ունի, բայց Ռուս
պաշտօնատէրներէն իբրեւ աքսորանաց տեղ մը կ'ա-
տուի, ինչու որ ձմեռը սաստիկ ու երկարատեւ է եւ
փայտ գտնեն ալ դժուար: Աս լեռնադաշտն ամա-
ռը կը զարգարուի պարարտ խոտերով եւ սիրուն
ծաղկրներով, սակայն առ հասարակ անտառ կը պակ-
սի: Հոս նոյն իսկ մշակեալ եւ ընտանի ծառերուն
միայն ան տեսակները կրնան ձմեռն անմեռս անցը-
նել, որոնք ծովին երեսէն գրեթէ 5000 ոտնաչափ
բարձր տեղեր կ'աճին եւ 25—30 Ռէ. ցրտութեան
աստիճանին կրնան դիմանալ: Աս ծառերու պակա-
սութիւնն ու գետնին մերկութիւնը կումրիէն մէկ
օրուան ճամբայ հեռու ալ կը շարունակէ:

Ատոյգ է որ ամէն տեղ հիւթալից խոտերուն կա-
նաչ եւ գոյնզգոյն ծածկոյթն ու գեղեցիկ ալպեան
ծաղիկներն աս լեռնադաւառին երեսն ու բոլոր լե-
րանց կողերն ու հովիտները շքեղ ու զուարճ կը
զարգարեն, ամառնային արօտն ալ շատ ընտիր

եւ սքանչելի է, սակայն պարագայ տեղ մարդուս աչքը կը փնտռէ բարձր ծառերու անտառ մը հողմաշարժ ու վարսաւոր ճիւղերով, որուն տեղը չեն կրնար բռնել ամենագեղ ալպեան ծաղիկներն ալ. նոյն իսկ վայրենի վարդի թփերն անգամ, որոնք հազիւ թէ գետնէն վեր կանգուն մը կը բարձրանան, դժուարագիւտ են: Իսկ ցած ու կարճ տնկերուն կ'երեւայ թէ հրաբխային փշրաքարին հողը շատ օգնութիւն կ'ընէ, ինչու որ ասիկայ օդին, ջրին ու տնկոց հիւթերուն աղգեցութեամբը շուտով կը փխրի ու կը մանրի, եւ փտտած բոյսերուն հետ խառնուելով՝ մութ ու պարարտ հող կ'ըլլայ: Աս փշրաքարը կումրիէն մինչեւ Համամը գեղէն անդին կը տարածուի: Բայց կ'երեւայ որ հոս անտառ չգտնուելուն աւելի պատճառ եղած է մարդիկներուն քանդիչ ու ապականիչ ձեռքը քան թէ օդաբաժնին խստութիւնը: Համամը գեղին մէջ ծերունի մը ինծի պատմեց որ իր տղայութեան ատեն հոս բարձր եղելին (չա՛) եւ ոփի (գայլն աղաճը) ծառերու շքին ներքեւ կը խաղայ եղեր. զորոնք հետզհետէ շէնքի ու վառելու գործածելով՝ ընդարձակ տեղւոյն բոլոր անտառներն ալ ջնջեր ու արմատաքի են խլեր: Աս պզտիկ Համամը գեղին բոլորտիքը արտաքոյ կարգի ձեւերով ժայռեր կան: Կումրիէն ելլելէս ետեւ առաջին գիշերօթս հոս ըրի, ուր եկեղեցական մը տեղւոյն առողջ օդը շատ գովելով՝ հաստատեց որ իրենց մէջ 110 եւ անկից ալ աւելի տարւան ծերեր շատ կ'ըլլան, ու բնակչաց մեծ մասը կը տեսնէ իր երրորդ մինչեւ չորրորդ սերունդը:

ՀԱԳԵՏԱՍԱՆԵՐՈՐԴ ԳԼՈՒԽ

Հոռտեղաց ձիերուն գերազանցութիւնը: Գրչլախ գեղն ու անտառները: Հանքային ջուրը: Տէրգէր գեղն ու Լալուար լէրինք: Ռուսի Հայաստանին բնակչաց թիւը:

Աս տեղուանք ձիով ճամբորդութիւնը մարդուս ստոյգ բերկրութիւն կը բերէ: Առմարիի քաղաքացեալին գրով տուած հրամանը մեզի ամէն տեղ պատրաստ ձիանք ճարեց. ասանկով միշտ կանուխկեկ կը հասնէինք ան տեղն ուր որ գիշերօթել կ'ուզէի, եւ չմթնցած՝ երկրաբանական մուրճը, տնկացոյցն ու միջատ բռնելու ցանցը հետս առնելով՝ չորս դին մէյ մը պտրտելու ժամանակ կ'ունենայի: Առմարիի եւ Վրաստանի մէջ եղած լեռնադաւառին ձիերուն ցեղը շատ ազնիւ էր, եւ նոյն իսկ Գարապաղին ուժեղ ձիերն ու Երասխայ դաշտին կրակոտ երիվարներն ալ արտաքին գեղեցկութեամբ, շուտութեամբ ու տուկացողութեամբ կը գերազանցէ: Ամենէն ողորմելի գեղերուն մէջն ալ բուն հասարակ գրաստներն անգամ ձեւերնուն կողմանէ անանկ զարմանալի աղուութիւն ունին, եւ անանկ սէգ, ազնիւ ու ամէն մէկ շարժման մէջ սիրուն են եւ միանգամայն այնպէս զօրաւոր, խրոխտ եւ վառվռուն՝ որ կարծեմ թէ նոյն իսկ Շթուկարթի տիեզերահռչակ արքունի ձիաստաններուն մէջ Հայաստանի աս կողման գեղացւոց ձիանքն ալ շատ աղէկ կը վայլէին:

Ինծի կ'երեւայ որ Գերմանացի ձիավաճառի մը համար գէշ առուտուր չէ՝ հոսկից ձի տանելու փորձ մ'ընել: Նոյն իսկ Առմարիի մէջ խիստ գեղեցիկ որձ ձի մը քիչ անգամ 60 արծաթ ռուբլիէն (Գարպո-վանդէն) աւելի կ'արժէ: Անկից մինչեւ Տրապիզոն 16—18 օրուան մէջ ձին հանգիստ կրնայ բերուիլ, ասկից ալ ինչուան Թրեստ գրեթէ նոյնչափ ատեն նուան մէջ շոգենաւով կը հասնի:

Վոլմրիէն ելելէս երկու օր ետքը Հայոց Գրչլախ գեղին քով առաջին անտառներուն տեսքը զիս շատ ուրախացուց: Ով որ երկայն ատեն մերկ ու լերկ լեռնաստանի մը վրայ կեցած է նէ, կրնայ իմ ուրախութիւնս իմանալ: Շուտ մը չուն կեցուցի, բեռերը վար առնել տուի, եւ աղուոր ուփի ծառի մը շքին ներքեւ բարձր խոտի վրայ հանգչեցայ: Մարդիկներս խռիւ ու չոր ճիւղեր ժողվելով՝ ուրախաբար խարոյկ մը վառեցին, որուն ծփեալ բոցերն ու ճայթիւնը մեծ զուարճութիւն տուին ինծի: Բայց իմ Իւան խազախս փայտին ճայթող բոցերն այնչափ չզուարթացուցին, որչափ կաթսային մէջ շառաչող եղն ու փէլան ու հաւը: Աս զով շքին մէջ հանգչելէն եւ կերակրով կազդուրելէն ետքը՝ նորէն ճամբայ ելանք Տէրգէր հասնելու համար: Եւ որովհետեւ աս կողմերը խուժք մը Թաթար աւազակներու պատճառաւ վտանգաւոր կը համարուէին, խազախներուն մօտաւոր պահականոցէն (խուլլախէն) ուղեկիցներ առի: Գրչլախին Հայազգի բնակիչներն ալ քանքատեցին որ շատ հեղ իրենց գեղը կու գան կը կողոպտեն, այսու ամենայնիւ տեղւոյն Ռուս վերակացուն հրաման չիտար որ իրենց ապահովութեանը համար քովերնին հրազէն պահեն:

Յարասի¹, ուփի ու ցախի (տիշտո-տափ) ծառոց անտառակներու քովէն ճամբանիս յառաջ տանելով՝ Բամբակ ըսուած կրճէ մը անցանք ու կամաց կամաց վեր ելանք մինչեւ ալպեան դաւառներու բարձրութեան, ուր ծառերը կը սկսին ցանցառ երեւալ եւ երթալով կարճաբերձ կ'ըլլան, եւ հետզհետէ բոլորովին կը դադրին, ու անոնց տեղը կը յաջորդեն պարարտ ալպեան բոյսեր: Հոս գեղեցիկ տունկ մը գտայ, զորն որ Բարտլինգ բնապատումը Հինայ վագներեան (Alcanna Wagneri) անուա-

¹ Bouleau. Ղւլ աղւն:

նեց . ասիկայ հոս 6000—6500 ոտնաչափ բարձրութեան վրայ առատ կ'ածի : Կրճէն վեր ելլելու տեսննիս հանքային ջուր մը տեսայ՝ Սելթերսեան¹ ջրին նման , սակայն աւելի հաճողական , սիրուն ու տոն ալ քիչ , բայց ստուգիւ ամիսոյ թթուն ալ նուազ : Մեր Հայ ուղեցոյցը հաստատեց որ աս աղբիւրը 1827ին գետնաշարժէն ետքը բխելու սկսաւ . յառաջագոյն աս կողմերն ասանկ հանքային ջուր եւ ոչ գիտեն եղեր : Տփղիսի մեծամեծներուն ամառուան չոր ու տաք տտեն աս աղբիւրը թէ իբրեւ զովութեան եւ թէ առողջութեան միջոց կրնայ ծառայել :

Տէրգէր անուն պզտիկ գեղին մէջ զինուորականներ բնակութիւննին հաստատած են , ասկից քանի մը ժամ ձիավարելով՝ մարդ կը հասնի Ճէլալ Օղլու բաւած գեղեցիկ հովիտը , որն որ Բամբակի կրճին հիւսիսային կողմն է : Հոս լեռնաբնակ աւազակ թաւթարներուն յարձակման վախը կը դադրի , անոր համար ես ալ հետս եղած զինուոր ուղեկիցներուն ճամբայ տուի չնչին պարգեւ մը տալով : Աս Տոնաւիտեան Խազախները հասարակօրէն իրենց ծառայութեան փոխարէն շնորհակալութիւն կամ վարձք ընդունելու տեղ՝ խիստ ու նախատական խօսքեր լսելու անանկ վարժած են , որ ամենէն փոքր պարգեւն ալ զիրենք շատ կ'ուրախացնէ եւ խոնարհական շնորհակալութիւններ ընելու կը շարժէ : Ճէլալ Օղլու հովան քովերը դարձեալ ուրիշ գաղթականութիւն մը կայ , ուր սպասուարտ (ծառայութիւննին լմնցուցած) զինուորները կը բնակին . ասոնք Տէրգէր բնակողներէն աւելի բազմամարդ են , եւ երեւութին նայելով՝ զնախնին ալ աւելի հանգիստ ու բարեկեցիկ է : Մենք

¹ Սելթերս Գերմանիայի մէջ Նասսաւի դքսութեան մէկ գեղն է , ուր շատ անուանի վերմուկներ կան , որոնք ամեն տարի 1½ փլին շէշ հանքային ջուր ասօին անգին կը խաւրեն :

հոս տեղւոյն ամենէն ունեւոր Հայուն քով օթե-
վանեցանք, որն որ Սահակեան կ'անուանուէր եւ մեզի
մեծ հիւրընկալութիւն ցուցուց:

Ղէլալ Օղլուէն ճամբաս շիտակ դէպ ի Վրաստան
ուղղեցի, եւ առանց տեղ մը կենալու օրուան մէջ
երկայն ատեն կը ձիավարէի: Աս վերջին օրերը
գրեւել բան մը չպատահեցաւ: Քաթարինէն-Ֆէլա
(Կաթարինեայ դաշտ) ըսուած գերմանական գաղթա-
կանութեան հարաւային կողմը կան Լալուար լեռինք,
որոնց ամենէն բարձր կատարին վրայ Վրաստանի
տնկերուն պինգ վերին սահմանը կամ Ալպեան¹ գա-
ւառը հասայ: Հոստեղաց տնկերն ու միջատները
Հայաստանին ալպեան գաւառիներուն հետ նոյն են.
Բայց Կաւկաս լեռանց այսչափ բարձրութեան վրայ
ուրիշ տեսակներ կան: Լալուարին անծառ կատա-
րէն շուտ մը տերեւաբեր տնկերու անտառները հա-
սանք իջանք, ուր ամէն կողմ կանաչազարդ ու ծաղ-
կաւետ էր, օդն ալ համեմատ հոգ քուրմունքով լի:
Հարաւային երկիրներու մէջ ասկից գեղեցիկ տնկոց
աճում չէի տեսած: Լալուարին կողերն ու անոնց
կից լեռները Վրաստանի բնակչաց համար դեռ դա-
րերով փայտի պաշար ունին: Բայց երկրիս աս շքեղ
նախանտառներուն ալ, որոնց մէջ շատ յաղթ ու եր-
կնաբերձ հացի, ուրի ու թեղօշ ծառեր կան, կու գայ
ջնջուելու ժամանակ, երբոր Ռուս փայտահարներուն
(անտառ կտրողներուն) տապարը Կուր գետին քով
եւ Տփղիսի հիւսիսային դին ալ աւրելու եւ կտրելու
բան չիգտներ: Ասկից ես Տփղիս իջայ հանգչեցայ
բնապատմական հաւաքումներս կարգի դնելու եւ Հայ-
աստան ըրած ճամբորդութեանս պատմութիւնը գրե-
լու համար:

* Լեռանց վրայ Ալպեան գաւառը կը ոկսի
6000—10.000 ոտնաչափ բարձրութեան
ըն կը պղտիկնան ու երթալով կը մնան
մամուռ:

Հոս քը դնենք Պր. Վահնէրին Ռուսի Հայաստանի բնակչացը վրայ տուած վիճակագրութիւնը, բայց՝ ինչպէս յայտնի է՝ Ռուսաստանի Հայերուն միայն մէկ պզտիկ մասը Ռուսի Հայաստանի մէջն է. իսկ իրենց բուն բազմութիւնն է անկից դուրս, այսինքն Վրաստանի կողմերը, Խորմ, Լեհաստանէն Ռուսի ձեռք անցած գաւառներուն մէջ, Տոն կամ Տոնաւիս գետին քովերը (Նոր Նախիջեւան), Աթաւերխան եւ Ռուսաց կայսրութեան ուրիշ ներքին կողմերը, որոնց ամէնը մէկանց 500,000ի մօտ կը համարուի:

Ռուսի Հայաստանը երեք գլխաւոր նահանգ ունի, որ են՝ Երիւան, Նախիջեւան եւ Որդուպատ կամ Աստապատ. ասոնց մէջ 1841ին կար 164,450 հոգի. դրոնցմէ 122,968 հոգի Երիւան նահանգին կիյնայ, 30,507 Նախիջեւանին, 10,975 Որդուպատին: Արօնական կողմանէ նայելով՝ աս բնակիչները գլխաւորաբար երկու կը բաժնուին, այսինքն 82,377 քրիստոնեայ, եւ 81,749 մահմետական. իսկ եզիտիներն են 824ի չափ. Հրեայ ամենեւին չկայ: Եզիտիները 67 թափառական ընտանիք են, մահմետականաց մէջէն կայ 1344 թափառական ընտանիք, եւ 14,734 ընտանիք հաստատուն բնակութիւն ունին. իսկ քրիստոնէից ամէնն ալ հաստատաբնակ եւ ամէնն ալ Հայազգի է: Աս Հայազգի բնակչաց թիւը յառաջագոյն էր 4428 ընտանիք՝ 25,151 հոգւով. բայց 1828ին եւ 1829ին Պարսկաստանէն 8036 ընտանիք 35,560 հոգւով եւ գրեթէ նոյն ատենները Տաճկաստանէն ալ 3682 ընտանիք՝ 21,666 հոգւով՝ եկաւ. արով Հայազգի բնակչաց առաջին թիւը գրեթէ երեքպատիկ եղաւ:

¹ Աս հաշիւը Ռուսաց խոպին պաշտօնատէրը կու տայ, իսկ Ֆոնթան՝ որ ան կողմերը գացող բնակիչն մէջն էր, կը դնէ 90,000 միայն Տաճկաստանէն եկած Հայազգի. նոյնպէս ոմանք Պարսկաստանէն եկածները մինչեւ 80,000 կը հանեն. աս վերջին հաշիւներով Ռուսի Հայաստանին

Ըստ բնակիչներէն 20,377 անձինք մայրաքաղաքացի մէջն են, այսինքն 11,463 Երիւանին, 2599 Նախի-Ջեւանին եւ 3444 Որդուպատին մէջ. իսկ վերջին Նահանգական մայրաքաղաքը նոր դրուեցաւ: Իսկ 24,906 առնաւ երեք նահանգին մէջ երկրագործութեան կը պատառնէ: Յառաջ հոստեղաց բնակիչներն էին 10,413 Բիւրտ, 6807 Այրումը, 1935 Թաթար, 1000 Մուղանկը, 6473 Խանշէրլի, որոնք իրենց խաժ աչքովն ու խարտեշ մազովը շատ նշանաւոր են. ասոնցմէ զատ կային նաեւ զանազան ազգաց մնացորդներ: Չինկեանէն երէն 157 տնուորի չափ կար, ոմանք քրիստոնեայ (որոնք Հայոց մէջ Բոշայ կ'ըսուին), ոմանք ալ մահմետական: Բայց Հայաստանին առ մասը Ռուսի ձեռք անցնելէն ետեւ՝ առ խառնիճազանճ ազգերը կամաց կամաց ուրիշ տէրութեանց երկիրներ քաշուելով՝ պակսեցան եւ դեռ կը պակսին, որով քրիստոնեայ բնակչաց թիւը միշտ կը շատնայ:

Հայազգի բնակչաց թիւը շատ կ'աւելնայ, բոլոր գուցե խոսքին այնչափ հազարներով մեծածնեւուն թիւը հա-
նած ըլլայ:



ՎԵՇՏԱՍԱՆԵՐՈՐԴ ԳԼՈՒԽ 1

Լերանց գեղեցիկ տեղաբան: Գողազ, Սուկաւ, Ծաղկեղու
Ցանառուակ լերինք: Ասոնց հրաբխային նիւթերը:

ՈՒՌՍԻ Հայաստանը 1843ին գարնան պտրտելու
ատենս՝ կ'ուզէի Տաճկաստանի ու Պարսկաստանի մե-
տաւոր սահմաններն ալ տեսնել, բայց զանազան
պարագաները, մանաւանդ վերջին աստիճանի տխուր
ու երկայն քառամնօր (Գարանիկ) պահելու վախը
զիս արգելեց: Զրհեղեղեան լերան միայն հիւսիսային
կողմը քննած էի, ու հոն շաբաթ մը կենալէս ետ-
քը՝ նորէն գէպ ի հիւսիս գործայ որ քիչ մը առեն
Արագած լերան վրայ կենամ, վառն զի ասիկայ իր
դրացւոյն (Արարատին) համեմատութեամբ խիստ քիչ
քննուած էր: Ասկից տարի մը վերջը Պերլինի թա-
գաւորական ճեմարանին ձեռնտուութեամբը կարող
եղայ նաեւ Օսմանեան Հայաստանին ալ այցելութիւն
մ'ընել եւ Մասիսը մինչեւ հիմակ անծանօթ եղած
հարաւային կողմանէ զննել: Ուստի 1844ին Յունիսի
17ին վաճառականաց կարաւանի մը հետ Կարփնէն
(Էրլէրոս-ձի) ճամբայ ելայ որ Պայազիտ քաղաքն
երթամ: Կարաւանը ծանր ճամբորդութիւն կ'ընէր,
եւ հասարակօրէն առտուան Ցերորդ ժամուն կը հանգ-

¹ Պր. Վակնէր իր գրքին ձի առ ու վերջէն եկող երեք
գլուխները մետասաներորդ գլխէն յառաջ անցուցած է
ան մտածմամբ որ թէպէտ առ վերջին չորս գլուխները
տարի մը ետքն եղած ճամբորդութեան ոտորագրութիւնն
է, բայց իրենց նիւթը 9—10 գլուխներուն ձի գրուած
Արարատայ զննութեանցը կը վերաբերի, ուստի եւ քովե
քով գրուելով աւելի գիւրաւ կրնայ ունեցուիլ ամբողջ
ու ամբողջ տեսութիւն մը Արարատի վրայ. բայց մեք
պատմութեան թելը չկտրելու համար՝ վերջէն եղած
բանը ձիւ խառնել չուզեցինք, ուստի եւ ամենէն ետքը
թողուցինք: Կարծենք թէ առ փոփոխութիւնը Մասիսու
կազմութեան վրայ ամբողջ գաղափար ունենալ սւղող-
ներսն արգելք մը չ'ըլլար:

չէր, ասով տուտ ժամանակ կ'ունենայի երկրաբանական մուրճը (չէիճը) ձեռքս՝ պտըտիլ Հայոց լեռներուն վրայ եւ եռացման կէտին միջնորդութեամբն այլեւայլ բարձրութիւնները չափել:

Ոմանք կ'ըսեն թէ Տէլի Պապա գեղին քովերէն Արարատ լեռը տեսնուելու կը սկսի, բայց օտոյդ չէ, որովհետեւ Սուկաւ լեռան (Քեօօ Գաղին) չորս գին եղած բարձր լեռները Տէլի Պապային արեւելեան կողմն ինչպով՝ Արարատայ կատարներուն տեսքը կը գոցեն: Ես Տէլի Պապայէն 7 ժամ դէպ ի արեւելք երթալէս ետքը՝ Փասիսու մէկ կատարը տեսայ, որն որ Սուկաւ լեռան մօտերէն կ'երեւար: Մութ եւ անձիւն լեռանց ետեւէն ան հին սառած հրալեռը իբրեւ ահագին ճերմակ բուրդ մը կը բարձրանար կ'ելէր յստակ, անամպ ու անծուխ օդի մը մէջ եւ մարդուս աչուրներուն պերճ տեսիլ մը կը պարգեւէր: Հոս սկսաւ սիրտս ուրախութեամբ բաբախել, ինչպէս կը պատահի հին սիրելի բարեկամ մը տեսնելու ատեն: Աս՝ 30 ժամէն աւելի հեռաւորութեան մէջ Արարատ միայն՝ իր բարձրութեանը հասնող նախանձաւոր մը չունենալով՝ ճերմակ հսկայ գլուխը կը վերցընէ եւ աւելի շքեղ կ'երեւայ քան թէ Երիւանի քովէն: Աս հեռաւորութենէն՝ կատարեալ կանոնաւոր կոնի մը կը նմանի մի միայն սուր ծայրով մը, եւ իր այլեւայլ կատարներուն լայնութիւնը չի տեսնուիր: Նշանաւոր տեսք մը աս է որ Սուկաւեան շղթային լեռները քանի որ Արարատայ կը մօտիկնան, այնչափ ցած կ'երեւան. եւ ամենէն ցած երեւցածին քով մէկէն ի մէկ յառաջակողմեան Ասիային պինտ հզօր հսկան (Արարատ) ինք զինքը ցուցընելով՝ սքանչելի ընդդիմապատկեր մը կը ձեւանայ:

Յունիսի Չձին կարաւանը Թօփրազ գալէ քաղաքն իջաւ: Հոս լեռանց ընդարձակ ու գեղեցիկ տեսարան մը կը բացուէր: Մեծ Արարատին ճերմակ բուրդը

նաեւ ճամբուն վրայ ալ կը տեսնուէր. «Մասին նայ-
եցէք», պողտացին կարաւանին ձիապանները, որոնց
աչուքներն ուրախութենէ կը փայլէին աս սուրբ լե-
ռը տեսնելով՝ զորն որ մեծապէս կը յարգեն: Հա-
րաւային դին իր արծաթափայլ գլուխը կը ցուցնէ
Գողթոզ¹ լեռը (Սեյդան Գողթ), որն որ Վանայ ծո-
վին՝ բարձր լուսատու աշտարակ մը կ'ըլլայ: Ասիկա
թօփրագ գալէին հարաւային կողմն եղած օարահարթ
լեռանց վրայ կը բարձրանայ, եւ յայտնապէս ան մի-
ագօտի լեռանց շարունակութիւնն է, որն որ նաեւ
կարնոյ լեռնագաւառին հարաւային կողմը կը պատէ
եւ առկից կ'երթայ դէպ արեւելեան հարաւ: Գո-
ղթոզ լեռը հոս չորս կողմանէ զատուած կ'երեւայ.
իր կոնի ձեւը Մասիսու երկու կատարներուն չափ
ճիշդ չէ, ծայրը շատ լայն ու տափարակ է, եւ ամ-
բաւ ձիւնադէզ ունի վրան: Իր ձեւը նման է Ափրի-
կէի Ատլաս լեռանց ճուրճութեան: Մինչեւ հիմա մի-
այն Պրանդ՝ Անգղիացւոց կարնոյ հիւպատոսն եղաւ,
որ Գողթոզ լեռան վրայ ելաւ ու երկրաբանօրէն զնն-
նեց: Նոյն լեռան վրայէն Պրանդին բերած քարի
տեսակներն էին արտասոյ սեւազանգ², չեչաքար եւ
մրրախուռն լաւա: Անտարակոյս կ'երեւայ որ Գողթոզ
լեռն ալ ժամանակաւ Արարատի պէս գործունեայ հրա-
բուխ մ'եղած է, բայց իր բերանը Վանայ ծովին բո-
լորտիքը պատահած քանդիչ երկրաշարժներով փլած
ու գոցուած պիտի ըլլայ: Պոնտոսէն մինչեւ Երաս-
խայ հովիտը Հայաստանի բարձրագաւառին բոլոր
լեռներուն մէջ Գողթոզ լեռը Մասիսէն ու Արագած

¹ Աս Սեյդան լեռը Հայաստանի զարմանալի լեռներէն մէկն
է իրեն ձեւովը, բարձրութեամբը, վրան ունեցած լճի-
րովը եւայլն: Եւրոպացիք աս լեռը քննած են եւ գեռ կը
քննեն ու տաճկերէն անուամբ Սեյդան Գողթ կ'անուանեն.
մեր քննութիւններն անանկ ցուցուցին որ ասիկայ Գրեհոմ-
կամ Նիբիւլիայ լեռանց մէջ Գողթ լեռն եղած ըլլայ:

² Mélaphyr.

Ծէն ետքը ստուգիւ ամենէն վե՛հ լեռն է, եւ Պոն-
տոս Ժովին երեսէն առ նուազը 12,000 ոտնա-
չափ բարձր եղած պիտի ըլլայ: Բայց բարձր Հայաս-
տանին առ երկու սահմանապահ վսեմ լեռանց շքեղ
տեսարանէն զգացած ուրախութիւննիս դժբախտու-
թեամբ երկայն ատեն չտեսեց, ինչու որ քիչ մը
վար իջնալնուս պէս՝ մօտաւոր լեռանց գօտիները
զանոնք ծածկեցին:

Թօփրագ գալէի լեռնադաշտը Հասանգալէի լեռ-
նադաշտէն կը զատուի լեռանց գօտիով մը, որն որ
Աարնոյ, Հասանգալէի ու Թօփրագ գալէի հիւսիսային
կողմը կը շրջապատէ: Առ կողմնական գօտւոյն վրայ
եղած ամենէն բարձր անբոյս լեռան անունէն առնե-
լով՝ հիմա բոլոր գօտին աշխարհացոյցներուն վրայ
Քէօսէ Կաղը (Սուկաւ լեռ)¹ կը կոչուի: Առ գլխաւոր
գօտիէն ուրիշ աւելի ցածկեկ լեռանց ծիւղ մ'ալ
կ'երկըննայ, եւ Թօփրագ գալէն կը բաժնէ Պայա-
զիտի լեռնադաշտէն, որն որ մինչեւ Մասիսու հա-
րաւային ոտքը կը ստարածի կը հասնի:

Վիւրտերուն Տիատին գեղին մօտ Եփրատայ ա-
րեւելեան ծիւղին քովէն դէպ ի վեր գացի ու նոյն
գետին աղբերակունքը մօտիկցայ, որն որ ձինաւէտ
Ծաղկաց լեռան (Ալափաղըճն) ստորոտին վրայ է:
Ասկից ետքը մէկ Տաճիկ վարոցաւորի (Կաժվաթի) ու
երկու Քիւրտ ձիաւորի ուղեկցութեամբ Պայազիտի
լեռնադաշտը հասայ, երբոր կարաւանը դեռ Տիատի-
նէն ժամ մը հեռու կը հանգչէր: Տիատինին մօ-
տերը Եփրատայ երկու կողման եզերացը վրայ սոս-
տիկ առատ կիր (+էրէճ) կայ, որն որ մինչեւ Ատրպա-

¹ Առ լեռանց Քէօսէ Կաղը անունը սմանք իրենց քարց ու
լեռկ ըլլալէն տրուած կը կարծեն, բայց Հայ բանասեր-
ներն աւելի յարմար կը սեպեն՝ առ Քէօսէ անունը Սու-
քիասանց Քօլէյ անունէն յառաջ բերել, որոնք առ լե-
ռան վրայ բնակեցան:

տական կը հասնի: Պայադիտին արեւելեան կողմը 2
 ժամ՝ հեռու բուն առաջին մեծ լաւայի զանգուած-
 ները կ'երեւան. վասն զի թէպէտ Սեւ ծովէն մին-
 չեւ Ատրպատական գաւառը զանազան նշաններէն կ'ի-
 մացուի որ հոս երկայն ատեն հրաբուխ լեռները գոր-
 ծած են, բայց բուն հրաբխի բերք ինչպէս են մրա-
 խառն լաւա, վանակատ, ճերմակ չեչաքար եւայլն,
 խիստ քիչ կը գտնուի: Իսկ հոս Օսմանեան
 Հայաստանին առ վերջին լեռնադաշտին վրայ մէ-
 կէն ի մէկ սխրալի մեծութեամբ երեւան կ'ելլեն
 երկայն ատեն բռնկող հրաբուխներուն ահագին բեր-
 քերը, եւ կը ցուցնեն թէ ան հսկայ հրաբուխը (Արա-
 րատ) մօտ է, որն որ վերջին դժբախտութեան օրը
 դաշտին վերջին ծայրը կեցած ու իր արծաթի կա-
 տարը ճերմակ ամպերու մէջ ծածկած էր: Հոս լաւա-
 ները վրայէ վրայ դիզուած են ու զանազան մեծու-
 թեամբ բլուրներ կը կազմեն. ամենէն բարձրները 200
 տոնաչափէն աւելի են: Քանի որ մարդ նոյն լեռնա-
 գաշտին վրայ յառաջ կ'երթայ, լաւայի սեւ բլուրնե-
 րուն տարածութիւնն ու բարձրութիւնը կ'աւելնայ:
 Բայց լաւայի հոսանքը Մասիսէն չէր, հապա Ցան-
 տուռակ ըստուած բարձր լեռնէն, որ Մասիսէն գէպ ի
 հարաւ 6 ժամ հեռու է: Ցանտուռակ ան հինգ մա-
 րած հրաբխներէն մէկն է, որոնք առ կողմանէ Հայաս-
 տանի բարձրագաւառին սահմանը կը պատեն: Աս
 լեռը երկու կատար ունի. բարձրագոյնը սրածայր է,
 իսկ ցածագոյնը տափարակ ու հրաբխի բերնի ձեւով:
 Լեռան բոլորտիքը կան ամբաւ հրաբխային նիւթեր,
 մանաւանդ մրրախառն լաւա, ձիւթաքար եւ աղտոտ
 ճերմակ գունով չեչաքարի բլուրներ: Կարաւանի Հայ
 ճամբորդները չեչաքարէն խել մը առին իրենց դա-
 նակներն ու հրացանները մաքրելու եւ փայլեցնելու
 համար: Հոս լաւայի քարերն անանկ մեծ են որ ջրե-
 րու հոսանքները շեն կրնար առնել տանիլ ու գաշ-

տերու վրայ տարածել: Բայց Պայտզիտ քաղքէն
գրեթէ ժամ մը հեռու աս լաւայի բլուրները կը դա-
դրին: Նոյնպէս Արարատայ լաւային հոսանքն ալ Պա-
յազիտ քաղքին տեղը հասած է:

ԵՕԹՆԵԻՏԱՄՆԵՐՈՐԴԻ ԳԼՈՒԽ

Պայտզիտ քաղաքը: Լերանց կիրն ու երկրաբանական որպի-
տութիւնը: Աւազակ Բիւրտերու վրայ մէկքանի ծանօթու-
թիւններ:

Ի) ԷՊԵՑ պսօրուան օրս Պայտզիտ քաղաքը փլած
ու աւերած է, թէպէտ իր կէս Հայ ու կէս Բիւրա
բնակիչները վերջին աստիճանի խեղճութեան մէջ են,
այսու ամենայնիւ ճամբորդներու համար տեսնելու
արժանի քաղաք մըն է: Սեպ ու ժայռուտ զահա-
ւանդի (ուլուրուֆ) մը վրայ ունեցած ահեղ ու
նկարակերպ դիրքը, եկեղեցիներուն եւ բերդերուն
աւերակները, իր լեռնաբերդը¹, որն որ յանդուգն
ու հրաշտկերա շէնք մըն է այնպիսի տեղերու վրայ
հաստատուած, ուր բազէներն ու անգղները (սֆա-
լաները) հազիւ թէ կը համարձակին բոյն դնելու,
գարձեալ բռնակալ Մահմուտ փաշային շքեղ՝ բայց
անբնակ մնացած պալատը, որուն՝ մեծութեան, հա-
րսատութեան ու գեղեցկութեան կողմանէ՝ հազիւ թէ
նմանը կը գտնուի բոլոր Օսմանեան տէրութեան մէջ,
աս ամէն բաները, կ'ըսեմ, խիստ նշանաւոր են ու
բազմօրեայ գննութեան մը արժանի: Երկրաբան մը
քաղքին մօտակայ տեղւանքը արտաքոյ կարգի զար-

¹ Սուլթան Մուրատէն շինուած աս լեռնաբերդին ստորե-
րեայ բանաբէն մէկուն մէջ գեռ ան սոսկալի խռռչը կը
տեսնուի, որուն մէջ Մահմուտ փաշան Պարոն Ժապէր
(Jaubert) Գաղղիացիին երկայն ատեն արգելեց, որպէս զի
Նաբոլէոնէն Պարսից թագաւորին խաւրուած ընծաները
կարող ըլլայ իրեն սեպհականել: Բայց երբոր Մահմուտ
ու իր յաջորդը ժանտախան մեռան, Պր. Ժապէր իր
բանապանին մեծանձնութեամբը նորէն ազատեցաւ:

մանալի բնական նիւթեր կը գտնէ, որոնց քննութիւնը մարդը լիով կը վարձատրէ, թէպէտ աս անպատմելի տխուր քաղքին մէջ երկայն ատեն կենալու պարտաւորած ըլլայ: Թօփրագ գալէին ու Տիւտինին քով երեւան ելած բաց գունով կիրը (տիւթ) նաեւ Պայազիտի քով Արարատին դիմացը կարգ մը ահագին կրային լեռներ կը ձեւացընէ, որոնց մէջ շատ քարացեալ կենդանիներ կան: Աս կրաքարը հասարակօրէն շատ պինդ, գորշ (պօշ), ճերմակ, խեցուտ եւ գերմանական յուրայեան¹ խիտ կրին շատ նման է:

Շատ տեղեր աս կիրը կարմրեկէ է ու մարմորի նման, որն որ Պայազիտի անանկ անշուք խրճիթներուն աղէկ նիւթ կը մատուցանէ, բայց ամեն որ գործածուած չէ: Աս խիտ կրին մէջ եղած քարացեալ կենդանիները գլխաւորաբար են առատ կոփն կամ սանտրակ², նետարդ³, ծակափոր⁴ եւ սւրիշ խեցեւոր ժժմանք: Աիրը սաստիկ պինդ ըլլալով՝ աս քարացեալներն հանել ժողովելը թէպէտ ըստ ինքեան խիտ դժուար է, բայց աւազակ Բիւրտերն ալ աւելի եւս վտանգաւոր կ'ընեն: Աս կողմերուն Բիւրտերն աւելի վայրենի ու յեւըղակ են քան թէ Կարնոյ մօտ բնակողները: Օգոստոսին վերջերը երբոր Պարսկաստանէն Արարատի հարաւային կողմերն եկայ՝ երկայն ժամանակ հոն կենալու համար, երկրաբանական պտղա մ'ըրած ատենս երեք Բիւրտ աւազակներ վրաս յարձակեցան: Ասանկ պարագաներու մէջ քարացեալներու հարուստ հաւաքում մը կարելի չէր: Աս կիրը խիտ շատ տեղ շիտակ ու խաւ խաւ (հաւ

¹ Բալոր երկրաբանութեան մէջ շատ երեւելի է Յօւրայեան Աիրը կամ Յօւրայեան յօթնասանդ, որուն անունն առնուած է Զուլիցցերիի ու Գազդիպի մէջ եղած Յուրա լեռնէն: Ասոր վրայ տես Բնական պատմութիւն, Բ. Հատոր, Վիեննա 1844, երես 198:

² Լա. Pecten. անկ. Թուրքի: ³ Գ.շ. Bélemnite. ⁴ Գ.շ. Térébratule.

Գալի) է, որն որ ասանկ հրաբխային երկիրներուն մէջ շատ զարմանալի է¹: Խաւերուն հաստութիւնը զանազան է, որոնք հասարակօրէն իրենց կարգը պահելով մէկ կողմանէ ծուռ վեր վերցուած են. տեղ տեղ ալ խաւը բոլորովին աւրուած անկանոն եղած է: Ասոնք վեր վերցընող յոժը Մասիսէն եկած կ'երեւայ: Նոյն կրային նիւթը Մասիսու արեւելեան ու արեւմտեան ծայրերուն քով՝ Ռուսաց, Պարսկաստանի ու Ծածկաստանի սահմանակից եղած տեղերուն վրայ ալ կ'երեւայ. քիչուի որ նաեւ Նախիջևանի բոլորատիքը շատ թանձրութեամբ ու տարածութեամբ կայ: Բայց զարմանալին աս է որ Արարատայ հիւսիսային

¹ Երկրիս ներքին կազմութիւնը գլխաւորաբար երեք կերպով շինուած է, որոնց մէկը Պլուտոնիական (Հրային), մէկը Պոփօնական (Զրային)՝ ու երրորդը Հիփոփական (Հրաբխային) կ'ըսուի: Պինտ՝ յառաջ Պլուտոնեան կամ հրային կազմութիւնը գոյացած է՝ երկրիս վրայի հալած ու տաք նիւթերը պաղելով, սառելով, կեղեւ կապելով ու քարանալով: Պոփոնեան կամ ջրային նամբով գոյացած կազմութիւնները ջրերուն դիրքը կամ բարակ տիղմը խաւ խաւ իրարու վրայ նստելով՝ ձեւացած են. բայց որովհետեւ ջրերուն սննեցած կամ բերած դիրքը ժամանակէ ժամանակ այլեւայլ կ'ըլլայ, անոր համար խաւերուն նիւթն ալ միշտ մի եւ նոյնը չ'աւելով կը փոխուի, եւ ամէն նոր տեսակ նիւթեր գալուն՝ իրարու վրայ կարգաւ նստանոր խաւեր կը նստին: Աս խաւերուն կամ շարքերուն մէջ նաեւ ամէն մէկ ատենուան գործարանաւոր մարմիններուն (այսինքն սնկոց ու կենդանեաց) քարացեալ ձեւացորդները պահուած են, Իսկ Հիփոստեան կամ հրաբխային կազմութիւնները ձեւացած են երկրին ներքին կողմանէ հրաբխային հալած նիւթերուն վեր ելլելովն ու ետքէն սառելով: Ասոնք նախնութեային պէս կանոնաւոր խաւ կամ գործարանաւոր մարմիններու ձեւացորդ չունին, եւ ջրային յօրինուածներուն շարքն ալ ծակած, տակն ու վրայ ըրած ու տեղ տեղ ալ վեր վերցոյցած են: Հիփոստեան զօրութեամբ երկրիս մէջէն վեր ելած ու վերջէն սառած նիւթերը զանազան հրաբխային քարեր ու մետաղներ են:

կողմը եւ Երասխին ընդարձակ գաշտին վրայ տասր եւ ոչ փոքր նշմարանքը կը տեսնուի: Արարատ պտըտող բնախոյզները, ինչպէս են Դուռնըփոր, Բաւոզ, Պեհակըլ եւ Տիւպուա նոյն կողմերը քարացեալ մը չգտան:

Արարատայ աս երկրորդ անգամ այցելութիւն ընելէս քանի մը ամիս ետքը երբոր Որմիոյ ծովակին կողմանէ Սալմաստին վրայէն Տաճկաստանի սահմանները դարձայ, աւազակ Բիւրտերուն վտանգն աւելի սաստկացեր էր: Հունձքը կտրուած գաշտերուն տրօտը ճարտկուած լմնցած ըլլալով՝ Բիւրտ հովիւները լերանց վրայ կը թափառէին ու կարուստներու եւ ճամբորդներու դարանակալ կ'ըլլային: Պարոնից վերջին տեղւոյն վերակացուն Գուլ խան աւազակներու վրայ չափազանց պատմութիւններ պատմելով՝ զիս աւելի վախցընել ուզեց, որպէս զի հետաշատ զօրք առնելու ստիպուիմ ու իրեն ալ մեծկակ պարգեւ մը տամ: Բայց ես միայն քանի մը զինեալ ձիաւոր մէկտեղ առնելով՝ նեղ ճամբէ մը սկսայ յառաջ երթալ, որն որ շիտակ Պայազիս կը տանէր, եւ ուսկից որ երբեք կարաւան անցած չէ: Լերան տափարակ ու դեռ կանաչազարդ գլխուն վրայ ձիավարելով գացինք խել մը սեւ վրաններու (չափը ներս) առջեւէն, որոնց մէջ հոստեղաց ամենաչար Բիւրտ աւազակները կային: Ասոնք յառաջագոյն գիտնալու ըլլային, որ աս՝ Եւրոպացւոց դեռ չկոխած ճամբուն վրայէն մենք կու գանք, հաւանական է թէ իմ ու իմ քիչուոր պահապաններուս վրայ կը յարձակէին: Մեզմէ ժամ մը հեռու ձիաւոր ու սպառազէն Բիւրտերը կարաւանի ճամբուն վրայ դարանած էին, որոնց ընկերները հոս լերան գլուխը վրաններն ու ոչխարներն արօտի վրայ կը պահպանէին: Իրենց ձիերը լերանց դարվար տեղերուն վրայ ցրուած՝ խոտ կ'ուտէին. զանոնք ժողվելն ու թամբելը գոնէ

մէկ ժամու գործք էր. ասոր համար մեր ետեւէն իյնալու խորհուրդը մէկդի թողուցին: Երբոր ամենաբարձր կատարը հասանք ու անկից դէպ ի Պայագիտ կ'իջնայինք, մեր առջեւը լերանց սխրալի տեսք մը բացուեցաւ: Հոս քառորդ մը կեցայ՝ լերանց տապերճ ու մեծվայելուչ տեսարանին մէջ աշուրներս պարարելու համար. սակայն հարիւր ոտնաչափ մը վար իջնալէն ետքը՝ նոյն նկարական գեղեցկութիւնը կորսնցուցինք:

Նարկայն ատենուան աշխատանքէն ու աւազակներու վախէն առողջութեանս վիճակն այնչափ աղէկ չէր, անոր համար մեծ Մասիսին հարաւային զառիվայրը քննելու այնչափ յօժարութիւն չէի զգար: Սակայն հանգստեան ատենները երբոր Ռիդդէրին երկրագրութեան մէջ Արարատայ ստորագրութիւնը կը կարդայի, տեսնելով որ աս. մեծ աշխարհագիրը զօրաւոր խօսքերով նոյն լերան հարաւային կողման դեռ չքննուած ու անծանօթ ըլլալը կը ցուցնէ, ինծի նորէն քաջասրտութիւն ու փափաք եկաւ: Ըստ ինքեան հրապուրիչ բան է Անթանօն երկէր մը պտըտիլ, անանկ տեղւոյ մը մէջ շարժիլ ուր մարդ կարող ըլլայ բսել. Հոս ես առաջինն եմ որ եկայ իզմէ յառաջ Հոս գիտուն ճամբորդ մը կամ աշխարհաշրջիկ մը գեռ ամենեւին ոտք կոխած չէ: Աս պատճառաւ ես ալ իմ տկարութեանս միտ չդնելով՝ քաղքին փաշային աղաչեցի որ ինծի մէկքանի ուղեկից զինուոր տայ. եւ իրմէ ընդունեցայ երկու հատ քաջ, վարժ ու նոյն կողմերուն հմուտ Բիւրտեր, որոնք որոշեալ օրը սպառազինած ու գեղեցիկ ձիերու վրայ հեծած՝ բնակութեանս առջեւն եկան կայնեցան: Ես ատրճանակներս աղէկ մը լեցուցի, որովհետեւ Բիւրտերուն վերջին յարձակումը զիս աւելի զգոյշ եւ կասկածոտ ըրած էր. նոյնպէս Յովհաննէս Սարեմպա Լեհ ծառաս թամբի վրայ չե-

լած՝ իր կրկնափող հրացանը քանի մը անգամ լե-
ցուց պարպեց ցուցընելու համար որ ամէն բան պա-
տաստ է: Իսկ Պիլոշ մեր հայազգի ձիավարը հան-
դարա ու անզէն մեղի հետ կու գար՝ պատահական
յարձակման մը ատեն մեր զէնքերուն վրայ վստա-
հելով: Հետո ասկից աւելի բազմութիւն առնելը
այնչափ խոհեմական բան չոեպեցի, ինչու որ շատ
Քիւրտերու մէջ կրնայ դիւրութեամբ գտնուիլ նաեւ
այնպիսի չարասիրտ մէկն ալ, որն որ աւելի՝ ճամ-
բորդին բոլոր ինչքը քան թէ անոր տալու պարգեւը
ձեռք բերելու բաղձալով՝ մաքին մէջ սպանութեան
խորհուրդ մը դնէ եւ մէկալներն ալ իրեն գործա-
կցութեան հրապուրէ: Իզմէ յառաջ աս զարհուրելի
կողմերը պտրտողներուն դժբախտ դէպքը կը մտա-
ծէի, ինչպէս Ժողեր, զորն որ իր բազմութիւն Քիւրտ
ուղեկից զինուորները Մահմուտ փաշային. գողտնի
հրամանաւր յարձակելով բռնեցին, կապեցին, եւ լեռ-
նաբերդին խաւարչուտ բանտը նետեցին. գարձեալ
Շուլց ու Պաւան, որոնց երկուքն ալ իրենց պահա-
պան Քիւրտերէն գաւառնութեամբ սպաննուեցան:
Երկու Քիւրտի գէմ ես ու լեհ ծառաս կրնայինք
պատերազմիլ. իսկ աս երկուքին հաւատարիմ մնա-
ցած ատենը աւելի մեծագոյն խմբէ մը վախճալու բան
չունէինք: Քիւրտ աւազակները ճամբորդի մը վնաս չեն
ըներ, երբ որ կը տեսնեն թէ անոր ուղեկիցներն ու
պաշապանները Քիւրտերն են: Հին տառիկը կ'ըսէ.
Ագռաւ զագռաւու աչս ոչ բրէ:

ՈՒԹԵՒՏԱՄՆԵՐՈՐԴ ԳԼՈՒԽ

Մուրաաշիր գետակ: Մասիսին հարաւային կողման քարերը: Քրդաց ամառուան ու ձմեռուան կեանքը: Արարատայ վերջին ժայթմանը վրայ նորէն քանի մը ծանօթութիւն: Արարատայ փորն ու վրայի ամպուլթիւնը:

ՊԱՅՆԱՅԻՆ հիւսիսային կողմը ժամ մը երթալէն ետքը Մուրաաշիր գետակը հասանք, որն որ Արարատի հարաւային կողման ստորոտը պատելէն ետեւ՝ գէպարեւելք կը վազէ ու Մակու գետին հետ կը խառնուի: Մուրաաշիրին վրայ բաւական հաստատուն կամ մուրջ մը կայ, որն որ լաւայի քարերէ շինուած է եւ շատ հին կ'երեւայ. գտնէ Գիւրտերը չկրցան ինծի տեղեկութիւն մը տալ անոր շինուած ժամանակին վրայ: Հոս Մասիսին դուրս տուած հրաբխային քարերուն հարաւային ծայրն է, որոնք միաշար բլուրներ կը ձեւացընեն. ասոնց մէջի քարի շառաշիղները կամ հատորները մինչեւ 100 ոտնաչափ ու աւելի ալ կը հասնին եւ Տանտուռակ լեւան հրաբխային քարերուն շատ նման են, միայն աս տարբերութեամբ որ Մասիսի լաւային բուն զանգուածը սեւակուճ կամ երկաթակուճ¹ է, եւ մէջն ալ շատ տեղ վանակն կամ ակնվանի² ցատքած է, իսկ Տանտուռակին հրաբխային նիւթերն աւելի փրփրանման ու պղպշակաւոր են եւ վանակն ալ չունին: Հաւանական է որ Տանտուռակ լեւան լաւան աւելի սառտիկ ապքութեամբ եւ աւելի հեղուկ վազած ըլլայ քան թէ Արարատինը. չեչաքարն (ֆոֆա լաւըն) ալ Տանտուռակին քով Մասիսին ունեցածէն շատ աւելի է: Նաեւ յայտնի նշաններ կան որ ժամանակաւ հաստեղաց հրաբուխները հեղեղներով աւազ ու տիղմ ալ դուրս են տուեր, զորոնք լեւան վրայէն վազած ջուրը հետը վար բերած է: — Արարատայ բոլորտիքը ջրհեղեղի ժաման-

¹ Գլ. Basalte, աճկ. սիւն հրդէր:

² Գլ. Cristal, աճկ. նիւնի:

նակէն քարացեալ նիւթեր կամ գործարանաւոր մարմնոց մնացորդներ դեռ գտնուած չեն :

Մուրտաշիրն անցնելէն վերջը լեւան հարաւային արեւելեան ստորոտը ձիով պտըտեցայ, ու Բիւրտեռուն Գանիկուրդ, Չիթլիք եւ Տէմիրգափը լքեալ ու անբնակ գեղերուն այցելութիւն ըրի, որոնց խեղճութիւնը խելքէ մտքէ դուրս բան մըն է : Պզտիկ տնակները միայն չորս պատ ունին, զորոնք լապի կտորները վրայէ վրայ դիզելով շինած են, եւ սրոնց մէջ միայն ձմեռը բնակութիւն կ'ըլլայ : Բիւրտերը նոյն ատեն գրեթէ սողալով ատոնց մէջ կը մտնեն, պատերուն ծակերը սղմով եւ ապաւառով կը ծեփեն ու կը գոցեն, վրանին իրենց ոչխարենի մորթերը կ'առնուն, եւ աթարէ ալ կրակ մը կը վառեն՝ ցրտէն պահպանուելու համար, որն որ հոս սաստիկ է, եւ Փետրուարին մէջ սովորաբար 20—25 աստիճանի կը հասնի : Դուարը (Գալարը) ձմեռուան ժամանակ պէտք է որ ձեան տակէն իր ճարակը փնտռէ գտնէ, որովհետեւ Բիւրտերը խար (չոր խոտ) կամ ոչինչ կամ քիչ կը պահեն. իսկ ձիանք քիչ մը գարի կ'ընդունին : Յայտնի է որ ասանկ պարագաներու մէջ Պայազիտի (Սըլիվանցի) Բիւրտերն այնչափ խաշնաւէտ չեն կրնար ըլլալ : Արարատի շրջակայ տեղերուն ձիւները հասարակօրէն Մարտի վերջը հալելու կը սկսին. ջուրը լեւան տափարակ կատարին մէկ մասը կը կոխէ, վտակներն ու գետակները շատ կը բարձրանան, եւ Մակու գետին առատ ջրեղէն ընծաներ կը խաւրեն : Բայց նիհարացեալ ու կարօտ դուարը հազիւ թէ Ապրիլի վերջը գեղեցիկ կանաչ արօտը կրնայ վայելել : Նոյն միջոցները սովորաբար գարի կը ցանուի : Բիւրտը ցորեկ ատեն իր ծխալից քարէ խրճիթէն կ'ելլէ, որպէս զի ոչխարները հեշտ արեւու մէջ ամենէն ընտիր արօտներու վրայ արածէ : Գարնան զով օդը հոս աւելի շուտով ամառուան կիզիչ

տապին կը փոխուի քան թէ կարնոյ լեռնադաշտին վըայ: Յունիսի վերջերուն մօտ Մասիսու բոլորտիքն եղած խոտերը կատարեալ պրած ու առչորած կ'ըլլան: Քիւրտն առ տունն իր ձմեռուան բնակարանը բոլորովին կը թողու, իր ոչինչ ախոսմախը ձիերու վըայ կը դնէ, կնոջմով, տղոցմով ու գուլարով ոահմանակից լեռանց ծայրը կ'ելլէ. հոն թափառելով կը պտըտի, եւ լեռնամէջի մը խոտը լմննալուն պէս՝ իր սեւ վըանը կ'ամփոփէ՝ ուրիշ տեղ կ'երթայ: Արաբառ ամառը՝ հնձոց ժամանակը գուրս հանելով՝ բոլորովին ամալի ու անմարդի է. իր ստորոտին ու զառիվայրին վըայ երկու օր պտըտեցայ ու Քիւրտ մ'ալ չտեսայ: Հասարակօրէն Սեպտեմբերին կէսէն ետեւ անձրեւները կը սկսին. առ տունն չորցած կանաչեղէնները նորէն կը զտարթանան: Քիւրտը Հոկտեմբերին կահով ու ընտանեօք իր ձգած խրճիթը կը գառնայ. ձիւնն ալ կանանաւոր կերպով մը առ ամոռոյն մէջ կու գայ: Ասանկով Արարատայ օգոյին հանգամանքն ընդհանրապէս հիւսիսային Գերմանիայի հետ կը միաբանի, թէպէտ առ երկու երկիրներուն մէջ 16 լայնութեան աստիճանէն աւելի տարբերութիւն կայ, այսինքն Արարատ հիւսիսային Գերմանիայէն 16 աստիճան աւելի դէպ ի հարաւ է. միայն Գերմանիայի մէջ ան ամառուան չորութիւնը չկայ:

Արարատայ հարաւային արեւմտեան ստորոտը գարձեալ Քիւրտերուն քանի մը պզտիկ ու անբնակ գեղերուն այց ելայ, որոնք կ'ըսուին Շողու, Զելայ, Օրտուլու, Կորական, Տակիլք եւ Գարադուլագ: Վերջին գեղին մէջ որն որ Առուսաց սոհմանէն միայն երկու ժամ հեռու է, ձմեռը մէկքանի Քիւրտեր կը բնակին, որոնք յառաջագոյն Ակոռի գեղին հայազգի բնակչացը քով իբրեւ հովիւ կը ծառայեն եղբւր եւ 1840ին վառնդէն պրծեր են: Աս Քիւրտերուն մէկուն Պայազլիտ քաղքին մէջ հանդիպեցա

եւ անոր բերնէն Ակոռիի կործանման ընդարձակ պատմութիւնը լսեցի, որն որ էական բաներու մէջ Հայազգի Սաղաթիէլ Խոջայեանին նկարագրութեանը համաձայն էր: Քիւրտը՝ Տիրոջ ոչխարները լերան վրայ արածելով՝ Ս. Յակոբայ ձորին արեւելեան կողմը կեցած էի, ըսաւ, մէյ մ'ալ անդիէն սոսկալի բոմբիւն ու որոտում մը ձորէն դուրս թնդաց, ահագին կարմրաշողի ամպ մը վեր ելաւ, եւ վարէն օդի մէջ սաստիկ խոշոր քարի կտորներ կը նետուէին, որոնք վանքն ու գեղը ճզմեցին ու ծածկեցին եւ անկից ալ անդին դէպ ի դաշտ կը թռչէին: Ներքին դղրդիւնը, շոգիներուն վեր բուրելը, քարերուն, հողին ու տղմին նետուիլը լման ժամ մը տեւեց, անկից ետքը ամենայն ինչ հանդարտեցաւ: Քիւրտը խոստովանեցաւ որ Ակոռի գեղին ու իր տիրոջը կուրուստը ստղծ իմանալուն պէս՝ ոչխարներն առաւ Տաճկի սահմանն անցուց ու իրեն սեպհականեց: Աս բանիս ես իրաւունք ալ ունէի, կ'ըսէր, որովհետեւ տէրս ինծի մէկքանի ամսուան վարձք պարտական էր եւ բնական ժառանգ մը չունէր:

Հոս տեղերը ձիւնաջրէ յառաջ եկած սակաւաջուր վտակ մը կայ, որն որ պզտիկ ջրվէժ (չալաղա՛ն) մը կը ձեւացընէ. ասիկա 30 ոտնաչափ բարձրութենէն ու առաջի սեւ քարերու վրայէն կը հոսի. քովիններուս հոս կենալ ու վրանս կանգնել տուի: Քիւրտ ուղեցոյցներս աս տեղը Չիրք անուանեցին: Արարատի վրայ տեսած մի միայն ջրվէժս աս է: Արարատի ինչպէս հիւսիսային կողմը, նմանապէս հարաւային կողին ու ստորոտին վրայ ալ աղբիւրի պակսութիւն կայ. ասիկա նշանաւոր երեւոյթ մըն է, զորն որ արդէն յառաջագոյն յիշեցի: Ասով հաւանական կը տեսնուի թէ աս ծեր հրալերան ներսի պարապ միջոցը ձիւնաջրով լեցուն ըլլայ, եւ հրաբխային կերպով լեռնէն դուրս օդ ու շոգի բորակալը շատ դիւրաւ կը

մեկնուի՝ ենթադրելով որ աս ջուրը բուն խորունկ հրաբխային կրակին մէջ հոսած ըլլայ: Արագած, Ահմանկան եւ Ծաղկաց լեռներն ու Կեափուր տաղըն Արարատի պէս ապառաժ խայտակունճ քարէ բաղկացած են, բայց խիստ շատ աղբերակունք ու վտակ ունին, թէպէտ իրենց կատարին վրայ այնչափ առատ ձիւն ալ չկայ: Ասկից դիւրաւ կ'իմացուի թէ Արարատին ամառն անբնակ կամ անբնակելի ըլլալուն պատճառն է անջրդուծիւնը, որով նաեւ բոյսերը չեն կրնար յառաջ գալ: Արարատի ինչպէս հիւսիսային, նոյնպէս հարաւային կողմն ալ երբ որ մինչեւ լեռան վրայի ձիւներուն սահմանն ելայ, աս ամայութեան երեւոյթը վրաս տխուր զգածմունք մը բերաւ: Հեաս եղած մարդիկներուն երեքը, այսինքն Լեհը, Հայն ու Քիւրտը ջրվէժին քովը մնացին ճամբու ախերով, իսկ երկրորդ Քիւրտը հազար ոտնաչափ մը անոնցմէ վեր ձիուս քովը կը կենար, որովհետեւ անկից վեր չկըցայ ձիով ելլել: Հոս քստմնելի լուծիւն մը չորս դին կը տիրէր, եւ նոյն իսկ թռչունները կ'երեւայ թէ կը փախչին աս տեղէն, ուր հազիւ թէ ամենա նուազ սնունդ մը կրնան գտնել: Լեռան կէսէն աւելի վեր ելայ ու չորս կողմը յայտնի կը տեսնէի:

ԻՆՆԵՒՏԱՄՆԵՐՈՐԴ ԳԼՈՒԽ

Արարատ ճամբիւ հրաբուխ է: Լեռան գլուխն ելլելու փափաք: Արարատայ հարաւային կողման ծաղիկները, ծառերն ու կենդանիները: Պայազիտի քովէն Հայաստանի լեռանց անհամեմատ ասեղ տեսքը: Հայաստանի հին ու նոր հրաբխային վիճակին վրայ խորհրդածուծիւններ:

ՈՒՒՒՒՅԻՐ անուանի աշխարհագիրը կը կարծէ որ Արարատ հրաբխային սկիզբէ յառաջ եկած չըլլայ, հապա երկրիս ներքին հրային զօրութեան հանդարտ ընթացքովը կամ որ նոյն է՝ Պլուտոնեան ճամբով գոյաւորած ըլլայ, որովհետեւ, կ'ըսէ, Արարատի վրայ

ուչ խառնարան (հրաբխի բերան), ոչ ալ ճշմարիտ լաւայի հոսանք գտնուած է: Այսու ամենայնիւ կոնաձեւ ու զտառակաց Արարատին հրաբուխ ըլլալն այնպէս ստորագ է, ինչպէս Ախուլ ու Ետնա լեռներուն դեռ այսօրուան օրս հրաբուխ ըլլալը: Մասիսին ստորոտներուն չորս դին անանկ քարի տեսակներ կը գտնուին, որոնք խոյն հրաբուխներէն կ'ելլեն: Դարձեալ յայտնի կ'երեւան ան կողմնական խառնարաններն, որոնցմէ լաւ վազած է. բայց լեռան կատարին վրայ եղած մեծ խառնարանին մնացորդները հաւանական է որ մշտնջենաւոր ձեւն տակ ծածկուած ըլլան: Իսկ եթէ լաւայի հոսանք փնտռենք, լեռան ռուսական ու օսմանեան կողմանցը վրայ ակներեւ ու ամբաւ կը գտնենք: Հոս լաւայի ամենամեծ հոսանքը վազած է գէպ ի պարսկական Հայաստանին Մակու քաղաքը. մէկ մասն ալ գէպ ի Պայտազիտ մինչեւ Մուրտաշիւր վտակը, Պր. Պեհակը Գերմանացին կտրծեց որ նոյն իսկ Ս. Յակոբայ կիրճը՝ զորն որ ինք Արարատայ 1840ին ժայթքումը չեղած տեսաւ, Մասիսու մէկ խառնարանին մնացորդն ըլլայ: Բայց անտարակոյս կ'երեւայ որ ինչպէս գրեթէ ամէն հրաբուխներուն, նոյնպէս Արարատայ ալ գլխաւոր խառնարանը բուն վերին կատարին վրայ եղած ըլլայ, ուր հիմա յաւեժական սպիտակ քողը՝ լեցուած անդունդին մնացորդը կը գոցէ:

Արկու սառնաճար կամ սառնալեւ¹ տեսայ, որոնք լայն ճեղքուածի մը մէջէն գէպ ի հարաւ կ'իջնէին: Ընդհանրապէս վրայ կեցած ատենն՝ երբոր անոր

¹ Ասոր վրայ 102 երեսին ծանօթութեանը մէջ խօսած ենք. միայն առ կ'աւելցնենք որ շատ անգամ սառնալեռանց միայն յատակը հալելով՝ ձորերուն մէջ կը սկսին սահելով շարժիլ ու մղոններով յառաջ երթալ, եւ ձորին երկու կողման լեռանց քարուտ երեսն ալ սառաիկ ջորութեամբ քուլելով կը շփեն, կը մաշեցնեն, կը փայլեցնեն ու նաեւ գիծ գիծ կ'ընեն:

երկու երկնաբերձ գլուխներուն նայեցայ, որոնք իզմէ 8000 ոտնաչափ վեր դէպ ի վճիտ կապոյտ երկինքը կը բարձրանային, վրաս նորէն ըռպէական փափաք մ' եկաւ որ մինչեւ գլուխն ելլեմ: Պահելի փաշան երբ որ դեռ Պայազխտի մէջ էի, ինծի ըսաւ որ Հայրս Մահմուտ փաշան շատ անգամ զանազան մարդիկներով նոյն գործքին ձեռք զարկաւ, եւ չկրցաւ յաջողցնել. թէպէտ մէկուն մէկալին շատ ստակ խոստացաւ, սակայն լերան կատարն ելլող մը չգտնուեցաւ: Բայց Ակոռիին բնակիչներն ալ արդէն Բառողին ասանկ ըսած էին, որն որ աս խօսքով իր նպատակէն ետ չկենալով՝ պանծալի կերպով մը գլուխ հանեց: Զիս ոչ գժուարութեանց վախը, ոչ ալ լերան անելանելի ըլլալը ետ կեցուց, ինչու որ թէպէտ ճամբորդութեան աշխատանքներէն տկարացած ու հիւանդագին էի, սակայն քաջասրբութիւնը, համբերութիւնն ու հաստատուն յառաջադրութիւնը գուցէ ամէն բան կը յաղթէին. միայն թէ մտքիս մէջ ես ինծի հարցուցի. ի՞նչ պարծանք, ու գիտութեան համար ի՞նչ օգուտ կը բերէ այնպիսի լերան մը ծայրն ելլելը, որուն կատարն արդէն ելած ու բարձրութիւնը թէ ծանրաչափօրէն եւ թէ երկրաչափօրէն իմացած են: Միայն սնապարծութեան ու "Ես Մասիսու գլուխն ելած եմ", ըսել կրնալու համար՝ պէտք չէ առողջութիւնն ու կեանքը վտանգի մէջ ձգել: Աս մտքով լերան կատարն ելլելու պարծանքն ուրիշ երրորդի մը թողուցի:

Արարատին աս կողմը ժողված տնկաբանական ու կենդանաբանական հաւաքումն այնչափ երեւելի չէր: Հրաբխային աւազին վրայ մինչեւ պզտիկ ջրվեժին բարձրութիւնը ստուգիւ շատ ծաղիկներ կը բուսնին, բայց տեսակնին այնչափ շատ չէ: Ամառուան վերջերուն մօտ հազարտերեւուկները¹ դեղին ծաղիկնին

¹ Լտ. Achillea. տնկ. հիւան փերեփ:

բացած էին, քոտորոյսները¹ ճերմակ, եւ կերպ կերպ բոյսեր ալ՝ կտրմիր, որոնք տամենէն շատ էին: Այլեւայլ տեղեր անտնկ ստկաւաջուր գետնին վրայ ծաղիկներու ամբու առատութիւնը տեսնելով ստուգիւ ապշեցայ, բայց ասոնց ամէնն ալ նեղ տերեւներով էին, ինչպէս որ աւագուտ երկիրներու վրայ կ'ըլլայ: Սակայն աս ծաղիկներու առատութեան քով կենդանեաց համար խիստ քիչ խոտ կար, այնպէս որ գոյնզգոյն ծաղիկներն ամէն կանաչները ծածկած էին: Սոյսգ է որ շատ տեղ կաւկասի ու նաեւ գերմանական մարգերու վրայ ծաղիկներու բազմագոյն գլուխը՝ խոտերն ու բոյսերուն կանաչ մասերը կը գոցէ, բայց երկրի վրայ տեղ մ'ալ անտնկ ընդարձակութեամբ չտեսայ, ինչպէս Արարտա: Լերան աս կողմը ծառ ամենեւին չկայ. ան ցարաօի ծառերուն որոնք պզտիկ Մասիսու վրայ անտառակ մը կը կազմեն, հոս եւ ոչ նշմարանքը տեսայ:

Հայաստանի բոլոր անտառները, զորոնք Հայոց լեռնադաւառին վրայ տեսայ, գլխաւորաբար ան ծառերն ունին, որոնք միջին ու հիւսիսային Եւրոպայի մէջ կը բուսնին: Ուրի, կաղնի կամ թեղօշ, սղոցի (փալմաօս կամ փերնար աղաճը), սօս (ափ լեռ աղաճը), հացի (սէնփեդան աղաճը), եղեւիճ՝ (սանեվպէր աղաճը) եւ ուրիշ ասոնց նմանները պինտ շատերն են: Իսկ հարաւային բոյսեր աս զով ու հողմուտ լեռնաստանի վրայ երբեք չեն տեսնուիր. անոր հաճմար բնախուզին մէկը շիտակ ըսաւ թէ՛ Նոյայ տապանին աղանին ձիթենւոյ շիղ մը գտնելու համար Արարատէն խիստ հեռու² թռած պիտ'որ ըլլայ: Իսկ թփերէն երկու տեսակ գտայ, որոնք զարմանալի կերպով մը լերան վրայի ձիւներուն սահմանին

¹ Ատ. Scabiosa.

² Եւ սակայն սողոգ է որ հարաւային Հայաստանի վերջին սահմանները մէկալ հարաւային անկերէն զատ ձիթենի ալ կայ.

մօտ բուսած էին, այսինքն՝ Յերդ¹ ու Սերիւլի² զիւն³։ Ալպեան բոյսերը Մասիսու վրայ աւելի բարձր տեղականք կ'աճին քան թէ Կաւկասի վրայ, բայց բոյսերուն նկարագիրն ըստ ամենայնի նոյն է։ Ալպեան ասոր⁴, Գարբի⁵, Կաւկասեան աւիշման⁶, Ամեռափեղ փեղեփաւ⁶ բոյսերն ինչպէս Կաւկասի, նոյնպէս Արարատայ ալ բարձր տեղերուն զարգերն են։ Ընդհանրապէս խօսելով չկայ Արարատայ վրայ բոյս մը, որ Զուխցերիի Ալպեան լեռանց վրայ իր երեսփոխանը չունենայ։ Մասիսու աս կողման մեծ ու պզտիկ կենդանիներն ալ միջին Եւրոպայիներուն կը նմանին։

Արարատի հարաւային կողմն վրայ երկու օր կենալէն ետքը Պայազիտ դարձայ, եւ անկից ալ շիտակ Կարին։ Սուկաւ լեռան բարձրութենէն վերջին անգամ՝ Նոյեան լեռը տեսայ, ու իմ մշտնջենաւոր հրաժարական ոգջոյնս տալի։ Բարձր Հայաստանի սահմանադրւիներուն վրայ ընդհանրապէս բնական ձեւերը շատ վեհ ու շքեղ են, բայց Մասիսու մօտակայ բոլորտիքը նոյն նկարագրեղ գիրքերն այնչափ բազմաթիւ չեն։ Ապագայ ճամբորդներուն իբրեւ վերջին աստիճանի զարմանալի ու նկարելու տրժանի՝ կը յանձնեմ ան տեղքը, որն որ Պայազիտի ու Քիլիսէ քէնթի մէջ եղած լեռան բարձրութենէն կ'երեւայ։ Թէպէտ չորս ամսէ ի վեր Հայաստանի ալպեան լեռներուն նայելէն բոլորովին կշառցած էի, այսու ամենայնիւ Արարատայ հոսկից երեւցած կողման անհնարին դատան տեսքը վրաս անանկ ապշեցուցիչ

¹ Լ. Juniperus Oxycedrus, որն որ գի (աբղէճ աղեճ) ծառին մէկ տեսակն է։

² Լ. Cotoneaster uniflora.

³ Լ. Aster alpinus.

⁴ Լ. Saxifraga.

⁵ Լ. Pyrethrum caucasicum. ամկ. Նիւզլի օխաւ։

⁶ Լ. Centaurea pulcherrima. ամկ. (Սարլ) Գանձարիթ։

աղգեցութիւն մ'ըրաւ որ երկայն ատեն չկրցայ նոյժ տեղէն բաժնուիլ: Մարդիկներու հրամայեցի որ կենան ու ձիանքը դարձար տեղերուն վրայ ճարակի թողուն, ես ալ վերին ապառաժին վրայ նստեցայ: Աս բանիս համար՝ հետս եկող Պարսիկ ձիաւորները խիստ կը զարմանային, որովհետեւ աւազակ Գիւրտերուն սահմանէն դեռ դուրս չէինք ելած, եւ տեղացիք ալ չէին կրնար ըմբռնել թէ ինչպէս կրնամ անանկ գիւրքի մը վրայ ապշիլ մնալ, որն որ իրենց հանապազատեալ բան մըն էր: Մեր առջեւը դէպ ի վեր կը բարձրանային երկու ճաթաւտած, լերկ ու գորշ կրաժայռներ, որոնք Պայազիտ քաղքին վրայ կը նայէին. մեզմէ վար կը փայլէին լեռան կարմիր մարմորի նման կողերը. աս երկու գոյներուն մէջտեղը կեցած էր զարմանալի քրդաքաղաքը (Պայազիտ) իր աստիճանաձեւ ու դար դար տներովը, որոնց վրայ բարձրէն կը նայէին Փաշային ահեղ դղեակն ու Մուրատին՝ լեռան ճեղքուածին վրայ շինուած սքանչելի պալատը: Մեծն Մասիսէն քիչ մը հեռու սեւ ու բրգնաձեւ պզտիկ Մասիսը կար, որն որ թէպէտ իր բարձրութեամբը Զուլիցցերիի Եփեսոս (Էփեսոս) ըսուած լեռան կը հասնէր, եւ ծովին երեսէն չափելով՝ Եւրոպայի ամենէն բարձր Մոնթա՛ն լեռան գրեթէ կը հաւասարէր, սակայն իր հսկայ ու 16,000 ոտնաչափ բարձր գրացւոյն քով նկուն կերպարանք մ' ունէր: Հիւսիսային արեւմտեան կողմը Մեծ Արարատին ու իր գօտւոյն մէջտեղէն կը նայէր մովթ ու մնայլ Արագած հրաբուխը՝ գլուխը չորս բաժնուած ժայռէ պսակ դնող հսկայի մը պէս: Հարաւային դին ամբարտակի պէս կ'ամբռնային Տանտուռակ լեռան վայրենի ու գրեթէ անձին ապառաժներն ու Ծաղկէոյ լեռը, որմէ Եփրատ կը բխէ, եւ որուն կատարին վրայ լայնատարած ճերմակ (ձեան) դաշտերը հանդարտ նստած էին:

Մինչեւ հիմակ Եւրոպայի, Ափրիկէի ու Ասիայի մէջ ինչ ահեղ ու նկարագեղ դիրք որ տեսած էի, Հայաստանի աս լեռնային հղիակապ տեսարանին հետ երբեք չեն կրնար բաղդատուիլ, եւ նոյն իսկ Կաւկաս պէտք է որ ետ քաշուի: Աս ահագին լաւայն անապատին տեսքը հիմակուրեւ սաստիկ աւելի պիտի եղած ըլլայ անտառները, երբոր ներքին հրաբխային զօրութիւնները երկրին երեսը շարունակ կը պատուէին, խառնարաններուն որոտումը հիմակ ասանկ տխուր մնացած լեռնադաշտին վրայ կը մռնչէր, չորս գին հսկայածեւ հրաբուխներուն անդունդներէն սեւ սեւ շողոյ սիւներ դուրս կը ժայթքէին, Արարատի բոցերը մշտնջենաւոր ձիւնն ու սառցոյցը կը մերժէին, եւ այն ամբաւ ու հիմակ սեւ փրփրի նման սառած լաւայն զանգուածը սուլելով, գոռալով, ծխելով լեռնի վայր գետի պէս կը վազէր, եւ բոլոր դաշտը կը գառնար կ'ըլլար մեծանիստ ու փայլուն հրածով մը: Ան հին վառարանը, որմէ հազարաւոր տարիներ յառաջ առ տիտանեան ու պարծալք լեռներն ելած են, դեռ կենդանի է, եւ իր գոյութիւնը ցոյց կու տայ յաճախ գետնաշարժներով, ընդերկրեայ բոմբիւններով, եւ ներսի օդերուն ու շոգիներուն դուրս ելլելու ջանալովը, որոնք խորին անդունդներու մէջ շոգութայի զարնուած կը մրմռան:

Հայաստանին աս կողմերը գետնաշարժէ պատճառած աւերները սոսկալի են. Պայագիտին կործանումն ալ ասոնցմէ կը կարծուի, վասն զի ասիկայ Արարատի ամենէն մօտիկ քաղաքն է: Հոս ամենէն հաստատուն ու հզօր շէնքերն ալ մէկ օրուան ապահով գոյութիւն չունին: Քանի մը տարի յառաջ Մահմուտ Փաշային վեհադեակը կը դողդոջար, հաստ ու ամուր պատերը պատուեցան փլան, որոնց կործանման թնդիւնը հասաւ մինչեւ այն խոր գերեզմանը, ուր նոյն ծեր բռնաւորը ճերմակ փայ-

լուսն մարմիններու առից յաւիտենական քունը կը քնանայ: Բայց առ ներքին վնասարեք զօրութիւնները հաս ալ ան յառաջուան կատաղութիւնը չունին, որովհետեւ աւելի խորին անգուանդներու մէջ քաշուած են, եւ լեռներն ու երկրիս պնդացած կեղեւն անոնկ ստառիկ ուժով անոնց վրայ նստած են՝ որ ալ իրենց բոցերը չեն կրնար գոցուած բերաններն յառաջուան պէս դիւրաւ ծակել ու գուրս ելլել: Թէպէտ հիմակ ալ առ հրաբխային երկրին վրայ երբեմն երբեմն կրնան գուրս ելլել հրային շագիւններ, ինչպէս 1840ին, կրնան դեռ երկրաշարժներ պատահիլ ու ամբողջ քաղաքներ փլցընել, նաեւ ժամանակ ժամանակ մասնաւոր հրաշնչութիւններ ալ անկարելի չեն, ինչպէս Ամերիկայի հին հրաբուխներու վրայ կը տեսնուի, որոնք գարեհով թմբեկէն ու քնանալէն ետեւ նորէն կ'աթլթընան: Բայց առ ամէն գէպքերը հազիւ թէ կրնան ըսուիլ ականար յիշատակ մը պն ոտրաստիւի երեւոյթներուն, որոնք երբեմն առ անգնգոց հրաբորդք գործարաններէն գուրս ելան: Այն դժոխային հին բերնէն երբեք չեն կրնար անոնկ լաւա՞յ հսկաներ նորէն գուրս ելլել, ինչպէս որ Արարատն է. պն տաակաւոր ու մեղի մութ մնացած ժամանակները, որոնց մէջ ստաբերկրեայ հրային զօրութիւններն իրենց գուրս նստած նիւթերը սխրալի կերպով մը մինչեւ ամպերը հանեցին ու հաստատեցին, նաեւ Հայաստանի սառած հրաբխային երկրին համար ալ անցած գոցած են:



ՅԵՒԵԼՈՒԸԾ

ՆՊԵՍ

Ի ԲՆԵԿԸՆ ՊԵՏՄՈՒԹԻՒՆ

ԲԵՐԶՐ ՀԵՅԵՍՏԸՆԻ

ՅԵՒԵԼՈՒՆԾ

ՆՊԵՍՏ

Ի ԲՆԵԿԵՆ ՊԵՏԾՈՒԹԻՒՆ

ԲԵՐԶՐ ՀԵՅԵՍՏԵՆԻ

Ա. ՕԴԻ ԲԱՐԵՒԱԾՆՈՒԹԻՒՆ:

Բարձր Հայաստանի օդին Միջազգեսաց ու Պանոսի օդին Հեա
բաղդատութիւնը: Տարութիւնն ու ցրտութիւնը: Տարւոյ
եղանակները: Բերքերուն ու պտուղներուն հասնելու ասնն-
ները: Ցեղացմանք: Հայաստանի օդին առողջականութիւնը:

ԲԱՐԶՐ Հայաստանի օդին վրայ մինչեւ հիմայ եր-
կայն ու ապահով զննութիւններ չեն եղած: Եւրո-
պացի բնախոյզները նոյն երկրին զանազան կողմերը
պտրտեցան, բայց ամենէն նշանաւոր տեղերն ալ
հազիւ թէ մէկերկու ամիս մնացին: Ոչ Ռուս պաշ-
տօնատէրներուն, ոչ ալ Օսմանեան Հայաստանի քա-
ղաքները նստող Եւրոպացի հիւպատոսներուն մէջ
անանկ մարդիկ եղան, որոնք ասանկ դիտողութեանց
հարկաւոր գործիքներով մէկտեղ բաւական տեղե-
կութիւն եւ յօժարութիւն ունենային, որպէս զի
ծանրաշփոխ ու ջերմաշփոխ վիճակը, եղանակն ու
օդին խոնաւութիւնը, հովերուն բնթացքն ու ասոնց
նման բաները շարունակ քննեն: Ասիկայ շատ բազ-
մադէ է, ինչու որ Հայաստանի լեռնագաւառն իր
դրացի վրաստանին, Պարսկաստանին, Միջազգեսաց
եւ Պանոսի օդէն զարմանալի տարբերութիւններ
ունի. եւ եթէ աս զննուելու ըլլայ, գուցէ ան ատեն
կը մեկնուին քանի մը տեղւոյն նորանշան տնկերը,
բուսոցն ու կենդանեացն աշխարհագրական տարա-
ծութիւնը, եւ մանաւանդ Սեւ ծովուն ահագին

մրրիկները: Միայն Կարին նոտող Անգղիացի Պրանդ-
Հիւպատոն եղաւ որ Յրապիղոնի Հիւպատին հետ
մէկտեղ քանի մը ամիս օդի վրայ համեմատական
դիտողութիւններ ըրաւ, եւ ասով Կարնոյ լեռնագաշ-
տին բարձրութիւնն առաջին անգամ ճիշդ գտաւ:
Ս. Պետրբուրգի ճեմարանը Ռուսի Հայաստանի մէջ
աս բանիս համար հաստատուն տեղ մը չորոշեց, ինչ-
պէս որ տէրութեան ուրիշ կողմերը կան, որոնք այն-
չափ օդերեւութական երեւելի գէպքեր չունին, որ-
չափ Արարատայ կողմերը: Ես Երիւանի, Կարնոյ, Պայա-
զետի, Կումրիի, Գանձակայ կամ Եղիսաբէթուպոլսի եւ
ուրիշ քաղաքաց Հիւպատոններէն եւ բժիշկներէն միշտ
ասոր վրայ տեղեկութիւն առի, սակայն աս ծանօ-
թութիւնները բնաբանական գործիքներով շարունակ
դիտուած ու հաստատուած չեն, անոր համար մենք
ալ միայն բնդհանուր ծանօթութիւններ կու տանք:

Բարձր Հայաստան շատ խիստ ու ցուրտ օդ ու-
նի, բոլորովին հակառակ է տաք Միջագետին ու
մեզմ Պոնտոսին, որոնց մէջ ինք իբրեւ լեռնակղզի մը
կը բարձանայ: Ապրիլին Մուսալէն ելլելով՝ Տիգրիսի
վրայէն գէպ ի վեր եկող ճամբորդն օդի ու երկրի
վրայ մեծ փոփոխութիւններ կը տեսնէ: Նախ Մու-
սուլի քովերը կը թողու երկինքը վճիտ ու պայծառ,
գաշտերը կարճ կարճ եւ արեւուն տապէն այրած ու
տոչորած խոտերով: Երկու օր ճամբորդութիւն ընե-
լէն ետքը՝ երբոր Հայաստանին լեռները կը մօտե-
նայ, պմենայն ինչ կերպարանափոխ կ'ըլլայ: Մի-
ջագետաց գաշտերուն խեղդիչ տաքութեան տեղ
կը գտնէ դեռ ձմեռնային ցրտութիւն. երկինքը գեռ
ամպոտ, օրուան մէջ արեւը միայն մէկ երկու ժամ
դլուխն ամպերէն գուրս կը հանէ. ինք երեսը ծած-
կելուն պէս ցուրտ ու յորդահոս անձրեւ կը տեղայ.
աս առաններն օդն ալ շատ փոփոխական կ'ըլլայ,
այնպէս որ երբեմն ճամբորդը կէսօրուան արեւէն ինք

զինքը պատասպարելու համար պէտք է հովանոց բանալ, ու քիչ մը վերջը ցրտէն պահպանուելու համար մուշտակի մը փաթթուելու է: Ապրիլի մէջ տալեռնագաւտուին բոյսերը Տիգրիսի վարի դաշտերուն նայելով շատ ետք են: Յորեն ու գարի հասարակօրէն Ապրիլին վերջերը կը ցանուին. պտղոյ ծառերը Մայիսէն յառաջ ծաղիկ չեն բանար. լեռնային անտառաց ոփիներուն անբուսները հազիւ թէ ցցուելու կը սկսին, թեղօշները (Ռէյնիէր) դեռ անաբուս են, գետինը կանաչ է, բայց խոտերը շատ կարճ. հաստատաբանակ Հայոց պաճարը զուարթ կը խայտայ արօտի վրայ, իսկ թափառական քիւրաքերը դեռ հարաւային երկիրներու վրայ կը մնան: Հայաստանէն մէկ քանի օրուան մէջ գէպի Պոնտոս գալով կը տեսնէ ճամբորդն որ նշենիները ծաղիկնին թափեր, անտառաց ծառերը կանաչազգեստ զարդարուեր են. Սեւ ծովուն հարաւային եզերաց ամենէն գեղեցիկ ծաղիկները՝ Պոնտոսի լեռնավանդակն ¹ ու Պոնտական վարդածառն ² իրենց պերճ բաժակն են բացեր եւ ջերմաչափին տաքութիւնն է 18—20° Կելսիուսի ³: Ապրիլի մէջ Պոնտոսի Տրապիզոն, Կերասուն, Սինուպ, Սամսոն, Հրիզէ քաղաքներուն բոլորտիքը բոյսերն ու ծաղիկները շատ յառաջ գացեր եւ շքեղ կերպարանք մը ստացեր էին, իսկ Բաբերդ (Պայպուրի) քաղքին քովերը Մայիսի մէջ միայն անտնկ տնկեր գտայ, որոնք գարնան տառաջին սկիզբն ու օդոց քիչ մը մեղմանալը կ'աւետեն, այսինքն են լուրջ շուշան կամ թրաշուշան ⁴, ձիւնածաղիկ ⁵, հրտնունկ, մկնասոխ կամ բծեծ ⁶ եւ քրքում:

¹ Լ. Azalea pontica.

² Լ. Rhododendron ponticum.

³ Յես Օգերեւութաբանութիւն, Երես 8—9.

⁴ Գշ. Iris. Glaieul. անկ. Մալի շաւար. Գոսպուսի ԳԱԼԷԷ:

⁵ Լ. Primula. Գշ. Primevère.

⁶ Լ. Scilla. անկ. Արա օղանդ:

Ասանկով Միջագետէն եկող ճամբորդը Մուսուլ
 կը տեսնէ որ բնակիչներն ամառուան օթադին տա-
 պէն պատասպարուելու համար գետնափոր բնակարան-
 ներ կը պատրաստեն. իսկ Արնոյ փողոցներուն մէջ
 թանձր ձիւն, պատուհանները պնդով խծկուած
 (Ռէյմոսած) եւ բնակիչք գեռ վառարանին բոլոր-
 տիքը ժողոված: Եղնկայի լեռնադաշտին վրայ մին-
 չեւ Ատրպատականին սահմանը քիչ անգամ կը պո-
 տահի որ Մայիսէն յառաջ ցորեն ցանուի, իսկ Արա-
 գածի բարձր դարատափին վրայ եւ Սեւանայ ծովուն
 կողմերը շատ հեղ արտերը Մայիսի կէսէն ետքը կը
 հերկուին. ցորենին հունձքը հոն անուոյգ բան մըն
 է, եւ աարի կ'ըլլայ որ գարին չի հասուննար: Դուարն
 ու պաճարը նոյն իսկ Ապրիլին իրենց շնչին ճարակը
 ձիւներու մէջէն քերելով գալիս կը հասնեն. ծառերը
 գեռ կանաչութիւն չեն ունենար: Մկնատին որ
 Հոյսոտանի մէջ պինտ յառաջ գարուն կ'աւետէ,
 միայն շատ տաք տարիներն Ապրիլէ մէջ սիրուն
 կապոյտ գունով հալող ձիւներուն քով գետինը կը
 զարգարէ: Աս ատեն Միջագետաց բնակիչներն արդէն
 հասուն կեռաս ու ծիրան կ'ունենան: Վերջապէս
 եթէ մարդ Ապրիլին Պոնտոսէն գէպ ի հարաւ շու-
 տով ճամբայ ընէ, միայն մէկ շաբթուան մէջ կրնայ
 տարւոյ երեք եղանակներուն ուրախութիւններն ու
 ծանրութիւնները զգալ: Սեւ ծովին քով կը թողու
 գեղեցիկ գարուն մը, գալար անտառներ ու ծաղ-
 կաւետ մարգեր: Արնոյ լեռնադաշտին վրայ կը գանէ
 խիտ ձմեռ մը, տխուր ու լայնատարած տափափայր
 մը, ուր ամենայն ինչ ձեան ու սառուցի մէջ թա-
 ղուեր է: Իսկ Միջագետաց արտորաներու վրայ կը
 տեսնէ որ հասկերն արդէն տողքացեր եւ խորտէշ
 դոյն են առեր. գեղացին անդաստաններու մէջ ջրի
 ճամբայ կը բանայ որ չըլլայ թէ չոր տապը հունձքը
 փչացընէ: Միջագետք Ապրիլի վերջը խոտերն այն-

պէս պրած կ'ըլլան, ինչպէս Կոստանդնուպոլսի նեղուցին քով Յուլիսի վերջերը: Մուսուլի շուկային մէջ Ապրիլին արդէն սառոյց ծախելու կը սկսին: Այսչափ քիչ տեղւոյ մէջ նոյն երեք դրացի երկիրներուն այդչափ իրարու հակառակ բարեխառնութիւնը ստուգիւ զարմանալի բան է: Անտարակոյս աս է որ օգը փոփոխական կ'ընէ եւ ան փոթորիկները կը ծնանի, որոնք Սեւ ծովի վրայ նաւորդները միշտ մեծամեծ վտանգաց մէջ կը ձգեն:

Իւարճը Հայաստանի մէջ բուն ձմեռը հասարակօրէն ութ ամիս կը տեւէ, այսինքն Հոկտեմբերէն մինչեւ Մայիս. դարունն ու աշունը մէյ մէկ ամիս են: Իսկ ամառը մէկէն ի մէկ կը սկսի: Կարնոյ միջին բարեխառնութիւնն է Մայիսի մէջ 6—8° Կեղ-սիոսի. Յունիսին 16—18° Կ., Յուլիսին 22—24° Կ.: Բայց ասոնք ալ կը փոխուին: Ժողկը Գաղղիացին անձամբ տեսնելով կը պատմէ որ Յունիսի 17ին Կարնոյ մէջ առատ ձիւն կու գար: Ես ալ Յունիսի 12ին գետնի ջրերուն երեսը բարակ սառոյց կապած տեսայ, եւ բրիտանական հիւպատարանին մարդիկը տաք կրակարանին բոլորտիքը ժողված էին: Բայց Անգղիայի հիւպատոս Պրանդ հաստատեց որ Յունիոի մէջ սովորաբար ասանկ ցրտութիւն չ'ըլլար: Տապագին տաքութիւնը Յունիսի ցրտութեան շուտով կը յաջորդէ եւ արեւը գետնին մովթ սեւեհուճներուն վրայ անանկ ստատիկ ազդեցութիւն կ'ընէ որ երկու ամսուան մէջ ցորենը կատարելապէս հասուն ու ատոք կ'ըլլայ: Երբոր ես Կարնոյ լեռնադաշտը Յունիսի մէջ թող տալով գացի նէ, ցորենի ցօղուններն ու դարւոյ ոճերը հազիւ թէ երկու մատ բարձրացած էին, բայց Օգոստոսի 20ին Պարսկաստանէն դարձած ատենս՝ լամէն մարդ հնձելու պատաղած էր: Աս երկու ամառուան տաք ամիսներուն մէջ խիստ ցանցառ անձրեւ կու գայ, ուստի եւ գեղջուկ-

ները կը ստիպուին իրենց արտերն առուակներով ջրել: Առանց աս արուեստական առողման բարձր Հայաստանին շատ կողմերը հունձք անկարելի կ'ըլլար:

Եւրասիայ քովի գաշաերը թէպէտ ըստ մեծի մասին բարձր Հայաստանին կը վերաբերին, բայց իրենց օդին բարեխառնութեան եւ տարւոյ եղանակներուն տեւողութեան կողմանէ զարմանալի տարբերութիւն ունին ան լեռնադաշտերէն, որոնք Եղնիպէն սկսած՝ մինչեւ Պարսկաստանի սահմանները կը հասնին: Եջմիածնի դաշան այնպէս բարձր գիգը (ծովին երեսէն 2866 ֆարիզի ունաչափ) ունենալէն ետքը գարունը բաւական շուտով կը սկսի: Հոս կենդանիներն արդէն Մարտին անտառի մէջ ազէկ ճարակ կը դռնեն: 1843ին Մայիսի մէջ ջերմաչափը 22—26° Կ. տաքութիւն կը ցուցնէր. խոտերն այրելու սկսած էին, եւ գեղացիք ազուգաներով Ապարան գետին ջուրն իրենց պապքեալ արտօրաններուն կը բերէին: Մի եւ նոյն ամսոյն մէջ Արագած լեռան դրօշի ու բաղձմանորդ գարատափին վրայ, որն որ Երիւանին լեռնադաշտէն 3500 ոտնաչափ բարձր է, ձիւները կը սկսին հալել. ես Յունիոի մէջ հոն գարւոյ բոյսերն առելի կարճ գոաց քան թէ մի եւ նոյն ատեն Կարնոյ քովերը: Կուճրի լեռնադաշտն ալ կ'երեւայ թէ օդին բարեխառնութեան ու եղանակաց կողմանէ Կարնոյ հետ նոյն է: Հոս Երիւանի, Կարնոյ ու Տրապիզոնի բարեխառնութիւնը կ'ուզենք իրարու հետ բազդատել:

Երիւան¹ Ապրիլ 12° Կ. տաք, Մայիս 21° Կ. տաք, Յունիս 25° Կ. տաք:

¹ Տիւղոս Երիւանի օդին վրայ խօսելու ատեն կ'ըսէ. 1834ին Փետրուարի 22ին արեւադարձ ատենը 12° ցրտութիւն կար, եւ հետեւեալ 18 օրերը ջերմաչափը միշտ զրոյք եւ 6° ցրտութեան մէջ կ'ելէր կ'իջնար: Դաւրէժ մի եւ նոյն ատեն ջերմաչափը զրոյի եւ 8° ցրտութեան մէջ էր. Խրքմի գերը քաղաքը 4—7° ցրտութեան մէջ: Երիւանի ամենէն ցաւառիկ ցրտութիւնը 26° կը համարուի:

Կարէն Ապրիլ 4⁰ Կ. տաք, Մայիս 10⁰ Կ. տաք.
Յունիս 13⁰ Կ. տաք:

Տրապիզոն Ապրիլ 14⁰ Կ. տաք, Մայիս 18⁰ Կ.
տաք, Յունիս 20⁰ Կ. տաք:

Այս ծովուն հարաւային եզերքն այնչափ ձմեռ-
նային հովերուն գէմ շատ քաղցրախառն ու մեղմ
օդաբաժին մ'ունի, ուր ձիթենին ամէն տեղ յա-
ռաջ կու գայ, եւ Հրիզէին հովիտն որ հիւսիսային
հովէն պատապարուած է, նոյն խոկ նարնջենի (խոր-
նոգալէ ծառ) կը մշակուի, որն որ՝ ինչպէս յայտնի
է, 3⁰ ցրտութեան չեկրնար դիմանալ: Տրապիզոնի,
Կերասունի եւ Սինապի քովերը խիստ հին ձիթե-
նիներ կը տեսնուին: Աս կողմերուն ամենէն բաց ու
հազմուտ տեղն ալ ձմեռուան սառտիկ ցրտութիւնը
Կեղսիոսի 6⁰ է. խոկ ամառուան ամենամեծ տաքու-
թիւնը 25⁰ Կ: Երիւանի մէջ՝ որ Տրապիզոնէն մէկ
աստիճան աւելի հարաւային կողմը կ'իյնայ, ձմեռուան
սառտիկ ժամանակները սնդիկը 20⁰ աւելի կ'իջնայ,
ինչպէս ամառն ալ Տրապիզոնին տաքութենէն 13⁰
աւելի վեր կ'երէ հարիւրաստիճանեան սանդղին վրայ:
Կարնոյ, Կումրիի, Հասանդալէի մէջ Յունուարին եւ
Փետրուարին՝ ջերմաչափի սնդիկը միայն այնչափ վար
կ'իջնայ, որչափ Երիւանի ցած տեղուանքը, բայց
Կարնոյ կողմերը ցրտութիւնն աւելի երկայն կը տեւէ
ու ձմեռն երեք ամիս աւելի կը մնայ: Կարնոյ փո-
ղոցներուն մէջ ութ ամիս կոյտ կոյտ ձիւն կ'ըլլայ,
խոկ Երիւան ամենէն խիստ ձմեռներն ալ ձիւնը հինգ
ամսէ աւելի չիմնար. Տրապիզոնի մէջ առ ճերմակ
քողը հազիւ թէ մէկ ամիս՝ քաղաքն ու գաւառը

Կիւ գնդապետը հաստատեց որ Երիւանի մէջ Յուլիսի
վերջերը պատահած պինտ սոստիկ տաքութիւնն է 38⁰
Կեղսիոսի: Տփղիսի ամենէն շատ տաքութիւնը, զորն որ
Յուլիսի մէջ գիտեցի, էր 30⁰ Կ. խոկ Դապրէտինը 33⁰
Կ: Աս վերջին քաղաքն ալ Երիւանի պէս շատ խիստ
ձմեռ ու շատ սովորաբար ալ ամառ ունի:

կը ծածկէ: Երասխայ հովիտներուն վրայ ցրաի երես չբռնող անկեր չեն գտնուիր, բայց ասոր հակառակ Երիւանի մէջ Օգոստոս ամսոյն կիզիչ տապը Պոստոսի մեղմ երկինքէն լման ամիս մը յառաջ կը խայծէ, կ'եփէ ու կը հասունցընէ խաղողը: Բարձր Հայաստանի հարաւային կողմերը, ինչպէս Վան ու Մուշ, կ'երեւայ թէ Երիւանի հետ համացեղ օգափիճակ մ'ունին, վառն զի աս երկու երկիրներուն մէջն ալ խաղող, թուփ եւ նոյն պատուէները յառաջ կու գան: Եփրատայ ու Երասխայ բխած երկիրներուն վրայ երկարատեւ ձմեռը վերոյիշեալ պտուղներուն մշակութիւնն անկարելի կ'ընէ, ու միայն ցորենի վարուցան կը շնորհէ: Բայց Աեափուր տաղըն¹, որմէ արեւմտեան Եփրատը կը բխէ, իր հիւսիսային կողերուն վրայ մէկէն ի մէկ օդի մէջ մեծ փոփոխութիւն կ'ընէ: Արնոյ պարտէզներուն մէջ պտուղ չ'երեւար, այլ միայն կարճ ու ազազուն խաւարտներ եւ նեղատերեւ վարդեր. իսկ Թորդումի ձորին մէջ՝ որ հովերէն պատսպարուած է, Յունիսի վերջերը կեռասենիք կարմիր պտուղներով կը զարդարուին, զորոնք Հայազգի գեղացիք՝ ինչպէս նաեւ ուրիշ շատ պտուղներ ու գեղեցիկ աղցաններ Արնոյ վաճառանոցը կը բերեն:

Աս կրեք դրացի երկիրներուն մէջ շրջող Թուշուններուն գարնանային գալուստն ու ամառուան բնակութիւնը մտադրութեան արժանի է եւ նոյն երկիրներուն բարեխառնութեան հետ կը միաբանի: Ծիծառը Մուսուլի մէջ կ'երեւայ Մարտի սկիզբը, Տրապիզոն Ապրիլի սկիզբը: Իսկ Արֆին առաջին գարնանաբեր ծիծառը հասարակօրէն Ապրիլի վերջերը կը տեսնուի: Ուստի կ'երեւայ թէ Ապրիլի սկիզբը հարաւէն հիւսիս եկող ծիծառները շուտով բարձր Հայաստանին վրայէն կ'անցնին ու չեն կենար:

¹ Կարծենք թէ ասիկա Հարիւր լիւն է:

Բարձր Հայոց տեղացիներն (անձրեւ, ձիւն, կարկուտ) ալ Միջագետաց եւ Պարսկաստանին արտաքոյ կարգի երաշտութեան (չորութեան) համեմատութեամբ շատ տարբեր է: Կարին Պր. Պրանդէն եւ ուրիշ հոն կեցող Եւրոպացիներէն լսածիս նայելով՝ աս կողմերուն տեղացիան չափը նոյն աստիճանի ներքեւ գտնուող ուրիշ երկիրներունէն շատ աւելի է: Սեպտեմբերի վերջն անձրեւի եղանակ կը սկսի. իսկ Նոյեմբերէն մինչեւ Մարտ շատ թանձր ու Յ—կ ոտնաչափ բարձր ձիւն, անանկ որ շատ հեղ հաղորդակցութիւնը կ'արգելուի ու դրոշն ներս դժուարաւ բան կու գայ: Կարնոյ 40,000 կարծուած բնակիչները ձմեռը գրեթէ պաշարման վիճակի մը մէջ կը գտնուին. եւ փայտ, ածուխ, միս եւ ուրիշ պիտոյքը սովորաբար չորսամսուան համար կը գնեն: Ամառուան ատեն ամենէն շատ կը փչէ արեւելեան ու հարաւային արեւելեան հով, գարնան՝ արեւմտեան հով, ու ձմեռը հիւսիսային արեւելեան հովեր ու հողմայոյղեր: Բարձր Հայաստանի ծառերուն գագաթը հասարակօրէն դէպ ի հարաւային արեւմուտք ծռած է, որմէ կը տեսնուի թէ այն ձմեռուան հիւսիսային արեւելեան սաստիկ հովերը՝ որոնք Կալկասի եւ Ուրալի մէջէն կը փչեն եւ Ասիայի ներքին անապատներէն գալով՝ առանց լեռնային արգելքի մը հանդիպելու Սեւ ծովը տակն ու վրայ կ'ընեն, նաեւ բարձր Հայաստանի մէջ կը ցուցնեն իրենց դժը, եւ զօրութեամբ ու տեւողութեամբ մէկալ հովերը կը գերազանցեն¹:

Հայաստանի օդն ընդհանրապէս շատ առողջ եւ զօրացուցիչ է, միայն քիչ տեղերը դուրս հանե-

¹ Տիւպուա կը հաստատէ որ Երիւանի այն սաստկաշունչ հովերն որ նոյն իսկ տները կը օստանեցընեն, հասարակօրէն Արագածի կողմէն (հիւսիսէն) գալով՝ Երասխայ գաւտերը կ'իջնան եւ առողջարար կը համարուին:

լով, զոր օրինակ երիւան¹ ու Երասխայ մէկքանի կողմերը, ուր ամառները շատ գէշ տենդ (սլէմ) մը կը տիրէ: Զարմանալի բան է որ Հայաստանայն- չափ բարձր դիրք ունենալէն ետեւ՝ ազատ չիմնար զանազան տարափոխիկ տիեզերական ախտերէն, ինչ- պէս են ժանտախտ ու մաղձայոյզ կամ Թալիա- Թանչ (ֆօլէրա): Նոյն իսկ բարձրագիւր Կարնոյ մէջ ահագին կոտորածներ կ'ընէր ժանտամահը: Տեղա- ցւոյ հաստատածին նայելով՝ ժանտախտը միշտ Մի- ջագետէն կու գար, եւ ոչ Թէ Պարսկաստանէ կամ Ասորւոյցմէ կամ Պոնտոսէ: 1841էն մինչեւ հիմա Կարնոյ մէջ ժանտախտ պատահած չէ: Հնդկային Թալիաթանչը նոր ատեններս Հայաստանի երկու ան- գամ սոսկալի պոցելութիւններ ըրաւ. առաջին. հեղ 1830ին ամառը գլխաւորաբար Երասխայ քովերը սարսափելի մարդամահ պատճառեց. երկրորդ ան- գամ 1847ին գարնան, ամառն ու աշնան: Առան- ձնական նամակ մը, զորն որ քանի մը օր յառաջ Ե- րիւանէն ընդունեցայ, մաղձամահին ըրած ջարդն իբրեւ ստուղիւ զարհուրելի բան մը կը ստորագրէ, որն որ անոր համար աւելի զարմանալի է որ Հայք ընդհանրապէս սակաւապէտ կ'ապրին ու գրգռիչ խմելիքները շատ չափաւոր կը ճաշակեն: Աս կող- մանէ Եւրոպայի ալպեան գաւառներն աւելի անմլաս մնացին. 1831էն մինչեւ 1837 Դիբուլ եւ Զուիցցե- րի մաղձայուզէն բոլորովին զերծ եւ ազատ էին: Ընդհատ տենդը², որ Սեւ ծովին քով, բոլոր Պարսկաստանի եւ Միջագետաց մէջ եւ մասնաւորա- պէս Կաւկասի կողմերը խիստ մնասակար ախտ մըն

¹ Երիւանի օգտբաժինը բոլոր յառաջակողման Ասիայի մէջ պինտ վատաւողներէն մէկն է: Հայք իբրեւ առակ կ'ըսեն. «Տփղիսի մէջ երիտասարդները ծերերէն չեն զանազանուիր. Երիւանի մէջ կենդանիները մեռնելներէն»:

² Գշ. Fièvre intermittente. աճկ. Արա Վերիճի «սլէմ»:

է, բարձր Հայաոտանի մէջ խիստ քիչ կը պատահի, եւ գրեթէ միայն Երասխայ դաշտերուն մէջ ամփոփուած է: Երբանէն Կումրի բերուած ջերմիտաները շուտով կ'առողջանան: Կարնոյ լեռնադաշտին գլխաւոր հիւանդութիւններն են հոսացաւ¹ եւ հարբուի: Թորացաւութիւն կամ հալեւմաշ (ֆլէմ)² միայն անոնք կ'ունենան, որոնք տաք երկիրներէն՝ ինչպէս Միջագետէն՝ հոս կու գան կը բնականան: Նոյնպէս Խափշիկները կամ սեւամորթները Հայաոտանի խիստ, առողջ եւ զօրացուցիչ օդը չեն կրնար վերցընել. գրեթէ ամէնն ալ հալեւմաշ կ'ըլլան ու կը մեռնին. այսպէս ալ Արաբացիք: Կարին գտնուող 5000 Օսմանեան զօրաց մէջ միայն 80 հիւանդ կար, անոնք ալ իրենց յանցանքովն ախտաւորած էին: Տեղացիք առ լեռնագաւառին մաքուր օդին մէջ շատ պարարտ ծերութեան կը հասնին: Հարիւր տարւան մարդիկ շատ հեղ կը գտնուին: Արագածի լեռնադաշտին վրայ 110 տարւան Հայազգի մը տեսայ, որն որ դեռ բաւական առողջ էր եւ արօտի վրայ գուար կ'արածէր:

¹ Գլ. Rhumatisme. աճկ. բիճի Բայօթ:

Բ. ՀԱՅԱՍՏԱՆԻ ԵՐԿՐԱՐԱՆԱԿԱՆ ՎԻՃԱԿԸ:

Երկրի մը ձեւն իր լեռներէն է: Հայաստանի լեռանց կառուցածքն հետ բաղդատութիւնն ու նմանութիւնը: Հայոց լեռներուն լայնանիստ գիրքն ու լեռնադաշտերը: Զրոյց առատութիւն: Հայ լեռանց շիտկութիւնն ու կրճերուն բարձրութիւնը: Սպերէն մինչեւ խնուս լեռանց չորս գօտի ու անոնցմէ բխած գետերը: Գետերուն իրարու հակառակ շիտկութիւնը: Քիչ լեռնային լճեր: Հայաստանի լեռանց վրայ մշտնջենաւոր ձեան գծին բարձրութիւնը: Սառնասար: Հանքային աղբիւրներու շատութիւն: Հայաստանի լեռնադաշտերուն հորիզոնական շիտկութիւնն ու ծակոտկէն բնութիւնը: Հրաբխային լեռանց նիւթը. Հատաքար. Խայտակոճ. Կիր: Կիւմիշլեանէի ու Բալախոռի մէջ զարմանալի երեւոյթ: Պազկէղի հող: Հրաբուխներու երկարատեւ գործողութիւն: Սիճիկ զարմանալի լեռը: Ցանառաւակ, Արարատ եւ Ահմանկան լեռանց հրաբխային նիւթերն ու անոնց անհամատ տարածութիւնը:

Երկրի մը կերպարանքն ու բնական որպիսութիւնը կախում ունի գլխաւորաբար ան լեռներուն շիտկութենէն, շէնքէն ու ձեւէն, որոնք նոյն երկրին մէջ կան կամ անոր սահմանները կը պատեն: Այսպէս Իտալիա իր զարմանալի բնական ձեւն առած է Ապենեան լեռներէն, որոնք հիւսիսային արեւմտեան կողմանէ սկսելով՝ դէպ ի հարաւ կ'երթան եւ երեք ծայր բաժնուելով կը դադրին: Ափրիկէի լեռանց գօտիները ծովեզերաց քովէն շարունակ յառաջ երթալով՝ անոր ձեւն ու սահմանը կ'որոշեն. նոյնպէս Ամերիկա իր երկայնութիւնն ու շիտկութիւնը կ'առնէ իր գլխաւոր լեռնէն, որն որ հիւսիսէն սկսելով՝ դէպ ի հարաւ մինչեւ Հոյ երկիր կամ Հրասպան¹ կը հասնի: Նոյնը կրնանք ըսել թէ Կաւկասեան պարանոցին եւ թէ փոքր Ասիայի վրայ, որուն նշանաւոր թերակղզիական ձեւը ճշգիւ կ'որոշուի Տաւրոսի եւ Հայաստանի լեռանց շարքովը: Տաւրոսի լեռինք՝ որոնց մէջ մենք Հայաստանի լեռանց գօտիներն ալ կը համընք, ընդհանրապէս նոյն շիտկութիւնն ունին Կաւ-

¹ Գլ. Terre de feu. անգլ. Fire-Land.

կասեան շղթային հետ, որն որ Շիրվանի դաշտա-
 ձեւ երկրին մէջ մէկէն ի մէկ վեր բարձրանալով՝
 հարաւային արեւելքէն դէպ ի հիւսիսային արեւ-
 մուտք կը յառաջանայ մինչեւ Կերչի կիրճը: Կա-
 կաս Վրաստանի լեռանց հետ կը կապուի, որոնք
 կողմնական բազուկներով Հայաստանի ու Տաւրոսի
 լեռանց հետ անանկ յայտնի կը միանան, որ աս եր-
 կու լեռանց շարքն իրարմէ բաժնել ուզելն անձնա-
 կամ գործ մը կ'ըլլայ: Հայաստանի ալպեան լեռներն
 ինչպէս շիտկութեան, նոյնպէս կազմութեան կողմանէ
 Կաւկասեան Ալպերուն հետ ակներեւ նմանութիւն
 մ'ունին: Աս երկու գօտիներուն ալ գլխաւոր քարն
 է խայտակուճ («օմադի յերմեր») զանազան հանքային
 բաղադրութեամբ եւ որուն մէկ էական մասն ալ է
 ապակենման որձաքար: Մասիսու երեսի լաւայն տակ
 մէջի պինդ ժայռը նոյն քարէն է, որմէ փրցուցած
 կտորներս հանքային բաղադրութեան կողմանէ ըստ
 ամենայնի կը նմանէին անոնց, զորոնք Կաւկասի լեռ-
 ներէն առած բերած էի: Միայն աս տարբերութիւնը
 կայ որ Մասիսու աս պայծառադոյն քարին վրան
 իբրեւ վերարկու կը ծածկեն քանի մը տեսակ մթա-
 գոյն քարեր, որոնք Կաւկասի երեսը մինչեւ հիմայ
 գտնուած չեն:

Կաւկասու եւ Հայաստանի լեռինք մի եւ նոյն
 ատեն գոյութիւն առած են, աս զանազանութեամբ
 որ Հայաստանի լեռները գետնին մէջէն դէպ ի վեր
 ելլելէն բարձրանալէն ետքն ալ՝ իրենց ներքին հրա-
 բխային վառարանը դեռ կենդանի մնացած ու գոր-
 ծած է, եւ խառնարաններ (բերաններ) բացած է,
 որոնցմէ մութ զանդուածներ՝ ինչպէս սեւակուճ
 վազելով՝ տակի պայծառագոյն ապառաժին երեսը
 ծածկեր է, ուր Կաւկասի վրայ կ'երեւայ թէ լեռ-
 ները մէյ մը գետնէն դուրս նետուելէն ետքը՝ ընդ-
 երկրեայ վառարանը գոցուեր է, ինչու որ հոս (Կաւ-

կասի վրայ) մինչեւ հիմակ ոչ խառնարան եւ ոչ բուն լաւայի հոսանք գտնուած է:

Հայաստանի լեռանց մէկ երեւելի յատկութիւնն ալ աս է որ աւելի տարածուած, տափարակ ու լայնանիստ դիրք ունին: Ասոր պատճառն ան է որ Հայաստանի գետնին մէջ բուն նախնական կազմութիւնները պոսիդոնական¹ կամ ջրային ըլլալով՝ կակուղկեկ էին, եւ ըստ մեծի մասին կիր (քիւէճ) ու սալաքար կամ թերթասալ². ուստի եւ ճաքէն գետնին տակէն հրաբխային զօրութեամբ հալած զանգուածները դուրս նետուած ատեն՝ ան յառաջուան կակուղ կազմութիւնները դիւրաւ տեղի տուին, եւ անոնց տարածուելուն օգնեցին. ուր Կաւկասի կողմերը յառաջուրէն պինդ քարեղէն գոյացութիւններ ըլլալով՝ հրաբխային նիւթերուն այնչափ տեղի չտուին, եւ անոնցմէ այնչափ շատ չպատուեցան ու չմղուեցան, ուստի եւ հոնտեղաց լեռներն ալ աւելի նեղ ու ցից կերպարանք մը ստացան: Ռիդդէր անուանի աշխարհագիրը շատ ճահաւոր ըսաւ թէ Հայ-Տաւրոսեան լեռանց գօտիներուն սեպհական նկարագիրն ան է որ գրեթէ իրարու զուգահեռական են, եւ դար դար ու աստիճան աստիճան կը բարձրանան ու շատ լեռնադաշտեր ունին եւ ասով ալ մեծապէս կը տարբերին Կաւկասեան դրացի լեռներէն: Հայաստանի մէջ երբեք չկան բոլորովին չելլուելու լեռներ, եւ եթէ լեռանց վրայ ցից ու սեպ տեղեր ալ կան նէ, քիչ կը տեւեն, այլ ամէն տեղ կը տեսնուին ընդարձակ լեռնադաշտ, դարատափ ու սարատափ, նաեւ հովաէ հովիտ կամ լեռնադաշտէ լեռնադաշտ անցնելու համար ամէն կողմ անթիւ կիրճեր կան, որոնք մշակելի ու բնակելի տեղուանքը միշտ իրարու հետ հազորդակցութեան մէջ կը պահեն: Ստոյգ է

¹ Տես 143 երեսին ծանօթութիւնը:

² Գլ. Ardoise. ամկ. Գալլան Բուլ. Եւլար Կուլար:

որ Հայաստան աս դարատալիներու եւ սարատալիներու կողմանէ Պարսկաստանի, Ախիւիայի ու փղքր Ասիայի լեռանց հետ նմանութիւն ունի, բայց անոնցմէ ալ բոլորովին կը զանազանի իր ջրին ու գետերուն առատութեամբ, որոնք լեռները պատուելով՝ իրենց ճամբայ կը բանան ու կ'անցնին, ամէն կողմ կ'արձակուին եւ ամէն հովիտներն ու դաշտերը կ'իջնան, որով կ'ըլլայ Հայաստան բազմաճիւղ ու բազմանդամ երկիր մը եւ ամէն մասն իրարու հետ կապուած եւ գիւրաւ հաղորդելի:

Ասիայի մէջ լեռանց ընդհանուր ընթացքն ու շիտկութիւնն է հարաւային արեւելքէն դէպ ի հիւսիսային արեւմուտք. այսպէս է Հիմալայա, այսպէս են Երկնից լեռինք, Հնդուկուշ, Էլպուրս, Կաւկաս եւ ըստ Հումբոլդայ նաեւ Ալդայի: Հայ-առարսեան լեռանց գօտիներն ալ ըստ ամենայնի մի եւ նոյն շիտկութիւնն ունին: Հումբոլդ աս զարմանալի երեւոյթը ասենելով ան կարծեաց միտեալ է որ հիւսիսային ու հարաւային Հայաստանի եւ Ատրպատականի լեռինք շարունակութիւն մը եղած ըլլան երկրիս ան ճեղքուածին, որմէ դուրս ելան Հիմալայա ու Հնդուկուշ լեռինք: Իսկ Ուրալ լեռանց գօտիներն ու Մալպարեան լեռինք վերիններուն հակառակ շիտկութիւն ունին, բայց կ'երեւայ թէ ասոնք Հիմալայայէն ու Հայաստանի լեռներէն ետքը գոյացած են: Հումբոլդ կը կարծէ որ Հայաստանի լեռանց բարձրանալու առեւ՝ Ասիայի արեւմտեան ծայրը վար իջած եւ ընկղմած ըլլայ:

Հայաստանի լեռնագաւառը թէ Պոնտոսի, թէ Արաստանի եւ թէ Պարսկաստանի կողմանէ ելելու համար եղած կիրճերը (լեռանց մէջի անցքերը) զարմանալի կերպով գրեթէ մի եւ նոյն բարձրութիւնն ունին, այսինքն 6—7000 ոտնաչափ: Ասոր հաւասար են Հայաստանի ներքին լեռանց կրճերուն բարձրու-

Թիւնն ալ, որոնք արեւմտեան Եփրատին աղբերակուն-
քէն մինչեւ Ատրպատական եղած լեռնադաշտերն ի-
րարմէ կը բաժնեն : Կարնոյ քով Սուկաւ (Զէյթոսի,
Քեօսի Գողը) լեռանց կիրճը, ուսկից կարաւանները
կ'անցնին՝ Հասանգալէէն Թօփրագգալէ երթալու հա-
մար, ես եռացման ճամբով 6400 ոտնաչափ բարձր
գտայ : Ուրիշ կիրճ մը, որ Սուկաւ լեռանց քովէն կ'անց-
նի ու Մօլլա Սիւլէյման գեղէն շիտակ Տէլի պապա կը
աանի, առջինէն 200 ոտնաչափ ցած էր : Նոյնպէս
ուրիշ տեղուանք ասոնց նման գտայ : Հայաստանի լե-
ռանց կրճերուն բարձրութիւնը լեռանց բուն բարձրու-
թեան հետ բաղդատելու ըլլանք, Պիւրենեան լեռանց
նման կը գանենք : Հայոց լեռնագաւառին ան մասին
մէջ, ուսկից որ Եփրատ, Երասխ եւ Ճորոխ գետերը կը
բխեն, լեռանց միջին բարձրութիւնը, կիրճն ու կատա-
րը հետեւեալ կերպով իրարու հետ կը համեմատին :

Միջին բարձրութիւն 7—8,000 ոտնաչափ .

Վերին բարձրութիւն կամ Կա-
տար, ինչպէս Բիւրակնեան (Պիւ-
նիւ) եւ Ծաղկաց (Աւարդը) լե-
ռանց վրայ 9,500—10,000 „

Կրճերու բարձրութիւն 6—7,000 „

Հայաստանի լեռանց մէջ չիտեսնուիր կենդրոնա-
կան գօտի մը, որուն ամէն մէկալ լեռները վերա-
բերին, ինչպէս որ ուրիշ տեղեր (Կաւկասի, Պիւրե-
նեան լեռանց վրայ) կը գտնուի, այլ գրեթէ $1\frac{1}{2}$
աշխարհագրական աստիճան միջոց ունեցող Սպեր
եւ Խնուս գաւառներու մէջ չորս լեռանց գօտի կայ,
որոնք գրեթէ իրարու զուգահեռական են եւ չորսը
մէկտեղ Հայաստանի մեծ ջրաբաշխը կը կազմեն :
Թէ աս չորս գօտիներէն որն է ամենէն բարձրը,
յայտնի չէ : Նոյն չորս գօտիներուն կատարն ալ
մշտնջենաւոր ձիւնը կը ծածկէ, որոնց առաջինը կամ
պինտ հիւսիսայինը կ'իյնայ Կարսի եւ Սպերի մէջ,
հարաւային արեւելքէն դէպ ի հիւսիսային արեւ-

մուտք կ'ընթանայ եւ Հայաստանը Լազերուն երկրէն կամ հին Խաղտեացմէ կը բաժնէ։ Աս լեռանց գօտւոյն հիւսիսային երեսին վրայ ամենէն բարձր կատարին մօտ կը բխէ Կուր գետ, որն որ դէպ ի հիւսիսային արեւելք քալելով՝ Վրաստանէն կ'անցնի։ Ես աս գետին բխած տեղն անձամբ չտեսայ։ Վրաստանի մէջ բաւական մեծ ու սրնթաց գետ է, ջուրն ալ հասարակօրէն աղտոտկեկ, բայց առողջ բլլալուն համար՝ աւելի սիրով կը խմուի Տփղիսի մէջ, քան թէ հորի տենդաբեր ջուրը։

Կուր գետին աղբերակունքէն կէս աստիճան մը դէպ ի հարաւ կը բարձրանայ Հայաստանի Ալպեան լեռանց երկնայե գօտին, ուր Եփրատայ խանձարուրքը կան։ Կարնոյ հիւսիսային կողմն ու հիւսիսային աւբեւմտեան դին աս գօտւոյն պինտ բարձր լեռներն են Շողալար, Սարչամ, Սեպուհ, Կեափուր տաղը եւայլն։ Ինչպէս նախընթաց գօտւոյն, նոյնպէս ասոր ալ ամենաբարձր կատարներուն վրայ եւ վիհերուն մէջ մշտնջենաւոր ձիւն կայ։ Եփրատ (Ֆի-րաթ սո-յոս)՝ որուն սկզբնական վտակը Սեւ ջուր (Գարա սոս) կը կոչուի, Կեափուր տաղըյին հարաւային դարաբաժին վրայ կը բխէ, որ Սեւ ծովին երեսէն 7510 ոտնաչափ բարձր է։ Թէպէտ աս հսկայ գետը զանազան վտակներուն իրարու հետ խառնուելէն կը շատնայ, բայց գլխաւորն է Սեւ ջուր, որն որ իր բխած տեղէն գրեթէ գահավեժ կը վազէ կ'իջնայ Կարնոյ լեռնադաշտը, ու Զովուկ ջերմուկի (Սողոփ ջերմուկի) մօտ մէկէն ի մէկ կը խորունկնայ ու հանդարտահետ կ'ըլլայ, ջուրն ալ կը պղտորի։ Հոս այլեւայլ կողմերէն ջրեղէն հիւրեր կ'ընդունի եւ մանաւանդ Սարչամայ գետը, որն որ թէպէտ Սեւ ջրէն աւելի ջուր ունի, բայց մինչեւ Սեւ ջուր քալած տեղը շատ կարճ ըլլալով՝ Եփրատայ ակունքը չիկրնար ըսուիլ, ինչպէս Անգղիացի ճամբորդ մը սխալմամբ կը հաստա-

տէ, ուստի եւ Եփրատայ ակնավառակը կը մնայ Սեւ ջուր, որն որ Սարչամու գետն ընդունելէն ետքը գարձեալ ընթացքը կը շուտցընէ, եւ Կարինը թող տալով՝ կը մտնէ Եզնկայի լեռնադաշտը: Եփրատին բխած լեռան հակառակ կողմէն ուրիշ ջրեր ալ կը բխեն, այս ինքն Կեալուր տաղը ին հիւսիսային դարձափէն վրայ կը բխէ Թորդումայ ջուրը (Թորդումս սոյոս), որն որ ազնիւ ու ակնավճիտ ջուր եւ համեղ ձկունք ունի, ուր որ Եփրատայ սկիզբը միայն ճախնային ու շամբային ձկունք կը բերէ: Թորդումայ ջուրը գէպ ի հիւսիս կը հոսէ, ճամբուն վրայ պզտիկ լիճ մը կը լեցընէ, որուն վրայ աշխարհացոյցները յիշատակութիւն մը չեն բներ, եւ նոյն լճէն գուրս ելլելու ատեն յառաջակողմեան Ասիային ամենէն շքեղ ջրվեժը¹ կը կազմէ, որն որ իր նկարչական գեղեցկութեամբ մեր եւրոպական ամենէն հռչակաւոր ջրվեժներն ալ կը յաղթէ: Կարճ ընթացքէ մը ետքը կը մտնէ Ճորոխ բսուած մեծ գետը, որն որ մի եւ նոյն երկրորդ գօտւոյն Կոփ տաղը լեռնէն կը բխէ, Հայոց ու Խաղտեաց լեռանց ճեղքուածէն իրեն ճամբայ կը բանայ եւ արշաւելով Պոնտոս կը հասնի: Ճորոխին Սեւ ծով մտած բերանը խիստ ջրաշատ է եւ իր ազտոտ գեղին գոյնը կէս մշտնէն աւելի ծովուն կը հաղորդէ:

Կարնոյ լեռնադաւառին հարաւային ծայրը կը բարձրանայ լեռանց երրորդ գօտին ալպեան բարձրութեամբ, որուն արեւելեան շարունակութիւնն են Հասանդալէի, Թօփրագգալէի եւ Պայաղիտի լեռնադաշտերը մինչեւ Ատրպատական: Աս երրորդ գօտւոյն ամենէն բարձր լեռն է Ծաղկեաց կամ Ծաղկէդ լեռն (Ալա փոլ), որուն հիւսիսային արեւելեան 8300 ոտնաչափ բարձր գարատափէն արեւելեան Եփրատը (Մուրաթ Լայն) կամ Արածանի կը բխէ ու

¹ Գլ. Cataracte, Chute. աճկ. Զալլալան:

վար կը թափի : Աս աղբերակունքը Տիատինէն քա-
նի մը մըն դէպ ի հարաւ կ'իյնայ : Ես կարաւանով
Պարսկաստան դաջած ատենս Ծաղկաց լերան բարձր
ձիւնապատ դարատափին այցելութիւն մ'ըրի : Ար-
ածանայն աղբիւրներն աւելի բազմութիւ եւ քան
(արեւմտեան) Եփրատինը . նմանապէս Արածանի
Տիատինի քով իր նեղ ձորէն աւելի յորդաջուր
կ'երլէ , քան թէ նոյն երկուորեակ գետին մէկալ
բազուկը , որուն խոնձարուրքը կեպուր լերան վրայ
է : Արածանի մէկքանի ժամու ընթացքին մէջ շատ
ձիւնալտակներ ընդունելով՝ անանկ վայրագ , ար-
շաւասոյր ու խորին կ'ըլլայ , որ բոլոր տարւան միայն
երկու ամենէն երաշտ (Օգոստոս ու Սեպտեմբեր)
ամիսներուն անվտանգ կրնայ անցնուիլ : Արածանի
Թօփրագգալէի լեռնադաշտէն սուր ու ծուռ ըն-
թացքով հարաւային արեւմուտք կը դիմէ , երբեմն
երկայն ձորերուն մէջէն կ'անցնի , երբեմն ալ լերանց
ճեղքուածէն ահագին խխոջանօք կը վազէ ու վեր-
ջապէս Կապան Մատենի բոսած անուանի բովին
քով արեւմտեան Եփրատին հետ կը միանայ :

Հայաստանի լեռնադաւառին չորրորդ ու ամենէն
աւելի հարաւային գօտւոյն պինտ բարձր լեռներէն
մէկը կ'երեւայ թէ Բիւրակնեան (Պէնկէօլ) լեռն է :
Ես աս լեռն անձամբ չելայ , այլ բարձր տեղէն դի-
տեցի , եւ որովհետեւ Բիւրակնեան լեռը Կարնոյ
քովի Շէյթան տաղըյէն երեւելապէս վեր է , կար-
ծեմ թէ իր բարձրութիւնը 10,500 օտնաշափ պիտի
եղած ըլլայ : Աս չորրորդ գօտին կողմնական բազուկ-
ներով երրորդ (Ծաղկաց լերան) գօտւոյն հետ կը
կապուի , նմանապէս Վանայ ծովուն հիւսիսային կող-
ման լեռներուն՝ այսինքն Գրգուռ լերանց (Նիճրոս-
դաղըյէն) ու աւելի զատ կեցող Գոռոզ լերան (Սէյ-
դան դաղըյէն) հետ կը միանայ . եւ մանաւանդ թէ
արեւելեան սահմանին վրայ կարծես թէ իր զատու-

Թիւնը կը կորսընցընէ: Ուստի Հայ-Տարածքան լե-
րանց շարքը՝ Հոմաթիւն ստորագրութեան նայելով՝
Ամերիկայի Անտեան լեւանց պէս անկանոն է, այսինքն
երբեմն երեք գօտի ունի, երբեմն չորս, երբեմն հինգ
ու ամէնն ալ նեղ կողմնական բազուկներով իրարու
հետ միացած: Յիշեալ աղբիւրաշատ Բիւրակնեան
լեռն ուրիշ գլխաւոր եւ բուն Հայ գետի մըն ալ՝
որ է Երասխայ՝ գոյութիւն կու տայ: Ջարմանալի ե-
րեւոյթ մըն է որ աս գետը Սեւ ջրէն կամ Արեւ-
մտեան Եփրատէն կէս աստիճան աւելի հարաւային
կողմն իյնալով, անոր բոլորովին հակառակ շիտկու-
թեամբ կ'երթայ՝ յառաջ դէպ ի հիւսիս, վերջէն
հիւսիսային արեւելք, եւ երկու հիւսիսային լեւանց
գօտիները թափանցանց պատուելով՝ իր ճամբան յա-
ռաջ կը տանի: Հասանգալէի լեռնադաշտին վրայ՝
ուր Երասխ լեւանց գօտւոյ մը ճեղքուածէն անցնելէն
ետքը կու գայ, դեռ անանկ պզտիկ գետակ մըն էր,
որ ձիով կրնայի անցնիլ, բայց ասկից անդին Երասխ
կը սկսի սրավար ալիքներով արշաւել, եւ Տէլի պա-
պային հարաւային կողման գօտին ալ ծակելով՝
երբոր հսկայ Արարատին առջեւ կ'ելլէ եւ զանիկայ
իր կարկաջներովը բարեւելով կ'անցնի, արդէն հզօր
գետ մը ձեւացած կ'ըլլայ:

II) Ինչեւ հոս նշանակուածներէն յայտնի կը տես-
նուի որ Հայաստանի լեւանց չորս գօտիներուն ամե-
նեւին մէկը չիկրճար գլխաւոր ջրաբաշխ ըսուիլ, ին-
չու որ անոնց ամէն մէկէն այլեւայլ գետեր կը բխեն
ու իրարու հակառակ շիտկութեամբ կը քալեն: Ե-
փրատին երկու բազուկներն անոնկ գօտիներէ կը
յորդեն, որոնք Բիւրակնեան լեռնէն աւելի հիւսի-
սային կողմն են, այսու ամենայնիւ ճամբանին հա-
րաւային կողմը կը շիտկեն, ուր Երասխն որ ամենէն
աւելի հարաւային գօտիէ մը կը բխէ, նախ դէպ ի
հիւսիս ու ետքէն արեւելք կ'ընթանայ: Գետերուն

շխուկութեան աս նորանշան անկանոնութեանը քով
 Վաւկառ ճիշդ ընդդիմապատկեր մը կը ցուցնէ: Հոս
 մեծ ու պարզ կենդրոնական գօտին անդդուելի
 թումբ մը կ'ըլլայ եւ գեաերուն սահմանը վերջին
 աստիճանի որոշ իրարմէ կը բաժնէ: Իր հիւսիսային
 արեւելեան կողերուն վրայ բխած ամէն աղբիւրներն
 ու վտակները դէպ ի Ռուսաց տափաստանը¹ կը վա-
 զեն, իսկ հարաւային արեւմտեան կողմանէ ելածները
 Վաւկասու ասդիի կողման գետերը կը մեծցընեն:

Հայ-տաւրոսեան լայնատարած լեռնոց այսչափ
 բազմաթիւ դարատափներուն ու լեռնահովիտներուն
 վրայ բնականապէս շատ լեռնային լճեր ալ ըլլալու
 էին, բայց անանկ չէ: Վանայ ու Սեւանայ ծովակնե-
 րէն զատ՝ Հայաստանի մէջ ուրիշ քիչ լեռնային
 լճեր կը գտնուին: Ասոր պատճառը յայտնապէս ան
 է որ գետերն ամէն կողմ լեռները ծակելով՝ ճամբայ
 կը գտնեն ու դիւրութեամբ Սեւ ու Վասպից ծով
 եւ դէպ ի Միջագետ կը վազեն կ'երթան: Իսկ Վա-
 նայ ու Սեւանայ խորին ծովակներն ալ հրաբխական
 ջորութեամբ կազմուած են, ինչպէս որ իրենց եզեր-
 քը քննելով՝ կ'իմացուի: Եւրոպական Ալպերուն
 ստորոտին վրայ եղած այնչափ լճերը՝ Հայաստանի
 լեռնոց հիւսիսային ու արեւմտեան ստորոտներուն
 վրայ բոլորովին կը պակսին, վասնզի դէպ ի ծով
 մէկէն ի մէկ ցից ու շեղ վար կ'իջնան կամ գէթ
 ընդարձակ դաշտերով ծովեզերքէն չեն բաժնուիր:
 Իսկ հարաւային կողմը թէպէտ տափարակ երկիրնե-
 րու կը հանդիպի, բայց զոյգ մը երկուորեակ գե-
 տերն ամէն մեծ ու պզտիկ ջրերն իրենց հրաւիրե-
 լով՝ շատ լճեր գոյանալը կ'արգելեն. ասոնք են Ե-

¹ Հառ ընդարձակ, տափարակ ու անապատի նման երկիր-
 ներուն կ'ըսենք, որոնց մէջ միայն խոտ կամ արօտ ու
 առ առաւելն քիչ մը թուփ կը բուսնի: Ասոնց Գաղ-
 ղիսցիք Lande կ'ըսեն. Գերմանացիք՝ Steppe.

փրատ ու Տիգրիս¹։ Եւրոպայի Ալպերուն քով թէ՛ հարաւային եւ թէ՛ հիւսիսային կողմը շատ աափարակ գաշտագետիններ ըլլալով եւ միանգամայն լայն ու խորձորեր չգտնուելով՝ երեւելի լճեր կը գոյանան, զոր օրինակ հարաւային դին Լաիյ Մաճնոտէ (Աւագ լիճ), Գոմոյի, Կարտայի ու Լուկանոյի լճերը. իսկ հիւսիսային կողմն են Ճինեւրայի, Նէօշաթէլի, Ցուկի, Ցիւրիքի եւ Պոտընի լճերը։ Կաւկաս տմենեւին լեռնային լիճ չունենալուն՝ շատ նշանաւոր է։

Բառոգ Արարատի վրայ մշտնջենաւոր ձեան սահմանը 13,300 փարիզե ոտնաչափ բարձր գտաւ։ Ասիկա սիրալի ցոյցք մըն է։ Պետրբուրգի ճեմարանին անդամներէն մէկը կ'ըսէ որ Արարատի վրայ ձեան սահմանին Կաւկասի համեմատութեամբ այսչափ աւելի բարձր ըլլալը չենք կրնար այնչափ իր հարաւային դիրքէն մեկնել, որչափ իրեն զատ ու առանձին դիրք ունենալէն։ Բայց այնչափ շիտակ չ'երեւար նոյն գիտնականին մէկալ ըսածն որ իբր թէ Արարատ հրաբուխը դեռ կատարեալ մարած չըլլալով՝ ներքին տաքութիւնը լերան երեսին ալ աղդէ ու ձիւնը մինչեւ երեւելի բարձրութեան առտիճան մը հալեցընէ։ Արարատայ երեսին ասանկ ստորերկրեայ կրակով տաքնալուն կամ ներսէն դուրս տաք շոգիներ շնչելուն եւ ոչ մէկ նշան կայ։ Անյիշատակ ժամանակներէ ի վեր Մասիս իր հրաբխային գործունէութիւնն ամենեւին շարունակած չէ, այլ միայն իր ներքին զօրութեան գոյութիւնը՝ որն որ նոյն

¹ Պր. Վակնէր գուցէ հոս գլխաւորաբար մծ Հայաստանի հիւսիսային լերանց ու անոնցմէ բխած գետերուն վրայ խօսելուն համար՝ Հայաստանի մէկալ երկու երեւելի գետերուն վրայ մասնաւոր յիշատակութիւն մը չէ ըրած, այսինքն են Եփրատի պէս Երֆուրտի Տիգրիս՝ որ Բիւրաղնեան լերանց հարաւային մասէն կամ Կորգուաց լեռներէն կը բխէ, եւ Ալեքսի (Գուլու Երֆու)՝ որ փոքր Հայաստանի կամ առաջին Հայոց գետն է։

տիտանեան հսկան ժամանակաւ վեր վերցուցած է, երբեմն կը ցուցնէ երկրաշարժներով կամ ցոհոքար ու փրփուր եւ ահով ժայթքելով, ինչպէս 1840ին: Կարելի է որ Մասիսու ձիւներուն մինչեւ այնչափ բարձր տեղ հալելուն պատճառ ըլլայ իր քարերուն հանքային որպիսութիւնն ու իր երեսին սեւագոյն լաւան, որն որ արեւին տաքութիւնը ներս կը քաշէ ու իրեն հետ կը կապէ, նաեւ իր շեշտայանդ կամ կոնաձեւ գիրքը, որն որ թէ արեւուն ճառագայթներն ամէն կողմանէ կրնայ աղէկ վրան ընդունիլ եւ թէ ձիւնաջուրն ալ դիւրաւ վար կ'իջեցնէ: Ատոնցմէ զատ յայտնի է որ Հայաստանի աս կողման ամառուան տաքութիւնը սաստիկ ու կուկասէն շատ աւելի է: Բառուդ աս վերջին լեւան ձիւնասահմանը 9890 փարիզի ոտնաչափ բարձր գտաւ: Փոքր Մասիսն որ ծովուն երեսէն 12,284 ոտնաչափ բարձր է, Օգոստոսի մէջ ձիւնէ բոլորովին ազատ տեսայ: Կ'երեւայ թէ իր սեպագոյն գիրքն ու մաքուր շեշտայանդ ձեւը ձիւներուն շուտ հալելուն իր լայնանիստ մեծամարմին դրացիէն (աւագ Մասիսէն) աւելի կ'օգնէ: Հայոց միջնաշխարհին ալպեան լեռներէն շատերը մշտնջենաւոր ձեան սահմանէն վար են, միայն Բիւրակնեան լեւան վրան միշտ ձիւնապատ կ'ըլլայ եղեր: Ինչպէս Արարատայ կղզիական գիրքը, կոնաձեւութիւնն ու քարերուն սեւ գոյնը ձիւներուն հալելը կը գիւրինցընէ, նմանապէս Վանայ ծովակին հիւսիսային կողմն ինկող Գոռու լեւան (Սեյդան Գողթին) վրայ մտածելու է, որն որ այնչափ (12,000 ոտնաչափէն աւելի) բարձրութիւն ունենալէն ետեւ՝ տաք եղանակներուն իր կատարին սառնեղէն զրահը կը մերկանայ: Արագածի 12,766 ոտք բարձր հարաւային ծայրերէն ձիւնն աներեւոյթ կ'ըլլայ, բայց կիրճերուն, խոռոչներուն ու վիհերուն մէջ մեծ զանգուածով կը մնայ: Կարնոյ հիւսիսային կող-

մը ԿեաՎուր աաղըյին, Սարչամայ եւ իրենց ընկեր-
ներուն կատարները 1844ին Սեպտեմբերին բոլորովին
անձին գտայ, բայց լեռնամէջները լեցուն էին, ու
բոնք անշուշտ այնչափ արտաքոյ կարգի շատ աղ-
բիւրները կը սնուցանեն: Հայաստանի ձիւնասահմանը
նաեւ Եւրոպայի հետ բաղդատելով՝ շատ բարձր է:
Սաւոյայի Ալպեան լեռներուն վրայ 8800 ոտք բարձր
կը սկսի ձեան գիծը, Դիրու 8200, Ստիրիա ու
Սալցպուրկ 8000, Պիւրենեան լեռանց հարաւային կող-
մը 8600՝, հիւսիսային կողմը 7800՝:

Հայաստանի մէջ սառնաստար¹ այնչափ չկայ, ե-
ղածն ալ գլխաւորաբար կը տեսնուի Անայ ծովուն
հարաւային դին Զուլամերկի քով Նեստորականաց ու
Հաքքեարի ֆիւրտերուն բնակած կողմերուն լեռանց
մէջ: Բայց տարակոյս չկայ որ ժամանակաւ Հայաս-
տանի մէջ սառնաստարներ կային ու շատ տեղուանք
ալ կ'իջնային. շատ լեռներուն յղկուած ու փայլուն
ժայռերն ասիկա բաւական կը ցուցնեն: Հայաստա-
նի ցուրտ աղբիւրներուն մեծ մասն է Աօրեայ ալբիւր,
այսինքն անանկ աղբիւր որ քիչ խորութենէ կը բխէ
ու ձիւներուն հալելէն յառաջ կու գայ: Աս լեռնա-
գաւառին մէջ իմ տեսած աղբիւրներուս ամենէն
աւելի զովն էր ԿեաՎուր աաղըյին վրայ արեւմտեան
Եփրատին ափունքն որ $2\frac{2}{10}$ աստիճան Կ. ցրտութիւն
ունէր: Հայ-տաւրոսեան լեռինք հանքային ջրերուն
զանազանութեամբն ու շատութեամբ բոլոր ինծիծա-
նօթ եղած լեռները եւ նոյն իսկ Կաւկասը կը գերա-
զանցեն, ու աս հարստութիւնը կ'երեւայ թէ աս լե-
ռանց արեւելեան կողմերն աւելի կը շաանայ: Ասոնց
խել մը մասն է ջերմուկ կամ ջերմաջուր, որոնց մէջ
առատ ածխաթթու կիր, աղ, երկաթ, Ծծումբ եւ
ուրիշ ասոնց նման հանքային նիւթեր կան: Պոնտո-

¹ Տես 102 եւ 152 երեսին աս նիւթին վրայ եղած ծա-
նօթութիւնները:

սի կողմերէն Հայաստան մտնող ճամբորդը մէկէն ի մէկ կ'ապշի կը մնայ ամէն կերպ հանքային ջրերուն արտաքոյ կարգի առատութիւնը տեսնելով: Տրապիզոնի ու Կարնոյ մէջ 60 հանքային աղբիւրէ աւելի կայ, որոնց մեծ մասը խայտակճի մէջէն կը վազէ, եւ երբեմն ալ կրի, հատաքարի ու թերթասալի մէջէն: Աս ջրերէն շատերուն բոլորտիքը շատ հաստ կիր դիրտի պէս խաւ խաւ նստած է, մանաւանդ Կիւմիւշխանէի քով ու Բաբերդի արեւելեան կողմը: Աս հանքային ջրերն ըստ մեծի մասին Ցածկի Հայաստանին մէջն են, որոնց տարրալուծական (քիմիական) քննութիւնը բարձրագոյն դրան մեծապէս միտ դնելու բանն է թէ իր զօրաց եւ թէ ժողովրդեան օգտին համար: Ասանդի քանի որ անոնց կազմիչ մասունքը կամ բժշկական ազդեցութիւնը ծանօթ չէ, աւելի վնաս քան թէ օգուտ կրնան գործել: Ցածկաստանի մէջ իւրաքանչիւր հիւանդ ամենէն մօտ ջերմուկն ըսա բխտի կը գործածէ թէ ներքին թէ արտաքին դեղի համար՝ անստոյգ յուսով մը որ անով իր ախար կը բժշկուի կամ կը մեղմանայ: Տգէտ ու անխիղճ ստանուն բժիշկներն ալ որ նոյն ջրերուն բնութիւնը հիմնովին չեն ճանչնար, իրենց ախտաժէտներուն կը հրամայեն որ անոնցմէ խմեն:

Հայաստանի աղբիւրներուն առատութիւնն ու իր հրաբխային հողին տաքութիւն պահող եւ դիւրափշուր բնութիւնը բուսոց վրայ շատ ազդեցութիւն ունին: Սեւակուճ¹ ու արաստոյ² քարերէն յառաջ եկած հողը խոտերուն ու ցորենեղէններուն մեծապէս օգտակար է, որուն հոս մասնաւորապէս կ'օգնէ քարերը լուծող ու փշոող ջրերուն յորդութիւնը, եւ ասոնցմէ կը ծնանի Հայաստանի լեռնադաշններուն ու լեռնահովիտներուն ալպեան բուսոց ու ծաղկանց հարուստ ծածկոյթը, որն որ թափառական

¹ Գշ. Basalte. ² Գշ. Trachyte.

Քիւրտերու ալ պարարտ արօտ կը մատուցանէ։ Ապիս Պետրբուրգի գիտութեանց ճեմարանին տուած տեղեկութեանը մէջ երկու բան շատ շիտակ նշանակեց, մէյ մը Հայաստանի լեռնագաշտներուն Ռաֆաէլի կամ հորէղոնիան շիփո-Նիւնը, որով ձմեռուան ձիւնն ամէն մէկուն վրայ հաւասարապէս կը բաժնուի ու հաւասար կը դիզուի. երկրորդ նոյն լեռանց քարերուն ծախոփէն բնո-Նիւնը, որով ջրին մէկ մեծ մասը ծածկուելով ու գոց ճամբաներէ վար քալելով իրեն միայն մէկ փոքր բաժինը նորէն շոգի դառնալով օդ կ'ելէ, ուր որ ցից դիպք ու խիտ քար ունեցող լեռանց ջուրը բոլորովին երեսը մնալով աւելի շուտ կը գոլորշանան ու կը չորնան։ Հայաստանի մէջ շատ տեղուանք ասանկով ու բոլորովին հանդարտ կերպով առատ ջրեր կը բխեն, զորոնք ընդհանուր անուամբ Սե-Ջու-ր կրնանք անուանել՝ բուն Սեւջուր ըստած գետակները նոյնպէս գոյանալուն համար։ Ասոնք երբեմն երեւելապէս բարձր տեղեր դուրս կ'ելլեն ու կը լճանան, եւ երբեմն դէպ ի տափարակ դաշտը կը վազեն։ Սեւսնայ ծովակն որ ծովէն 5500 ոտք բարձր է ու 1126 ուստի քառակուսի մղոն երես ունի եւ զանազան եղանակներու մէջ Երասխայ դաշտին վրայ այնպէս ազէկ ազգեցութիւն կ'ընէ, ասանկ լճերէն մէկն է, որ հաբալային ու արեւմտեան կողմանէ զինքը միաշար պատող հրաբուխներէն կը սնանի։ Երիւանին առջեւէն անցնող Զէնկի կամ Հրազդան գետը չնչին վտակ մը կ'ըլլար, եթէ իր հարիւրմղոնեան ընթացքին մէջ Ահմանկան լեռնէն եկող ասանկ ջրերու հիւրընկալ ու ասպնջական չ'ըլլար։ Երասխին ընդունած երեւելի հոսանքները, զոր օրինակ Ախուրեան, Ապարան, Գառնոյ ջուր, Նախճուանի վտակ, Մրոտնայ վտակ, Մակուայ ջուր եւայլն, նոյն հրաբխային ճամբով յաւաջ եկած ու լեռանց ծակերէն վար իջած ու ժող-

ված Սեւջուրներ են: Ահա աս գետերն են Երասխայ արջնահող գաշտին ծաղկաւետ, բուսական եւ աճեցուն կենաց ու պտղաբերութեան բուն երակները: Աս յորդառատ ջրամբարները հրաբուխներուն անդիր ժամանակներու մէջ ունեցած ժրութեան մէկ պարգեւն են:

Հայ-տաւրոսեան լեռանց եզերքը քարերուն կազմութիւնը կերպ կերպ է ու խառնաշփոթ եւ գոռաբաւ ճանչցուելու, քան թէ ներքին կողմերը, բայց երկրաբանական նկատմամբ աւելի գերազանց ու հետաքրքրական են նոյն բնական բերդերուն առաջին աստիճանները: Ծովի կողմանէ սկսեալ՝ Պոնտոսէն մինչեւ Միջերկրական ծով նոյն լեռանց կողերուն վրայ կը տեսնուին խաւ խաւ ընդարձակ ու թանձր կազմութիւններ. իրենց քարերը զանազան ժամամանակներու կը վերաբերին ու տարբեր տեսակներով են, թերթասաւ, սոր կամ կոպիճ (շփուլ խշու), շեղջայօդ¹ ու կիր, որոնց ամենուն մէջն ալ բռնի փոփոխութիւններու ու խառնակութիւններու յայտնի նշաններ կան: Ինչու որ ասոնց հնագոյն պոսիդոնեան կամ ջրային կազմութեան մէջէն ամէն տեղ պինդ ու վանակնային² ժայռեր կ'երեւան, որոնք ընդհանրապէս խայտակուճ են զանազան հանքային մասերով ու զանազան գոյներով: Աս խայտակուճը բոլոր փոքր Ասիայի, Սեւ ծովի, Արքիպելագոսի ու նաեւ Միջերկրական ծովու եզերքն ալ ամէն կողմը կը տեսնուի, ամէն տեղ հին ջրային կազմութիւնները պատռած վեր ելած է, ու կ'երեւայ թէ ինքն է զանոնք խառնակողն ու տակնուվրայ ընողը: Նոյն երկու կազմութիւններու վրայ նորագոյն ջրային շարքեր նստած են, ինչպէս մառն, կաւ, կիր, փշրաքար եւ աւազ:

¹ Գլ. Conglomerat.

² Գլ. Cristallin. աճկ. նեֆէլ:

Ինչպէս վերն ըսինք, երկրին աս յեղափոխութեանց յայտնի նշանները կը տեսնուին: Տրապիզոնի քով կաւային թերթաքարներուն հորիզոնական շարքը չէ թէ միայն վեր վերցուած ու ցից տնկուած, տեղ տեղ ճաթռտած, տեղ տեղ ալ մէջէն խայտակոճ անցած է, հապա նաեւ շատ անգամ ալ բոլորովին խառնուած ու անճանաչելի եղած է: Ասիկայ մանաւանդ Տրապիզոնէն Կիւմիւշխանա երթալու ճամբուն վրայ աղէկ կը տեսնուի:

Հին Պղուտոնական կամ հրային կազմութիւններէն՝ որոնց պինտ գլխաւոր քարերէն մէկն է հաւաքարը, ծովուն քով նշան մը չգտայ, այլ ծովեզերքէն 15—20 ժամ հեռանալէս ետեւ՝ առաջին հատաքարի լեռները Կիւմիւշխանէի մօտ՝ Տրապիզոնին ու Կարնոյ մէջ եղած ճամբուն կէսին տեսայ, ուր որ առատ պղինձ ու արծաթ կայ. բայց երկայն աւտենէ ի վեր պակասաւոր կերպով հանուելով՝ Գրան երեւելի օգուտ մը չիբերեր: Լեռանց տեղ տեղ դուրս ցցուած, մերկ ու կարմրկեկ սեպ կողերն աս հատաքարէն են: Գերմանիայի մէջ նոյն պնդակազմ քարին ունեցած կլորկեկ գմբեթաձեւ կատարը Հայաստանի մէջ շատ ցանցաւ կը գտնուի: Կիւմիւշխանէ քաղաքը նոյն լեռկ հատաքարի լեռանց ցից ու առլեփ կողերուն վրայ շինուած է: Ասոր հարաւային կողմը հատաքարը շարունակ կը զօրանայ ու բոլոր ուրիշ տեսակ կազմութիւնները կը մերժէ: Իր մէջը կայ գլխաւորաբար որձաքար ու պտկարդ¹. իսկ փայլար² խիստ քիչ: Կարծր հատաքարը խայտակճէն աւելի երկայն ժամանակ օգին քայքայիչ զօրութեանը դէմ կը դնէ, անոր համար ալ երեսն այնչափ փխրած չէ, ու վրայի բոյսը շատ ողորմելի է: Միայն հատաքարի լեռանց հովիտներուն մէջ, որոնց վրայ վերէն

¹ Գերմ. եւ Գշ. Quarz. անկ. ձեպլուտոնիտի:

² Գշ. Mica. Գերմ. Glimmer.

վազող ջրերը պտղաբեր հող դիզած են, տնկերը խիստ զուարճ ու աճեցուն են, եւ գեղեցիկ մրգատանները կարկաշատ վառակներուն եզերքը կը զարդարեն: Հառաքարը մինչեւ 7000 հոգի բարձր կ'ելլէ, ինչպէս որ Կարինէն Տրապիզոն դառնալու տունս Արծաթալերան (Աի-Ռի-Ղի-Կալին) վրայ տեսայ: Բայց Հայաստանի բոլոր քարերուն մէջ կ'երեւայ թէ հատաքարն ամենէն քիչ տեղը կը բռնէ: Աիւմիւշ-խանէէն 5 ժամ դէպ ի հարաւ երթալով՝ նոյն քարն աներեւոյթ կ'ըլլայ եւ իրեն տեղ կը սկսին երեւան ելլել խայտակուճ, թերթասալ ու կիր: Հայաստանի արեւելեան սահմանին վրայ Արմիոյ ծովակին եւ զերքը՝ որ հիմայ Պարսկաստանի կը վերաբերին, Աիւմիւշխանէէն աւելի առաւ հատաքար գտայ: Յաճկի Հայաստանի հատաքարին իր քովի քարերուն՝ հետ ունեցած դիրքը չկրցայ աղէկ զննել, բայց հոս Ատրպատականի մէջ Արմիա քաղքէն 8 ժամ դէպ ի հիւսիս տեսայ որ նոյն հատաքարը յառաջուան կիրը պատռած, կարգերն ու շարքերն աւրած եւ պատիպէս ցից վեր վերցուցած է: Ուր որ հատաքար կայ, հոն խայտակուճն աներեւոյթ կ'ըլլայ: Անաւարակոյս խայտակուճն որ ժամանակաւ հատաքարէն ետքը գոյացած է, գլխաւորաբար ջրային կազմութիւններուն՝ այս ինքն թերթաքարի ու կրի մէջէն իրեն ճամբան բացած է, գուցէ անոր համար որ աս մեծատարած խայտակուճը չկրնալով կուռ ու պինդ հատաքարը պատռել ու դուրս ելլել, ջրային կազմութիւններն է ճեղքեր, որոնք աւելի կակուղ են:

Հայաստանի լեռանց հիւսիսային ու արեւմտեան ծայրերուն կիրն ու թերթաքարը կ'երեւայ թէ քարացեալ (քար կտրած կենդանեաց ու տնկոց մնացորդ) չեն պարունակեր: Ոչ Տփղիսի եւ ոչ Սեւանայ ծովուն մէջտեղի պայծառագոյն կիրը, ոչ Տրապիզոնի թերթաքարները, եւ ոչ ալ Զմիւռնիայի

քովի ահագին կիրք քարացեալներու նշան մը կը
ցուցնէին, թէպէտ եւ շատ փնտռեցի, եւ չեմ
գիտեր որ արդեօք ուրիշ երկրագիտաց զննութիւն-
ներն աւելի բախտաւոր եղած են: Աս կողմերը յաճախ
տեսնուած պայծառագոյն կիրք մեր Ալպերուն կրին
համեմայն է, որն որ նմանապէս քարացեալ չունի:
Բայց Պարսից Նախիջեւանի մօտ սահմանին վրայ,
Արարատայ հարաւային կողմը, Պայազխտի ու Թօփ-
րագգալէի լեռնադաշտերուն մէջ, ինչպէս նաեւ
Տիատինի հովիտն եղած թանձր կիրք, զորն որ խայ-
տակուճը պատուած ու մէջէն անցած է, բաւական
հարուստ է քարացեալներով: Ամենէն շատ քարա-
ցեալ ան կրալեռը գտայ, որն որ Տաճկաց ու Պար-
սից սահմանին վրայ Պայազխտի լեռնադաշտը Բիլիսէ-
ֆէնթէն կը բաժնէ: Սակայն դժբախտութեամբ Ա-
սիայի պինդ վտանգաւոր տեղերէն մէկն է աս կողմն,
ինչպէս նաեւ Պայազխտի բոլորտիքը, որոնց երկրա-
բանական զննութիւնը խիստ օգտակար է ու հետա-
քըքրական: Այլրագ ու աւազակ Բիւրտերն աս
վայրենի ու լերկ լեռանց վրայէն ապահովութիւնը
բոլորովին կը վերցնեն: 1844ին Օգոստոսի 12ին
երբոր Պայազխտի քով աղուոր կտին կամ սան-
տրակ (Նարաֆ) մը ժայռէն փրցնելու կը ջանայի,
անդիէն 3 Բիւրտ վրաս յարձակեցան եւ միայն դի-
պուածով մը մահուընէ պրծայ: Աս վատաբախտ
դէպքն ու անոր վրայ եկած հիւանդութիւնը զիս
ստիպեցին, որ Արարատի հարաւային կողման զն-
նութիւններուն միտքս դրածէ՞ս աւելի շուտով վերջ
տամ: Գտնուած քարացեալ ժամուկներուն գըլ-
խաւոր տեսակներն են նետարդ, սանտրակ եւ ծա-
կորդ կամ ծակափոր: Արաժայուը կարծր եւ ժող-
վելու ժամանակս կարճ ըլլալով՝ քիչ բան կըցայ
ձեռք բերել: Պայազխտի քով գտնուող կրալեռանց
շարքերուն քննութիւնը մեծ մտադրութեան ար-

Ժանի է, ինչու որ հրաբխային զօրութեամբ վեր ելած խայտակոճն այլեւայլ տեղ նոյն պայծառագոյն ու խեցեշատ կիրը ճեղքած ու թափ անցած ըլլալուն՝ ով որ հրաբխային քարերուն կրի վրայ դրպչելու ատեն ըրած ազդեցութիւնը քննել ու իմանալ կ'ուզէ նէ, հոս կրնայ յայտնի տեսնել: Պայազիտի վերի կողմանց լեռներուն կարմրկեկ ու ծիրանեգոյն երեւոյթը կարելի է որ երկաթի ժանգը ծծելով տոգորուելէն յառաջ եկած ըլլայ: Հոս խայտակճեայ մարմնորին հրաբխային զօրութեամբ վեր նետուիլը կ'երեւայ թէ մեծ սաստկութեամբ եւ ուժգնութեամբ եղած պիտ'որ ըլլայ, վասն զի կրերուն շարքն ու խաւք ոլորովին պտտուեր, ապականեր է, ու քարացեալներու հետք մ'ալ չէ թողուցեր:

Անտարակոյս է որ Տիատինի ձորն ու Թօփրագագալէի լեռնադաշտին մէջ գտնուած բաց գունով կիրը, որն որ տափարակ խեցիներով կամ խեցեմորթներով լեցուն է, Պայազիտի կրալերան կազմութիւնն ունի. նոյնը հաւանականութեամբ կրնանք ըսել Ճորոխի վերին ձորէն մինչեւ Բաբերդ (Բայքոօրդ) գտնուած կրին համար: Բայց ասկից բոլորովին տարբեր է ան կրի կազմութիւնը, զորն որ Աիւմիւշխանէի ու Բալախոռ գեղին մէջ 6000 ոտք բարձրութեան վրայ գտայ: Հոստեղի լեռանց կատարներուն վրայ պզտիկ սարատափներ կան, որոնց կիրը բոլորովին թաթահարթ կամ հորիզոնական շիտկութեամբ խաւ խաւ շարուած է: Շատ կը ցաւիմ որ տկարութեանս պատճառաւ աս առեղծական ու առականոր կազմութիւնը չկրցայ ի մօտուստ քննել: Բայց զամանակին ան կ'երեւայ որ այսչափ բարձր տեղ հրաբխային խայտակճին վրայ նստող կիրը շարքի եւ կարգի կողմանէ ամենեւին խառնակութիւն մը չիցուցներ, այլ ամէն մէկ խաւը կանոնաւոր մնացեր է ու իրարմէ ալ կրնայ զանազանուիլ, որպէս թէ խայ-

տակուճը հրաբխային զօրութեամբ այնչափ բարձր տեղ ելլելէն ետեւ՝ աս ալպեան գօտին նորէն ծովը ծածկած՝ եւ հանդարտ կերպով իր դիրքին ու մրուրը շարք շարք դիզած ըլլայ: Հոս քիչ ատեն կենալով՝ չկրցայ քննել թէ տա զարմանալի կազմութիւնը քարացեալ ալ ունի, բայց ապագայ ճամբորդներուն ամենայն ուժով կը յանձնմ հայաստանի աս մասին քննութիւնը:

Տիւպուա տը Մոնբէռէօ Հայաստանի հիւսիսային սահմանին վրայ Ախալցխէի մօտ երկրիս երրորդական կամ վերջին կազմութիւնները¹ գտաւ, որոնց մէջ շատ քարացեալ խեցեմորթներ ալ կան: Աս կազմութիւնները գրեթէ ընդապենեան² կազմութիւններուն կը նմանին եւ իրենց քարացեալներն ալ՝ մանաւանդ տեսակ մը ճաճանչարդը³ նոր ու քննելու արժանի են: Քարթուն Գաղղիացի բովագործը (հանք հանող, մարէնի)՝ որ Ռուսաց տէրութենէ խրկուելով՝ երկայն ատեն Ախալցխէ գաւառը կեցաւ ու զննեց, ինծի ալ հաղորդեց իր քննութեանց պտուղը: Հայաստանի աս կողման հրաբխային կազմութեանց վրայ թէ՛ երրորդական ժամանակի շարքեր ու թէ՛ ալեբեր⁴ հողեր դիզուած են: Զանազան նիւթերէն զատ հոս կայ սաստիկ առատ պաղլեղի (շափ) հող⁵ ճերմակ

¹ Երկրաբաններն երկրին կազմութիւնը գլխաւորաբար երեք ժամանակի բաժնելով՝ ամենէն առջինին կամ վարինին կ'ըսեն Առաջին կամ Նախնական (Primaire), միջինը կ'անուանեն Երկրորդական (Secondaire), ու վերջինը՝ Երրորդական (Tertiaire), որն որ ամենէն վերինն է:

² Գլ. Sub-apennin. Ապեննան լեռանց ստորոտին վերաբերեալ:

³ Գլ. Radiaires. Ճառագայթաձեւ խեցեմորթներ են:

⁴ Զրերուն, գետերուն, հեղեղներուն բերած ու դիզած հողին կամ աւազին Եւրոպացիք կ'ըսեն Terre alluviale, զորն որ մենք կրնանք շատ յարմարութեամբ Ալբիէ հող. Ալբիէ երկիր անուանել:

⁵ Գլ. Alumine, Terre alumineuse.

եւ վերջին աստիճանի մաքուր ու դեղեցիկ: Աս գիւտին վրայ Պր. Քարթուոն իրաւամբ զարմացեալ ու սքանչացեալ էր, որովհետեւ քիչ գտնուելու նիւթ է: Ինք որ այնպէս հմուտ բովագէտ է, կը հաստատէ թէ երկրիս իրեն ծանօթ եղած տեղերուն մէջ ասանկ ընդարձակ, թանձր ու ասանկ մաքուր պաղլեղի հող չի գտնուիր: Քարթուոնին աս զարմանալի հանքը գտած տեղն է Ախալցիխէէն 15 ռուսական մղոն հեռու: Քարթուոն Ախալցիխի քով նոյնը գիտեր է, ինչ որ ես Արարատի ու Արագածի վրայ, այսինքն լաւան ծածկեր է լերանց ամէն կաւային ու կրային նիւթերուն երեսը, որոնք շատ տեսակ խեցեմորթ ունին եւ մասնաւորապէս տեսակ մը Ուլականջ¹, որ մինչեւ հիմայ դեռ կասպից ծովուն մէջ կ'ապրի:

Խայտակուճը չէ թէ միայն Հայաստանի լեռնագաւառին եւ Տաւրոսի, այլ նաեւ Կաւկասի, արեւմտեան Պարսկաստանի ու բոլոր յառաջակողմեան Ասիայի մէջ ամենէն յաճախ ու տարածուած քարն է, բայց գուցէ ամէն տեղ մի եւ նոյն ատեն գոյացած չըլլայ: Իր բաղադրութիւններն ու զանազանութիւններն այնչափ են որ աս քարին ճիշդ հանքաբանական սահման մը տալը խիստ դժուար է: Հայաստանէն բերած հրաբխային քարերուս հաւաքման մէջ, զորն որ զանազան բազմահմուտ հանքաբաններու եւ տարրալոյծներու առջեւ դրի՝ սահմանելու եւ որոշելու համար, այլեւայլ կտորներն որ մի եւ նոյն ժայռին երեսէն էին, տարբեր կազմիչ մասունք ունէին. ասոր հակառակ շատերուն ալ, որ իրարմէ խիստ

¹ Հայաստանի քանի մը կողմերը Ձխռն Խիւնի կ'ըսեն Միտային, իսկ ուրիշ տեղեր նոյն խեցեմորթը Ուլականջ (պզտիկ պծի ականջ) կ'անուանեն. աս վերջին բարդեմեղի աւելի յարմար, վայելուչ եւ գործածելու ալ աւելի դիւրին կ'երեւայ:

հեռու լեռներէն առնուած էին, բաղադրութիւնը բոլորովին իրարու նման էր: Սեւանայ ծովուն քովի ու Վարնոյ լեռնադաշտին իրարու կից ժայռերը զարմանալի կերպով իրարմէ կը տարբերին, ուր որ Տրուպիզոնի եւ Զմիւռնիայի, Արարատայ ու Վաւկասու կողմերը ժողոված խայտակուծա թէ արտաքին տեսքին եւ թէ ներքին բաղադրութեան կողմանէ իրարու անանկ նման են որ մարդ չիկրնար զանազանել: Հոմբօլդ աս քարերուն փոխուելուն, իրարու հետ խառնուելուն ու իրարու տեսակին մօտիկնալուն վրայ շատ զբանչելի կը գրէ: «Մի եւ նոյն քարը, կ'ըսէ, կրնայ իր բաղադրութեան կողմանէ փոխուած ելեալ. կրնայ ըլլալ որ այլեւայլ էական մասեր իրմէ ելած ու նոր նիւթեր հետը միացած ըլլան, բայց ասոր համար երկրաբանի մը առջեւ նոյն քարը զատ տնուն չ'ունենար: Մէկ ինքնագլուխ կազմութեան նոյն ըլլալուն ամենէն էական նշանն է իր շարքը, դիրքն ու տեղը, զորն որ կազմութիւններուն ընդհանուր կարգին մէջ կը բռնէ», : Հրաբխային քարերուն յանկարծական փոփոխութիւնը շատ զարմանալի կ'երեւայ Պոնտոսի եզերքը, Թրակեան Բոսպորոսն ու Վողքիսեան ափունքը: Տրապիզոնի կողմերը կուռ ու խիտ ժայռերը, որոնք թէպէտ իրարու հետ քովէ քով են ու մի եւ նոյն ատեն ստորերկրեայ վառարանէն դուրս ելած կ'երեւան, այսու ամենայնիւ բոլորովին տարբեր շարք ու տարբեր բաղադրութիւն ունին: Յառաջակողմեան Ասիայի մէջ խայտակծի բարձր լեռանց դուրս ելլելովը ներքին վառարանին գործողութիւնը չգզցուեցաւ: Ինչպէս շատ համացեղ կազմութիւն ունեցող լեռներուն՝ զոր օրինակ Անտեան գօտեղին մէջ, նոյնպէս հոս ալ երկայն տեւած է անազգեցութիւնը, զորն որ մեր մուրաւիկին (Երկրին) հրավառ սիրտը ատեն ատեն իր սառած կեղեւին վրայ ցոյց տուաւ: Ընդերկրեայ զօրութիւններն որ երկրին

Հայաստան «Բարձր օդաւէտ լեռնակղզի մըն է»,
ինչպէս Ռիդզեր Գերմանացի մեծ աշխարհագիրը
շատ շիտակ նշանակեց: Գարատափներուն ու սարա-
տափներուն միջին բարձրութիւնը ծառերուն վեր-
ջին ու վերին սահմանը հասնելով՝ իրենց վրայ
տնկերու զօրաւոր աճողութիւն կամ բարձր անտառ
չկայ: Միայն աղէկ պատասպարուած տեղուանք՝ ան-
տառ ըսելու չափ ծառերու բազմութիւն մը կ'ըլլայ.
ինչպէս փոքր Մասիսու 7800 ոտնաչափ բարձր տեղը
կայ ցարասույ (չուշ աղաճէ) անտառակ մը, նոյնպէս
Սուկաւ լեռան 8200՝ բարձր մէկ հովտին մէջ ցարա-
սի, երբեուն կաղամախի (աֆ Ռօշ աղաճը), ուռի
(«էօյէ-») եւ վարդենի տնկերու անտառ մը: Հայաս-
տանի հիւսիսային եզերքն ու իր լեռներուն դէպ ի
Վրաստան եւ բուսակէտ Կողքիս դարձած դին ան-
տառաշատ է: Երասխայ ընդարձակ դաշտերուն վրայ,
որ Արարատայ արեւելեան կողմը կ'իյնան, անտառ-
ներուն ջնջուիլը կ'երեւայ թէ աւելի պատճառած է
կանուխ մշակութենէ ու բնակութենէ, քան թէ
դրից բարձրութենէ, օրովհետեւ ան կողմերը ծա-
ռերուն վերջին ու վերին սահմանէն բաւական վար-
են: Երիւանի պարտէզներուն եւ մզկիթներու բակե-
րուն մէջ սօսիներն (չըւարձերն) ու պտղատու ծառե-
րը շատ աղէկ յառաջ կու գան, իսկ անտառային
փայտերը նոյն տեղերէն բոլորովին աներեւոյթ եղած
են: Կարնոյ, Հասանգալէի, Կումրիի ու Ախալցխէի
ցրտագոյն լեռնադաշտներն ու դարատափները, որ
իրենց խիստ օդին համար բաւական ծանօթ են, ա-
րուեստական խնամով ու մշակութեամբ միայն քա-
նի մը տեսակ ծառեր կը բուսցընեն: Կարին քաղ-
քին պարտէզներուն մէջ միայն կաղամախիները շատ
աղէկ յառաջ կու գան: Իսկ մրգաբեր ծառերը ճրու-
ղած եւ վտիտ տեսք մ'ունին. իրենց պտուղները
շատ քիչ անգամ հասուն կ'ըլլան, եւ իրենց հա-

սակը գետնէն 12—14 ոտնաչափ վեր բարձրանալուն պէս՝ կատարնին կը սկսի ծռիլ, որովհետեւ օդը նոյն բարձրութեան մէջ իրենց համար շատ ցուրտ է, աս պատճառաւ դարձեալ կը սկսին դէպ երկիր դառնալ, ուսկից որ բովանդակ տաքութիւնը վեր կ'ելլէ:

Սուկաւ լեւան 8200 ոտք բարձր հովտին ցարասիներու անտառակը (որ հիւսիսային լայնութեան 40երորդ աստիճանին տակն է) Հայաստանի ծառերուն ամենէն վերին ու վերջին սահմանը համարելու ըլլանք նէ ալ, այսու ամենայնիւ խիստ շատ բարձր կը գտնենք՝ Հելուետիայի Ալպեան լեռներուն հետ բաղդատելով, ուր 46—47 աստիճանի տակ՝ ծառերու ամենէն բարձր սահմանն է 5500 ոտնաչափ: Հելուետիա Սուկաւ լեռնէն միայն 6—7 աստիճան աւելի հիւսիսային կողմն իյնալով՝ իր ծառերու վերին սահմանը Սուկաւինէն 2700 ոտնաչափ վար ու պակաս է, ուր որ Նորուեգիայի 60—61 աստիճանի տակ գտնուած տեղուանքը Հելուետիայէն 14 աստիճան աւելի դէպ ի հիւսիս ըլլալով՝ իրենց ծառերուն պինտ վերին սահմանը Հելուետիայինէն միայն 2300 ոտնաչափ տարբերութիւն ու պակասութիւն ունի: Կարելի է թէ ան ամէն պատճառները¹, որոնք Հայաստանի լեւանց վրայ մշտնջենաւոր ձեան գիծն այնպէս կը բարձրացընեն, ծառերուն պինտ վերին ու վերջին սահմանին ալ անսովոր բարձրութիւն մը տան: Շատ անգամ զարմանալի են օգաբաժնին եւ տնկերու բարձր դիրքին մի եւ նոյն լեւան այլեւայլ կողերուն ու դարատափներուն վրայ իրարմէ ունեցած տարբերութիւնները, զոր օրինակ Արագածի հիւսիսային կողմը Կիւզէլտէրէի 6300 ոտնաչափ բարձր լեռնագագաթին վրայ հազիւ թէ գարի կը հասնի, ուր որ հարաւային արեւմտեան կողին 4254 ոտք բարձր տեղը՝ Հայոց Թալին եւ իշանակ գիւղաքաղաքներու

¹ Տե՛ս Երեմ 182—183:

փլատակացը մօտ՝ ժամանակաւ շատ այգեստաններ
 կան եղեր, ինչպէս որ դեռ այսօրուան օրս այգե-
 պաններու խրճիթներուն մնացորդէն կը յայտնուի:
 Սեւանայ ծովակին քովի ձորերուն մէջ, որ Ապիխի
 չափածին նայելով՝ ծովի երեսէն 5500 ոտնաչափ
 բարձր են, ցորենեղէններէն միայն դարի կը բուսնի,
 ան ալ շատ տարիներ հասուն եւ ատոք չ'ըլլար:
 Կարնայ 6100 ոտք բարձրութեան մէջ, ուր ընդարձակ
 լեռնադաշտերուն պատճառաւ ամառը շատ տաք
 կ'ըլլայ, նոյն իսկ ցորենը կը հասուննայ Օգոստոսի
 մէջ եւ առատ հունձք կու տայ: Վանայ ծովուն մօտ
 եւ Բիւրակնեան լեռան վրայ ցորենը 6500 ոտք բարձր
 տեղ ալ կը յաջողի եղեր: Աս ցորենի սահմանին
 բարձրութիւնը միջին Եւրոպայի հետ համեմատելով՝
 ծառերու սահմանին վերին բարձրութենէն շատ աւելի
 զարմանալի է: Ալպեան լեռանց հիւսիսային կողմերը
 ցորենը կը յաջողի մինչեւ 3400 ոտք բարձր տեղ ու
 անկից վեր չէ. իսկ հարաւային դին 4500': Պիւրե-
 նեան լեռանց վրայ՝ որ Հայաստանի լեռներէն 3 աս-
 տիճան աւելի դէպ ի հիւսիս կ'իյնան, հիւսիսային
 կողմը ցորենին վերջին սահմանն է 4900', հարաւային
 կողմը 5200': Հայաստանի մէկ քանի դեհերը, մա-
 նաւանդ Վանայ ծովուն քով եւ Մասիսու Ս. Յա-
 կոբայ ձորին մէջ այգիները մեր Եւրոպայի Ալպեան
 լեռներուն վրայ եղածէն կրկին անգամ աւելի բարձր
 տեղ աղէկ յառաջ կու գան, ինչու որ եւրոպական
 Ալպերուն հարաւային դին որթատնկոց (սաճայթ) վեր-
 ջին սահմանն է 2500 ոտնաչափ բարձրութիւն:

Հայաստանի լեռանց միայն հիւսիսային եզերքը,
 այսինքն դէպ ի վրաստան ու կողքիս դարձած կո-
 ղերուն վրայ բարձրահասակ ծառերու թանձր ան-
 տառներ կան: Հոս 1000 ոտնաչափ բարձրութենէ
 անդին տիրող ծառն է ոփի¹: Ասիկայ ծովու քովե-

¹ Լտ. Fagus. Գղ. Hêtre. տճկ. Գալլէ կամ Կիւրիէ տղճը:

բը շոճւոյ (չափ) տեսակներէն աւելի վար տեղեր ալ կ'աճի, իր անտառները շոճիի հետ մի եւ նոյն բարձրութեան մէջ կը մնան: Պաթուկի ու Սամսոնի քով գեղեցիկ ուփիներ կը բուսնին գրեթէ անմիջապէս ծովուն քով. իսկ իբրեւ անտառ կը հասնին մինչեւ 1000—4000': Ասիկայ Շուվին հաստատածը կը ցրէ, որ կ'ըսէ թէ շոճին Եւրոպայի մէջ ցած տափարակներու վրայ չի գտնուիր: Առտանդուպօրի մօտ Պելկրատ գեղին շոճիներն այնչափ բարձր գրից մէջ չեն, ինչպէս Շուվ ռիալմամբ կը կարծէ: Ստոյգ է թէ շոճւոյն ասանկ տեղ բուսնին Խաւիկայի մէջ բուսած գիրքին հետ չի համաձայնիր, որ տեղ շոճին հօն կը սկսի, ուր երկրագործութիւնը կը դադրի: Ապրուցցոյի մէջ հիւսիսային լայնութեան 42—43 աստիճանի տակ շոճւոյն գօտին 3000—5000 ոտնաչափ բարձրութեան վրայ է: Սեւ ծովի հարաւային աւրեւելեան եզերքը գրեթէ մի եւ նոյն լայնութեան աստիճանին տակ անկից 2500 ոտնաչափ աւելի ցած տեղեր ալ շոճի կը բուսնի, իսկ իր հասած վերջին բարձրութեան սահմանը Հայաստանի ու Ադլքիսի լեռանց կողերուն վրայ գրեթէ Խաւիկայինին պէս է, այս ինքն 5200 ոտնաչափ, բայց շոճիներուն անտառները միայն ուփներուն հետ աս բարձրութեան սահմանն ունին, սակայն զատ զատ շոճիներ ասկից աւելի բարձր ու մինչեւ 6000 ոտնաչափէն վեր եղած տեղուանք գտայ: Միայն թէ աս ալ հաստատուն է որ շոճիները բազմութեամբ ու անտառօրէն 3000 ոտնաչափ բարձրութեան մէջ կը սկսին ու իրենց շատութիւնը մինչեւ վերջին բարձրութեան սահմանը գրեթէ մի եւ նոյն կը մնայ: Հայաստանի ու Արտասանի մէջի լեռանց վրայ հացին (փշղոս-փոփն) ալ գրեթէ նոյն բարձրութեան սահմանն ունի (5200'): Ուփիէն ետեւ Հայաստանի պինտ յաճախ ծառն է վայրի կաղնի կամ թեզօշ (Դէշէ), բայց ասիկայ

**ԱՌԱՋԻՆ ԳԼՈՒԽ. ԹԻՖԼԻՂ. Պր. Աբովեան ու իր աշ-
կերաները: — Կոգի. լերանց երկու շղթան ու
թռչունները: Ինչա. ծառերն ու որսի կենդա-
նիկները: — Պիպիս, երկրին գիրքն ու որպիսու-
թիւնը. Ամայի դպրոց ու փտաած նաւ . . .** 1

**ԵՐԿՐՈՐԴ ԳԼՈՒԽ. Հայաստանի Թաթարներուն սոտ-
րագրութիւնը: Ստոտիկ պատիժ մը: Պիպիսէն
մինչեւ առաջին իջեւան եղած տեղւոյն ծառերը,
գեղեցիկ գիրքը, անասուններն ու թռչունները:
Անկից մինչեւ Ախաւ գտնուած քարերը: Եւ-
ղիսիներու երկու ընտանիք** 8

**ԵՐՐՈՐԴ ԳԼՈՒԽ. Սեւանայ ծովին անդին ու չափը:
Սեւանայ լիճը՝ հրաբխի բերան: Սեւան կղզին.
Վանքն ու անոր հիմակուան վիճակը** 14

**ՉՈՐՐՈՐԴ ԳԼՈՒԽ. Սեւանայ ծովին բարձր գիրքը, խո-
րութիւնը, աղէկ ջուրն ու ձկերը: Սեւանայ
ջրակայ տեղերուն հանքարանկան որպիսու-
թիւնը, բոյսերը, կենդանիները, մշակութեան
պակասութիւնը, բնակչաց քիչութիւնն ու աղ-
քատութիւնը** 19

**ՀԻՆԳԵՐՈՐԴ ԳԼՈՒԽ. Գեղեցիկ տեսարան: Զենկի
գետակին ձկերը: Հրաբխային քարեր: Երիւանայ
առուտուրը, գիրքն ու պատերազմական նշա-
նակութիւնը: Երիւանայ բերդը: Հայ գիւցաղն-
ուհի: Երիւանայ բնակչաց թիւն ու անոնց
աղքատ վիճակը: Կառավարութեան կերպ: Բա-
րեխառնութեան առտիճան: Երկրին բերքն ու
Հայոց մշակութեան ճարտարութիւնը: Մեծ ու
Փոքր Մառիս** 27

**ՎԵՑԵՐՈՐԴ ԳԼՈՒԽ. Երիւանէն Էջմիածին: Երասխայ
գալտ: Էջմիածնայ շէնքերը: Հայոց ճարտարա-
պետութիւնը: Էջմիածնայ յառաջուան փառաւ-
որութիւնը, հիմակուան նշանաւոր բաներն ու
գրատունը: Էջմիածնայ ձեռքով Ռուսին գիտած
շահը: Կաթուղիկոսի ընարութիւն: Էջմիածնայ
կրածները: Պարսիկ կուսակալի այցելութիւն:
Հայկական աղջին նշանակութիւնն ու Հայոց
կրօնական միութիւնը** 39

**ԵՕԹՆԵՐՈՐԴ ԳԼՈՒԽ. Գիտութիւն ու ազգային գա-
ղափար: Բողոքականներուն Հայոց համար ըրած
ջանքը: Ռուս պաշտօնատեսարց կեանքը: Կեղե-**

քելու հնարք: Հայաստանի ձիերուն աղնու-
թիւնը: Երասխայ հովտին բերքը: Գիշեր մը
թաթարներու մէջ: Երասխ գետին ստորագրու-
թիւնը

51

ՈՒԹԵՐՈՐԴ ԳԼՈՒԽ. Արսէն Սուլթան - Գեղաման
Հայ իշխան: Պարսիկ խանի վարդենոց ու ամա-
րանոց: Կեղեքելու դէմ ամբաստանութիւն:
Սեւջուր գետ: Ռուսաց աստիճանի բարձրու-
թեան նշանները: Ալի Բէկին զուարճալի պատ-
մութիւնն ու քիւրտերը: Ժանապատի վիճակ:
Մաքսանենգութիւն: Բազէով որսորդութիւն ու
բազէի կրթութիւն: Դիւակերպ օրսորդ: Դուռ-
նըֆօր: Արարատայ բուսաբանական եւ կենդա-
նաբանական վիճակը: Սեւջուր գետակին ա-
կունքը: Հրաբխային լեռ ու նիւթ: Որսական
թռչուններ

59

ԽՆՆԵՐՈՐԴ ԳԼՈՒԽ. Արարատայ վերջին բաշնկելուն
վրայ ռուսերէն աղբիւրներուն ձեռքով տարա-
ծուած լուրերուն անճշդութիւնը: Ականատես
Հայազգիներուն պատմութիւնը: Ակոռի գեղին
յառաջուան ծաղկեալ վիճակն ու բնակչաց թիւը:
Մասիսու ահագին հրաշնչութեան ստորագրու-
թիւնն ու տղւած վնասին հաշիւը: Երկրաշար-
ժին տարածութեան սահմանն ու աղբիւրներու
վրայ ըրած աղբեցութիւնը

78

ՑԱՄՆԵՐՈՐԴ ԳԼՈՒԽ. Արարատայ երկրորդ սարսափելի
արկածն ու տղմուտ ջրոց հեղեղը: Դուռն նե-
տուած հողերուն ու քարերուն բնութիւնը:
Սուրբ Յակոբայ վանքին տեւքը: Զրերուն ու գե-
տոյն կաւին վրայ զննութիւն: Աւերակաց թան-
ձրութիւնն ու տարածութիւնը: Արարատի փլած
չըլլալուն նորանոր ցոյցեր: Հրաբուխ լերանց
վրայ ծանօթութիւններ: Արարատայ ներքին
ամբաւ ջրերը, արտաքին փայլուն երեսը, վերին
ծայրն ու բնապատմական վիճակը: Արագած ու
Արարատ լերան բաղդատութիւնն ու Արագա-
ծին անհամեմատ գեղեցկութիւնը

89

ՄԵՑԱՍԱՆԵՐՈՐԴ ԳԼՈՒԽ. Արագած լերան գեղեցիկ
դիրքը, դարատափները, ջուրը, բոյսն ու միջատ-
ները: Նոյն լերան մէկ կատարին վրայ երկրա-
բանական դիտողութիւն: Աւերջին քառիճանի
սիրուն ու ահբեղի դիրք

109

ԵՐԿՈՑԱՍԱՆԵՐՈՐԴ ԳԼՈՒԽ. Պաղարճակ գեղին Հայ
բնակչաց վրայ տեղեկութիւն: Տեղւոյն բերքն
ու հարկը: Հայ թիկնապա՛հ մը

115

ԵՐԵՖՏԱՍԱՆԵՐՈՐԴ ԳԼՈՒԽ. Պարոկաոտանէն ու
Յաճկաստանէն Ռուսաստան գաղթող Հայերուն

պատմութիւնը: Արագած լեռան վրայ բնակած ընդհանուր Հայոց թիւն ու վիճակը: Արագածի անհամեմատ գեղեցիկ գիրքը	119
2ՈՐԵՔՏՍԱՄՆԵՐՈՐԴ ԳԼՈՒԽ. Արագած լեռներէն մինչեւ Կուսմրի երկրաբանական զննութիւն: Նոր Կուսմրի կամ Աղէքոանդրուպոլիս քաղքին ստո- րագրութիւնն ու բնակչաց թիւը: Կուսմրի բեր- դին ամրութիւնն ու մեծութիւնը: Գլխաւոր տեղեաց իրարմէ ունեցած մշտական հեռաւա- րութիւնը: Դարձ ի վրաստան: Կուսմրի մօտ երկրին բոլորը. փայտի պակսութիւն: Հա- մամլը գեղ	124
ՀՆԳԵՏԱՄՆԵՐՈՐԴ ԳԼՈՒԽ. Հոստեղաց ձիերուն գերազանցութիւնը: Գրչաի գեղն ու անտառ- ները: Հանքային ջուրը: Յերգէր գեղն ու Լա- լուար լեռինը: Ռուսի Հայաստանին բնակչաց թիւը	130
ՎԵՇՏԱՄՆԵՐՈՐԴ ԳԼՈՒԽ. Լեռանց գեղեցիկ տե- սարան: Գոռազ, Սուկաւ, Ծաղկէղ ու Ցան- տուռակ լեռինը: Առոնց հրաբխային նիւթերը	136
ԵՕԹՆԵՒՏԱՄՆԵՐՈՐԴ ԳԼՈՒԽ. Պայազիս քաղաքը: Լեռանց կիրն ու երկրաբանական որպիսու- թիւնը: Աւազակ քիւրաւերու վրայ մէկքանի ծա- նօթութիւններ	141
ՈՒԹԵՒՏԱՄՆԵՐՈՐԴ ԳԼՈՒԽ. Մուրաաշիր գետակ: Մասիսին հարաւային կողման քարերը: Քրդաց ամառուան ու ձմեռուան կեանքը: Արարատայ վերջին ժայթմանը վրայ նորէն քանի մը ծանօ- թութիւն: Արարատայ փորն ու վրայի ամպու- թիւնը	147
ԻՆՆԵՒՏԱՄՆԵՐՈՐԴ ԳԼՈՒԽ. Արարատ ճամբիս հրա- բուխ է: Լեռան գլուխն ելլելու փափաք: Արա- րատայ հարաւային կողման ծաղիկները, ծա- ռերն ու կենդանիները: Պայազիտի քովէն Հայ- աստանի լեռանց անհամեմատ ահեղ տեղքը: Հայաստանի հին ու նոր հրաբխային վիճակին վրայ խորհրդածութիւններ	151

Յ Ա Ւ Ե Լ Ո Ւ Ա Մ


Ա. ՕԳԻ ԲԱՐԵՒԱՌՆՈՒԹԻԻՆ. Բարձր Հայաստանի օդին Միջագետաց ու Պոնտոսի օդին հետ բազ- դատութիւնը: Ցաքութիւնն ու ցրտութիւնը: Ցաւուղ եղանակները: Բերքերուն ու պտուղնե- րուն հասնելու առեւնները: Ցեղացմունք: Հայ- աստանի օդին առողջականութիւնը	161
--	-----

Բ. ՀԱՅԱՍՏԱՆԻ ԵՐԿՐԱՐԱՆԱԿԱՆ ՎԻՃԱԿԸ. Երկրի մը ձեւն իր լեռներէն է: Հայաստանի լեռանց կաւկասի հետ բազմաառութիւնն ու նմանութիւնը: Հայոց լեռներուն լայնահաս գիրքն ու լեռնագաղտերը: Զրոյ առատութիւն: Հայ լեռանց շիակութիւնն ու կրճերուն բարձրութիւնը: Սպերէն մինչեւ խնուս լեռանց չորս գօտի ու տնոցմէ բիւծ գետերը: Գետերուն իրարու հակառակ շիակութիւնը: Քիչ լեռնային լճեր: Հայաստանի լեռանց վրայ մշտնջենաւոր ձեան գծին բարձրութիւնը: Սառնառար: Հանքային աղբւրներու շատութիւն: Հայաստանի լեռնագաղտերուն հորիզոնական շիակութիւնն ու ծակոտէն բնութիւնը: Հրաբխային լեռանց նիւթը. Հատաբար. Խայտակոճ. Կիր: Կիւմիշլիսէի ու Բալախոսի մէջ զարմանալի երեւոյթ: Պաղլէզի հող: Հրաբուխներու երկարատեւ գործողութիւն: Սիւնիկ զարմանալի լեռը: Ցանառու աւակ, Արարատ եւ Ահմանկան լեռանց հրաբխային նիւթերն ու անոնց անհամեմատ աարածութիւնը

172

Գ. ՀԱՅԱՍՏԱՆԻ ՏՆԿԱՐԱՆՈՒԹԻՒՆ. Հայաստանի բոլորեւն առատութեան պատճառները: Հոնտեղի ծառերուն եւ բոլորեւն վերջին սահմանը, գլխաւոր անտառային ծառերն ու անոնց գաւառները: Լեռնավարդ ու մրտավարդ: Հայաստանի բուսոց առատութիւնն ու զանազանութիւնն ու անոր պատճառը: Հայաստանի բուսոց Հելուէտիայի ու Դիրուլի ալպեան լեռանց տնկերուն հետ ունեցած նմանութիւններն ու զարմանալի յատկութիւնները: Ծաղիկներուն գեղեցիկ գոյնագոյն նարօւր: Տնկերուն եօթը գաւառները :

202



ՈՒՂՂԻԼԻՔ ԵՒ ՅԱՒԵԼՈՒԱԾ

Երես 4, Տող 25 պառկացանք խորհրտ պառկեցանք

„ 68. Ծանօթութեան վրայ աւելցուր. լա. Perdrix saxatilis (քարային կաքաւ), գերմ. Steinhuhn (քարահաւ): Եւրոպացի թնապատուներուն առ բաւը մեր Սալոնիկի ստուգաբանութեան շատ յարմար կու գայ. եւ կարելի է որ՝ նշանակութիւնն ալ նոյն ըլլայ:

„ 82. Տող 35 արպեմիցին խորհրտ Փարպեցին

„ 172. „ 16 անհամատ „ անհամատ



UNIVERSITY OF MICHIGAN



88

Digitized by Google

